

УЧАСНИК

644
1963/5

25



1

п ю б з ю м п 1 9 6 3



ლიტერატურისა და ხელოვნების დარგში 1963 წლის ლენინური პრემიის მოსაპოვებლად შერჩეულ ნაწარმოებთა შორის წარდგენილია ალექსანდრე გრიბოედოვის ძეგლი, შესრულებული ქართველი მოქანდაკის მერაბ მერაბიშვილის მიერ.

ცისკარი

ლიბერატურულ-მხატვრული და
საზოგადოებრივ-პოლიტიკური
ჟურნალი

საქართველოს ალკა ც.კ.-სა და
მწერალთა კავშირის
ორგანო

9451.

1

იანვარი

1 9 6 3



შენათარსი

ტაგუ მუშურისვილი	ბრიგოლ აბაშიძე	
აქა მშვიდობა. ლექსი	8 დიდი ღამე, რომანი. გაგრძელება	54
მეღება კახიძე	იან ოტჩენაშვილი	
ან კი რა იცის. ლექსი	5 რომეო, ფულიეტა და წყვილიადი. შოთხრობა. ჩეხურიდან თარგმნა თ. ჯავახიშვილმა	81
თეიმურაზ აბულაძე	6 ●	
ლექსები	ქრიგოია და ვუხლიყისვიკა	
ხუტა ბაგუა	7 გოგი ბაჩიჩილაძე	
ლექსები	„ამოდის, ნათდება!“	105
ვახტანგ ჯავახიძე	10 ფილიპ ბერიძე	
ლექსები	„თითქოს ლექსია, მაგრამ მაინც არ არის ლექსი“...	109
რეზო ამბაშვილი	13 არლი თაყაიშვილი	
შვილი. ლექსი	წასაშლელი სტრიქონები	116
გიორგი გიგაური	14 სარჯის ცანიშვილი	
გზები. ლექსი	დავით გურამიშვილი	125
დავით ჯავახიშვილი	16 აბაკი ბაჭრაძე	
მშვიდი დილა. მოთხრობა	„მე, ბებია, ილიკო და ილარიონი“	132
გივი გეგეჭკორი	24 ●	
მზიანი დღე. პოემა	მეხენიკეზა და გეჟიკა	
ოტია იოსელიანი	83 იაროსლავ კუტიკი	
ჯარისკაცი დაბრუნდა. მოთხრობა. დასასრული	სინდისი. თარგმნა ვერა ბუაჩიძემ	146

რედაქტორი კონსტანტინე ლორთქიფანიძე

სარედაქციო კოლეგია:

გურამ გვერდწითელი, კარლო კალაძე, მუხრან მაჭავარიანი, როინ მეტრეველი, ჯანსუღ ჩარკვიანი (პ./მგ. მღვივანი), გიორგი ციციშვილი, ვახტანგ ჭელიძე, სერგი ჭილაია, თამაზ ჭილაძე, ლაშა ჯანაშია.

ეურნალი გაათორმა მხატვარმა გულდა კალაძემ

გაგუ მუხურობილი

აქა მუვილოვა

სამოცდასამის შეირხა კარი,
ისრის ნისკარტი აუენკავს წამსაც
და შეჩვეული მეგობრის დარად
დამენანება ძველი წლის წასვლა.

დღე დღევანდელი წარსოლად იქცა,
დღე დღევანდელი დაღლილ ფრთებს კეცავს...
კიდევ ერთი წლით დაბერდა მიწა,
კიდევ ერთი წლით დაბერდა ზეცა.

დინჯად მობრძანდა ახალი წელი,
ახალი ლტოლვა,
ახალი წინსვლა
და გიდღეგრძელებთ კრძალვით და ღელვით,
რასაც მოელით ახალი წლისგან.

ნაღვერდლიანი გამრავლდეს კერა,
იხაროს ახლად დარგულმა ნერგმა,
ყველგან სკარბობდეს სიცოცხლის ფერი
და მწვანე ფერი მეფობდეს ყველგან.

მე ვადღეგრძელებ იმ კაცის იმედს,
მე ვადღეგრძელებ იმ კაცის ნატვრას,
ვიწყ რკინის მადანს
ცივისა და მძიმეს
საკუთარ ხელის სითბოსაც ატანს.

იგი თვით მოსპობს სიცოცხლის მომსპობს
მკლავით მაგარით,
მკლავით ძლიერით;
მერე ღიმილით გახედავს კოსმოსს,
მერე მიიტანს მარსზე იერიშს.

ტაბუ მუბურმუბილი * ასა მშვიდობა *

გათხოვდეს ყველა,
ითხოვოს ყველამ,
ყველა უშვილოს გაუჩნდეს შვილი.
არ გაუშავდეს სამოსი დედებს,
აკვნებს არასდროს დაეცეს ჩრდილი.

აქა მშვიდობა!..
მშვიდობა მანდაც!..
ისმის თოფების გრიალი ირგვლივ.
გავარდეს თოფი, გავარდეს, მაგრამ...
ახალწლის ღამეს გავარდეს იგი,
ქორწილის ღამეს გავარდეს იგი,
და ძეობაში გავარდეს იგი.





მერეა კახიძე

ან კი რა იცის

ამ დიდ ქალაქში არავინ გვიცნობს,
მაინც სუყველა ჩვენ გვითვალთვალეებს,
მე მაცინებს და მათეებს ის, რომ
ჩვენც შეყვარებულ წყვილად ჩაგვთვალეს.

მათ რა იციან, სხვა დარდი მლახვრავს,
არ გვიფიქრია არცერთს ამაზე,
ასე რომ იყოს, ჩემს დასანახად
არ გააყოლებ თვალეებს ღამაზეებს.

ასე რომ იყოს, განა გადავჭრით
თოვლით გაყინულ ქუჩებს სირბილით,
შენ არ დახედავ საათს ათასჯერ,
ხმაში გექნება ჩემი სირბილე.

ან კი რა იცის სხვა ქვეყნის კაცმა
ჩემი სამშობლოს მზე და ამინდი,
რომ თუ ქართველი სამშობლოს გასცდა,
მაინც სიყვარულს იქით არ მიდის.





თეიმურაზ აბუღაძე

მზის ჩასვლა

მიდის და მიაქვს დარდი ფარული,
დიდი სიშორის და მოკრძალების...
მთელი დღე ხალხში ისიყვარულა
და მაინც უკან რჩება თვალები.

მიდის და მიაქვს საკუთარ ბედად,
მიდის და მიაქვს სხივების ჩქერით —
გადაბელილი მუხების სევდა
და შეთვალული ალუბლის ფერი.

☆ _____



ეს ქუჩა მიდის სასაფლაოსკენ,
ამ ქუჩას დიდი სევდა აწუხებს.
ჩამწკრივებული თეთრი ვერხვები
აშრიალებენ სურვილს გაუმხელს.

ეს ქუჩა მივა სასაფლაომდე
და იმას იქით არ გადაუხვევს...
აშრიალებენ ღუმლის ვერხვები
და ქუჩას დიდი სევდა აწუხებს...



სხვა გეგმა

ირემი

სხვა არაფერი არ მახსოვს, — მართო
 უცხო ქალაქში უხმოდ ყიალი.
 სხვა არაფერი... თვალეზი ფართო,
 ჩაფიქვებული და ნაღვლიანი.

მწერა ყვიროდა, გადავირევი.
 სახეზე ღამის გეფინა ჩრდილი.
 და შენ ტიროდი, ასე ირევი
 თავჩაქინდრული უცრემლოდ ტირის.

— რა საჭიროა, რა საჭიროა
 ეს ყოველივე!

და თვალზე ცრემლი
 მომადგა —
 ვიგრძენ, როგორც ჭრილობა,
 უსუსურობა შენი და ჩემი.

ვამბობდი: — წადი, გაიყინები,
 საშინლად თოვს და ცივი ქარია!
 შენ კი იდექი, როგორც ირემი,
 შერიგებული რკინის გალიას.

ირემო ჩემო, დარდდამჩნეულო,
 თავისუფლებას გადაჩვეულო,
 ბრალია-მეთქი, ვაი, ბრალია,
 ცხოვრება იქცეს ვიწრო გალიად!

ვთრთოდი, ვბორგავდი, ვწუხდი ძალიან..
 მოულოდნელად (ვით ჟრუანტელი!)
 დაიმხვრა ღამე—ბნელი გალია
 და ყველაფერი გახდა ნათელი.

ჩვენი გზა უცებ ორად გაიყო,
 აღარ მომენდე, არ დამიჯერე
 (თუ მოგაგონდა: სადღაც მთა იყო,
 სადღაც ტყე იყო!) და გაიჭერი.

და გაიჭერი ირმის ფეხებით,
 თავისუფლებას დაბრუნებული.
 და აგედევნენ ქარში ვერხვები...
 მხრებში მოხრილი, გაბრუნებული.

უხმოდ დავადექ ვიწრო ქვაფენილს,
 თვალს მჭრიდა თოვლის თეთრი
 სინათლე...

და უცხო იყო იქ ყველაფერი,
 და არც სადგური ჰგავდა წინანდელს.

☆ _____

რა სითეთრია

რა სითეთრია!
 ქათქათა ჭადრებს
 ძირს დაუხრიათ ფრთებივით რტონი.
 ნეტა, ეს დილა
 ამგვარად ადრე
 თუ გაათენა სითეთრემ თოვლის!

თეთრი — ქალები,
 თეთრი — მტრედები,
 თეთრი — ქარები,
 თეთრი — კედლები.

სითეთრე ჰყვავის,
 ვით მაგნოლია;
 თეთრია ყვავიცი,
 როგორც თოლია.

ო, არა შურის,
 არა ბოროტის, —
 კეთილი სულის
 გახსნა ბოლომდის.

მწამს, ახლა არვინ მოიპოება,
 ახსოვდეს —
 შავი არის რა ფერის,
 და იწერება თეთრად პოემა,
 მოთხრობა,

ლექსი
 და
 ყველაფერი.

ალალი — თეთრი,
 კეთილი — თეთრი,
 სალამი — თეთრი,
 მტრედივით თეთრი.

მიყვარხარ — თეთრი,
თეთრი — გაცნობა.
— ვინა ხარ?
თეთრი კაიკაცობა!

უმწიკელო ყოვლად,
ვით ბავშვის ცრემლი,
ეს თეთრი თოვლი
სულია ჩემი.

კარგებო, წყნარად!
კარგებო, ფრთხილად!
...თამამად, ჩქარა,
გათენდა დილა.

☆ _____ ☆

☆ ლექსები ბავშვთა ☆

წვიმა ძალაძში

ქარში იბრძვიან სველი ნაძვები
და ყიჟინებენ რტოები მათი.
ქუდს ისწორებენ მამაკაცები,
ძლივს იმაგრებენ ქალები მანდილს.

და ამოდრავებს წვიმა და ქარი
რადაც უაზროდ და ქაოსურად
მოხუცებს, ბავშვებს, კაცებს და ქალებს —
სუყველას, გარეთ ვინც გამოსულა.

ასფალტზე რბიან წვიმის წვეთები —
თაგუნებივით ეძებენ ხვრელებს.
თელაგზნებული ვეცავარ, ვსველდები
და ჯიბეებში არ ვმალავ ხელებს.

თითქოს ეს წვიმა — წვიმა როდია,
თითქოსდა მძაფრი ქარი არა ქრის;
მანც მიდიან, მანც მოდიან,
მანც მოძრაობს მთელი ქალაქი.



ვეზანს ჯავახიძე



როდენი: „ქარი“

მეგობარივით უყვარდა ქარი,
რომელიც ძვირი სტუმარი იყო,
ჰგავდნენ დღეები,

მშვიდი და წყნარი,
ერთფეროვანი პოეტის სტრიქონს.
ერთხელ დაირღვა დუმილი მკაცრი:
სარკმელს მოადგა ქარი — მოყვასი,
ფართოდ გააღო სარკმელი კაცმა
და შემოუშვა ქარი ოთახში.
არ ისვენებდა სული ვიღაცის,
რომელსაც ჰქონდა დიდი სათქმელი...
ფრთხილად მიხურა კაცმა სარკმელი
და შეიტყუა ქარი თიხაში.
თავის სურვილი ქართან დამალა,
არ დასცდენია სიტყვა რიოში,
არწყო წვეთ-წვეთად,
როგორც წამალი,
და შეაპარა მარმარილოში.
ბოლოს დამშვიდდა გული წყევლი,
რომელსაც უნდა: მიზეზი ჰქონდეს...
და ქარი —
ქვაში გამომწყვდეული —
აშრიალებდა ოცნების ტოტებს.

☆



მალე გავენდე,
მალე გამენდო,
თითქოს უეცრად გაიხსნა ფარდა;
ჩვენ ატაფერი გვქონდა საერთო,
მაგრამ რალაცა საერთო გვაკლდა.
ცოტა ვიარეთ უერთმანეთოდ,
ცოტა კი არა,
ძალიან ცოტა,

და ისე გვაკლდა რაღაც საერთო,
 თითქოსდა რაღაც საერთო გვექონდა.
 თავს ვაფარებდით ერთგულ ქალაქებს
 და ღამეს,

როგორც მყუდრო სარეცელს...
 რაღაც ვიპოვნეთ,
 რაღაც დავკარგეთ,
 და ერთმანეთის ხელებს დავეჭებთ.

☆ —————



მორჩილად სდუმან ჩემი ლექსები,
 რომლებიც ველარ გამოვარჩინე,
 ვერც დავივიწყე, —
 ვერ დავეხსენი
 მარადიული ძილით დასჯილებს.

ქარს გავატანე მათი ვედრება,
 გამოვარიდე მზიან ტალავებს
 და მოვეთარე, —
 ასე დედები
 ართვალ და ავთვალ შვილებს მალავენ.

მათ არ შეიძლოთ,
 მხოლოდ უნდოდათ,
 სათქმელი მაინც ეთქვათ მცირედი,
 შემომცქერიან ახლა უნდობლად:
 ვერ გამიმართლეს მშობლის იმედი.

თვით მისტირიან იმედს დათეროლილს
 და ნაადრევად დასმულ წერტილებს,
 და ესიზმრებათ რკინის სტამბები —
 მტვრიან უჯრებში გამოკეტილებს.

☆ —————



არის საღამო ვალსებით სავსე,
 ისმის ნაცნობი ზარების რეკვა...
 მე მინდა,
 მაგრამ ვიღაცა მასწრებს
 და ჩემზე უფრო ღამაზად ცეკვავს.

შენ ვერ პოულობ უბრალო მიზეზს
 და იმეორებ სიტყვებს ღვარძლიანს,
 მე კი გარწმუნებ ისევ და ისევ,
 რომ მთვრალი კაცი კარგი კაცია;

☆
 ლექსები
 ☆
 ჯავახიშვილი
 ☆

★ ლექსები ★
★ ჭავჭავაძე ★
★ მახტანო ★

რომ აღვიღია, თავისუფალი
ადამიანი დაეძვდეს უცებ;
რომ ღარიბია სუფრა უქალოდ,
რადგან ქალს თვალი ანგარიშს უწევს;

რომ შეჩვეული ხანგრძლივ მოლოდინს
ბავშვი თანდათან ხდება გულცივი;
რომ შეიძლება იყოს ბოროტი
კაცი, რომელსაც სახე უცინის;

რომ თვალი ზოგჯერ მისთვის უბრწყინავთ,
რომ დაანახონ უცნობს თუ ნაცნობს;
და რომ ჩვენ ხშირად ვამბობთ უწყინარ
ტყუილს, რომელიც ორთავეს გვაწყობს;

რომ ხშირად ვხატავთ მუქი ფერებით
ჩვენი ცხოვრების ლამაზ სურათებს;
რომ ხშირად ვფიქრობთ
და გიჟივინება,
თითქოს სხვებს ჩვენზე მეტად უმართლებს;

რომ გვინდა უცხო გზების დანახვა,
და ქვეყნებს ვეტრფით მაღალ მთებიანს;
რომ იმ მაღალი მთების გადაღმა
ჩვენი ოცნების ქალაქებია...

აქ კი ღამეა ვალსებით სავსე,
ამაღლებულა ცასავით ქერი, —
მე მინდა,
მაგრამ ვიღაცა მასწრებს
და ჩემზე უფრო ხმაშაღლა მღერის.



ჩემო ამბუქაი

შვილი

ლურჯ სინათლეში სძინავთ თოჯინებს
და ესიმრებათ
გამჭვირვალე მწვანე ბურთები...
ცისკენ თადათახ გაფრებილი
მწვანე ბურთები...
ფერად კაბებში სძინავთ თოჯინებს,
ხედავენ სიზმრებს
ლამაზები და სათუთები...

...როდესაც ჩრდილი დაეცემა შორეულ გზებს
და ლილისფერი ღიაგდება
ნაზად და ფრთხილად,
როცა შეღებავს კაბადონებს წითელი მზე
და ნისკარტებით მოიტანენ
ჩიტები დილას.

როცა სინათლით ივსებიან
თეთრი თალები
და დღე შემოდის თეთრ სარკმელში
გაზაფხულივით,
ნამძინარევი თოჯინები
თვლებს აღებენ
და გულუბრყვილო გრძელ წამწამებს აფახულებენ ...

გულზე ეხლება სიხარული
როგორც მდინარე,
მირბის სარკმელთან,
ეგებება მეწამულ დღეს,
მოკლე პერანგით, ფეხშიშველი და მოცინარი
უწვედის სამყაროს
პაწაწინა ვარდისფერ ხელს...

სადაც, შორეულ ოკეანეში
შუადღის მზეზე აფეთქებენ წყალბადის ბომბებს...





გიორგი გიგაუკი

გზები

გზები მოდიან,
 გზები მიდიან
 და ამრავლებენ გზაჯვარედინებს,
 გზები რთულია,
 გზები დიდია,
 გზებს ოფლის ღვარად გადავედინე.
 ბევრი ვიპოვე ამ ლამაზ გზებზე,
 ბევრიც დავკარგე და ახლაც ვეძებ...

და იცით,
 მაინც ვარ მადლიერი
 დაუსრულებელ გზათა გაცნობით,
 სადღაც სიკეთის შუქი იელვებს,
 სადღაც იელვებს შუქი კაცობის.

დამედინება მკერდზე ცვარნამად
 ღიმილი უხვი და მადლიანი.
 გულში სიხარულს ვეღარ დავმალავ
 შენი სიკეთით, ადამიანო.

ღიმილთან ერთად სევდაც შემხვდება
 და ვაჟკაცურად თვალში შეეხედავ.
 არ დავაბიჯებ მოძმის სამარეს,
 არ ავათრთოლებ ძვლებს ქცეულს მიწად,
 თვალებზე მომდგარ ცრემლებს
 დავმალავ.

გზად დაცემული რომ მშვიდად იწვეს.

თუ მიწერია სიკვდილი ადრე,
 დავტოვებ ანდერძს, —
 როგორც წესია,


დამასაფლავონ გზისპირას საღმე,
სადაც სიკეთე დამითესია.

იქ ალბათ ჩემზეც იტყვიან ქებას,
ისე რომ იგრძნონ საფლავის ქვებმა...

გზები მიდიან,
გზები მოდიან
და ამრავლებენ გზაჯვარედინებს,
ქვეყნად ღიმილი ყველგან როდია,
მკერდზე ცვარნამად რომ დამედინოს.



☆ გზები ☆ გზები ☆ გზები



მონოგრაფია

I

ზასხასა ბალახი ლალად იზრდებოდა ფერდობზე, მუხლამდე წვდებოდა ადამიანს. ბაბუაწვერაც კი განსაკუთრებით ჯიშინი იყო აქ, თრიალეთის საძოვრებზე. სუსტი ნიავი ვერაფერს აკლებდა მის მუშტისოდენა თავს, მხოლოდ ოდნავ თუ ააქანავებდა ხანდახან.

შუაღლე იყო, ცხელოდა, მაგრამ მზეს ჯერ კიდევ მთლიანად ვერ ამოეწოვა დილის ნამი ამ მაღალი ბალახიდან.

ექვსიოდე წლის მოკლეშარკლიანი ბიჭუნა ფეხებით მიაშრიალებდა ბალახს, ხელში შინდის წკებლა ეჭირა და ხმალივით იქნევედა აქეთ-იქით, უწყალოდ ხოცავდა დიდთავა ბაბუაწვერებს. წაქცეული ბალახი გაუბედავად სწორდებოდა მის უკან და ბიჭუნას გათელილი კვალი ნელ-ნელა ქრებოდა.

— ცოტნე! — გაისმა ქალის ხმამაღალი ძახილი. — ნუ გარბიხარ, მოგვიცადე!

— „წინ წასული თხაო“... — ჩაიმღე-
რა თავისთვის ბიჭუნამ, ცოტახანს კიდევ
„ებრძოლა“ ბაბუაწვერებს, მერე შე-
ჩერდა და უკან მოიხედა. მზემ პირდა-
პირ თვალბში შეუქციტინა და ხელით
დაიჩრდილა სახე.

უკან სამნი მოდიოდნენ, საკმაოდ მო-
შორებით, მაგრამ ცოტნემ მაინც მკა-
ფიოდ გააჩნია, ვინ რომელი იყო. სამი-
ვეს მოზრდილი ზურგჩანთა ეკიდა
მხრებზე. სულ წინ კახა მოაბიჯებდა,
მისი უფროსი ძმა, ტუჩის ზემოთ ახ-
ლახან რომ ამოსვლოდა ბუსუსები
(რითაც ყოველთვის უზომოდ ამაყო-
ბდა ცოტნე). მერე დედა მოდიოდა, ისე
ყოჩაღად, რომ ცოტნე ახლა სხვა, ახალ-
მა სიამაყემ აავსო, ხელები პირთან მიი-
ტანა, თვალბი დახუჭა და დაიყვირა:

— გა-მო-ი-ქე-ციო! გიცი-დიოთ!
„მამა ყოველთვის ყველაზე უკან მო-
დის“, — გაიფიქრა მერე.

დედამ ალერსიანი ღმილით მიხედა
უკან მომავალ კაცს და ჩუმი ხმით
უთხრა:

— ცოტნე სულ გამოიცვალა, რაც
შენ დაბრუნდი, დამჯერე ვახდა. მე,
მარტოს, ცოტა არ იყოს მიბრძვივებდა.

კაცს ღრმა, ირიბი ნაჭრილობევი აჩნ-
და ლოყაზე და უცნაურად ეკეცებოდა
ხოლმე გაღიმებისას: ახლაც ასე დაეკე-
ცა და ხმამალა თქვა:

— რაც იყო — იყო! ამიერიდან ყო-
ველთვის ერთად ვიქნებით. არა, კახა?!

— ჰო, მამა, — დაბოხებული ხმით
უპასუხა კახამ და გაიღიმა.

— ნამდვილად ერთად ვიქნებით! —
რატომღაც აღელდა დედა, ღმილიც
კი გაუქრა სახიდან; ჯერ კახა აათვა-
ლიერა შემფოთებული თვალბებით, მე-
რე ცოტნეს ვახედა.

— ...გიცი-დიოთ! — ყვიროდა ცოტნე.
დედას ისევ ალერსიანად გაუღიმა
და სამივემ ნაბიჯს აუჩქარა. ცოტახანს
შემდეგ კაცი შეჩერდა. მათი ნაკვალევი
მუქმწვანე ზოლად მოჩანდა ფერღზე.
ბალახი მძიმედ. ნელ-ნელა სწორდებო-
და. მერე ისევ წამოეწია წინწასულელებს.

ბალახიანი ფერდი ჩათავდა და ტყე
დაიწყო. ტყეში გრილოდა. ზემოდან

ფოთლების ჩუმი შრიალი ისმოდა.
ლურჯი ცა პატარ-პატარა ნაფლეთე*
ბაღლა მოჩანდა ფოთლებს შორის.

— დავისვენოთ, — თქვა მამამ და
მძიმე ზურგჩანთა მოიხსნა.

ცოტნე „მიეხმარა“.

— შენ ყველაზე ღონიერი ხარ! —
თქვა ამაყად.

— მე არ მომეხმარები, ბიჭო? —
იღიმებოდა დედა.

ცოტნე დედასაც „მიეხმარა“, მერე
ტანმსხვილ რცხილასთან მიიბრინა და
აცოცება სცადა, მაგრამ ვერაფერი გა-
მოუვიდა.

— შემსვი რა! — სთხოვა კახას.

— არა! — თქვა დედამ, — ახლა ვი-
სადილოთ. — მამის ზურგჩანთიდან
ხმელი პური და კონსერვები ამოალაგა
და ძირს გაფენილ ქაღალღზე დაწყო.
კახამ კონსერვები დახსნა.

— პურს მე დავეჭრი რა! — მოიბრინა
ცოტნემ და დიდ დასაკეც დანას წაა-
ტანა ხელი.

— ფრთხილად! გაღესილია. — უთხ-
რა მამამ.

მზე უკვე ქედის უკან იმალებოდა,
როცა სადილი დაამთავრეს. ცოტნე
მადიანად ილოკავდა მოთხუპნულ ტუ-
ჩებს და მსუნაგად აცეცებდა თვალბებს
აქეთ-იქით.


— არ გეყო, შვილო? — გული მოუკე-
და დედას, ხელი ისევ ზურგჩანთაში
ააფათურა.

ცოტნე დამნაშავესავით იღიმებოდა
და სღუმდა. დედამ თავისი ნახელავი
ნამცხვარი ამოიღო, ოთხი ნაჭერი მოჭ-
რა, ცოტნესთვის — ყველაზე მოზრდი-
ლი, და მერე ერთი ორცხობილაც დაუ-
მატა.

— აბა, წავიდეთ! — აჩქარდა მამა, —
გზაში ვკამოთ, თორემ უღროოდ და-
გვალამდებ.

ტყიდან გამოვიდნენ, ბალახიანი ფერ-
დი ირიბად აჭრეს და ქედზე გავიდნენ.

დავით ჯავახიშვილი
მშვიდი დილა



აქ ქარი, ჰქროდა და სასიამოვნოდ აგრძობდა აღმართში გახურებულ სხეულს.

ბიჭები დაწინაურებულიყვნენ. დედა და მამა ხელისებლად აღმართში მიყვებოდნენ ქედს. დიდხანს ტკბებოდნენ უსიტყვოდ ბუნების სილამაზით. მერე კაცმა დაარღვია სიჩუმე:

— ყოველ ზაფხულს ასე უნდა ვიაროთ! ხომ კმაყოფილი ხარ?

— ძალიან!

— ჰოდა აუცილებლად ვიაროთ. ბიჭებისთვის ამაზე კარგი რა უნდა იყოს?

— მართალი ხარ, — უპასუხა ქალმა, — მაგრამ ყოველთვის ალბათ ვერ მოვახერხებთ, სამწუხაროდ.

— სადაც წელს შევეძლით, მერე რაღა შეგვიშლის ხელს!? ოღონდ მოვინდომოთ და...

ქალი შეყვარებული თვალებით ათვალიერებდა კაცის ღონიერ, დაძაბვისაგან გაწითლებულ კისერს; კისერზე მოუსვენრად დაუხტოდნენ ძარღვები.

— რამოდენა ტვირთი მოგაქვს, ლევან, არ გიჭირს?

— თქვენთვის მე არაფერი გამიჭირდება...

ქალი ახლა დაკუნთულ მკლავზე მიეაღერსა ქმარს:

— შენი ჭირიმე!

— მე მხოლოდ თქვენზე ფიქრმა გადამარჩინა სიკვდილს, — განაგრძო კაცმა, — ხშირად ეს წარმოუდგენელი იყო და მაინც უვნებელი ვრჩებოდი. რამდენჯერ, ვინ მოსთვლის!

— ბევრს ფიქრობდი ჩვენზე?

— ბევრს! მაშინაც კი, როცა ფიქრი შეუძლებელი იყო.

— ცოტნე? ცოტნე როგორი წარმოგედგინა?

— რა ვიცი... კახას პატარაობას ვიგონებდი და... მართლა ჰგვანან ერთმანეთს, არა?

— კი, ჰგვანან. როგორ შეგხვდა, გახსოვს? თითქოს გიცნობდა.

— როგორ არ მახსოვს!? შენ და კახამ რომ გამაცილეთ, გახსოვს? როგორ გაგიბრაზდი, არა? მგონი გეწყინა კიდევ.

— ეეჰ, წყენისათვის ვის ეცალა მაშინ!

— არა! მაინც როგორ გახედე საღვურში გამოსვლა, იმ ჰყუღტაში, შენი მუცლით! ცოტნეს რომ რამე მოსვლიდა?

— აღარაფერი მესმოდა... რა საშინელი დრო იყო!

— რამდენი რამ ვნახე მას შემდეგ ომში, ბევრად უარესი, მაგრამ რატომღაც ვერაფერმა დამავიწყა ეს... თქვენ რომ მაცილებდით... — კაცი ნაპრილობევს ისრედა ხელით.

მერე ორივენი გაჩუმდნენ.

ქედზე ისევ ქარი ჰქროდა და სიოდანდაც, შორიდან, ღრუბლების მუქ ქარავანს მოერეკებოდა. მზე უკვე სანახევროდ ჩამალულიყო მთებს იქით.

კაცი ჩაფიქრდა და რალაცის თქმა დააპირა.

— ნუღარ ვილაპარაკებთ ამაზე! — გააწყვეტინა ქალმა.

— არა! — თქვა კაცმა. — ამის დავიწყება შეუძლებელია. ამაზე უნდა ილაპარაკო, უნდა სწერო, კინოფილმები უნდა გადაიღო... ეს აუცილებელია... სწორედ იმათთვის, ვისაც თავისი თვალით არ უნახავს ეს ყველაფერი... ყველამ უნდა იცოდეს, რა არის ომი!

— აღარ მინდა! — თქვა ქალმა, — ეს რომ როდისმე განმეორდეს... მე... მე წინასწარ მოვიკლავ თავს...

— კარგი, დამშვიდდი, — შეცვლილი ხმით თქვა კაცმა, — ნახე რა სიწყინარეა, რა სილამაზეა ირგვლივ.

კარგა ხანს სდუმდნენ.

ქალი ჯერ კიდევ ვერ დამშვიდებულიყო და შემინებული იყურებოდა აქეთ-იქით.

— მეშინია არ გავვიწვიმდეს ამაღამ, — თქვა კაცმა, — სჯობს ისევ ტყის პირას დავდგათ კარავი.

— შენ უკეთ იცი... — ჩაილაპარაკა ქალმა.

ბიჭები დიდ ღოდზე ჩამომსხდარიყვნენ და მათ მოსვლას ელოდნენ. აქ ქედი პატარა უღელტეხილს გაეწყვიტა წელში და ზედ ოღროზოღრო საურმე გზა გადადიოდა.

— საით წავიდეთ, მამა? — შეეკითხა კახა.

— ცოტნე მოუსვენრად აცქმუტდა.

— მარჯვნივ, — თქვა მამამ, — გზას ჩაყვეით და აი იქ, ტყის პირას მოგვიცადეთ.

— ფრთხილად იყავი, ცოტნე ტყეში არ გაგეჭვს, — ჩუმად ჩაულაპარაკა დედამ კახას.

„ნე გეშინია“, — ანიშნა კახამ.

ბიჭები ისევ დაწინაურდნენ.

II

პირველად კახა გააღვიძა წვიმამ, მერე მამა. ბნელოდა და წვიმდა. კახამ ამოძრომა დააპირა საძილე ტომრიდან, მაგრამ მამამ გააჩერა:

— მოიცა! ამა საწვიმბრი, გაღვიფარე და ცოტახანს დავიცადოთ, იქნებ მალე გადაილოს.

კახა ისევ კისრამდე ჩაძვრა ტომარაში და ყური მიუგდო წვიმას. წვეთებუ უფრო გამსხვილდა და მოუხშირა კიდეც. მამა არაფერს ამბობდა და კახაც სდუმდა. მერე დედასაც გაეღვიძა.

— ლევან! კახა! — გაისმა ჩუმი ხმა კარავიდან, — შემოდით, ხომ ხედავთ წვიმს!

კახა კარვის კართან იწვა, მამა — მოშორებით.

— ნუ სწუხარ, დედა, ჯერ ისე არ წვიმს.

— შემოდით! — ჩურჩულით ჯიუტობდა დედა, — მშვენიერად ვეცხვით ხოლმე ერთად...

მერე წვიმა უეცრად შეწყდა. სველი ფოთლებიდან ჯერ კიდეც ცვიოდა მსხვილი წვეთები, მაგრამ კახა მიხვდა, რომ ეს წვიმა აღარ იყო. აგრილდა და ჰაერში სველი მიწისა და ტყის სასიომოვნო სუნნი დადგა. მალე ყველას დაეძინა ისევ. მხოლოდ ლევანს გაუტყდა ძილი და გათენებამდე მოუსვენრად იტრიალა. საძილე ტომრიდან ამოძვრა და ზემოდან დაწვა, მაგრამ არც ამან უშველა. ცოლის მძიმე ფიქრები ჩაჩენოდა გონებაში და მიხვდა: ეს იყო სწორედ, რომ არ აძინებდა.

ვინ იცის რამდენი ღამე უთევია ღია

ცის ქვეშ, ტყეშიც, წვიმაშიც, მაგრამ ის ღამეები არ ჰგავდა ამ ღამეს. ომის ხმაურსა და სიკვდილის სიახლოვეს სხვებით ისიც მალე შეეჩვია, შეეძლო მკვდარივით სძინებოდა ყველაფრის მიუხედავად და... მაინც ვერ იძინებდა ხოლმე, არ აძინებდა ფიქრი, ფიქრი ოჯახზე, ფიქრი შვილზე, რომელიც არც კი ენახა, არ აძინებდა ოცნება იმაზე, რაც იყო და აღარ იყო, ოცნება მშვიდობაზე... მათ არ იციან, რა არის მშვიდობა, ვისაც არ უნახავს ომი, ისევე, როგორც არ იციან რა არის ომი... ოცნება მშვიდობაზე... ოცნება აი ასეთ, სწორედ ასეთ წყნარ, გრილ ღამეზე ბნელ ტყეში... ოცნება ტყბილ, უშფოთველ ძილზე და დილით ურმის პრიალის ან შაშვის ჭახჭახისაგან გამოღვიძებაზე...

III

გათენებისას როგორც იქნა ჩაეძინა ლევანს, მაგრამ დიდხანს ძილმა არ მოუწია. გამოღვიძება სწორედ ისეთი იყო, როგორიც მაშინ, ქვემეხების შეუწყვეტელი, ჯვარედინი ცეცხლით განათებული უძილო ღამეების დროს. უცბად ვერც მიხვდა, რამ გააღვიძა. აღრიანი დილა იყო. ტყეს ჯერ კიდეც ეძინა. ღამის წვიმა ფოთლებს აქამდე შერჩენოდა და გრილოდა. ყური მიუგდო ტყეს და დიდხანს უსმინა, ვიდრე სიჩუმე არ გაფხრიწა შორეულმა შედახილმა:

— ჰამო-ჰო!

მალე ურმის პრიალიც გაისმა.

ლევანი წამოჯდა. ღამის ფიქრებსა და ხანმოკლე ძილს უცბად ვერ გაართვა თავი და ჯერ კიდეც არ სჯეროდა, რომ ეს ყველაფერი სინამდვილე იყო. ხელმეორე შედახილმა საბოლოოდ გამოაფხიზლა. კარავიდან ორხმიანი, მშვიდი სუნთქვა ისმოდა. კახასაც ეძინა.

ლევანი წამოხტა, სწრაფად ჩაიკვა და გზაზე გავიდა. მოსახვევიდან ჯერ ორი წყვილი რქა გამოჩნდა, მერე ხარები მთლიანად, ბოლოს — ურემიც, პრია-

დავით ჯავახიშვილი
მშვიდი დილა



ლითა და რახრახით მომავალი ოღრო-
ჩლორო გზაზე; ზედ—მოხუცი მეურმე,
გაკვირვებული რომ შესიქეროდა ლე-
ვანს...

— გამარჯობათ, ბიძია! — მიესალმა
ლევანი, — ხომ არ შეგაშინეთ?

ურემი შეჩერდა. ხარებმა შევებით
ამოიხენეს.

— გაგმარჯოს! შეშინებით კი ვერ
შემაშინე, მაგრამ... — მაინც საიდან
გაჩნდი ამ დილაადრიან აქა, პა?

— ღამე გავათენეთ აქ. დიღმიდან
მოვდივართ ფეხით. ისე თბილისიდანა
ვართ.

მეურმე თვალებმოჭუტული უსმენდა.

— მერე და, კაცო, დიღმიდან ერთ
დღეში ამოხვედით აქა?! — იკითხა უნ-
დობლად.

— არა, — გაელიმა ლევანს, — ექვსი
დღეა გზაში ვართ.

მეურმე ისევ უნდობლად უყურებდა.

— ექვსი დღეო? ექვსი დღე ბევრია!

— ნელ-ნელა მოვდივართ, სვენებ-სვე-
ნებით.

— იცლევით რამესა თუ რათა? —
გაუკვირდა მეურმეს.

— არა, ისე... ვმოგზაურობთ. ცოლ-
შვილთან ერთად ვარ.

— ჰოო! მერე? სადამდე მიხვალთ?

— მეტეხამდე ვაპირებდით, ნოსტე
და ერთაწმინდა მიწიდან გვენახა, მაგ-
რამ ველარ ვასწრებთ. თქვენ საიდანა
ხართ?

— მე კავთისხეველი ვარ, ეგ გზა იქ
მიდის.

— სწორედ ეს მიწიდანა გამეგო, იმი-
ტომ გადმოვიხტით ასე, ყაჩაღივით, —
გაიცინა ლევანმა.

— ისე, მართალი რომ გითხრა, გამიკ-
ვირდა, — გაიცინა მეურმემაც. მერე
დანტერესდა: — ცის ქვეშ გეძინათ,
კაცო?

— არა, კარავი გვაქვს.

— ჰოო!.. მეც აქ გავათიე, ახლოსა.
მეზობლები ვყოფილვართ! — გაიცინა
ისევ. — ცეცხლი არ დაგინთიათ წუ-
ხელა?

— როგორ არა!

— ნეტა რატომ არ დავინახე!

ლევანმა მხრები აიჩეჩა:
— არც ჩვენ დაგვინახავს თქვენთ
ცეცხლი.

— მე არ დამინთია, აბელი დამსვე-
ლებოდა და ვეწვალე, ვეწვალე, არაფე-
რი გამამივიდა... ჰოო... აბა, კარქა იყა-
ვით!

— ნახვამდის, ბიძია.

ურემი ისევ აპირაილდა. მეურმემ
თავი მოაბრუნა:

— აქ ცოტა შეშა უნდა დავულო და...
რა, კავთისხევისაკენ ხომ არ დაუხვევთ?

— ჰო, ასე გადავწყვიტე.

ურემი შეჩერდა.

— ჰოდა, აგერა, აქა მაქვს შეშა დამ-
ზადებული, — სახრეთი მიუთითა, —
აგერა, მალალი წიფელა რო დგას, ხე-
დავ?

— როგორ არა!

— აი, იმის ძირში. ჰოდა, გამაიარეთ,
ერთად წავიდეთ, ბარგს მაინც წავი-
ღებთ.

— დიდი მადლობა, არ შეგაწუხებთ.

— ე რა შეწუხებაა, კაცო!?

ურემმა გზა განაგრძო.

ლევანი ღიმილით დაუბრუნდა თავის
კარავს. ისევ ეძინათ. კახას თმაში ჩავე-
ლო ხელი და მსუბუქად შენაჯღრია:

— ეი! ძილის გულდავ! ადევ, ცეცხლი
დავანთო!

კახა სწრაფად წამოხტა, ჩაიცვა, ფიჩ-
ხი მოაგროვა, წუხანდელ ნაცეცხლარს
დააყარა გამურულ ქვებს შუა და ცეცხ-
ლის დანთებას შეუდგა: ფიჩხი სველი
იყო, არ ეკიდებოდა და თეთრად ბო-
ლავდა. მერე როგორც იქნა ცეცხლმა
იძალა და ფიჩხი მხიარულად ატაკუნ-
და. ლევანმა ქვაბი ჩამოხსნა ზურგ-
ჩანთის კაუჭიდან, ერთ-ერთი მათარი-
დან შიგ წყალი ჩასცალა და ცეცხლზე
შემოდგა.

ცოტნეს კარგ გუნებაზე გაედვიძა,
ლოყები გასწითლებოდა და თმა გა-
ბურძგნოდა; კარვიდან გამოძვრა, შეს-
ცივდა და ფაციფუციით დაიწყო ჩაქმა,
შიგადაშიგ დედაც ეხმარებოდა.

ლევანმა კარავი დასცალა, წააქცია,
პალოები დაამტვრია და ცეცხლში შე-
ყარა, მერე საძილე ტომარების დახვე-

ვას შეუდგა. კახამ და ცოტნემ კარავი კოხტად დაკეცეს. დედა საკმელს ამზადებდა. ქვაბში წყალი უკვე ჩუხჩუხებდა.

— ახლავე მოვალ, — თქვა ლევანმა და მაღალი წიფლისაკენ წავიდა.

მეურმეს სანახევროდ მოეთავებინა ურმის დატვირთვა, ახლა წიფლის ძირას იჯდა და ისვენებდა.

— დანარჩენს მე დავაწყო, — თქვა ლევანმა და ხელები დაიმკლავა.

— კარგს იზამ, შვილო, — უბრალოდ უპასუხა მოხუცმა, — მოვხუციდი და...

ლევანმა სწრაფად მოათავა საქმე.

— წამობრძანდით, საუზმეზე დაგვეწვიეთ, — შესთავაზა მერე.

დიდხანს იუარა მოხუცმა, ბოლოს დასთანხმდა და ურემი გზაზე გაიყვანა.

ცოტნე გაკვირვებული შეეგება ხარებს. ხარები კუდი იგერიებდნენ აბეზარ ბუზებს და ისე მოდიოდნენ, თითქოს ერთმანეთზე მიყუდებას ლამობდნენ.

— გამარჯობათ თქვენნი! — მიესალმა მეურმე ყველას.

— დილა მშვიდობისა! — ერთდროულად უპასუხეს დედამ და კახამ.

ცოტნე ისევ გაკვირვებული იდგა და სდუმდა.

— ცოტნე! — საყვედური მოისმა დედის ხმაში.

— დილა მშვიდობისა! — თქვა ცოტნემაც.

— გაიზარდე, შვილო, — აღერსიანად უპასუხა მეურმემ.

ხარები მორჩილად შეჩერდნენ, ბრილა თვალებით შეათვლიერეს უცნობები და ცოხნას შეუდგნენ.

— მობრძანდით, — ცეცხლთან მიიპატიჟა სტუმარი დედამ.

წყალი ხმამაღლა ჩუხჩუხებდა ქვაბში.

— იცოცხლეთ, იცოცხლეთ, — თითქოს ბუზლუნებდა მოხუცი და პატარა გულში იქეჭებოდა. მერე ხშიადის ნატეხი და მოჭიქული ხელადა ამოიღო, რამდენიმე თავი ხახვი და ქისით მარილიც ამოაყოლა და ყველაფერი თხლად დაჭირლ პურსა და გახსნილ კონსერვს

შემოუწყო. მერე ისევ ურემს დაუბრუნდა, შეშებიდან ცული გამოაძრო, ცეცხლის ახლოს დააგდო მიწაზე და მის პრიალა, ფართო ტარზე მოიკალათა.

— რატომ სწუხდებოდით?! — თქვა დედამ.

— რას ამბობ, ქალო?! ჩვენებური არაყია, ხილისა, იქნება გესიამოვნოთმეთქი ამ სისხამ-დილითა.

— აბა, ბიჭებო, დავსხდეთ! — დიძახა ლევანმა.

კახამ სწრაფად დაიკავა თავისი ადგილი, ცოტნე კი გაუნძრევლად იდგა და შეშფოთებული ჩაშტერებოდა ხარების ქედზე წითელ იარებს.

— ცოტნე! — დაუძახა დედამ, — არ გესმის?

— მამა! ბუზები ხარებსა სკამენ! — შეწუხებული ხმით თქვა ცოტნემ და ისიც თავის ადგილზე დაჯდა.

— ჰო, შვილო, სკამენ, — დაღონდა მოხუციც, — ვერაფერი პოვუხერხე მაგ ტიალებსა, გამიტანჯეს ეგ უბედურები.

— ნათი წაუსვით და აღარ მიეკარებთან, — ურჩია ლევანმა, — ასე ვუშველე მე ერთხელ ჩემს ცხენს.

მეურმემ ლევანის ნაჭრილობევს შეავლო თვალი, ჯიბიდან პატარა ჭიქა ამოიღო, არაყი ჩამოასხა ხელადიდან და გამოუწოდა:

— გეტყობა, ომში ნამყოფი უნდა იყო, არა, კაცო!

ქალს სახე მოელღუა.

— დიახ, ბიძია, ვიყავი, — უპასუხა ლევანმა.

— რამდენ ხანს იყავი, ბიჭო? — თითქოს ხმა გაუთბა მოხუცს.

— დაწყებიდან...

— ბარაქალა შენს ვაყკაცობასა! აბა, დალიე! მშვიდობისა დალიე, ბიჭო! არაყით კი არ ვარგა სადღეგრძელოს სმა, მაგრამ რას იზამ?! —

ბავშვები მაღიანად ილუკმებოდნენ; კახა ყურადღებით უსმენდა უფროს-

დავით ჯავახიშვილი
მშვიდი დილა

ბის საუბარს; ცოტნე ხაზს ახრამუნებდა და ისევ ხარებისაკენ გაუბრუნდა სიბრალულით სავსე თვალები.

ლევანმა ჭიქა ასწია, ის-ის იყო სადღეგრძელოს თქმა დააპირა, რომ თვალი მოჰკრა მოხუცის მარცხენა ხელს, ცერი თითი აკლდა. შეჩერდა, გაკვირვებულმა ათვალა მისი მოხუცი.

— თქვენც ხომ არ იყავით ომში, ბიძია?

— არა, შვილო, მე ვილა წამიყვანდა! — მწარედ ჩაიციხა, მერე ხელზე დაიხედა და მიხვდა: — ესა ჯეელობაში წავითალე. ცულობა.

ცოტახნით დადუმდა, მერე ყრუ ხმით განაგრძო:

— მე ვინ წამიყვანდა, მაგრამა... ჩემი ბიჭები კი წავიდნენ... სამნი მყავდა...

— მერე?

— ერთილა დამიბრუნდა... ისიც ცალ ხელა, მაგრამა... ეეჰ!..

— დალიე, ლევან! — შეწუხებულნი ჩაერია ქალი. — ჰამეთ, ბიჭებო! — ახლა ბავშვებს მიუბრუნდა.

ლევანმა ისევ ასწია ჭიქა:

— მშვიდობას გაუმარჯოს! ისეთ მშვიდობას, რომელსაც ველარაინ ვერაფერს დააკლებს! გაუმარჯოს იმას, ვინც ამ საქმეს თავი შესწირა! თქვენნი ბიჭების ხსოვნა იყო!

მეურმეს თვალები აუწყლიანდა:

— გმადლობთ, შვილო, იცოცხლე! შენც გაგიმარჯოს! იმ ჩემ ცალხელსაც გაუმარჯოს! ერთად გაგიმარჯოთ, გეტყვით და იმიტომ!

ლევანმა სწრაფად გადაჰკრა და ჭიქა გაუწოდა. მეურმემ ახლა თავისთვის ჩამოასხა, თან ყრუ ხმით განაგრძო:

— ერთი შენიტოლა იყო, მეორე უმცროსი. გაუმარჯოთ იმათ! სადაც არიან, იქ გაუმარჯოთ! — მერე კახას

და ცოტნეს გადახედა. დალია და ისევ ჩამოასხა. — ახლა მე გეტყვით ერთ სადღეგრძელოსა... — ისევ კახას და ცოტნეს გადაავლო თვალი, — აი ამ ბიჭებს გაუმარჯოთ! ღმერთმა გიცოცხლოთ და გიდღეგრძელოთ! ისეთი ვაჟ-

კაცები დამდგარიყვნენ, როგორც ამ ჩვენს დალოცვილ საქართველოს ეკადრება!..

ცოტნე ისევ ხარებს უყურებდა. მეურმემ მის მზერას თვალი გააყოლა და განაგრძო:

— ბიჭოს! შენა, აი იმ ხარებს რომ ჩაშტერებხარ...

ცოტნემ მოიხედა, სახეზე ცნობის-მოყვარეობა გამოეხატა.

— ...ჩვენნი სამშობლო, შვილო, სულ მუდამ აგრე იყო, როგორც ეგ ხარები! სულ აგრე ბუზბუზით ეხვეოდა მტერი და დუმშანი და მაინც სულ აგრე ხარით იდგა ფეხზედა!..

ლევანი აღტაცებული უსმენდა. მეურმემ განაგრძო:

— ერთ მტერს მოიშორებდა, შვილო, და ახლა ახალი მტერი გაუჩნდებოდა და დაეხვეოდა. აგრე იყო სულ მუდამა და რა ვიცი!..

ცოტნეს ისევ ხარებისკენ გაექცა თვალი. მეურმე ლაპარაკის ხასიათზე მოეყვანა არაყს თუ რალაც სხვას და არ ცხრებოდა, მაინცადამაინც ცოტნეს ჩასციებოდა:

— მომისმინე, შვილო, ერთ ლექსს გეტყვი და კარგად მომისმინე, დამარცხებულ მტერს არა სძინავს, შვილო! ახლა ჩვენ მოვხეტდით, აღარც თვალი გვიჭრის, არც მკლავი. სამშობლოს ბედი და იღბალი თქვენს კისერზეა, აი, შენსა და შენ ძმისაზე. თქვენ უნდა ივარგოთ და იყოჩალოთ, შვილებო, რომ მტერმა ველარაფერი გაგიბედოთ!..

— ავი ლექსს გეტყვიო, პაპა! — მოულოდნელად გააწყვეტინა ცოტნემ და დედის საყვედურით სავსე მზერა დაიმსახურა. მეურმემ გაიცინა.

— გეტყვი, შვილო, აბა კარგა დამიდგე ყური! — მერე ჩაახველა და გამოთქმითა თქვა:

— გაიგეთ? მგელი მამკვდარა! თხამ გაიგონა, შახტაო.

— რამ გაგახარა, შეი თხაო.

განა სამგლეთი გაწყდაო!

შენ რომ ციკნები დაზარდე, მგელსაც ლეკვები დარჩაო!

ცოტნე მოუსვენრად ახამხამებდა თვალებს და ნათლად ეტყობოდა, რომ ბეგრს ვერაფერს მიხვდა. სამაგიეროდ ღვეანი აღტაცებას ვეღარ ფარავდა, ფანქარი და ქაღალდი ამოეღო და ჩქარ-ჩქარა იწერდა მოხუცის ნათქვამს. ის კი განაგრძობდა:

— ...ჰოდა, შვილებო, გაგიმარჯოთ! იცოცხლეთ, იდღეგრძელოთ, გამრავლოთ ამ გასაწყვეტი მგლების ჯინაზედა! მოხუცმა არაყი გადაჰკრა, ჭიქა ისევ გაავსო და ლევანს გადააწოდა. მან უსიტყვოდ დალია და მერე იკითხა:

— ეგ ლექსი ვისი ნათქვამია, ბიძია?

— ჩემია, კაცო, — თავმოწმონე ღიმილითა თქვა მოხუცმა, — ჯეელობაში ვთქვი, განა!? იმ დროსა არც ერთი თითი არ მაკლდა ამ ხელზედა.

— რა გვარისა ბრძანდებით, ბიძია?

— რად გინდა, კაცო, ჩემი გვარი?

— ისე... მინდა ვიცოდე.

— კავთიაშვილი ვარ! გიორგის მეძახიან.

ლევანმა ჩაიწერა.

ქალი უკვე ჭურჭელს ალაგებდა. ბიჭები წამომდგარიყვნენ და ხარებს უტრიალებდნენ, ბუზებს უქშევდნენ. მეურმე შიშმედ წამოდგა.

— გავუღვეთ გზასა, თორე მერე მზე დაგვაცხუნებს!

ზურგჩანთები ურემზე დაუდეს.

მეურმემ ცოტნე აიყვანა ხელში და უღელზე შემოსვა, ხელში სახრე დააპერინა და ხარებს გაუწყრა. ბიჭუნას აღტაცებისაგან თვალები გაუდიდდა.

— არ ჩამოვარდე, — გააფრთხილა დედამ.

— ნუ გეშინია, ქალო, — დაამშვიდა მეურმემ, მერე გაიხუმრა: — ჩემგან დალოცვილ ვაჟკაცსა უღლიდან რა გადმოაგდებს!? აბა! გაუწყერი, გენაცვალე, გაუწყერი მაგ სამგლეებსა!

— აჩუ, თქვე სამგლეებო! — რიხიანად დასჭყიელა ცოტნემ.

კასამ სიცილი დააყარა. მეურმე ღიმილს იკავებდა.

— რას იზამ, ქალაქელი ბიჭია, — გაამართლა ცოტნე.

ხარები ზანტად მიიზღაზნებოდნენ ოღროზოლო გზაზე. მზის სხივები ძლივს ატანდა ტყეში და ისევ ნესტიანი იყო სიგრილე.

— მშვენიერი ტყეა, — თქვა ლევანმა, — ოღონდ მოუვლელია. გამოხშირვა სჭირდება.

მერე დაუმატა:

— მეტყევე ვარ და...

— ეეს!.. — ამოიოხრა მეურმემ. — ტყისათვის ვის ეცალა! ვისაც კი ამის ჯანი და ცოდნა ჰქონდა, ყველა მტერს ებრძოდა და... ეგრეა, მაშა, ეგრეა!

— ახლა მანინც უნდა მიხედოთ, თორემ აფსუსია, გაფუჭდება ტყე.

— მივხედავთ, აბა მა რა, არ მივხედავთ?!

ურმის გაუსაპნავი ღერძი უფრო და უფრო ხმამაღლა ჭრიალებდა. „არც სა-მაგისო საპონი ჰქონდათ ალბათ“, — გაიფიქრა ლევანმა და მწარედ ჩაეცინა. მხოლოდ ეს ჭრიალი არღვევდა ტყის სიჩუმეს. მერე სადღაც კოდალამ კაკუნი დაიწყო ხეზე. ახლა სხვამ უპასუხა უფრო შორიდან. მერე კიდევ და კიდევ. „თითქოს მორჩეს ანზანით საუბრობენო“, — გაიფიქრა ლევანმა.

საურმე გზა დაღმართ-დაღმართ მიდიოდა და ხშირად უხვევდა აქეთ-იქით. ტყე დაბურული იყო. ყოველი მოსახვევის იქით რაღაც ახალს, საინტერესოს მოელოდა ადამიანი, მაგრამ მოსახვევი უკან რჩებოდა და წინ იყო ისევ ტყე. ისევ გზა და ისევ მოჩანდა ახალი მოსახვევი. მაგრამ აქ იყო სიწყნარე, სიმშვიდე.

ტყე თავდებოდა... კოდალების კაკუნს ნიავმა ახლა ყანებში გაბნეული კალიების მოსაბუზრებელი ჭრიჭინი შემოუერთა.

დავით ჯავახიშვილი
მშვიდი დილა



პიპი გეგეჭკორი

მზანი ქოუ

თინა გველესიანს

მე ვარ ძლიერი, მე დავიბადე ოთხი თუ ხუთი
ათასი წლისა,
მე ავირიდე ყველა ხიფათი, მე ვიცი, რასაც
ვიტყვი და ვიზამ...
ჩემი ფუსფუსი სალამოს ბინდში ისე გათავდა,
როგორც ბაზრობა
და მე ვიგრძენი სიკვდილის შიშის უსაფუძვლობა
და უაზრობა.
მე ვარ უკვდავი, დავკარგე ჩრდილი და სვეტებივით
ჩემი ფეხები
მიწას ეყრდნობა და შუბლზე თბილი მარადისობის
სუნთქვა მეხება.
მე ვარ ძლიერი, ჩემი ხელმწიფე მე თვითონ ვიყავ,
ვერაფის ვენდე.
და რაც მებადა, სულ მთლად შევწირე ჩემს ბოროტ
ღმერთებს და კეთილ ღმერთებს.
მე ვარ ძლიერი და მე ვერასგზით ვერ დამხრის,
რამაც უნდა დამხაროს,
მე ვარ ნათელი და ჩემს მზერაში მოქცეულია
მთელი სამყარო.
რასაც ვეძებდი, ვერ უკუმეძტა, მე დავინახე
იგი უეცრად,
მაგრამ მე დიდი გზა გავიარე, რომ დამენახა
იგი უეცრად...

იყო ტკივილი, ეჭვი და რყევა, ჩემი გარდაქმნა,
გაზრდა და წინსვლა,

მე სხვა ვარ, მაგრამ მე მაინც მე ვარ და რაც
ვიყავი, მე მაინც ის ვარ...

და იგი, რასაც ვეძებდი დღემდე და მივაგენი,
თურმე იტივდა

სხვისთვის მიგნებულ და მხოლოდ ჩემთვის ჯერ
მიუგნებელ ჭეშმარიტებას...

მე უკვე ვიცი: ეს მიწა მე ვარ, ჯერ დაუფშვნიელი
ცოცხალი ბელტი.

გაჩენის დღიდან ამ მიწადქცევას მე სიჯიუტით
ვებრძვი და ველტვი...

მზე სულ ახლოა, ცა სულ ახლოა, ზევით შეწევა
ყველა ვარსკვლავი,

მთანჯავს მიწის და ცის უთანხმოება — ქვევით
მეძახის მიწა დამსკდარი...

ვერა, მე ასე ვერ დავუბრუნებ მოუქანცავ და
უბრძოლველ სხეულს,

ასე უეცრად, ასე უბრალოდ ვერ მივატოვებ
ცარიელ რვეულს...

გაურჯელ მკლავებს, მოზღლელ სხეულს ვერ
დავუბრუნებ ასე უდროოდ,

ჩემი სიცოცხლის მზიანი დღეა, ისევ მამშვიდებს
ეს სიმყუდროვე...

ჩემი ოცნების გემებს დაღლილი ზღვა რომელიდაც
კუნძულთან არწევს,

ვერ მეფარება დიდი სახლები და ვხედავ დიდი
გემების ანძებს.

ერთგული მიწა სირბილით ხვდება თვითმფრინავების
დაშვებულ ბორბლებს,

ისევ მაღლდება ყვითელი მთები და მზე ბილიკზე
ბავშვივით მორბის...

გაბრწყინებული დიდი სინათლით მოზღვავებულა
დღეს სახილველად,

რაც მე პირველად ვერ დავინახე და რასაც ვხედავ
ახლა პირველად!..

ჩემს შუბლზე ფეთქავს ცისფერი ძარღვი და ყველაფერი
იმ ძარღვში ფეთქავს,

ხმაურობს სისხლის პატარა არხი და ეს ხმაური
თავს იყრის ერთგან.

იგი აყრუებს და იგი ფარავს ყვირილით ნათქვამ
სიტყვების ქაოსს,

მაღალ ბალახზე გაწოლილ ქარებს, მატარებლების
ბორბლების ხმაურს...

ის რეკავს, იბრძვის, ფეთქავს და არხევს მზეს,
დედამიწას, დროსა და სივრცეს,

ამ ძარღვში ფეთქავს იმათი ძარღვიც, ვისაც მე,
*ლბათ, სიცოცხლეს მივცემ...

★
ბიზი ბენეჰაჰორი მზიანი დღე
★
ბიზი ბენეჰაჰორი მზიანი დღე
★
ბიზი ბენეჰაჰორი მზიანი დღე
★
ბიზი ბენეჰაჰორი მზიანი დღე

მე ვარ ძლიერი, მე ვარ ტანადი, მე ვიცი, სადაც
ვივლი და მივალ
და ჩემს ოფლიან სახეს ანათებს დამწიფებულ
თავთავის ბრწყინვა...
ჩემამდე აღწევს მდინარის სუნთქვა, ჩემი ცოცხალი
მდინარის სუნთქვა,
იმ მდინარეში ჩემი სისხლია, ჩემი სუნთქვაა
მდინარის სუნთქვა.
ის არ ეხლება, ეს მე ვეხლები ქვიან ნაპირებს
და ხის ბოგირებს,
მისი სიცოცხლე, მისი სიმხნევე მე კვლავ მაცოცხლებს
და მამოგინებს...
ველზე გასული, როგორც მთესველი მე მდინარესთან
ერთად ვთენდები
და ვეჭიდები მიწას ფესვებით, ჩემი წარსულით
და ლეგენდებით...
ხეებში სუნთქავს დამცხრალი ვნება და ქვენაქარზე
ქანაობს ბალბა,
ჩემი წინაპრის საფლავის ქვები უფრო და უფრო
მიიწევენ დაბლა.
მე ვარ უკვლავი და ეს შიშველი კედლის ნანგრევი
ჩემი ფესვია,
მე ვერ ვიცოცხლებ და დავიქცევი, თუ დამეძვევა
ეს ეკლესია!..

აქ, ამ ველებზე და ამ ბორცვებზე განისვენებენ
ჩემი ღმერთები,
მე იმათ ფერმკრთალ შუბლზე ვლოცულობ და როცა
კვდები, მათ ვუერთდები.
ღამით რომ მიხმობს, მათი ხმებია და ჭრიალებენ
მათი ურმები,
ისინი ყოველ დილით დგებიან და ასდით სველი
თივის სურნელი...
უდგათ ზარფუში და ზედადგარი, წისქვილის გელაზს
კლდეებში თლიან,
მდინარეებთან მოსული მთები მათი დახრული
ქელებივით ყრია...
და სამხრეთიდან ცხელი სამხრეთის ქარს მოაქვს
ჩემთან მათი ჩურჩული,
რომელიც ახლა ისე მამხნევეს, როგორც ტაძარი
მზით გარუჯული.
მე ღამით ვუსმენ მწუხარე ევენებს, აქლემებს
მისდევს უდაბნოს მტვერი
და ამ მსურველ უდაბნოს მტვერში თვალს ეფარება
მრავალი ერი...
სულ სხვანაირი დგება ამინდი, წითლად ანთია
ცის ნახევარი

და ღვთაებრივი სემირამიდას ბაღებში ფრთხილად
ჩადის მხვევალი...

ანატოლიის ქვიშას მიმხმარი ხეთი სულს ებრძვის
და იყურება,

სამი ათასი წლის შემდეგ მიხმობს: „დამალევიწე,
წყალი მწყურია!..“

და იხლიჩება დიდი ხეები, ტრიალებს ქვიშის
მაღალი სვეტი,

მარდუქის ტაძრის საკურთხეველზე ეცემა სისხლის
მაძლარი წვეთი...

თრთის ბაბილონი, თრთის ქანანის, ძლივს მოჩანს
ჩემი გზის დასაწყისი

და მაღალ ხეზე ნელა ქანაობს დაკიდებული
ოქროს საწმისი...

და მესმის, როგორ კანკალებს სივრცე და როგორ
სუნთქავს სიცხე მკათათვის,

და პომპეუსის ხავსიან ხიდზე ჩემი მდინარე
როგორ გადადის...

ჩემო ღრუბელო, ჩემო ავდარო, ჩემო მინდორო,
ჩემო ზეგანო,

მოულოდნელად ზღვასთან თავდები, მე კი მგონიხარ
უკიდევანო!..

უშენოდ მე ვარ ხორბლის მარცვალი, ქარში ნასროლი
და უბინაო,

მე მოვდიოდი უნესკენ ცახცახით, მე ვიქცეოდი
და მე ვგმინავდი.

მე მოვდიოდი და ქარი მხრიდა. აქვითინებულს
და გაღიმებულს

მე შენს წიაღში გაჩენის დღიდან მინდოდა ძილი
და გაღვივება.

მე ვიყავ ლტოლვა, ვიყავ სიცოცხლე, ვიყავ ძიება,
როგორც ნაფოტი

წყალს მოვეყვებოდი და მე ვიცოდი, ვისთან და ვისკენ
მოვისწრაფოდი.

მე შემზარავი ვნახე სურათი, მე ვნახე წარღვნა,
დამტვრეულ რტოებს

სახეში მცემდა და მივცურავდი, ბნელში კამეჩი
ყვიროდა: „ნოე!..“

უკან სიკვდილი მომდევდა ბერწი და ყოველ ბუჩქთან
თვლემდა ხიფათი,

ვეფარებოდი ჭაობის ლერწმებს, ფეხებს ევფრატის
წყალში ვიბანდი.

მე გავიარე კაბადოკია და დასიცხული
ქვიშაზე ვეგდე,

ხან დაპურობილი და გათოკილი მე მივეყვებოდი
ასურულ ეტლებს...

☆ დღე მზიანი გეგეგეგეგე გეგეგეგე ☆
☆ დღე მზიანი გეგეგეგე გეგეგეგე ☆
☆ დღე მზიანი გეგეგეგე გეგეგეგე ☆

მე ხმაღს ვიქნევი და მძიმე ფარზე ასგან ელავდა
 მზე ჩაქყულებილი
 და ბორცვზე იდგა ძლიერი მარსი და მისთვის ვიყავ
 მხოლოდ წერტილი.
 მე მიკვირს: ჩემმა დაღლილმა ძვლებმა როგორ გაუძლო
 სირიის მტერიან
 გზებზე ხეტიალს, ჩაზნექილ გემბანს, იალქნიანი
 ნავების კრიალს.
 და დასისხლული ჩემი ხელები ეჭიდებოდა
 წვეტიან კიჩოს.
 ენთო ბოსფორი და გალერებზე ჯაქვით მიბმული
 ვუსვამდი ნიჩაბს...
 მიმძიმდა ტვირთი... ის მხრებში მხრიდა და ჩემი
 ძვლების კრიალს ვუსმენდი.
 მე გზაზე ვიდექ გაჩენის დღიდან და დაბეგვილი
 მქონდა ქუსლები...
 სინათლისაკენ გზა იყო შორი, მე ვგრძნობდი,
 სადღაც ენთო აპრილი
 და ჩემი სული იყო ღრმა ორმო, მზე აშუქებდა
 მხოლოდ ნაპირებს...
 მაწყვევლინებდა ტანჯულ სიცოცხლეს ფარისეველობა
 ფარისეველთა,
 თურმე ვტიროდი და არ ვიცოდი, თუ ფერმკრთალ
 ღაწვებს რა მისველებდა!..
 მე დაღლილ სხეულს ძლივს მივათრევედი არარაობის
 განწირულ გზებზე,
 მე ვოცნებობდი დიდ სინათლეზე და იმ სინათლის
 მოტანა შეეძებდი!..

ჩემს ძლიერ სახელს მაღალ კლდეებზე შენ კრძალვით
 წერდი, თივლათფალასარ,
 მაღალ კლდეებზე ჩემს დამარცხებას შენ კრძალვით
 წერდი, თივლათფალასარ!..
 საუკუნეთა იმ სიმრუშეში იდექ სასტიკი
 და სხვას ჰკიცხავდი,
 და შენ გეგონა თურმე უმეცარს, დროს მოაქცევიდი
 წელთაღრიცხვაში!..
 ცის ლურჯი თვალი იყო ვეება, იყო გამშრალი,
 იყო უცრემლო,
 ამოხაბული მდინარეები პირადმა იწვნენ
 თეთრი მუცლებით...
 და მიჰყვებოდა დამწვარ ფერდობებს ჯოვი და ჯოვი,
 ძვალი და ტყავი
 და დედაჩემის მოთქმა ერთვოდა წამოქცეული
 საქონლის ბღაეილს.
 სასოწარკვეთა, ზიზღი უღრმესი, შურისძიების
 ველური ვნება

უკან მომდევდნენ, როგორც ურმებზე ჯაჭვით მიბმული
ძაღლების ყეფა...

ჩემს ტუჩებს, გამშრალს და გაფიცებულს მხოლოდ და
მხოლოდ სურდა სისველე

და მაწვალებდა უღვთო სიცხეში მოჩვენებები
თაზისების...

და უსიზმრებო უდაბნოს ძილში და სიყვითლეში
ნელა ახელდა

ცხელ ქუთუთოებს უსაზღვრო შიში — გაურკვეველი
და უსახელო...

მე ვნახე ხვატით დამწვარ მიწაზე უეცრად ცეცხლის
გათავებდება

და რამდენიმე დამე იწვოდა ჩემი ქალაქის
დიდი კედლები.

სადაც ტაძრები მხრებით ეკავათ წელში გადრეკილ
კარიბტიდებს

და უზარმაზარ ზარებს რეკავდნენ, — იყო ნაცარი
და მე ავტირდი...

შენ იყავ ქართლი, ცისფრად გღებავდა თრიმლივით
ჩუმი საღამოს მოსვლა,

რა იდუმალი და რა მგზნებარე იყო მაღალი
ხეების ლოცვა!..

ის აწყდებოდა უხილავ თაღებს და მე არსმენილ
ლოცვას ვისმენდი

და მიდიოდა სულ უფრო მაღლა ცა უსასრულო
და შვინდისფერი.

მე მოველ მწირი და უბინაო და შენ კალთაში
ჩაგიდე თავი,

— მოდი, დამლიე, — მითხრა მდინარემ, — ჩემს
ზედაპირზე ჩაუშვი ნავი...

ხვალიდან უნდა ჩემს ცეცხლს ებოლა აქ, ამ
მიწაზე და ჩემს უძველეს

გატანჯულ მოდგმას და არსებობას სურდა ფესვები
და საფუძველი...

ვიწექ ბალახზე, ხარბი წყურვილი გაქრა და ახლა
ძილში მესმოდა

განრისხებული და დათრგუნვილი, ვით შესჩიოდა
ცას პელესპონტი...

და გაბზარული უკვე ყვიროდა ბნელ ქვესკნელიდან
ჩემი ბილინგვა,

მე მაშინ უკვე ვიყავ ისეთი, როგორც მსურდა
რომ ვყოფილიყავ...

მზე მოდიოდა ღიმილით ჩემსკენ, მწვავდა, მრუჯავდა,
გნებით მკოცნიდა,

მე მაშინ უკვე ვხატავდი ფრესკებს, ავაგე გრემი
და ნიკორწმინდა.

★

ღივი ბაგაბაჰური მზიანი

★

ღივი ბაგაბაჰური მზიანი

★

ღივი ბაგაბაჰური მზიანი

უკვე სუნთქავდა ჩემი ნაყოფი, ჩემი მბორგავი
სულის კვილი

და უარყოფის ეს უარყოფა მშობიარობის
მთხოვდა ტკივილებს...

შენ იყავ ქართლი და მიწის ძარღვებს დაწაფებული
ხარბად გსრუტავდი

და მივდიოდი ცეცხლივით მაღლა და ჩაღდებოდა
სული მბჭუტავი...

მე ვხმამურობდი შენი სისხლივით, ჩემი ხმა რეკდა,
როგორც ფოლადი,

პეშვით მომქონდა შენთვის მზის სხივი და აპრილივით
გზებზე გბოლავდი...

მე ძლიერ მსურდა, რომ ალერსიან სიცოცხლეს ეთქვა:
„ნუ წახვალ, დარჩი!“

და ფართხალებდა, როგორც თევზები ჩემი შიშველი
ფეხები წყალში...

მე ბედნიერი ვიყავი: წვიმდა!..

ირგვლივ სინათლე იდგა ყვითელი,

მოწყურებული ალერსით მღლიდა ზაფხულის წვიმის
გრძელი თითები...

მე შევყურებდი ცას უსათნოესს, მერცხლების
ფრთებქვეშ მღეროდა ქსანი

და თავთავების სუნი მათრობდა...

და ნეტარებით კვნესოდა ტანი...

ის მამრუბდა, სინათლეს მფენდა, მე მივდიოდი

და სიკვდილამდე

გაჩირაღდებულ თვლებში მენტო იმ თავთავების
დიდი სინათლე...

მე ვწერდი, როცა იდგა წყვდიადი და სოფელს ჩემსას
ერქვა ცურტავი,

მე სიბნელიდან გამოვდიოდი და სინათლეში
თვლებს ვჭუტავდი...

და მომყვებოდა დაქანცულს გარეთ დამძიმებული
წიგნების მტვერი,

თრთოდა და ზანტად ეფინა მზვარე და ქვითქვითებდა
ყანაში მწყერი...

შენ იყავ ქართლი და დედის ძუძულ შენი მზინი
მქონდა ბორცვები,

შენი ღრუბლები აკენის ჩვრებია: მე ყრმა ვარ შენი—
შენზე მლოცველი!..

მე მზით გავსებულ თვლებს ვახელდი და მე მწყუროდა
ვნებით ცახცახი,

ჩემს შიშველ ფეხქვეშ გრძელ საწნახელში იტყლიტებოდა
ყურძნის მარცვალი.

გხნავდი, ვკაფავდი, ვრწყავდი, ვბარავდი და მე მტკიოდა
ყველა სახსარი,

მიწით ვცოცხლობდი და მიფარავდა ჩემი კოპალა და იახსარი.

მე არ მეძინა და გაფითრებულს და ძილდაკარგულს, მშვიერს და მწყურვალს

თავმონგრეული კოშკის ქვითინი მესმოდა: „შვილო, სადამდე, ზურაბ!..“

ის იყო დედა. მე მან მიხილა თავის სიზმრებში და დავიბადე.

ის მიწასავით მისკენ მიხმობდა და თბილი იყო, როგორც თიბათვე...

ყველა ჭრილობა იმან მომზანა და შიგ მიფენდა ნამიან თივას

და ახლა ძველი ნაჭრილობევი მხოლოდ ღრუბლიან ამინდში მტკივა...

მე ვარ ძლიერი და კვლავ არსებობს ჩემი ჯილაგი და გასაგისი

და დღეს არ ვიცი, რად გამახსენდა ჩემი დიადი გზის დასაწყისი...

მე გავარღვიე წყვდიადის ალყა, ეცემა ჩემი სინათლის ჩქერი,

მე შეურყეველს უეცრად ვარყეფ, მე ვარ ჭურჭელი, არა მაქვს ფსკერი...

მე მოვიშორე ის, რაც მიშლიდა, გავექეც ფარულს და გაურკვეველს

და ისე მანებს ახლა სიმშვიდე, როგორც ნახშირი — გემის ბუნკერებს...

ჩემმა კეთილმა ღმერთებმა უცებ ისეთი დიდი ღონე მაჩუქეს,

რომ ჩემი ძველი წიგნების ფურცლებს მე ვტოვებ, როგორც კვერცხის ნაჭუჭებს...

მე გავიზარდე ძალიან სწრაფად, ბუნებამ მომცა, მე რაც მოფთხოვე,

ეს მე დავცქერი ურანის ქვაბებს, წყვდიადში მძინარ აეროდრომებს...

მე ჩავიდინე საქმე საზღაპრო, რადგან ვიცოდი: სივრცის შემართა

და წაიშალა ახლა საზღვარი ადამიანის მისწრაფებათა...

მე თეთრ ქალღღზე ფიქრით დახრილმა განუზომელი ვივრძენი ძალა,

ეს მე ვიყავი, მე შევარხიე სეისმოგრაფის დამფრთხალი შკალა.

მე გავუძელი შფოთვას და ტკივილს, მე გავიარე ღამის კიდებზე,

მაღალ ხეებში სინათლის სხივი ფართხალებს, როგორც ჩემი სინდისი...

☆ ბიზი ბეზეზაური გუიანი დღე ☆ ბიზი ბეზეზაური გუიანი დღე ☆ ბიზი ბეზეზაური გუიანი დღე ☆ ბიზი ბეზეზაური გუიანი დღე ☆

თრთის და კანკალებს მიწის ორბიტი — ჩემი
საყრდენი და ჩემი ფუძე.

ვით ყრმა, რომელიც ჩემსკენ მორბოდა და ახლა
გული ფეთქავს და უცემს...

მე დავიჯერე: შენობის გროვად ვერ გადავიქცევი
და ვერ მომსაპოვნენ

და იმ ღამეში, რომელიც მოვა, ანათებს ჩემი
ძვლების ფოსფორი...

მზე სულ ახლოა, ცა სულ ახლოა, ზევით მეწვევა
ყველა ვარსკვლავი,

მტანჯავს მიწის და ცის უთანხმოება — ქვევით
მეძახის მიწა დამსკდარი...

ვერა, მე ასე ვერ დავუბრუნებ მოუქანცავ და
უბრძოლველ სხეულს,

ვერ შეგეღევი ასე უბრალოდ ჩემი სიცოცხლის
მზიანო დღეო!...

მე შენი სუნთქვა მეხება თბილი და დგახარ,
როგორც ჩემი ბეთლემი,

შენ ხარ მაღალი და მე ვარ ჩრდილი შენს
განათებულ მზიან კედლებზე...

მხოლოდ შენა ხარ ჩემი ამინდი და ჩემს სურვილებს
შენ გამინაღდებ,

შენ დამადგები და შენ ამინთებ აუნთებელი
სულის ჩირადდნებს...

მხოლოდ შენა ხარ ჩემი ამინდი და ცისფერ ძარღვში
ფეთქავ სისხლივით,

უნდა შენზე ვთქვა, რაც ჯერ არ მითქვამს და ის,
რაც მხოლოდ იგულისხმება...

მე შენ გეძებდი, როცა გუგუნი იდგა, და მე შენს
ალერსს ვითხოვდი,

დაბადებული ღამის შრიალში მე შექმნილი ვარ
შენი სითბოთი.

სული შთამბერე, ვიყავ თიხისა და ვიგრძენ ჩემი
ტერფი და თხემი,


იყავ ნათელი და შემიხიზნე და ჭურჭლად გქონდა
სხეული ჩემი...

და იმის შემდეგ, რაც დაგინახე, ვიწრო ოთახში
ვეღარ ვეტივი,

გავსებულია შენი სინათლით ჩემი ცხოვრების
ეს ფრაგმენტები...



მოთარგმნელი



ჭაიხუცაძე ლეონი

მოთარგმნელი

ზოლით ქარი ისევ უბერავდა და ფანჯარაში თავგაყოფილ თუნუქის მილს კვამლს ტაცებდა. მინებს მკვარტილისა და მტერის ფენა ედო და ღრუბლები ტალახისფერი ჩანდა. დარაჯს ეღვიძა. დიდი ხანია ეღვიძა. მატარებელი რომ გაუშვა და სახლში მჩვარივით მოათრია „სტუმარი“, ძილი აღარ წაეკარა; აღარ წაეკარა კი არა, საათმა არ მისცა მოსვენება. საათი

ახლა თვითონ კი აღარ უყვებოდა, დარაჯს ეკითხებოდა: ვინ იყო ეს კაცი, რატომ არ ერჩოდა ძაღლი, რატომ მიიბიჯებდა შპალეზზე, თუკი არსად არ მიდიოდაო.

საათმა, კედლის ძველმა ქანქარა საათმა რაღაც იცოდა, მაგრამ არ ამხელდა, უნდა თვითონ დარაჯს ეთქვა; მაგრამ დარაჯი არასოდეს არ ეუბნებოდა საათს არაფერს, და საათი ამბობდა ხოლმე თავისა და დარაჯის სათქმელს.

ახლა არ ამბობდა საათი. ცოდნით კი იცოდა.

ეშინოდა? არა, შიში არ იყო ეს, მაგრამ არც იოლი გასამხელი იყო: საათმა იცოდა, რომ მუნჯი არ იყო სტუმარი, ოღონდ ვერ ლაპარაკობდა.

ყოველთვის არ ლაპარაკობენ ადამიანები. ზოგჯერ, ძალიან რომ უნდათ გითხრან, მაშინაც კი არ ამბობენ; მითუმეტეს, თუ არავისთან არაფერი არა აქვთ სათქმელი, ან უკვე თქვეს, რისი თქმაც უნდოდათ.

დარაჯი ადგა. ფეხჩაუტეპელი მივიდა ღუმელთან, მსხვილი, დახერხილი შეშა შეუყეთა და უკან გამობრუნდა. საწოლთან რომ მივიდა, მაშინ გადახედა ფიც-

¹ დასასრული. იხ. „ციცქარი“, № 10, 11.

რებზე დამზობილს. სტუმარს ლოყა ფიცარზე ედო, ცალი ხელი მუცელქვეშ მოჰყოლოდა, ზურგჩანთა ისევ მხარზე ჰქონდა გადადებული.

— ასე სახლები ინგრევიან... — თქვა საათმა.

— ჩანთა მაინც ამოედო თავქვეშ, — თქვა გუნებაში დარაჯმა.

— ეგ არც უფიქრია, — თქვა საათმა. — საერთოდ არაფერი არ უფიქრია. ასე-სახლები ინგრევიან...

რკინიგზელის შავ მაზარაში თავწყაოფილმა მუშამ ზედიზედ მშრალად დაახველა და წამოიწია, ფანჯარას გახედა და დარაჯი დაინახა.

— ლუკა! — დაუძახა მუშამ.

— ჰო, გათენდა! — თქვა დარაჯმა და თავის საწოლზე ჩამოჯდა.

— ქარია ისევ? — იკითხა ახალგაღვიძებულმა.

— ქარია.

— არ მოთოვდეს ნეტა, თვარა... უსაშველოა პირდაპირ...

— ვინ იცის...

როცა მუშები იღვიძებენ, საათი თავისთვის მუშაობს და აღარაფერს ამბობს.

— აჰ ლუკა, ხომ არ მოთოვს, თუ იცი?!

ლუკამ არაფერი უპასუხა, მაგრამ მუშამ თავისი მაინც თქვა:

— მოთოვს რა, მე შენ გეტყვი უდროობა ეთქმის; ჰემონტს კიდევ ორი კვირა ვერ დავამთავრებთ, მოგვისწრებს თოვლი, ეჭვი არაა, მოგვისწრებს.

— მოგვისწრებთ... — ამით მუშას არ დათანხმებია, მაგრამ თავისთვის თქვა.

— გაჭირდება მუშაობა.

— გაჭირდება...

— ნამეტანი გაჭირდება.

მეზობლად მწოლმა ხელი გადმოსწია, მაზარის სახელოში წვდა, მოსწია და შეუწყრა:

— არ ძაღლის ყბა გამოიბი ამ უთენია?..

მუშამ არაფერი არ უპასუხა, საწოლზე წამოჯდა, ყელთან შეხსნილი ლითონის დოღები შეიბნია და თავისთვის ჩაილაპარაკა:

— უნდა ავდგეთ აწი, ნეტა რომელი საათია... — და საათს ახედა.

გვერდით მწოლი გადაბრუნდა. ძილის დრო აღარ იყო, მაგრამ თვალები მაინც მოხუჭა.

— ლუკა, — თქვა ისევ პირველმა, — წუხელ შუალამის მატარებელს გზის ოსტატი არ ჩამოყოლია?

დარაჯს წუხელ, საჩინოსთან შეხვედრის მერე, აღარც გახსენებია, რომ გზის ოსტატი იყო ჩამოსასვლელი. თავი გაიჭინა.

გარეთ ქარმა დაუბერა და ღუმელში კვამლი შემოაბრუნა.

— გაჭირდება, — ჩაილაპარაკა მუშამ, მაზარიდან გამოძვრა, სოხანეზე წინდებით გაიარა და ღუმელთან ჩამოჯდა. საჩინოსკენ არ მიუხედავს, ან იქნებ მიიხედა და ვერ შენიშნა...

კედლების გასწვრივ გაჭიმულ ფიცარულ საწოლებზე მიფენილი შავი მაზარებიდან კანტიკუნტად ყოფდნენ თავს წვერგაუბარსავი მუშები. ფანჯარას შეხედავდნენ, მერე საათზე შეამოწმებდნენ ფანჯარაში დანახულს, მაგრამ საათი იმედს უმტყუნებდა. ვითომ წამოდგომასაც დააპირებდნენ, მაგრამ ეს მაგარი და ცივი საწოლი დასათმობად მაინც არ ემეტებოდათ.

— იასონ! — დაიძახა დარაჯმა; ადგომის დროაო, აღარ უთქვამს.

საწოლიდან მძიმედ გაეხმაურა იასონი, მაზარამოხურულმა გამოსწია ღუმელისაკენ და ხმამალა სთქვა:

— ქარია ე ამოსაგდება!

ჩამოჯდა, ერთხანს ღუმელის მილზე ითბო ხელები და მერე ისევ წამოიძახა, გეგონებოდა ცხელ თუნუქზე ხელი დაიწვიაო:

— აჰა ჰე, რა ვთქვი მე!

მუშებმა იცოდნენ, ამით რისი თქმა უნდოდა მათს სიტყვაძვირ ბრიგადირს და ნელ-ნელა წამოიშალნენ.

ეს არ გაუგონია დარაჯს, მას არც საათის ხმა ესმოდა.

ყველაზე ენაქართალა ადამიანებიც ძალზე ძუნწად თუ ამხელენ თავიანთ ფიქრებს. ადამიანი ფიქრებში მოქმე-

დებს თავისუფლად და გულახდილად, პირდაპირია და პირუთენელი. მისი ფიქრი სამყაროა, უკიდევანო სამყარო. ადამიანი ფიქრში უსწორდება ყველას, სიუბრობს ღმერთთან და თავის თავთან. ადამიანი ფიქრში იძლევა იმაზე მეტს, რაც მართლა შეუძლია გაიღოს; იმაზე უფრო სასტიკია, ვიდრე სინამდვილეშია, ან იმაზე მეტად ღმობიერია, ვიდრე ამის ძალა შესწევს; ადამიანებს აღელვებს ფიქრები და ისევ ფიქრები ამშვიდებს.

— ლუკა!

დარაჯმა თავი ასწია.

ოთახიდან მუშები გაკრეფილიყვნენ. კართან იასონი იდგა, თვალი იქით ეჭირა, სადაც კედლისაკენ პირშექცეული საჩინო იწვა.

— იყოს... — თქვა დარაჯმა.

— სამუშაოდ ხომ არ მოსულა?

— არა...

— მგზავრია?

— არა.

იასონი შებრუნდა. კარში გააღაჯა.

— შენინი იქნება ვინმე...

არაო, უნდოდა ეთქვა დარაჯს, მაგრამ არ უთქვამს.

ოთახში ძალი შემოძვრა, მაგრამ ღუმელთან მიახლოება ვერ გაბედა, არც სტუმრისაკენ წასულა. ერთხანს აქიციან კუდი და მერე ფეხით მოიქეჭა. დარაჯმა შავი პურის ქერქები გადაუყარა. ძალმა მორჩილა ნატეხები იქვე გადასანსლა, მოზრდილა პირში დაიჭირა, თათით გამოაღო ღრიკოდ მიგდული კარი და გარეთ გავარდა.

გაღებულ კარებში ქარი შემოიჭრა. დარაჯმა მიიხედა, მაგრამ არ ამდგარა მისახურავად.

ღიღის მატარებლის დრო ჯერ არ იყო და მატარებელზე არაფერს ამბობდა საათი... საჩინოზე უნდოდა რაღაცის თქმა...

დარაჯი უცებ წამოდგა, ნაჩქარევად მოძებნა ჩექმები, ჩაიცვა ისე, რომ გახეული წინდის წვერი არც მოგონებია.

დარაჯმა ხმაურით გადადგა ნაბიჯი,

კარიც ხმაურით გამოაღო და გარედან მოკლედ დახერხილი შეშა შემოიტანა, ღუმელის ფეხებთან მიყარა, წუთით შეჩერდა, მერე მიტრიალდა და თავზე წაადგა ერთ წერტილს მიშტერებულ საჩინოს.

— გვერდიც არ უცვლია... — თქვა საათმა.

— ცეცხლს მიხედე!

საჩინო შეკრთა, მაგრამ არ განძრეულა და არც თვალი მოუცილებია ამოჩემებული წერტილისათვის.

— ცეცხლი არ ჩაქრო, — გაიმეორა დარაჯმა, ჯუბა მოიღო მხრებზე, სხვა არაფრისათვის მიუხედავს, გაიხურა კარი და ჩექმების ბრახუნით წავიდა.

ტრაქტორი მკახედ ათუხთუხდა და მაცუჩიდან ზედიზედ გამოისროლა მუქი ბოლი. სანამ ძრავი გახურდებოდა, თანაშემწე ხელსაწყობებს აგროვებდა და ყუთში ყრიდა.

— გივი, — ხმამალლა თქვა ამბერკიმ. ტრაქტორის მუშაობის დროს მიჩვეული იყო ხმამალლა ლაპარაკს.

თანაშემწემ თვალეზში შეხედა.

ამბერკის იმ დილით დაავიწყდა ეკითხა, საწვავი თუ მიიღო კოლექტივის საწყობმა გუშინო, და ახლა მოაგონდა, მაჩვენებელს რომ დახედა.

— საწვავი ჩამოგვივა?

გივიმ თავი დაუქნია და გუთანზე ანიშნა, „ავუწიო თუ დაუწიო სიმალლე“.

— იყოს, — თქვა ამბერკიმ.

თანაშემწეს ბევრი რამ ჯერ კიდევ კარგად ვერ გაერკვია: როცა არხი შუამდგა მიყვანილი, მერე გუთნის აწევა ან დაწევა როგორ შეიძლება? როცა თავიდან იწყებ, მაშინ სხვაა. ან რა სიმალლის არხია საჭირო? შედარებით მშრალი უნდა იყოს თუ ჭაობიანი?

ამბერკიმ ერთი მოხედა გუთანს და პედალს ბოლომდე დააჭირა ფეხი, მანქანას სიჩქარე მისცა, გაზი მოუმატა.

ოტია იოსელიანი
ჯარისკაცი დაბრუნდა

ჯერ კბილანებმა დაიჭრიალა, დაიძრა მანქანა, მერე მისაბმელმა გაჰკრა და უშველებელი ფრთებიდან ბელტები ჩამოცვივდა. მანქანა მძიმედ, ტაბით წავიდა პირდაპირ და აზვირთდა ბელტები. მიწაში ღრმად წასული არხსაჭრელი გუთანს უღვთოდ ფატრავდა ნაყანვე მიწას.

თუმცა ქარი უბერავდა, მინაჩამსხვრეულ კაბინაში არც ისე ციოდა, რადგან უკვე გახურებული ძრავას თბილი მონაბერი შემოდოდა.

თანაშემწე გვერდით იჯდა, მაგრამ აღარც გუთანს უყურებდა და აღარც ამბერკის. ერთიც მობეზრებოდა და მეორეც. მისი ფიქრი ის იყო, თვითონ დამჯდარიყო საუკესთან და საღამოს, სოფლის კანტორასთან თავშეყრილ ბიჭებში ჩამდგარს, ბრიგადირისათვის სხვათაშორის ეთქვა: ამდენი ჰექტარი მოცხანი, ან ამდენი მეტრი არხი გავჭერიო. თანაშემწე იმას არ ფიქრობდა, იცოდა თუ არა მანქანა: ეს მაშინ მოაგონდებოდა, როცა რაიმე გაუფუჭდებოდა; არც ახლა ახსოვდა. იხედებოდა წინ და ფიქრობდა: არაფერი დიდი საქმე არაა ტრაქტორის მართვა, ავტომანქანა რომ იყოს... თუმცა არც ისაა დიდი საიდუმლოება...

არა, არა,—ამბერკიმ თავი გაიჭინა,— ასეც არაა საქმე, იქნებ სადმე მიდიოდა ის კაცი. დიდია სოფელი, არც ისე დიდია, მაგრამ... ორმოცი მოსახლე მარტო შექერისშია, მეორე სოფელში სამოცდაათამდე უნდა იყოს, იქნებ მეტიცაა. ზემო შექერისში იმდენი არაა. მეოთხე სოფელიცაა ცოტა მოშორებით, ისიც ამ კოლექტივში შემოდის და თუ ვინმემ მოასწავლა, აქეთ მოასწავლიდა... ან არადა, ორმოცი მოსახლევ არაა ცოტა და ზოგჯერ ოჯახიდან ორი-სამი კაცია დაღუპული და უგზოუკვლოდ დაკარგული.

ტრაქტორი გუგუნებდა და მძიმედ უახლოვდებოდა მდინარეს. საწრეტ არხებს მდინარეში უშვებდნენ, რომ წყალს გზა ჰქონოდა.

ნაპირთან ვედროს წამოავლო ხელი თანაშემწემ. კარი გააღო. ამბერკიმ მან-

ქანა შეაჩერა, სანამ თანაშემწე მდინარეიდან წყალს მოიტანდა. რადიატორი წყალს აპარებდა, დღეში ოთხჯერ ხუთჯერ უხდებოდათ წყლის ჩამატება. ყოველდღე ელიან ემტეესში ახალ ტრაქტორებს და არ დაადგა საშველი...

არა, არა, ბევრი დაიღუპა, თვითონ ამბერკი რამდენჯერ ბეწვზე გადარჩა. ნეკნები აღარ შერჩა და თითი. თითი რა სახსენებელია — თითქოს ფრჩხილი მოგეჭრას, ამისთვის ჰოსპიტალშიც არ აწვევენ დაჭრილს. დაიღუპნენ... ამბერკის სიყრმის მეგობარი ვოდერძი. რა გახარებული იყო, ორივენი რომ ერთად მოხვდნენ. ფრონტზეც ერთად წავიდნენ. თურმე არ უნდა ვიხაროდეს, როცა ახლო მეგობარი ან ძმა შენთანაა ასეთ დროს. ამას მალე მიხვდა ამბერკი.

დაიღუპაო — ასე თქვა — ბევრი დაიღუპაო... ჰო, ალბათ ისიც დაიღუპა. დაიღუპებოდა, რად უნდა ლაპარაკი, ასე იოლი კი არაა. შენ გადარჩენა თქვი, თვარა დაღუპვით კი დაიღუპებოდა.

ტრაქტორი ახალ არხს უდგა და გრიალ-ჭრიალით მიიწვივდა წინ.

...ასე იოლი კი არაა გადარჩენა.

ამბერკის არავისთვის არაფერი არ წაურთმევია. ასე მოიქცეოდა ყველა მის ადგილზე. კარგი, ამბერკის არ შეერთო დესმა—სხვა შეერთავდა ახალგაზრდა, უშვილოდ დარჩენილ ქვრივს...

ამბერკის არ ესიაშოვნა სიტყვა „ქვრივი“... და წუთით გაუწყდა ფიქრის ძაფი. მერე თავი გაიჭინა: აბა, რაც ამ ომში კაცები დაიღუპნენ, იმათ ცოლებს... ის კი არა და ამბერკიმ უარესიც იცის! ემტეესის მთავარი ბულალტერი ცოცხალია, მაგრამ მის ცოლთან ის წითელი ტურა...

არა, არა, ეს არ ვარგა, ქალს რომ ჰკადრო კიდევ, კაცს უნდა სცე პატივი კაცმა. ამბერკის რომ... რა გასაკვირია, აღამიანი წუთია, მერე რა, რომ ზღვას გადაურჩა, შეიძლება ცეარმა დაახრჩოს! ამბერკის გარეზიძევილი ფრონ-

ტიდან დაბრუნებულა და მატარებლი-
დან სახლამდე ვერ მიეღწია, ტყეზე
გავლისას მგლებს შეეჭამათ.

ყველაფერი შეიძლება და ამბერკი
ვერ გაუწიბლებს ცოლს. თუმცა დესმას
ახლა ბავშვი ჰყავს. ჰო, ბავშვი ჰყავს,
ამბერკის პატარა ბიჭი, არაფერი არ
იცი, „თა-თა“, იძახის მარტო. ამბერ-
კის ცნობს?! ვინ იცი, ამბერკის კი
ჰგონია, რომ ცნობს, მაგრამ ვინ იცი...
დესმას კი ცნობს უკვე, დედა მინც
სხვაა...

დესმას ადგილზე ასე უნდა მოიქცეს
ქალი. ჩვენში თუ ჯერ კიდევ სადმეა
ასეთი ადამიანი და წესი, უნდა გადავარ-
დეს — ადამიანი ხომ ადამიანია. ხომ
უნდა ცხოვრება... არა, ახლა სხვაა,
დესმას ახლა ბავშვი ჰყავს...

სალამოს მანქანა ჩამოვიდა და დი-
ლით ჩამოტანილი საწვავიანი კასრი
წაიღო.

არხების გაჭრა დამთავრდა. დამთავრ-
და აქ, ამ ნაკვეთზე. ორი დღის სამუ-
შაო კიდევ იყო კანტორის ვადამა,
მაგრამ დღეს დაწყებად არ ღირდა.
დამე სამუშაოდ არც მანქანა იყო მოწ-
ყობილი და არც ისე საჩქარო იყო, —
ადრე გაზაფხულამდე ყოველთვის შეიძ-
ლებოდა.

— ავუწევ გუთანს! — თქვა თანაშემ-
წემ.

ამბერკიმ მაშინვე არ მისცა თანხმო-
ბა, რაღაც არ მიეჩქარებოდა შინ.

— მოიცა, — თქვა ბოლოს და იქვე,
წყლის პირას ჩამოჯდა.

თანაშემწემ მხრები აიწურა, მოცახ-
ცაზე ტრაქტორს შემოუარა და გუთნის
მისაბმელზე ჩამოჯდა.

ამბერკიმ იცოდა, თანაშემწეს ეჩქა-
რებოდა; ახალ პირშებუბულულ ბიჭს
სოფლის კლუბში ტოლებთან დლიცინი
და ვოგოების ერთი თვალის ჩაკვრა
ერჩინა, რაც კი დედამიწის ზურგზე
ტრაქტორი იყო. მითუმეტეს ახლა სო-
ფელში ცოტა სამუშაო იყო და სოფლის
ახალგაზრდობა მთელი დღე ირეოდა
კლუბსა და ბიბლიოთეკაში, თუ არა
და გარაჟში შოფრებთან საათობით
ყვებოდნენ გურულ ანეკდოტებს.

თანაშემწეს ვერ გაეგო, რაღაც უც-
დიდა ტრაქტორისტი, როცა მადლობა
ღმერთს — სამუშაოს მორჩნენ.

ამბერკის მაინც არ მიუწევდა გული
შინისაკენ, მითუმეტეს, როცა სოფელში
გავლა უწევდა, რადგან ჯერ ტრაქ-
ტორი გარაჟში უნდა დაეყენებინა. აქ
ხვალისთვისაც რომ ყოფილიყო სამუ-
შაო, ტრაქტორის დატოვება მაინც არ
შეიძლებოდა. ცა მძიმედ იყო ღრუბლე-
ბით დატვირთული და ეს ქარიც არ
ჩაღებოდა, სანამ არ გააწვიმებდა; წვი-
მას თოვლსაც მოაყოლებდა და ამ
ბებერი ტრაქტორის მინდორში დაგდე-
ბა არ იქნებოდა.

მანქანის მისაბმელზე ჩამომჯდარი
თანაშემწე წამოდგა, ვერ დამავრდა ად-
გილზე.

ამბერკი არ წამომდგარა, ისე ანიშნა
ხელით, ასწიეო. ბიჭი მკვირცხლად
შეტრიალდა, მისაბმელზე შეხტა და
გუთნის საქუს ტრიალი დაუწყაო.

„ეჩქარება“ — თქვა თავისთვის ამ-
ბერკიმ და გული დაწყდა. იქნებ უყვარს
ვინმე. ამბერკიმ არ იცი, ვინ უყვარს.
მაგრამ სულერთი არაა?!

ამბერკის თავისი ბიჭი უყვარს, ერთი
ციცქნა შვილი, „თა-თა-თა“. ამბერკის
ცნობს? რას ცნობს, აგერ მესამე დღეა,
მღვიძარე არ უნახავს. ამბერკი შინ
რომ ბრუნდება, ძინავს. დილით შინი-
დან რომ მოდის, ისევ ძინავს. ამბერკი
მიხვდა, რომ ბავშვი მონატრებოდა და
ახლა ძალიან მოონია მისი ნახვა.

წამოდგა. თანაშემწე ისევ ატრიალებ-
და საქუს და გუთნის უზარმაზარი
ფრთები ნელა, შეუმჩნევლად სცილდე-
ბოდა მიწის ზედაპირს.

ბავშვი ამბერკისაა.

ამბერკი ტრაქტორის მუხლუხა თვალ-
ზე ავიდა, კაბინის კარი გამოაღო. ახლა
ეჩქარებოდა. ბავშვი უნდა ენახა. თუ
ჩქარა ივლიდა და გარაჟში ლაპარაკს
არ შეყვებოდა, დაუძინებელს მიუსწ-
რებდა.

ოტია იოსელიანი
ჯარისკაცი დაბრუნდა

გუთნის სახნისი ერთ მტკაველზე აცი-
ლდა მიწას. თანაშემწემ მისაბმელზე
გამოიარა ისე, რომ ძირს არ ჩამომხტა-
რა, და მეორე მხრიდან თვალზე ამო-
ვიდა.

ამბერკიმ ტრაქტორი მოაბრუნა და
წყლის პირს გაჰყვა, რომ ხიდამდე ნა-
პირ-ნაპირ გასულიყო და იქიდან გზას
გადგომოდა.

ხან შეიძლება კვირა ისე გავიდეს, არ
მოგენატროს ადამიანი, ხან კი ერთბა-
შად მოგივლის ნახვის სურვილი და
ერთი სული გაქვს, სანამ თვალს შეაე-
ლებ.

თანაშემწეს ჯერ ვერ ანდობს ტრაქ-
ტორს, თორემ როგორც კი სოფელში
შევიდოდა, პირდაპირ შინ გასწვდა.
შეიძლება ბავშვმა ადრე დაიძინოს და,
ბავშვს რომ არც მოერიდო, ღესმა გა-
გიჟდება: არ გამოიღვიძო, მერე ძილი
გაუტყდება და მთელი ღამე იჭირვეუ-
ლებსო.

ამბერკიმ ლენინგრადის ბლოკადაში
დაღუპული ძმის სახელი დაარქვა
ბავშვს — არჩილი. უკეთესი იყო სხვა
სახელი დაერქვია, ერთხანს სულ ძმას
აგონებდა ეს სახელი. მერე ღესმამ
ფერებაში ხან აჩიოდ აქცია, ხან
აჩოდ, ხან აჩა-ბაჩად; ახლა ამბერკი
აჩოს უძახის და ბავშვმა თანდათანო-
ბით ისე მიითვისა სახელი, არჩილის
გაგონება ძმას კი აღარა, — შვილს, პა-
ტარა აჩოს ახსენებს.

ტრაქტორი გუგუნით შეუღდა აღ-
მართს. შრომე გზაზე ხრჭიალებდა
ტრაქტორის კბილანები და რიყის ქვა-
ზე ცურავდა გუთნის თვლები.

სახლისაკენ გადასახვევს რომ მიუახ-
ლოვდა, გაახსენდა, როგორ დამფრთ-
ხალმა გამოიარა აქ ამ დილით. ახლა
თავს უფრო მხნედ გრძნობდა და ვერ
გაეგო, ამ დილით რამ დააფეთა ასე.

ჩასახვევს რომ გაცდა, მიხვდა, ამ-
დილანდელი შიში უსაფუძვლო არ ყო-
ფილიყო და უცებ დაიჭერა, რომ ის
„ის“ იყო და სხვა არავინ; მაგრამ ახლა
ამ ფიქრმა ისე ველარ შეაშინა, რო-
გორც ამ დილით, და გაუკვირდა — ახ-

ლა ამაზე ისე ფიქრობდა, თითქოს
სხვის ამბავს ჰყებოდა.

„ის ცოცხალია და სადღაც, ალბათ,
აქვეა სოფელში“. ესეც კი ისე თამამად
თქვა, თითქოს მას არც ეხებოდა ეს
ამბავი.

„ის“ გუშინ დაბრუნდა და ეს მთელ-
მა სოფელმა იცის. მარტო ღესმამ არ
იცის, პო, ღესმამ არ იცის... და რომ
გაიგებს...

ამბერკიმ ტრაქტორი შეაჩერა.
— წადი შენ, — თანაშემწეს მიუბ-
რუნდა, — წადი შინ, ტრაქტორს მე ჩა-
ვაყენებ.

თანაშემწემ მანქანის ხმაურში ვერ
გაიგონა — არ განძრეულა.

— წადი, შინ წადი, — იყვირა ამბერ-
კიმ. — დაყრუვდი? სადაც გინდა, იქ
წადი!

თანაშემწეს გაუხარდა, მაგრამ მანქა-
ნიდან ისე ჩამოვიდა, კიდევ არ სჯერო-
და.

„იქნებ სადმე ამ მოსახლისას ზის“... —
გაიფიქრა, მაგრამ ახლა აღარ უგრძე-
ნია ის შიში, რაც ამ დილით. კი, კი,
ამდილანდელი მისი ამბავი შიში იყო, —
როგორი შიში, ეს არ იცის, მაგრამ
შიში კი იყო. ამ დილით მარტო იყო,
თუმცა ახლაც ხომ არავინაა; მაგრამ
ახლა რაღაც სხვა იყო.

ახლა მარტო იყო?..

ამბერკიმ მიიხედ-მოიხედა, თითქოს
აქ ვიღაც ეგულეობდა.

არავინ, არავინ არ იყო. თანაშემწეც
რა ხანია თვალს მიეფარა.

და ამბერკი მიხვდა — ეს მანქანა იყო
მასთან, ტანკით ძლიერი რკინის მან-
ქანა, მანქანა, რომელსაც მთელი სოფე-
ლი ვერ შეაკავებდა. ამბერკის გაახსენ-
და: ბავშვობისას, ღამით, დაკარგული
ხარის სამებრად რომ წავიდოდა, თუ
იპოვინდა, ტყეშიაც თამამად გაივილიდა
ხართან ერთად. უხაროდ ჩიტის ფრთხი-
ლისაც ეშინოდა, ხართან რომ იყო,
მგონი მგელიც არაფრად ჩაეგდო.

და ამბერკი ახლა მიხვდა: ხარის ძალი
მასში გადმოდებოდა, ეს აძლევდა რსუ-

ნას; ამბერკიმ მაშინაც იცოდა: მგელი რომ გამოჩენილიყო, მისი რქაწატეხილი ჯანდრაგი ხარი ვერ დაიფარავდა, მაგრამ ის მაინც ხარი იყო, მასზე ძლიერი, ის უღელს ეწეოდა.

ახლაც უთუოდ ამ რკინის ძალა იყო მასში, თანაც ამ რკინით აქ საქმე იყო საკეთებელი. იყო ხმაური, ძლიერი ხმაური, და აქ ამბერკი მარტო არ იყო.

გზაზე განიერი ადგილი შეარჩია და მანქანა მოაბრუნა.

„შინ წავიყვან, ამაღამ ეზოში დავაყენებ, ხვალ დილით უთენია გავუვლი გვიგის და კანტორის ვადაღმა ვადავალთ სამუშაოდ“.

როცა ჭიშკართან მიყენებული ტრაქტორის ძრავა ჩააქრო, უცებ გაუელვა, დესმას ხომ არაფერი გაუგიაო?

სახლისაკენ გაიხედა. დესმა არ გამოჩენილა, არავითარი ყურადღება არ მიუქცევია ტრაქტორის მოსვლისთვის, და ამბერკიმ გუმანით იგრძნო, რომ დესმამ ისევ არაფერი არ იცოდა.

კაბინის კარი რომ მიხურა, ჯერ კიდევ მუხლუხა თვალზე იდგა, რომ ეზოში დაგდებული წიფლის ხე მოხვდა თვალში.

— მაინც რა, სულ ჩასასვლელში დამიგდია, — თქვა და ალაგზე გადაალაჯა, — ამ დღეებში მოვაცილებ აქედან, მაინც ავდრები იქნება მალე.

შუა ეზოში ჩაახველა. ტრაქტორის ხმა ვის გამოეპარებოდა, მაგრამ თითქოს ეშინოდა, ვინმე უსიამოს არ ვადაპყროდა სახლში. კართან შეჩერდა, უკან დაიწია, ცოტა ხნის მერე შეაღო.

დესმა ბუხართან იჯდა. აკვანი ცეცხლთან მოეწია და ბავშვის საგებს ათბობდა ნაკეირჩხლებზე. ეტყობოდა, ჩასაწვენად ამზადებდა.

სახლში უკვე ბინდი შემოდიოდა. ციკოზი წითელ სინათლეს ჰფენდა იქაურობას. დედის კალთაში ჩაგორებული ბავშვი ცეცხლს მისჩერებოდა.

— კარგია, რომ ბავშვს არ ძინავს, — თქვა, მაგრამ დესმას არ გაუგონია.

— რას მოათრიე ის დასაწვავი, ვერ დააგდე გარაჟში?

„არაფერი არ იცის“, გაუხარდა ამბერკის და ბავშვს ჩაახედა.

— აწვენი ჯერ?

— ვაწვენ, იქნებ რაიმეს მივხედო.

— ადრეა, მთელ ღამეს ხომ არ იძინებს. წლისოდენი ღამეა.

— იძინოს, აბა რა ვუყო: ძროხაც არ დამიბამს, წვეთი წყალიც არა მაქვს შინ. ამბერკიმ ახლა გაიგონა ხბოს ბლავილი.

— ნუ დააწვენ, ნუ, მე დავაბამ ძროხას, წყალსაც მე მოგიტან.

— მერიც საქმე არაფერია სახლში? ამბერკიმ ელექტროლილაკი ვადააბრუნა, ბავშვმა ცეცხლს თვალი ანება და ახლა ნათურისაკენ გაიშვირა ხელი.

— თა-თა-თა!

— აჩო! — ჩასძახა ამბერკიმ. — აქეთ, აჩო, აქეთ მოიხედე!

ბავშვი სინათლისაკენ იწვდიდა ხელს, მამაკაცის ხმასაც მიიყურა, მაგრამ ამბერკი არ დაუნახავს.

დესმამ აკვანი ვაამზადა. საბანი სახელურზე ვადააფინა და კედლისაკენ მისწია.

— ჰა, დაიკავე, მე მაინც მივხედავ რაიმეს!

— მოიცა, წყალს მოგიტან.

ამბერკი ჭიდან კოკით რომ დაბრუნდა, ბავშვი ლოგინზე დაეგორებინა დედას და იჭაჭებოდა. ჯერ ხალათის გამოცვლა დააპირა — ზეთითა და სალიარკით დალაქავებულ გულისპირზე არ უნდოდა მიეხუტებინა ბავშვი, მაგრამ მის ტირილს ვერ გაუძლო და ხელში აიყვანა.

— აჩო, აჩო, — გამოელაპარაკა ბავშვს და მალე ასწია, ნათურასთან მიიყვანა.

ბავშვმა ტირილი შესწყვიტა და ისევ სინათლისკენ გაიშვირა ხელები.

— აჩო ჩემია! — თქვა მან ბავშვის ვასაგონად. პატარას მამაკაცის ხმა აკრთობდა და ახლაც სმენად იქცა. — ჩემია, — ვაიმეორა ამბერკიმ. — ხო? ჩემია აჩო?

ოტია იოსელიანი
ჯარისკაცი დაბრუნდა

მერე, როცა ბავშვმა დაიძინა და ღეს-
მამ ვახშამი გააწყო, მისდაუნებურად
იკითხა:

— იყო დღეს ვინმე? — მაგრამ ღეს-
მას პასუხს არ დაუცადა, განაგრძო: —
ილიკო ხომ არ ყოფილა!

— არ ყოფილა.

— არ ვუკითხვიარ?

— არა, რატომ უნდა ეკითხე?

„არაფერი არ იცის“, საბოლოოდ
დაასკვნა ამბერკიმ და, ღღისმა რაიმეში
რომ არ დაეუჭებინა, განმარტა:

— რა ვიცი, მგონი ბიჭის მოწყობა
უნდა სატრაქტორო კურსებზე.

— ჭერ უმაღლესში აწყობდა, ახლა
კურსებზე ჩამოვიდა?

— რატო, რა უჭირს, ხელობა ეცო-
დინება და თუ სწავლას მოინდომებს,
მერეც ვინ დაუშლის!

— მისი საქმეა...

— ჰოდა, მე შემეხვეწა...

— შენ რომელი კურსები გაქვს გახს-
ნილი?

— კურსები კი არა, — ოდნავ ხმამალ-
ლა თქვა ეს ამბერკიმ, — ემტეესის დი-
რექტორი შენთან კარგად არისო და...

ღესმას სულ არ აინტერესებდა, რო-
გორ იყო ამბერკი ემტეესის დირექტორ-
თან, საქმეზე გადავიდა.

— რა ჰქენი, გაუფე ამბავი?

ამბერკის ცოლის გულგრილობა არ
იამა, მაგრამ არ შეიმჩნია.

— როდის გამეგო!

— ჰოდა, როცა გაუგებ, გადადი და
უთხარი...

— კი მაგრამ, თუ მანამდე მიკითხოს,
ხვალ კანტორის გადაღმა ვიქნები, ან
თუ სხვა რაიმე საქმე ექნეს, ჩემთან
მოვიდეს, ან საღამოს იქნება-თქო.

— სხვა რა საქმე უნდა ექნეს?

— რო ექნეს რაიმე.

ღესმა აღარ ჩაეძია, რა საქმე უნდა
ჰქონოდა კიდევ ილიკოს.

ამბერკის კარგად არ ენიშნა მეზობ-
ლების ასეთი დუმილი. საციქველზე
მანც რატომ არავინ მოვიდაო, — უკვირ-
და.

— ჰო, შალიკო იყო, — თქვა ღესმამ
მოვეიანებით.

— რა მინდაო? — სიტყვის დასრუ-
ლება არ აცალა, ისე წამოიყვია ამ-
ბერკიმ.

— რა უნდა ნდომებოდა? — გაიკვირ-
ვა ღესმამ ქმრის წამოძახილზე.

— რომელი შალიკო? — ხმას დაუწია
ამბერკიმ და შეეცადა ცოლის პასუხა
გულგრილად მოესმინა.

— შალიკო რომელია, დათუაძე.

შალიკო და „ის“ ერთად სწავლობ-
დნენ თურმე. ეს საიდანლაც იცოდა ამ-
ბერკიმ. მანც ვერ დამწვიდდა.

— მერე მაგის მემართა რაიმე, თუ
ძროხა მყავდა ზიარი!

— არ უთქვამს, მართებსო და არც
ძროხის გაყოფა მოუთხოვია.

— აბა რა მინდაო?

— ტიკი ინათხოვრა.

— ჰოო, ტიკი თუ უნდოდა, მერე ვერ
ათხოვე!

— ვათხოვე.

— კარგი ვიქნია, — გულზე მოეშვა
ამბერკის და წყნარად განაგრძო: — კარ-
გი ვიქნია, ცარიელი გვექონდა მანც,
არა, ღვინიანიც რომ გვექონოდა, უნდა
გაგეცალა და გეთხოვებია. ტიკი რაა და
მისი დაჰყერა რას ამიქვია. მე ხომ არ
ვუკითხვიარ?

— არა, ისე იკითხა, რაეაო, კარგი
ხანია არ მინახავსო.

— მერე რა უთხარი?

— რა უნდა მეთქვა!

— ჰო, რას ეტყოდი.

გარეთ წვიმა დაიწყო და ლაფაროში
ნაწრეტი წყალი ჰყავუნებდა.

ამბერკის არ ესაიამოვნა, რომ ხვალ
ცუდი ამინდი იქნებოდა და სამუშაოდ
ვერ წავიდოდა.

— გაავდრდება ეს დასაქცევი, — თქვა
თავისთვის.

— გაავდრდეს მერე, ათასი საქმეა
შინ, რაიმეს მანც მიხედავ.

— შალიკოს რად უნდოდა ტიკი?

თუმცა რატომ რად უნდოდა, დაჭირ-
დებოდა. ტიკიც ჰირდებოდა მეზობელს,
კეციც და ჭოთანიც — რატომ დაჭირდე-
ბოდა, რიყეს არ ჩაყრიდა ტიკში და
ფხალს არ მოხარშავდა, ღვინისთვის

ენდომებოდა. ათასი საჭიროება აქვს აღამიანს.

ამბერკიმ კარი გამოაღო და აივანზე გავიდა. გარეთ ქარს ზედა კარამდე მოჰქონდა ცივი წვეთები, მაგრამ სახლში მაინც არ შებრუნებულა. ყური მიუგდო, აივანზე გაიარ-გამოიარა.

ილიკოს სახლიდან სინათლე ჩანდა. არ ეძინათ.

— ჯერ არ ეძინებათ, ადრეა, — დაასკვნა თავისთვის და სახლში შებრუნდა. — ძალღი არ ვაიგდებთ გარეთ, — თქვა შესულმა და საწოლზე ჩამოჯდა.

დღესამ არ უბასუხა, ჩავეთილ რძიან ქოთანს ნაკვერჩხლები გაუქეპა და ცეცხლისაკენ მისწია.

მაინც არ ენიშნა კარგად მეზობლების დუმილი.

— შალიკოს ხომ არაფერი უნდოდა რომ ეთქვა?

დღესამ წარბები შეიკრა და ქმარს წყრომით შეხედა.

— რა ენდომებოდა, რაც უნდოდა, მითხრა: ან რას ჩააცივდი ამ შალიკოს, ჯერ არ ყოფილა ჩვენსას?

— იქნება ტიკი სულაც არ უნდოდა.

— აბა ჩემს სანახავად მოვიდა?

ამბერკი ახლა მიხვდა, დღესმას სულ სხვაგვარად რომ ესმოდა მისი ჩაცეზული შეკითხვები და სიცილი აუტყდა.

— ჰო, იქნება ქე უნდოდა რაიმე.

— გავიხმა ენის წვერი!

დღესმას ახლა ისიც მოაგონდა, რომ გუშინ საღამოსაც იკითხა ამბერკიმ, ხომ არაიგინ მოსულაო, და გული მოუვიდა.

— არა, ვინ უნდა დამიდოოდეს მე სახლში, — ხმას აუწია და ქმრისაკენ ერთბაშად მიტრიალდა, — ვინ უნდა დამიდოოდეს?

ამბერკი ერთგულების ფიცით გაახარა ამან და ისევ სიცილი აუტყდა:

— რა ვიცი მე, მთელი დღე შინ არა ვარ და...

— ჯანდაბას ორღობეში ხარ, მთელ დღეს მკლავით ვკიდევარ, ათასი საქმეა და დავიდარაბა, მადლობის მაგეირია?

ამბერკიმ იცოდა: დღესმას წლების მანძილზე მარტობამ და გაჭირვებამ,

ობლობამ და ქვრივობამ ენა გაუშწარა და ახლა, როცა გვერდით ჰყავდა აღამიანი. რომლისთვისაც შეეძლო შეეჩივლა და გული მოეოხებინა, ეს მარტო ახლანდელს კი არა, წარსულსაც უმსუბუქებდა. ამბერკი სხვა დროს გაბეზრებულა კიდევ, მაგრამ ახლა უნდოდა, ძალიან უნდოდა მარტო მისთვის მოეთხოვა დღესმას პასუხი დღევანდლისთვისაც, გუშინდლისთვისაც, მთელი მისი წარსულისა და მომავლისთვისაც, ყველაფრისთვის პასუხისგება ამბერკისთვის დაეკისრებინა, დღესმას წარსულიც მისი ყოფილიყო, დღესმა მთლიანად მისი ყოფილიყო, რომ არავის ჰქონოდა შემოდავების უფლება. დღესმას ალერსი არ სიამოვნებია ისე არასოდეს, როგორც ახლა ეს ვაკაპასება. კიდევ უნდოდა რამის თქმა, მაგრამ მოჭრიდა, ქალს მართლა ექვიანობად არ მიეღო.

* * *

საყარაულო ჯიხურში დარაჯი თითქმის არასოდეს არ იყო ხოლომე, მითუმეტეს ზამთრობით: დღე-ღამეში სულ ხუთი მატარებელი ჩაივლიდა. დარაჯმა უსაათოდაც კარგად იცოდა, რომელი როდის ჩამოვივლიდა და თავის დროზე იდგა გზის გადაკვეთაზე. სხვა დროს მეტწილად ლიანდაგებს აუყვებ-დაუყვებოდა. ღამით, თუ ცივი ამინდი იყო, რკინიგზის სახლებში ანთებდა ღუმელს, იწვა გულაღმა და უსმენდა ძველ, ქანქარა საათს. წელიწადში ერთხელ, ზოგჯერ ორჯერაც გზის შემკეთებელი მუშები ჩამოვიდოდნენ, დარჩებოდნენ ორი-სამი კვირა, ზოგჯერ მეტიც, და წავიდოდნენ; წავიდოდნენ და მომავალ წელს ზოგიერთი მათგანი აღარ მოდიოდა, მოდიოდა სხვა უფრო ახალგაზრდა ან ხანდაზმული, თუმცა ახალგაზრდობა ნაკლებად ეტანება ასეთ მოსაწყვენ საქმეს, უკაცრიელ რკინიგზაზე მთელი დღე მუშაობას მალე გაურბიან და ისევ ხნიერები ან ისეთები რჩებიან, რომელ-

ოტია იოსელიანი
ჯარისკაცი დაბრუნდა

თაც სიცხეში თავდაღუნული მუშაობა შეუძლიათ და ქარ-წვიმაში მარტო ნიჩაბი და რკინის ძალაყინი ათბობთ, ცოტას ლაპარაკობენ და შავ პურზეც იოლად გადადიან იჯრას.

წავიდოდნენ და დარაჯს არც მიმოწერა ჰქონდა მათთან და არც მიკითხ-მოკითხვა, მაგრამ მათს ხელახლა გამოჩენას კი ელოდა. თუ დაბრუნებულებიდან რომელიმე თვალში დააკვლდებოდა, არ იამებოდა, იკითხავდა: რა იქნა, რავააო. თუ ეტყოდნენ, კარგადააო, ხომ კარგი, თუ არა და არც სხვა უყვირდა.

მარტო იასონი იყო, ავტო რამდენი ხანია უტყველად რძო მუშაობდა ბრიგადირად. პენსიის დრომაც მოუწია, მაგრამ მგონი არც ახსოვდა, ყოველ შემთხვევაში, არაფერს არ ამბობდა ამაზე, თუმცა არც სხვა რამეზე უყვარდა ლაპარაკი მაინცადამაინც. აი ეს წელს პირველად ჩამოსული მუშა ლაპარაკობს ცოტა მეტს, მაგრამ დარაჯმა იცის, გაიხად ის აღარ ჩამოვა, გაქლექილი მაზარის ქვეშ ძილი უჭირს და მომავალი წლიდან სადმე უფრო თბილ სამუშაოს იშოვის. სამსონიც კაი ძველი მუშაა, ბებერი ხარკით ამტანი და სანდო. ვიქტორი ომის შემდეგ საიდანღაც, რუსეთიდან ჩამოეხეტა, მერე სადღაც გადაიკარგა, ბოლოს ისევე ჩამოვიდა და ახლა ავტო რამდენი წელიწადია სულ აქ ჩამოდის. არსად წამსვლელი ის აღარაა. ბიქტორას ეძახიან. ხელფასის აღების დროს თუ მოაგონდება, რომ ოდესღაც ვიქტორ ნიკოლაევიჩი იყო. ორი ახალციხელი სომეხიდან ერთს, ცალთავალა სურენას დიდი ხანია იცნობს დარაჯი. მეორე უფრო მოგვიანებით ჩამოყვამას. ჩამოსვლისთანავე ჩხუბი მოუვიდა ნაყვავილარ ოსთან და ნიჩბით შუბლი გაუპო. ოსიც ახალი ჩამოსული იყო იმ წელს და „მოგკლავს სენი წილიმეო“. მაგრამ უფროსმა ძმამ ბოდიში მოახდევინა უმცროსს და ისეთი სთხლიშა, თვითონ ოსი ჩავარდა გასაშველებლად. მერე რკინიგზის ხრეშმა, მახუთიანმა შპალეებმა და ფოლადის თორმეტმეტრიანი რელსების თრევამ არამარტო დაა-

ვიწყა ეს ამბავი მათ, — ბურცი ერთად გაატეხინა და წყალიც ერთი ვედროდან ასვა.

სიმონი და დარაჯი ერთი სოფლიდან არიან. პირდაპირ აქ მოვიდა სამუშაოდ. იასონმა ისე მიიღო, არც უფროსს შეთანხმებია და არც კადრების განყოფილებას, მერე თან წაჰყვა ბრიგადირს, წაჰყვა და წაჰყვა.

მატარებლის კივილი მოიტანა შორიდან ქარმა. დარაჯი ჯიხურიდან გამოვიდა და ბრეზენტის ჩანთიდან წითელი ალამიც ამოიღო და ყვითელიც: როცა მუშები ჩამოვიდოდნენ, რემონტი კიდევ რომ არ ჰქონოდათ დაწყებული, ორივე დროშას უჩვენებდა ხოლმე მატარებელს. მატარებლებიც ფრთხილად იწყებდნენ მოძრაობას და ჩვეულებრივზე მეტს კიოდნენ.

მატარებლის ჩავლის შემდეგ დარაჯმა ჯიხური ჩაჰკეტა და ლიანდაგს დაადგა. აწი მუშებიც დაბრუნდებოდნენ სამუშაოდან. გზის ოსტატი ამ დილით ჩამოჰყვა მატარებელს, მაგრამ ახლა ალბათ ისევე უკან გაჰყვებოდა და მუშები საცაა დაბრუნდებინა.

რკინიგზელები მაგარ ქვის სახლებს აგებენ. ააგებენ მაშინ, როცა ლიანდაგი გაჰყავთ. ააგებენ, მერე არც მის რემონტს დაგიდევენ და არც რაიმე შეკეთებას, მაგრამ სახლები მაგარი ნაშენია და დგას და დგას. რკინიგზელები ხიდებსაც მაგარად აშენებენ, ესაა რომ გზას ჭირდება რემონტი.

დარაჯმა ლიანდაგიდან რომ გადაუხვია და ხრეშზე ჩაირბინა, ქარმა გულისპირი მოუღელა, მაგრამ ჯიბიდან ხელი არ ამოუღია. ლუმელის მილი გზიდან არ ჩანდა, სახლის უკანა ფანჯარაში იყო თავგაყოფილი, მაგრამ დარაჯმა დანახა, ქარს კვამლი მოჰქონდა იქითა მხრიდან. ძალლი გამოვიდა აივანზე, პატრონს მოეგება, მაგრამ დარაჯმა მაინც თქვა:

— ბახულა, ჰაიტ, შე სატიალე ბახულა!

ძალლი ვერ მიხვდა პატრონის წყრომას, კული ამოიძუა და გვერდით, ფარ-

ლალოლა უფანჯრო და უპერო ოთახის ყურეში მოიგვერდა...

დარაჯმა კარი შეაღო და მერე მოჰყვა ფეხის წმენდას. სხვა დროს არ გაუწმენდია ფეხი.

საჩინო ფიცრულ საწოლზე იჯდა. იდაყვებით მუხლებს დაყრდნობილი.

— ოთახში წეკოს ნამწვავის სუნია, — თქვა საათმა.

დარაჯს საათისაკენ არ მიუხედავს, ღუმელს ჩაუარა და თავის საწოლზე ჩამოჯდა მაგიდასთან.

— კარგია, როცა თამბაქოს ასე ბევრს ეწევიან.

— ეწევიან, — დაეთანხმა დარაჯი.

— გაწვიმდება და მუშებს დაასველებს.

— გაწვიმდება.

დარაჯმა წყლით სავსე ვედრო ღუმელზე დადგა.

— ჰა, — თქვა დარაჯმა ისე, რომ საჩინოსაკენ არ მიუხედავს.

საჩინოს არ გაუგონია.

დარაჯს მეტი არაფერი არ უთქვამს, ისევ თავის ადგილზე დაჯდა, მერე პურს ჩამოტეხა და კართან ატუზულ ძაღლს გადაუგდო. ზამთარში ვაგონის ფანჯრებში დახურულია და ძაღლი ლიანდაგის გასწვრივ არ დაწანწალობს, ღრუტნის მიწას, წევს შიგ მთელი დღე და ბალანი ეზრდება. ღამდამოთხით დაჰყვება პატრონს ლიანდაგზე.

საჩინომ წეკო შეახვია, ღუმელთან მივიდა და მუგუზალზე მოუკიდა. მიბრუნდა საწოლთან და ისე დაჯდა, ზედ არ დაუხედავს. ეტყობოდა უკვე გამოზომილი ჰქონდა მანძილი.

— ჰა, — თქვა ხმამაღლა დარაჯმა.

საჩინომ თავი ასწია, მაგრამ საიდანაც ეს ხმა მოესმა, იქით არ მიუხედავს.

— მუშები არ გამოჩენილან.

დარაჯი ფანჯარასთან მივიდა და გზისაკენ გაიხედა.

— წვიმა მოუსწრებთ.

ღუმელის საპაერო ქრილში ცეცხლი გამოჩნდა. ოთახში ბინდი შემოსულიყო.

გარეთ წვიმდა უკვე.

— საღამო მშვიდობისა, — თქვა მუშამ და კარებში ლურჯი ცხვირი შემოჰ-

ყო, შესველებული მაზარა იქვე მიაგდო და ღუმელთან მიდგმულ გრძელ სკამზე დაჯდა.

— გაწვიმდა, ლუკა. არ ვთქვი, გაწვიმდება-თქვა?!

— თქვი.

დარაჯს აღარც ახსოვდა, თუ თქვა.

— ამას ვინ დაეძებს, არ მოთოვდეს თვარა... დავწყდით პირდაპირ, დავწყდით.

— მოდიან? — იკითხა დარაჯმა.

— მოდიან, ა, საცაა მოვლენ. მე ვინჩარე პატარა. მთლად დავსველდებოდი და მერე არ გინდა დაძინება? წყალი დულს, ლუკა, ჩაი ჩაყარე?

დარაჯმა საწოლს ქვეშ რომ ყუთი იდგა, გამოათრია, შიგ არ ჩაუხედავს, ისე ჩაჰყო ხელი.

დარაჯი არ დამჯდარა, ასანთს გაჰკრა და ფარანს მოუკიდა.

მუშამ ახლა შენიშნა ზურგს უკან ჩამომჯდარი საჩინო და მისკენ მიიბრუნა სახე.

— აქეთ მოიწი, ჩემო ძმაო. რა ჰქვია, ლუკა, ჩვენს სტუმარს?

— ჩვენს სტუმარს... — სიტყვა ჩამოართვა ლუკამ.

— ჰო, გვიან მოსულა წუხელ, რაცხა მოწყენა ეტყობა.

— ძალიან გამოგისწრია, — არ დაანება სიტყვა ბოლომდე.

— ვინჩარე, ლუკა, ნამეტანი ვაჭირდა. ცხვირი მომამრო პირდაპირ. ა, ისინიც მოვიდნენ.

კარებში ოსი შემოვიდა, ზურგზე ტომარმოკიდებული.

ოსს სიმონი შემოჰყვა, კარი არ მიეხურა, რომ იასონმა შემოაბიჯა და ქლალ წვერზე წვიმის წვეთები ჩამოიწურა.

— წავიხიდა ამინდი, ლუკა. მოვისწრია წვიმისათვის, ვალიყო!

— აჰა, საღ მოვასწარი მერე, მეც

ოტია იოსელიანი
ჯარისკაცი დაბრუნდა

ახლა შემოვედი, ნამეტანი ვასჭირია. სურენა, მაგრად მიხურე მაგ კარი, — ბოლოს შემოსულს მიუბრუნდა ვალიკო.

ზოგი ღუმელთან ჩამოვდა, ზოგი საწოლზე, და მალე ოთახი ორთქლისა და ოფლის სუნით გაივსო.

იასონი მაგიდასთან დაჯდა ჯვარდინად ფეხებგადაქედებულ ტაბურეტზე. უბიდან კუთხეებმოკეცილი ბლოკნოტი ამოიღო, ფურცვლას შეუდგა.

ვალეკომ ვედრო ჩამოიღო და ფანჯრის ქვის რაფაზე ჩამოდგა.

ოსმა ტომარა მაგიდასთან მიიტანა და მთელ-მთელი პურების ამოლაგებას შეუდგა.



ნაშუალამეგს თვალწადობილი ამბერკი ფეხის ხმამ გამოაღვიძა. მთლად არც ეღვიძა თუ ეღვიძა. გარეთ ქარი უბერავდა. ლაფაროში ისევ ჭყაპუნებდა საზურავიდან ნაწრეტი წყალი.

აივანზე არავინ არ დადიოდა, არც არავინ არ იდგა. ეს ქარი იყო, ქარი უსტვენდა ქილუქებთან და კარსაც ქარი აწვებოდა. არც ფანჯრებთან იყო მომდგარი ვინმე. ეს ისევ ქარი სისინებდა ზედა ჩარჩოს კუთხეჩამოტეხილ მინაში.

...მაგრამ ეზოში დადიოდა ვიღაც.

ამბერკიმ ბალიშიდან ასწია თავი და ასე გახევედა, რომ საფეთქლოებთან მოჩხრიალე სისხლს ხელი არ შეეშალა სმენისათვის. არავითარი ზედმეტი ხმა გარდა ქარისა, მაგრამ ქარის ხმაური აღარ ესმოდა. არ ესმოდა, რადგან ასე ძალიან უნდოდა სხვა ხმა გაეგონა. არც დესმას სუნთქვა ესმოდა, არც ბავშვის.

აბა ის როგორ იყო, რომ გაიგონა — გაგონებით კი ნამდვილად გაიგონა — რომ ჭიშკარში ზამოვიდა. არა, ჭიშკარი არ გაუღია, ჭიშკრის ხმა არ ყოფილა, ალაგეზე გადმოაბიჯა. გადმოაბიჯა უხმაუროდ, არც ფეხი წაუკრავს საღმე, არც ზედმეტად გახახუნებია, მაგრამ ამბერკიმ გაიგონა.

პირდაპირ სახლისაკენ არ დადგომია გზას, გვერდით მიდგა და წიფლის მორს წამოედო.

— ვინ მოათრია, ან სად დაუგდია, — გაიფიქრა ჩამოსულმა, მაგრამ ამბერკიმ გაიგონა. მერე მაინც იქიდან მოუარა მორს და ლობეს გამოჰყვა ქურდულად, წელში მოხრილი. ერთგან ისე ახლოს მივიდა ლობესთან, ჩანთის საბეჭურს წკნელის წვერიც კი წამოედო, მაგრამ სანამ მოტეხავდა, გაიგო და ხელით ფრთხილად მოაშორა; ფეხს ისე ადგამს, წინდაწინ სინჯავს ადგილს — ჯერ თითის წვერებზე, მერე ნელ-ნელა უშვებს ტერფს, მერე ქუსლს — საღმე ფიჩხი არ გაუტყდეს ფეხქვეშ, ჭოთნის ან მინის ნამტვრევები არ ეყაროს ლობის ძირში... და ამბერკის ესმის — ეზოში დადის ვიღაც...

დადის ქურდულად, წელში წახრილი...

გარეთ თვალში თითს ვერ მიიტან. ქარია, წვიმს, იქნებ თოვასაც ურევს, მაგრამ დადის. დადის და არც ერთ ხეს არ გაეხახუნება, არც ერთ ტოტს თეს არ შეახლის; სანამ ხემდე მივიდოდეს, ერთი ნაბიჯით გადაუხევეს და გვერდს აუვლის. იქ, ბოსტნის ლობის თავში რომ ვაშლის ხეა, ამბერკიმ ქვედა ტოტი შეაჭრა. ახლა იქ გამართულად შეიძლება გავლა, მაგრამ ის თავს დალუნავს და გაივლის. ჭასთან რომ ამბერკიმ ბერლა ამოთხარა, ის ისევ ერთ ნაბიჯზე გადაუხევეს, შემოუვლის და ფიქრობს: ვის რა ესაქმებოდა, რომ ეს ამოდენა ხე მოათრია და ჭიშკართან დაავლო.

დადის, ვერ ისვენებს, არც ხეს მიეყრდნო, არც ჭის გვიშე ჩამოვდა. დადის ფეხაკრეფით, თითის წვერებზე; უკვირს, რომ ძალიან არ ეხმარება, ხმას არ ცემს: მას სჯეროდა, რომ ძალი იცნობდა, იცნობდა მაშინვე, ხმის ამოდებაც არ დასჭირდებოდა, ჩუმად, უხმაუროდ აედევნებოდა და თბილ ენას მოუხსნამდა ჩექმის ყელზე.

ამბერკიმ გაიგონა, როგორც კი ალაგეზე თიხი გადმოდგა და ეზოში ჩამოვიდა, მაგრამ ის არ გაუგონია, საიდან მოვიდა.

თავი ბალიშზე ჯერაც არ ჰქონდა დათიბული, ისევე ჰაერში ჰქონდა გაქმეშებული. ილიკოდან მოესმა ფეხის ხმა. ჩუმად გაიღო ილიკოს სახლის კარი და

ჭიჭკრისაკენ წამოვიდა. ამბერკი ჩუმად აიწია, ისე რომ საბანსაც კი არ გაუღია შრიალი და ფანჯარაში გაიხედა. გარეთ უკუნი ბნელი იყო და ზედა ჩარჩოს ჩამოტეხილ მინაში ქარი უფშუტურებდა. არაფრის გარჩევა არ შეიძლებოდა.

ახლა შალიკო დათუაძის სახლიდან მოესმა ფეხის ხმა, მაგრამ შალიკოს სახლი ქვევით, ფერდობში იდგა და მისი დანახვა აქედან დღისითაც არ შეიძლებოდა. მერე ამბაკოს სახლიდან შემოესმა ფეხის ხმა. ამბაკო და „ის“ მოზიდაშვილები იყვნენ, კარგა მოშორებითაც ცხოვრობდა ამბაკო. ამბაკოს სახლის კარი რომ გაიღო, გაიგონა კი არა — დანიანხა კიდევ, მაგრამ მერე ამბაკოს ძმის — ცალხელა ლადიკოს სახლიდანაც გაიგონა ხმა.

მერე გვერდით აკრუსუნდა ვილაც... ბავშვს აწუხებდა მოჭერილი არტახები. ამბერკი ბალიშზე დაეშვა და იგრძნო, რომ კისერი ტკიოდა. ბალიშზე ცალი ყური დადო და საფეთქლებში სისხლის ხმაურს დააყურადა.

ბავშვი ატირდა და ახლა მარტო ბავშვის ტირილი ესმოდა.

დესმამ ტირილამდე გაიგო ბავშვის წუხილი, მაგრამ ძილს თავი ვერ წაართვა. მძინარე დედამ იქნებ შენი ხმა ვერ გაიგონოს ან მეზობლის ძახილი, მაგრამ ბავშვის ზედმეტი სუნთქვაც კი ესმის, რა მაგრადაც არ უნდა ეძინოს. დესმამ საბნიდან გაუწვდინა ხელი და აკვანს გადაურწია. ამბერკი მიხვდა: დესმას არ ეღვიძა, ამას ისე, ანგარიშმიუცემლად აკეთებდა; და შეშურდა მისი ასეთი სიმშვიდე.

ეტყობოდა ბავშვი რძეს ითხოვდა და რწევამ ვერ დაამშვიდა.

ამბერკის შუბლი უხურდა, დაღლილი იყო და ბავშვის ტირილი სიამოვნებდა. დესმას პირიქით — ხელი ნეო-ნელა უჩერდებოდა; როცა ბავშვი წამოიყვრობოდა. მაშინ უკუბ ჩქარ-ჩქარა გადაურწევდა. ბავშვი ხმას დაუწევდა, მაგრამ დესმასაც ძილი მოერეოდა და აკვანი ნელ-ნელა ქანაობდა. ბოლოს, სულ რომ გადაფიჩინდა, დესმა წამოიწია

საწოლზე, აკვანი ახლო მიითრია და ბავშვს ძუძუ მისცა.

ამბერკის რომ ჩაეძინა, ყურში ისევ ჩაესმოდა ძუძუთი პირგამოტენილი ბავშვის ქშენა.

ამბერკის ვილაც ეძახდა. ამბერკის კი არა, ვილაკას ეძახდნენ. ეძახდნენ ბზამალა, ქვეყნის გასაგონად.

— მაინძელი!

ჭიჭკრიდან იძახდა ვილაც, თუ ფანჯარასთან, თუ კართან.

რა უნდათ ამბერკისთან ამ შუალამისას, არ აყენებენ სახლში?! ნამუშევარია კაცი, დაღლილა. ვის რა დაუშვა, ვის რა წაართვა, ვის რა საქმე აქვს ამბერკისთან!

— ჰეი, მაინძელი!

სახლში არავის არ მივარდნია ამბერკი, კაცი არ მოუკლავს და ცოლი არ წაურთმევია. შვილი ამბერკისაა. რა იცოდა ამბერკიმ, ან ვინ იცოდა, თუ ჩამოვიდოდა, თუ ცოცხალი იყო! ამბერკის ბრალია, ცოცხალი რომ ყოფილა?! ამბერკიმ იცოდა და მაინც წაართვა ცოლი?! იცოდა და მაინც დაეპატრონა მის სახლ-კარს?! ცოცხალი თუ იყო, ეთქვა ვინმეს. ან დესმას ბრალია?! იქნებ დესმას ბრალია უფრო, მაგრამ ან რა მისი ბრალია, დესმამ იცოდა თუ?!

— მასპინძელო, ჰეი, მასპინძელო!

მეზობლის ძაღლები ყეფდნენ და აწყდებოდნენ ლობეებს.

ამბერკი არაფერ შუაში არაა, მაგრამ ბავშვი ამბერკისაა, არც სახლია მისი, არც კარი, არც კიბე, არც ცოლი, მაგრამ ბავშვი ამბერკისაა...

— ამბერკი, ამბერკი, დაგაყრუა ჩემმა გამჩენმა!

— ჩემია! — დაიძახა ხმამალა ამბერკიმ და თვალი გაახილა.

— როდის იცოდა ასე მკვდარივით ძილი! — ჯავრობდა დესმა. — გადააბრუნა სახლი ვილაკამ.

— მოვიდნენ, რა უნდათ მერე ჩემთან!

ოტია იოსელიანი
ჯარისკაცი დაბრუნდა

— გახედე, გაცეი ხმა!
— მასპინძლო! — არ ცხრებოდა უღროოდ მოსული. ეზოში, სახლისაკენ მოიწვევდა.

— რა ვუთხრა: მისია, მე რა ხელი მაქვს...

— კაცო, რა დაგემართა, გამოფიზიზ-ლიდი, ვილაც იძახის!

— ვიცი, მარა რა უნდათ ჩემთან! — ამბერკის შესცივდა და კანკალი აუვარდა.

— გამომხედე, მასპინძლო!

— ე კაცო, გაცეი ხმა!

— ეი, — დაიძახა ამბერკიმ ლოჯინი-დანვე და ადგილიდან ბურთივით წაპოვარდა.

— ჩაგცივდა ენა, ბავში არ გადაში-როია! — აყენის სახელურს ეცა ღესმა და გადაურწია.

ამბერკი საცვლებისამარა გაიჭრა გარეთ.

— რა გინდათ ჩემთან!

— უკაცრავად, ჩემო ძმავო!

— ვინ ხარ, არ იტყვი?

— რად გინდა, არ მიცნობ და არ გიცნობ...

— არ გიცნობ! — იყვირა ამბერკიმ და უკან შევარდა. — არ გიცნობ!

უცნობი კიბეს მოადგა.

— გაუკაცურად უნდა მცე პატივი, ნუ დამლუპავ!

— მე არავის არ ვლუპავ, თვითონ დამლუპებს...

— ნუ დაუქარგავ ლუკმას ჩემს ბავშ-ვეებს...

— ბავში ჩემია, შენ არა გყავს ბავშ-ვი! — ამბერკის ეგონა, იყვირა ეს, მაგ-რამ მის მეტს არ გაუგონია. — დანარ-ჩენი ყველაფერი შენია, ბავში...

— მომხსნიან სამსახურიდან, — არ იშლიდა თავისას უცნობი. — მტერი ჩა-ვარდა ინსპექტორების ხელში... ჩემზე იყოს სამაგიერო პატივისცემა.

— კაცო, რა ღმერთი გიწყობა, რა-ღაცა უჭირს, გადი გარეთ! — თმას ხელ-დახელ იხვევდა საწოლზე წამომჯდარი ღესმა.

— მეც მიჭირს... — თქვა ამბერკიმ, მაგრამ არც ეს გაუგონია ღესმას.

— ჰა, კაცო, შარვალი ჩაიცვი... შარვალი ესროლა ქმარს ღესმამ. — შო-ფერი იქნება ვინმე, არ ვითხარი? რას ჩამოათრიე მაგ დასაწვავი ტრაქტორი?

— შოფერი იქნება? — ისევ იყვირა ამბერკიმ და გარეთ გავარდა. — კი, კა-ცო, ახლავე, ამ წუთში! — მერე მოა-გონდა ჩაცმა და მიტრიალდა. — ამ წუთში! — შარვალს ისევ სკამზე დაუ-წყო ძებნა.

— რას ეძებ, შარვალი კართან ეგდე-ბა, ახლა არ გესროლე?

— ჰო, ღესმა, ჰო, მანქანა გადავარდ-ნია, ნასვამია ალბათ, რა მოხდა მერე, შოფერი როა, ამიტომ არ უნდა და-ლიოს? თუ მთლად დამტერეული არაა, ამოვიყვან. მაინც ამოვიყვან...

შარვალი ჩაიცვა, მაგრამ ხელეები ისე ვერ დაიმორჩილა, რომ ღილი შე-ებნია.

— ამ წუთში, ამ წუთში! — გასძახა ისევ გარეთ.

— ავაშენა ღმერთმა! მარა ვაქაკუ-რად, მეც კაცი ვარ!

— რა ღილი ამბავია, შე კაცო! ღეს-მა, დაბამბული მინდა, დაბამბული არ იცი, ღესმა? ჰო, ჰო, იყავი; ახლავე ვნახავ, სად წავიდოდა, — მერე ისევ სტუმარს მიუბრუნდა: — თუ გინდა, მობრძანდი აქეთ...

— კაცო, გადავირიე...

— არა, ჰო, ახლავე, სად წავიდა ეს დაბამბული...

ღესმა აღგა.

— იყავი, ქალო, ვნახავ, ახლავე ვნა-ხავ...

ბირველად არ მიჰყავდათ ტრაქ-ტორისტი ღამით მანქანის ამოსაყვანად, მაგრამ ახლა ყველაფერი უჩვეულოდ ეჩვენა ღესმას და როცა დაბამბული ჯგუბა მხრებზე მოახურა მთლად აკან-კალბულ ქმარს, გოცებულმა ჰკითხა:

— რა დაგემართა, ამბერკი?!



ღესმას შინაგანმა გამოუცნობმა გუ-მანმა უჩქმიტა და ძილი გაუტეხა. სა-ხელლობრ, არაფერზე არ ფიქრობდა.

არც ის იცოდა, ქმარს თუ რაიმე აწუხებდა. არც ქმრის ეს ორი დღის სიცივე გაუგია სხვანაირად და რაიმე მნიშვნელობა არ მიუტია მისთვის.

ახალი ეს იყო, რომ ამბერკიმ ფხიზელი ძილი იცოდა და ახლა არ დაადგა საშველი მის გაღვიძებას. ხანდახან ისე დაუძახნია ვინმეს და ისე წასულა ამბერკი, დესმას არც გაუგია; მით უფრო ახლა, რაც ბავშვი ჰყავთ — დესმა ხშირად ძილგატეხილია და რომ ჩაეძინება, მკვდარივითაა.

ახლა რამდენი უძახა იმ კაცმა, ვერ იქნა და ვერ გააგონა. რამდენჯერმე ისე ეგონა დესმას, გაიგონა და აი ახლა აღგება და აი ახლა გასცემს ხმასო. მაგრამ არა, რაღაცას წვალობდა, წუხნდა, არ დგებოდა, მერე იყო და დესმას ძახილზე წამოიყვირა, ჩემიაო.

ძილში ათასი რაიმე მოეჩვენება ადამიანს, მაგრამ მერეც რომ ასე შიშველი გავარდა გარეთ! რას უყვიროდა იმ კაცს, თუ წაყოლა არ უნდოდა — რატომ წაყვა...

ბავშვი ჩემიაო. ის კაცი ბავშვს ეცილებოდა თუ?! იმას მისი გასაჭირი ჰქონდა. ვერ კარი მიოუხურა და მერე სახლში ებატიებოდა. ხმაზეც ეტყობოდა, მაგრამ დაბამბული რომ მოახურა, მხრებზე არ დაამაგრდა, ისე კანკალებდა; ხელი ძლივს გააყრევინა სახელოში.

დიღხანს დააგვიანდათ ჭიშკართანაც მანქანის გაშვება. ალბათ გუთანი გადახსნეს, მაგრამ ამდენ ხანს მაინც რა იყო, რომ ვერ გაუშვეს ტრაქტორი. ეტყობა, ისევე ამბერკიმ ვერ მოაბა თავი საქმეს.

ამბერკის კარგა ხანია შეაგვიანდა და დესმას გათენებისას ისევე ჩაეძინა.

კარგა გათენებული იყო, ტრაქტორის ხმამ რომ გამოაღვიძა. კაბა გადაიცვა, თავშალი მოიხურა და ჭიშკრისაკენ წავიდა. წვიმაში თოვლს ურევდა. ოდნავ შემალღებულღებზე, სადაც წყალი არ იდგა, თეთრად წაეფარა.

ტრაქტორი ჭიშკართან მოვიდა, გუთანს ცხვირით მიადგა და გაჩერდა.

ამბერკი მანქანიდან ჩამოვიდა ისე, რომ ძრავი არ ჩაუქრია.

— ამ დაქცევაში სამოუშაოდ მიდის აწი? — ჩაილაპარაკა დესმამ.

— იმუშაოს, — თქვა ეზოში ჩამოსულმა. — კარგია, იმუშაოს.

— სად დალია ამ გამთენიისხანს! — გაიოცა დესმამ და უკან გაბრუნდა.

— არ მომეშვა, ნოქარი გააღვიძა, დუქანში ვსვით, კაი ბიჭი გამოდგა, კაი, ზოგს ამოათრევ ლაფიდან და მადლოზის თქმა ავიწყდება...

უცებ მორს შეხედა და ადგილზე გაქვავდა, თვალი გააყოლა ღობის კიდეებს.

— დესმა! — მიადახა მიმავლს.

— სახლში წამოდი, — უკან მოუხედავად გაეპასუხა დესმა.

— დესმა! — ხმამალლა იყვირა ამბერკიმ. — ეს მორი უნდა დავაპო!

დესმა შეჩერდა. ამ ხმაში რაღაც სხვა იყო, ამ მორის შემად ქცევის სურვილზე უფრო ძლიერი. დესმას ეს არ უგრძვნია, მაგრამ ამ ხმამ ერთ ადგილზე კი შემოაბრუნა და უფრო რბილად ათქმევინა, ვინემ მას უნდოდა.

— ჩააქრე ის დასაწყვავი და წამოდი სახლში!

— არა, ახლავე უნდა დავგლოჯო ეს ხე. მომიტანე ნაჯახი, ხერხი, ურო!

— ჩვენს უროს ტარი აქვს ვატეხილი!

— ნაჯახი მომიტანე!

— სად გავახსენდა ახლა ამის პობა, ზაფხულს აქეთია ავღია მაქანე და ახლა მოგავგონდა? გამოიდარებს პატარას და, თუ ასე ვინდა, მერე ქენი.

— არა, დესმა, ახლა, ახლავე უნდა დავხეტოქო.

— დავსველდი აქ...

— წადი შენ, პო, მართლა ბავშვს მიხედე, მე ვიზამ.

— ვინმე მოიხმარე, ამოდენა ხეს მარტო რას დააკლებ!

— წადი, დესმა!

— რამ გადარია აწი დღეს! — სახლისაკენ წავიდა. — ან დალაგებული ბედო ვინ მომცა მე...

თვითონ ამბერკი წავიდა ნაჯახის მოსატანად. სამზადთან იპოვა შეშაზე მიგ-

ოტია იოსელიანი
ჯარისკაცი დაბრუნდა

დებულო. გამობრუნდა, დაბამბული ვაი-
ძრო, სამუშაო ხალათი გადაიცვა.

ღესმას ხმა არ გუჟყვია.

ამბერკი თვალს არიდებდა ცოლს.
გარეთ გამოვიდა ხელად, ოთახში ღილე-
ბის შესაბნევადაც არ მოუცდია.

ტრაქტორი ისევ თუხთუხებდა ქიშ-
კართან.

ნაჯახი მორზე დაასო და ძრავი ჩაა-
ქრო.

ხეს რომ ორჯერ შემოჰკრა ნაჯახი,
მიხვდა, ამოდენა წიფელს, ჯერ ისევ
ნედლს, წყალში ნაგდებსა და ახლა
წვიმით გაედენთილს, ვერაფერს დააჯ-
ლებდა.

გაბრუნდა და სახლიდან ბირდაბირი
გამოიტანა. ხერხმა გუშინდამინდელი
სიზმარი გაახსენა. უსიამოდ შეაყრუო-
ლა. ღობეს მიადგა, ერთხანს თითქოს
მეზობლის ავ საქმეში დაჭერას ლამობ-
სო, ისე უყურა აქედან, მერე ვადასძახა:

— ილიკო!

ძაღვმა დაიყეფა ერთხელ; მერე მე-
ზობელი იცნო და ეზოში კი გამოვიდა,
მაგრამ დაყეფებით აღარ დაუყეფია.

— ილიკო!

კარებში ილიკოს ცოლი გამოვიდა,
თავსაფარი იქვე, აივანზე წაიკრა და
კიბზე ჩამოღდა ფეხი.

— არ გახალავთ, ბატონო, ილიკო
შინ. ამბერკი ბრძანდებით?

„ვითომ ვერ მიცნო“.

— ჰო, ამბერკი ვარ.

— მობრძანდით აქეთ!

— არა, მაქვთ არა, ილიკო მინდოდა.

— რა მიწაში ჩავეარდე ახლა, რომ
არაა შინ!

— მალე მოვა?

— ვერაფერს ვერ გიტყვი, — და კი-
ბეზე ჩამოვიდა. — გუშინ საღამოს წა-
ვიდა, ჩემს ძმას ვაყიშვილი არ დაუმტ-
ვრია მანქანამ?

„გუშინაც არ ყოფილა შინ“, — გაი-
ფიქრა ამბერკიმ.

— რავა, მძიმედაა?

— ფეხი აქვს მოტეხილი და თემო
დაკარული.

ამბერკიმ შემობრუნება დააპირა, მაგ-

რამ გაახსენდა, რომ უბასუხოდ დატო-
ვა ქალი და შეჩერდა.

— არაფერია, გაუელის, — მიხვდა
იმასვე, რომ ეს არ იყო ზუსტი პასუხი.
ამ „არაფერიაში“ თანაგრძნობა არ ის-
მოდა, არც იმედი, ეს უფრო ზერელე
ნათქვამი იყო, მაგრამ ახლა მეტის თავი
არ ჰქონდა.

— ბატონო ამბერკი, იქნებ გინდოდა
რამე.

— ილიკო მინდოდა!

— ილიკო... რავარც მოვა...

— ჰო, მართლა, ურო მათხოვეთ და
რკინის სოლები გაქვთ მგონი.

— კი, კი, დავძებნი.

ქალი თითქმის სირბილით წავიდა.
ახალ წათვლილზე ფეხიც კი დაუცდა.

„რატომ ჩქარობს, ამ ხნის ქალს ასეთი
სიარული არ შეშვენის“, თქვა ამბერკიმ
თავისთვის, პასუხიც უფრო ტკბილი
მოეჩენა, ვინემ ამ ქალიდან ელოდა
და ეცადა გაეხსენებინა, აღრეც ასეთი
შეხვედრა ჰქონდა ამ ქალს თუ... მაგრამ
ღვინისა და უძილობისაგან თავი ისე
უბეჭუოდა, ვერაფერი ვერ გაიხსენა. არა,
გაიხსენა, მაგრამ განსხვავება ვერ გაიხს-
ენა. უცებ იმ აზრს წაეპოტინა: „იქნებ
ილიკოც შინაა!“

— რავა გეკადრება!

— ილიკო თუ... — უნდოდა მოვიდე-
სო, მაგრამ რატომღაც სხვა თქვა: —
შინაა...

— არ მომიკვდეს ჩემი ქიშვარდი და
არ მოვესწარი მის...

— არა, ჰო, თუ მოვიდეს...

— იმ წუთში კარებთან მოვაბრუნებ...

ნაჯახით მოკლედ რომ დაეჭრა წიფ-
ლის ხე. ძნელიც იყო და ნაფოტადაც
წავიროდა. ხერხის გამწევი არავინ იყო.
სხვა მეზობლის ადამხეზაც შეიძლებო-
და, მაგრამ ახლა აღარავისთან მისვლა
არ უნდოდა. ის კი არა და, ილიკოც
რომ არ იყო შინ — თუ არ გამოუჩნდა —
კიდევ ესიამოვნა. თავის თავთან და
საქმესთან მარტო ერჩინა. იგრძნო
ისიც, რომ სულ ტყუილი იყო, ვერავინ
ვერ მიგზმარებოდა. იქნებ ხერხის გამ-
წევი ეშოვია, ან უროს დამკვრელი, შე-
შის დამკვრელი, მაგრამ ვერავინ ვერ

მოეხმარებოდა. ღვინო ჰქონდა დალეული, მაგრამ არც ღვინო ესმარებოდა, არც ღვსმა. მარტო იყო, სრულიად მარტო თავის საკმესთან და თვითონ უნდა მორეოდა საკუთარი ღონით. მთელი სოფელიც ვერ მიეხმარებოდა. შეეძლოთ ხე დაეპოთ, ნაფოტებად ექციათ, დაეწვათ და დაენაცრათ, ნაცარი ქარისთვის გაეტანებინათ, მაგრამ ამბერკი თავის საკმესთან მაინც მარტო იქნებოდა და საკუთარი ღონით უნდა მორეოდა.

ხე ლაჭებში მოიქცია და წანამსხვრევი თავის შუა ადგილზე ნაჯახი დაჰკრა. მაგრამ მოქნეული რკინა წავიდა ხეში, მაგრამ ბზარი ვერ გაუჩინა. ტარი ასწიდასწია და როცა პირი ხიდან ამოვარდა, ისევ თხლიშა. პირველ დაკრულს დააცილა. დაკვრისთანავე ამოხტა წყლით გაყვნილი ხიდან ნაჯახი. ხელახლა დაკრულზე დაარტყა, მაგრამ ისეთი ბზარი მაინც ვერ გაუჩინა, რომ სოლის პირი წასულიყო. უროს დაკრავდა ზევიდან, მაგრამ რკინის ურო საყუფეს გაუფუჭებდა ნაჯახს. ამოგლიჯა ისევ და თავგამეტებით მოჰყვა ცემას. უცებ დაიღალა, ნაჯახი გადააგდო, სოლებში ერთი თხელპირიანი ამოარჩია, ურო მოიმარჯვა, სოლი მარცხენაით დაიჭირა და ურო დაჰკრა; როგორც კი ოდნავ პირი მოიკიდა, ორივე ხელით აღმართა ურო, თხლიშა, მაგრამ სოლი ჯერ გამაგრებული არ იყო ხეში, თანაც ისე ძლიერ მოქნეული არ შეიძლებოდა ზუსტი ყოფილიყო — და სოლი წკრილით გადავარდა, თოვლიან სველ მიწაში ჩაერქო.

მარტო უნდა მორეოდა. მისი მოხმარება არავის არ შეეძლო.

ადამიანები ეხმარებიან ერთმანეთს ხენაში, სახლის შენებაში, ჭირშიაც, ჭირში მითუმეტეს ეხმარებიან ადამიანები ერთმანეთს. მაგრამ ზოგჯერ ადამიანები მარტო რჩებიან და მარტო ეჭიდებიან დიდ ტვირთს.

სოლი ისევ მარცხენაში დაიჭირა და მანამ უყაყუნა ცალი ხელით ურო, სანამ მაგრად არ გაიჭედა შიგ, მერე ორივე ხელით ფრთხილად და მოზომილად დაჰ-

კრა, დაჰკრა მეორედ და ბოლოს ისე ძლიერად დაუშინა, სოლი ბოლომდე წავიდა ხეში. მერეც არ მოეშვა, სანამ რკინაზე ხვდებოდა, ურტყა და ურტყა ურო.

ხეს ნაბზარი გაუჩნდა და ახლა მეორე სოლი იოლად ჩავიდა შიგ. მეორეს მესამე მიაყოლა. ხემ პირი დაადო და პირველი სოლი თავისუფლად ამოვარდა. რაკი ერთხელ იჩინა თავი, ბოლომდე წავიდა, მაგრამ ხე ძირიანად ჰქონდა წყალს მოგლეჯილი და ფესვებთან თუ ვერ მოხერხებდა, ვერ გააპოზდა. ამბერკიმ იცოდა ეს, მაგრამ ხერხის გამწევი არავინ იყო და მაინც სცადა — სოლი ძირთან ჩაუდო, დასცხო, გაუშვა კიდევ, მაგრამ ნაბზარი ფესვებში აღარ წავიდა და სოლიც ისე გაიჭედა, მისი ამოღება აღარ შეიძლებოდა. მეორე დაუდო იქვე, გაუშვა, მაგრამ ისიც შიგ გაიჭედა, გაპოზით კი არ გაუპია. მეტი აღარაფერი შეეძლო და უცებ დაღლა იგრძნო. ნამეტანი დაღლილიყო. ზედაც არ დაუხედავს, ისე დაეშვა სველ ხეზე და გულისპირი შეიხსნა. სახე წვრილ, სველ ფიქტებს შეუშვირა. ცოტა რომ სული მოითქვა, პაპიროსს მოუყიდა. ნება-ნება მოსწია.

ხე, რომელზედაც ახლა თვითონ იჯდა, ორად იყო გახეთქილი. თავში, საიდანაც პოზა დაიწყო, უკვე ერთ მტკაველზე იყო დაშორებული, ოღონდ ძირისაკენ ისევ ვიწროვდებოდა და ზედ ფესვებთან იყო ორი სოლი გაშვებული, მაგრამ კიდევ ორიც და მეტიც ვერაფერს დააკლებდა.

„ძირს რა ეშველება, ძირს“, — თქვა თავისთვის.

— რას შევბი, იკლავ თავს? — თავზე უესმა ადგა.

— არა. — მორჩილად თქვა და პაპიროსის ნამწვი მისსავე ნაფეხურში ჩამდგარ წყალს უსწორა. გადააგდო, მაგრამ აცდა. იქვე თოვლიან ბალახზე დაეცა.

— წამოდი, ჰამე რამე.

ოტია იოსელიანი
ჯარისკაცი დაბრუნდა

— მინდა? — ხმამალლა ჰკითხა თავის თავს. ღვინო გამონელებოდა, მაგრამ შიმშილით მგონი მაინც არ შიოდა.

— ადექი, ჰო, ადექი, მერე ბავშვი გაიღვიძებს და მეცლება შენთვის?

ამბერკი უკან გაჰყვა. მიმავალს დააჩერდა, მაგრამ ახლა აღარ შურდა მისი. დესმა ისე მშვიდი აღარ იყო, როგორც გუშინდამ, ან გუშინ, ის რალაცაში თანაუგრძნობდა ამბერკის.

დესმამ არ იცოდა, რაში თანაუგრძნობდა, ან იქნებ არც ის იცოდა, სჭირდებოდა თუ არა ამბერკის ეს თანაგრძნობდა. იქნებ მისდაუნებურად თანაუგრძნობდა, იქნებ რაც ერთად არიან, პირველად თანაუგრძნობდა, მაგრამ ასე კი იყო.

ამბერკი მღუმარედ ჰამდა. ჰამდა ისე, გემოს არ უსინჯავდა, თქმითაც არაფერს არ ამბობდა. ღუმილს ზოგჯერ თანხმობდა თვლიან, ზოგჯერ დიდი პროტესტია, სწორად კი მაშინ ღუმხარ, როცა იცი, მაინც ვერაფრით ვერ იტყვი სათქმელს.

ამბერკი ბავშვს უყურებდა უფრო, დესმას არა; დესმას უკვე ვეღარ ხედავდა ისევე, როგორც ვერ ხედავდა თეფშს, რომელზედაც ჰამდა.

ბავშვს კისერთან თბილად ჰქონდა ჩაფუთვნილი საბანი, თვალზეზეც დაფარებული ჰქონდა და მარტო ნიკაპი და ქვედა ტუჩი მოუჩანდა.

მამას დაემგვანება, რომ გაოზრდება? ვინ იცის, ახლა ვის შეუძლია ამის თქმა.

ამბერკი ჰინჰყლი ყოფილა პატარაობისას, დედას უთქვამს. საიდან მოაგონდა ახლა ეს?

— მიცდის... — თქვა თავისთვის და შეეშინდა. ეს სიტყვა უცებ გაჩნდა სხვისი ნათქვამივით და ლუკმა ხელიდან გაუვარდა. — მიცდის...

ხელები დაიფერთხა და აჩქარებით წამოდგა, გაიარა, უკან რომ მობრუნდა, სკამს დახედა.

„სხვისია, — თქვა გუნებაში, — სხვის სკამზე ვზივარ“.

— დაამთავრე? — იკითხა სახლში შემოსულმა დესმამ.

— დაემათავრე. დესმამ სუფრას დახედა.

— რომ არაფერი გიჰამია?

— მაინც დაემათავრე.

დესმამ სახეში შეხედა.

— ამბერკი!

— ჰა...

— ავად ხარ შენ!

— აჰ!

— ავად ხარ, დაწევი ახლავე. ამოწყდა მისი ოჯახი, გაცივდი წუხელი. მაინც რავე არ ჩაიცივი, — მაგრამ ამბერკის გაღვიძება და „ჩემიას“ ძახილი გაახსენდა. — არა, მანამდეც გაცივებული იყავი. დაწევი ახლავე, დაწევი.

— დაეწვე?

— ჰო, ამ წუთში დაწევი, წყალს გააცივებუბ, ფეხები ჩაყარე ცხელ წყალში. დღეს კიდეც იმ ხის პოზა რა ამოიჩემე!

— აბა, ძირში არ გაიპო ფესვებთან, ისეა შეკრული, არ გაიპოზა.

— ცეცხლმა დაწვა, რას დაეძებ. დაჯექი ერთ წამს, წყლის გაცხელებამდე ნუ დაწვები.

დესმა გარეთ გატრიალდა სპილენძის თუნგიო.

სხვის სკამზე ზის და პატრონი აგერაა მეზობლისას და უცდის. ახლა შეეჩვია ამ აზრსაც.

დესმამ თუნგი ცეცხლში ჩადა და ტაშტი შემოიტანა. ტაშტი სახელურით ეჭირა ცალ ხელში, და ამბერკის გაახსენდა სიზმარი, ცერის ხერხით რომ ხერხავდნენ „ის“, დესმა და ამბერკი.

— ვისია სახლი? — იკითხა სიზმარში ვიდაცამ.

— ჩემია! — დაიყვირა მაშინ ამბერკიმ.

— რაა შენი! — არ მოეშვა მაშინ ის ვიდაც.

— არაფერი არაა! — ახლა უპასუხა ამბერკიმ მაშინდელ კითხვას და გაიმეორა: — არაფერი არაა.

— არაფერია, ადამიანო, კაცის ფერი არ გადევს?! დაჯექი, დაჯექი, — დესმამ მუგუზლები დააჩინჩხვარა და შეუბერა,

რომ წყალი ჩქარა გამთბარიყო. რომ მოტრიალდა, ამბერკი ფეხზე იყო.

— არ დაჯექი? — და სკამი მიუწია.

ამბერკიმ ხელი შეაშველა, საზურგეს მტკივნეულად მიარტყა ცერი და ეტკინა. ცერი ეტკინა, რომელიც რა ხანია აღარ ჰქონდა.

წყალი ზედმეტად ცხელი მოუვიდა დესმას. როგორც კი ფეხები ჩაჰყარა ამბერკიმ, გაახსენდა, რომ ბავშვი მიწა იყო.

— დაწევი, ახლავე დაწევი და საბნებს დაგაყრი, იქნებ ოფლი მოიღინო. საცვლებს არ გამოიცვლი?

ამბერკის პასუხი არ უთქვამს, ისე დაწვა და არც დესმა ჩაიცვებია.

დესმამ სასტუმრო საბანი ამოიღო ჩანდლუკიდან და გადაამატა, კისერთან ჩაუქოცა.

— არ გაინძრე, იწევი მასე!

დესმა რომ გაბრუნდა, საბნიდან ოფლისა და ტანის სუნი ეცა. თავისად ვერ შეიძინო, მერე კინალამ გაგუდა ამ სუნმა. მის მაგივრად აქ სხვა იწვა და მისი სუნი ახრჩობდა. საბანი გადაიწია, გადაბრუნდა და ბალიშზე თავდაღმა დაემხო. ახლა მთელ სახლში და მთელ ეზოში დადგა სხვისი სუნი. ამბერკის სუნთქვა გაუჭირდა.

ნაშუაღამევს ისევ ამ შემხუთველმა სუნმა გამოაღვიძა. შუბლი უხურდა, ნესტოები ებერებოდა. ღრმად სუნთქავდა, მაგრამ ჰაერი არ ყოფნიდა, თითქოს ეს ჰაერი ერთხელ უკვე ჩაესუნთქა ვიღაცას, — ფილტვებისათვის საჭირო ნივთიერება აკლდა. სუნთქავდა, მაგრამ ცარიელ ჰაერს სუნთქავდა. ამ ჰაერით შეიძლება გაგეძლო ერთ საათს, დიდი დიდი ერთი ღამე გაგეთენებინა, მაგრამ ამ ჰაერით სიცოცხლე არ შეიძლებოდა.

იგრძნო, რომ დესმამაც გაიღვიძა.

დესმას რომ არ გაღვიძებოდა, იქნებ დილაამდე მართლა ვაეძლო, მაგრამ ახლა ფილტვებს ისე სჭირდებოდა სასიცოცხლო ჰაერი, საცა იყო სული შეეხუთებოდა და გული გაუსკდებოდა.

წამოიწია და ლოგინზე დაჯდა. ფანჯარაში გაიხედა, მაგრამ როგორც გუშინ, არავითარი სინათლე არ ჩანდა.

ილიკო დაბრუნდა ალბათ, მაგრამ არ მოვიდა.

„უცდის“.

უცებ ადგა და ჩაცმა დაიწყო. მის ხალათს და შარვალს ზეთის, სალიარკის და ნავთის სუნი უდიოდა და ცოტა გულს მოეშვა, მაგრამ ჰაერი მაინც ცარიელი იყო.

დესმას ხმა არ გაუღია, არც განძრეულა, მაგრამ ამბერკიმ იცოდა, რომ ეღვიძა; არ უფიქრია, საიდან ვიცი ესო, მაგრამ იცოდა.

ბუხართან რომ მივიდა, ჯორკოს წამოედო. ბავშვი შეკრთა ხმაურზე, მაგრამ არ გაღვიძებია.

შეხვეული ცეცხლი გაქექა, შეშა დაამატა და დაჯდა. ახლა აღარ უფიქრია, რომ სხვის სკამზე იჯდა. მხოლოდ ჰაერს გრძნობდა, ცარიელ ჰაერს.

დიდხანს არ დაინთო ცეცხლი. მერე აკვამლდა, სუნთქვა უფრო გაჭირდა. ბოლოს ერთ მუგუზხალს ამოჰყვა ალი და სუსტად გაანათა, მაგრამ მაშინვე უკან დასწია, ნაცარში ჩაფლა და ისევ ჩამობნელდა. ნაკვერჩხლების სუსტი, წითელი სინათლე ანათებდა ბუხარს.

ფანჯრებში დილის მკრთალი სინათლე გაილანდა.

აქამდე დესმას არც ძინებია, არც განძრეულა. ის რაღაცას ელოდა. ადამიანებს აქეთ უტყუარი ალღო, რომელიც ძალიან აუცილებელ შემთხვევაში არ ღალატობს. დესმას რომ დასძინებოდა, მაშინ ვინ იცის, მაგრამ დესმას არ ეძინა. ლოგინში რომ ეწრიალა, ან რაიმე ეთქვა...

ჰაერი სულ დაცარიელდა და გამოიფიტა, არსებობა აღარ შეიძლებოდა.

— დესმა!

ქალს არც ახლა გაუცია ხმა, არც განძრეულა, სუნთქვაც შეწყვიტა.

— ის ჩამოვიდა...

— ვინ! — იკვილა ქალმა.

რაღაცას ელოდა, იცოდა, რომ რაღაცა უნდა მომხდარიყო, ყველაფერს

ოტია იოსელიანი
ჯარისკაცე დაბრუნდა



ელოდა, ყველაფერს, ოღონდ ამას კი არა, ამისი გუმანიც არ ჰქონია. იკითხა, ვინო, მაგრამ იცოდა, იმ წამსვე მიხვდა.

— ვინ! — გაიმეორა ისევ.
მაგრამ ამბერკის არ უთქვამს ვინ.

ცოტა ხანს კიდევ იჯდა, მერე ადგა, დაბამბული ჩაიცვა ისე, რომ ხელი არ აჯანკალეზბია და აივანზე გავიდა.

გარეთ უკეთესი ჰაერი იყო.

ჭიშკრისაკენ წავიდა. წინდის ყელამდე იდო თოვლი. ორად გაპობილ ხეს ისე ჩაუარა, არც შეხედა, და გზაზე გავიდა. ღრმად ჩაისუნთქა ჰაერი. მერე ტრაქტორი გაუშვა. მკახედ გაისმა მიძინებულ სოფელში მძლავრი მანქანის გუგუნო. მიაბრუნა მანქანა, გუთანი მიაბა და ქვეყანას ამცნო წასვლა.

საწოლზე დამხობილ დესმას დიდხანს ესმოდა მისი ხმა, მერეც, როცა სოფელს გასცდა და მერეც, როცა არავის აღარ ესმოდა. როცა სმენა დაეწყო, ყოველგვარი ხმაური მიწყდა და მარტო გული ამუშავდა, ადგა. ადგა და იკითხა:

— სადაა?.

ხმა არსაიდან არ იყო.



დარაჯი წინა დღით არსში ჩავარდა და გაცივდა. შუალამის მატარებელზე მაინც წავიდა. არავინ არ ვააღვიძა, ისე წავიდა. წავიდა ოფლიანი. მუშები დალილები იყვნენ და არ გაუგიათ.

საჩინომ გაიგო.

დარაჯს მეტი დაავვიანდა.

როცა დაბრუნდა, წყლიანი ვედრო დაიდგა სასთუმალთან და დაწვა. დილით ურიკა მოვიდა. ყველას ეგონა, ჩაივლისო, და ყურადღება არ მიუქცევიათ, მაგრამ სახლის წინ გაჩერდა. გაჩერება არ აცალა, ფაციფუცით ჩამოვარდა გზის ოსტატი თუ ვიღაც და თოვლში სირბილით წამოვიდა: ბაჭნამდე, სანამ მატარებელი ჭალებზე გავიდოდეს, სადაც მთა ორადაა გაპობილი, მეწყერი ჩამოსულა და ლიანდაგი გადაუკეტავსო.

მუშები წამოჰყარა და წინ გაირეკა.

— გაჰირდება, — წუხდა ვალიკო, მაგრამ დალაპარაკებაც არ აცალა.

სიცხიანი დარაჯისათვის ვის ეცალა. ურიკა ქვევით წავიდა.

დილის მერე აღარ უთოვია.

შუადღისას დარაჯი გულაღმა იწვა და მძიმედ სუნთქავდა. ვედრო ცარიელი იყო.

ხელით მოიხშო და ვედროზე ანიშნა.

საჩინომ ისე გაუწია ხელი ვედროს, თითქოს ხელში ჯერ არც ვედრო სკეროდეს, არც კოკა, და, საერთოდ, ჯერ ხელი არაფრისათვის არ ეხლოს.

გარეთ ძალდი წყმუტუნებდა და სახლში შესვლას ითხოვდა. კარის გაღებისთანავე ზედ შემოახტა და შეაშინა. გარეთ თოვლით იყო დაფარული ყველაფერი.

ნაფეხურები რკინიგზამდე მიდიოდა. გზაზე მარტო რელსები ჩანდა. საჩინო ლიანდაგებში ჩადგა და წავიდა. სხვა გზა არ იცოდა მან და მიდიოდა ნელა, ნელა, ახალფეხადგმულივით.

ჯიხურამდე მივიდა, გაცდა ჯიხურს. მაგრამ მიდიოდა მაინც.

იგი წინ არ იხედებოდა, არც ზევით. დღეს მეტს აღარ მოთოვდა.

თოვლს დაეფარა შპალები და ახლა სულერთი იყო, სადაც დადგამდა ფეხს. ლიანდაგზე ქალი მორბოდა.

ქალს მუხლები ეკეცებოდა, ძალა დიდხანია გამოლეოდა, მაგრამ მაინც მორბოდა. რკინიგზის სახლს უყურებდა და მორბოდა. ლამის ზედ შეასკდა ვედროიან, მხრებში მოხრილ, გაბურძმებულ კაცს და შედგა.

შეჩერდა კაციც.

ისინი შემხვედრი მატარებლებივით იდგნენ ერთმანეთის წინ და არაფერს არ ამბობდნენ.

მერე ქალმა ყვირილი დააპირა, რაღაცის თქმა მაინც.

მაგრამ არც უყვირია და არც ხმა ამოუღია.

საჩინოს არაფერი არ ჰქონდა სათქმელი.

ქალმა ამდენი ეძება, ეძება მთელი გუშინდელი დღე, ეძება მთელი ღამე, ეძება დღეს და ახალა მიხვდა — სათქმელი არაფერი არ ჰქონდა.

მათ შორის ერთი ნაბიჯი იყო დარჩენილი, მაგრამ ამ ნაბიჯის წინ გადადგმა არ შეიძლებოდა. ეს ერთი ნაბიჯი იყო ისეთი მანძილი, რომელსაც, მთელი სიცოცხლაც რომ ეგლოთ, ვერ გაივლიდნენ.

ქალმა არ იცოდა, რატომ ეძებდა.

კაცს ახსოვდა, რომ ოდესღაც იცნობდა ამ ქალს.

ქალიც იცნობდა, მაგრამ ახლა მისთვის უცხო იყო.


ქალმა უცებ იგრძნო ტკივილი და ბავშვის ტირილის ხმა მოესმა შორიდან თუ ისევ მისგან. შებრუნდა და უკანვე დაადგა ლიანდაგს.

კაციც უკანვე წავიდა ჯიხურისაკენ. გზები პირდაპირ მიდიოდნენ.

ლიანდაგები არ ჰკვეთდნენ ერთმანეთს.

ოტია იოსელიანი
ჯარისკაცი დაბრუნდა





რომანი

თავი მეოთხე

მ ავრეზს წამოსულმა სულტანმა თავისი ძმის ყიასედინის ხელქვეით ორასიათასიანი ლაშქარი დასტოვა.

გარნიის გამარჯვების შემდეგ არჰეზის მელიქი და სურმარის პატრონი გახლნენ ჯალალედინს, მორჩილება გამოუცხადეს და თავიანთი სამსახური შესთავაზეს. სულტანმა მათი ჯარებიც ყიასედინის ლაშქარს შეუერთა და საქართველოს სარბევად გაუსია.

ყიასედინის ლაშქარი კალიასავით მოედო სომხეთსა და ქვემო ქართლს, კახეთსა და ჰერეთს და მესხეთს არსიანის მთებამდე. საქართველოს სამეფოს დიდი ნაწილი არნახულ განსაცდელში ჩავარდა. თურქობისა და არაბობის შავ-ბნელი დრო დავიწყებული ჰქონდა ასი წლის მოსვენებული ცხოვრებით განებივრებული ქართველობას. ქვეყნის გულში შემოსული მტრის ლაშქარი ძარცვავდა და იკლებდა, სწვავდა და

აოხრებდა, მუსრავდა და სპობდა ყველაფერს.

ხეარაზმელები ცხენებით თელავდნენ აყვავებულ ბაღნარებს, ხმლით ჩეხავდნენ ვენახებს და შშიერი მგლებივით დათარეშობდნენ ქვეყნის ერთი კუთხიდან მეორეში.

მოსახლეობას ბარში აღარ ედგომებოდა, სოფლები აიყარნენ, საცხოვრებელი მიატოვეს, მთებსა და ტყეებში, გამოქვაბულებსა და დარანებში გაიხიზნენ.

სასტიკი დამპყრობლები არავის ენდობდნენ, დიდსა და პატარას ერთნაირად უსწორდებოდნენ. ტყვეთა ქარავნებმა, ჯოგმა და ფარამ სამხრეთისაკენ ჰქნა პირი და აღარბადაგანისკენ დაიძრა.

ქართველთა სიმრავლემ ბაზრებზე ტყვის ფასი დასცა და საუკეთესო გურჯი ვაეკაცი სამ-ოთხ დინარად ძლივსა იყიდებოდა.

* გაგრძელება. იხ. „ცისკარი“, 1962 წ. № 11, 12.

ხალხი თანდათან მიხვდა, თუ რა დიდი უბედურება მომხდარიყო გარნისთან.

გარნისის ქლეტასა და ტყვეობას გადარჩენილი ერის მთავრებიც გონს მოდიოდნენ, თავის საგამგეო ქვეყნებში მაგრდებოდნენ და მტრის წინააღმდეგობის გაწევას ცდილობდნენ. გამწარებული ხალხი მთავრების გარშემო იკრიბებოდა. ყველა, ვისაც ხელში ხმლის ალება შეეძლო, იარაღს ისხამდა და ქუდზე კაცი საბრძოლველად გამოდიოდა.

ქართველთა მცირე რაზმები მოულოდნელი თავდასხმებით აწუხებდნენ დამპყრობლებს, პირისპირ ხვარაზმელთა დიდ ლაშქართან შებმას ვერ ბედავდნენ, მაგრამ ვიწროებსა და ძნელად გასაშლელ ადგილებში, სადაც კი მოხელებდნენ, მტერს დაუნდობლად მუსრავდნენ. ხვარაზმელთა მარბიელები დაშინდნენ, მთებსა და ვიწროებში მტრის დევნას დაეხსნენ. ყოველი ხისა და კლდის უკან ჩასაფრებული ქართველი ეგულებოდათ, ამიტომ სიფრთხილეს უმატეს, ცალ-ცალკე საშოვარზე სიარულს მოეშენენ და ქვეყნის რბევას დიდ-დიდ რაზმებადლა განაგრძობდნენ.

ქართველთა მეფის კარი და უმაღლესი სარდლობა ჯერ კიდევ დაბნეული იყო. გარნისის მარცხის შემდეგ მთავარსარდლებს შორის უთანხმოება ჩამოვარდნილიყო და ერთნებობა დარღვეულიყო. ზოგნი საჩქაროდ ახალი დიდი ლაშქრის შეყრას, თბილისის გამაგრებასა და ხვარაზმელეთთან გადამწყვეტ ბრძოლას მოითხოვდნენ; ზოგი ასე უცებ დიდი ლაშქრის შეკრებას შეუძლებლად თვლიდა, თბილისის დაცვა წინასწარ განწირულად მიაჩნდა და ამიტომ ჯალალედინთან მოლაპარაკების გამართვას სთავაზობდა მეფეს.

ახალმოლოვინებული, მისუსტებული დედოფალი ხან ერთს ეთანხმებოდა და ხან მეორეს, საბოლოოდ ვერც ერთ გადაწყვეტილებაზე ვერ დამდგარიყო და ქვეყნის საშველად გაბედული ნაბიჯი ვერ გადაედგა.

დრო კი არ ითმენდა. მტერი გაბედუ-

ლად, სწრაფი და ფიცხელი მოქმედებით ანხორციელებდა თავის განზრახვას.

ჯალალედინმა კარგად იცოდა, რომ გარნისის მარცხითა და ყიასედინის ლაშქრის თარეშით გატეხილი ქართველებისათვის სულის მოთქმისა და გონზე მოსვლის დრო არ უნდა მიეცა და საქართველოს სამეფოს საბოლოო დაპყრობისათვის სწრაფად და ანგარიშინად ემზადებოდა.

შალვა ახალციხელმა თავიდანვე კარგად ასწონ-დასწონა გარნისის დამარცხების შემდეგ შექმნილი მდგომარეობა. თავისი სამკვიდროდან აყრილი ხვარაზმის სულტანი ადარბადაგანში ფეხს დიდხანს ვერ მოიკიდებდა, დღეს თუ არა, ხვალ მაინც გამორჩედობდნენ მისი გეშის მძებნელი მონგოლები, ხვარაზმელებს ზურგიდან დაჰკრავდნენ, ან საბოლოოდ გაანადგურებდნენ, ან იძულებულს გახდიდნენ ადარბადაგანიდანაც აყრილიყო და სხვაგან გადახვეწილიყო.

შალვა ახალციხელს ჯალალედინის გამარჯვებაცა და ადარბადაგანში ყოფნაც დროებითად ეჩვენებოდა, სულტნის მოსაჩვენარი ძლიერების იქით მისი დაღუპვის გარდღუვალობას ხედავდა.

ტყვედ ჩავარდნილ ახალციხელს თავისი თავი ჩალადაც არ უღირდა. მაგრამ სიცოცხლის შენარჩუნება მხოლოდ იმისთვის უნდოდა, რომ ივანე მხარგრძელს ერთხელ პირისპირ კიდევ შეხვედროდა, მეფისა და ღვთის წინაშე გარნისის მარცხის გამო მისთვის პასუხი მოეთხოვა და საბოლოოდ გასწორებოდა.

მხარგრძელის ლაღატში თავადაც არ იყო დარწმუნებული ახალციხელი. მაგრამ ბრძოლის ველზე მტრის პირისპირ დგომისას ამირსპასალარის ესოდენ უზრუნველობა და გაუფრთხილებლობა თავისთავად ღალატის სწორად ეჩვე-

გრიგოლ აბაშიძე
დიდი ღამე



ნებოდა, და მხარგრძელს პასუხი უნდა ეყო. შურისძიებისკენ მოუწოდებდა ახალციხელს გარნისის კლდეებთან დაცემული ოთხი ათასი მესხი ვაჟაკის თავგაჩწირვა, საქართველოს ძლიერების გატეხილი და შევიწროებული სახელი, სამშობლოს სიყვარული და მეფის ერთგულება.

რაკი ამ ფიქრს დაადგა და თანაც ჯალალედინის ბატონობის დღეებიც დათვლილად ეჩვენებოდა, შალვამ გადაწყვიტა, რაღაც უნდა დასჯდომოდა, სიცოცხლე შეენარჩუნებინა. ამიტომ მოიდრიკა ამაყი ქედი ამ ბრგვე ვაჟაკმა დროებითი გამარჯვებით გამაბრტყენებული ჯალალედინის წინაშე, რომლის მსგავს ტანდაბალ კაცებს საქართველოში დაცინვით „კრუხის პალოს“ ეძახდნენ.

ჯალალედინსაც თავისი ანგარიში ჰქონდა: მან გარეგნული სიმშვიდე და დიდსულოვნება გამოიჩინა, ქართველ დიდებულს ღირსეული მხედრული პატივი მიაგო და არა მარტო სიცოცხლე, ზრამედ მამულები და ყმებიც აჩუქა და სამფლობელოდ მარანდი, სალმასი, ურშია და შუშნუია მიუბოძა.

სიცოცხლის შენარჩუნებაზე მზრუნველი ახალციხელი სულტნის მშეს ფიცულობდა და თავს ჯალალედინის მიერ გაბედნიერებულ კაცად აჩვენებდა. ამოდენა სამფლობელოებს დაპატრონებული დიდებული დროს ნადირობასა და შექცევამი ატარებდა და თავი ისე ეკირა, ვითომ აღარც სამშობლო ახსოვდა, აღარც თავისი ცოლ-შვილი და ახლობლები.

ჯალალედინისგან საგანგებოდ მიჩენილი მოენეები, მსახურები და მზირები მარტო მის ყოველ ნაბიჯს როდი აღევნებდნენ თვალს, — ყოველნაირად უზვიადებდნენ გარნისში მომხდარ მარცხს, ამირსპასალარის დლატში ათასგვარად არწმუნებდნენ და თანაც ამ დლატს მისდამი შურითა და მტრობით უსაბუთებდნენ.

ჯალალედინმა ორჯერ ინახულა ახალციხელი. მასთან ნაორობით გაერთო და სუფრაზეც იწვია. მოეწონა

სულტანს ქართველთა უპირველესი მეომარი. შალვას ნასროლი ისარი აუცდენლად ზედებოდა მიზანს, ხოლო მისი დარბაისლური ქცევა და სიტყვა-პასუხი ზელმწიფეთა ღირსად ეჩვენა.

საუბარში სულტანმა მაჰმადის რჯულზე ჩამოუგდო სიტყვა. შალვა განზრახვას მიუხვდა და თავად დაასწრო:

— მაჰმადის სარწმუნოების უმეცარი ვარ, გთხოვ, ყურანის მეცნიერი ვინმე მომცე, რომ თქვენი რჯული მიქადაგოს, განმიმარტოს და მისი უპირატესობა შემაგნებინოს.

ჯალალედინმა ახალციხელის თხოვნა სიამოვნებით აღასრულა და შალვას მეორე დღესვე ყურანის მეცნიერი ყადები და შეიხები გაუგზავნა. შალვა მაჰმადის რჯულის ქადაგებას მოთმინებით უსმენდა და თავს ისე აჩვენებდა, ვითომ სიბრძნის წყაროს დაეწაფა და ყურანის ყოველი სურა გულში სწვდებოდა.

ჯალალედინთან საუბარში შალვა განზრახ აზვიადებდა თავის აღმფოთებას გარნისის ომში „ქართველთა დლატის გამო“, მხარგრძელსა და მის თანაშემწეებს აგინებდა და იმ დღეს ნატრობდა, როცა სამაგიეროს გადახდის შემთხვევა მიეცემოდა. თავის მხრივ ჯალალედინიც შხამს შხამზე აწვეთებდა.

— ქართველებს დიდძალი ოქრო შეუკრებით და ტყვეების გამოსახსნელად მოგვმართეს, — უთხრა სულტანმა.

ახალციხელი გაილურსა, ატყობდა, სულტანი რაღაც ქსელსა ქსელავდა.

— ყველაზე დიდ თანხას შენს გამოსასყიდად ველოდი, — განაგრძო ჯალალედინმა, — მაგრამ ქართველებმა უცნაური გულმაიწყობა გამოიჩინეს: გრძელი სია გვაახლეს, იმ სიაში უბრალო აზნაურებიც არ გამოჩენიათ, მხოლოდ ჩვენი ყველაზე ძვირფასი ტყვე დაავიწყდათ ქართველებს, მეფის ვაზირი და უპირველესი სარდალი. ახალციხელის გამოსასყიდად ქართველთა მეფე ერთ დინარსაც არ იმეტებს...

ჯალალედინმა ქვეშ-ქვეშ გახედა ახალციხელს, ნათქვამით მოხდენილი შთაბეჭდილების ამოკითხვას ცდილობდა მის სახეზე ძლიერი სულტანი.

ახალციხელი მიუხვდა, მაგრამ თავი აღშფოთებულად მოაჩვენა.

— ერთხელ გაყიდულს უკან აღარ გამომისყიდია! — დაიგმინა ახალციხელმა და ცისკენ ხელი აღაპყრო. — მაგრამ თუ ღმერთმა წყალობის თვალით მომხედა და სამაგიერო მაზღვევინა, მაშინ ნახონ, როგორ გადავუხდი ქართველებს.

— იძიებდი შურს ქართველებზე? — ისევ ცბიერად გახედა ჯალალედინმა. — იბრძოლებდი მხარგრძელის წინააღმდეგ?

— ვიბრძოლებდიო? მაგ დღის დადგომის იმედიღა ეცოცხლობ, დიდებულო ხელმწიფევ, ოღონდ იმას მოვესწრო, მხარგრძელსა და ჩემს გამწირველ ქართველებზე შური ვიძიო, ქვას ქვაზე არ დაეტოვებდი, დიდსა და პატარას ყველას ერთნაირად გავუსწორდებოდი და ღალატსა და ორგულობას მწარედ ვანანებდი.

— მაგ დღეს მალე მოესწრები, — ბრძანა ახალციხელის ნათქვამით ნასიამოვნებმა სულტანმა და შალვა სმენად იქცა. — მაგ დღეს მალე მოესწრები: დღეს თუ ხვალ ქართველებს შევესევი და იმ მთებსაც დავიპყრობ, სადაც თქვენი გახიზნული დედოფალი იმალება. შენ იმ მთებში მისასვლელი გზები გეცოდინება და თუ კარგ მეგზურობას გაგვიწევ, ჩვენგან დიდ პატივსა და წყალობას დაიმსახურებ.

ახალციხელი მუხლზე დავარდა და სულტნის კალთას ემთხვია.

— ოღონდ ჯარი მომეცი, ხელმწიფევ, და მიუვალ, ჯერ უცხოთაგან ფეხდაუდგამ მთებში შეგიყვან, ერთ მტკაველ მიწას არ დაეტოვებ საქართველოში, სადაც თქვენი ძლიერების დროშა არ იფრიალებს.

— თუ ქართველთა წინააღმდეგ ომში ჩენს ერთგულებას გამოიჩენ და გვიწინამძღვრებ, დაპყრობილ საქართველოს შენ დაგიმორჩილებ და ქვეყნის

პირველ კაცად გაგხდი, — ბრძანა სულტანმა და ახალციხელი ისევ მუხლზე დავარდა მისი კალთის სამთხვევად.

ჯალალედინმა თავისი ბიძის, ორხანის მეთაურობით განძის დასაპყრობად გაგზავნა ლაშქარი. იმ ლაშქარს შალვა ახალციხელიც გააყოლა და თავის უპირველეს ემირს დაავალა, ქართველ ტყვეს დაჰკვირვებოდა, მისი ერთგულება და გულწრფელობა გამოეცადა.

ახალციხელს ორხანი ტოლივით ექცეოდა, პატივს არ აკლებდა და რჩევას ეკითხებოდა.

შალვამ იცოდა, რომ განძზე ლაშქრობა მისთვის გამოცდა იყო და მის ყოველ ნაბიჯს სულტნის ჯაშუშები ადევნებდნენ თვალყურს. ამიტომაც ყველგან სულტნის ქება-დიდებას ამბობდა და ყველასთან თავი მოჰქონდა ჯალალედინის ნდობითა და დიდსულოვნებით.

შალვას არაერთხელ ჰქონდა განძა აღებული და დალაშქრული, ქალაქის მისადგომები და სიმაგრის სუსტი ადგილები კარგად იცოდა. ახლაც შალვამ ჩვეული გმირობა გამოიჩინა, ხვარაზმელებს მართლაც განსაცვიფრებელი ბრძოლა აჩვენა და განძის შეღწევილ კარში პირველი შევარდა. ტყვეების მიმართ ხვარაზმელებზე მეტი სიმკაცრე და უღმობლობა რომ გამოიჩინა, ორხანის გული კიდევ მეტად მოიგო.

ორხანისა და მსტოვრების ნაამბობმა საბოლოოდ დაარწმუნა სულტანი ქართველი დიდებულის ერთგულებაში.

ამბავი ყრუ მუნჯისა და მისი ლამაზი ცოლისა

ათაბაგ უხბეგს ერთი გაუბედურებული ვაჟი ღარჩა. ეს ვაჟი დაბადებით ყრუ-მუნჯი იყო და სახელად ქამუშს უხმობდნენ.

უხბეგს მის მეტი ვაჟი არა ჰყავდა. ხუთ წლამდე კიდევ ჰქონდა იმედი, ეგებ ენა ამოიდგასო, მაგრამ უფლის-

გრიგოლ აბაშიძე
დიდი ღამე

წული სამუდამოდ მუხჯი დარჩა, გარესამყაროსი არა ესმოდა რა და თავათაც ვერაფერს აგებინებდა. ერთადერთი აღმიაინი, რომელსაც ქამუშისა ესმოდა, მისი აღმზრდელი იყო; ხელის მოძრაობით, თვალისა და სახის გამომეტყველებებით ესაუბრებოდა იმ უცნაურ კაცს, რომელიც ყველასათვის აუხსნელსა და გაუგებარ ენაზე ლაპარაკს ღვთის ჩაგონებით მისჩვეოდა.

ებრალეობდა უზბეგს განგებესაგან დაჩაგრული ერთადერთი მემკვიდრე.

თავისი მემთვრალეობისა და უზრუნველობის გამო არც ცოლების, არც სხვა შვილებისა და არც ქვეყნის წინაშე თავს დამნაშავედ და შემცოდედ არ გრძნობდა. ქამუშის წინაშე კი უღონო იყო ათაბაგი, მემკვიდრის უბედურების მიზეზად რატომღაც თავის თავს თვლიდა, მისი ჰკვიანი თვალების ნაღვლიან ცქერას ვერ უძლებდა და მისი საცოდაობით იწყოდა.

უზომოდ ანებივრებდა, ყოველგვარ სურვილს სიხარულით უსრულებდა და საბრაკო ფუფუნებაში ზრდიდა უზბეგი თავის ვაჟს. სარწმუნოებაზე მაშინ აიღო ხელი ათაბაგმა, როცა მის უბედურ შვილს არც ლოცვა-ვედრებამ უშველა, არც წმინდა ადგილების მოვლამა და არც სასწაულომოქმედი მიწვითებისათვის უთვალავი სიმდიდრის შეწირვამ. ღვინოსა და მემთვრალეობასაც ქამუშის ჯავრითა და საცოდაობით მიეძალა და გამოფხიზლებისა უფრო იმიტომ ემინოდა, რომ უენობითა და სიყრუით დატანჯული შვილისთვის უნდა ეცქირა.

უზბეგმა მემკვიდრეს ცალკე სასახლე აუშენა და საცხოვრებლად იქ გადაიყვანა. ქამუშის კარი მსახურთა სიმრავლით, სიმდიდრითა და ფუფუნებით უზბეგისას აღემატებოდა, მაგრამ უფლისწული მაინც საპყარი და უბედური რჩებოდა.

სმენადახშულსა და უენო უფლისწულს წიგნი ვერ ასწავლეს, ისეც გაწამებული ბავშვი სწავლითა და წრთენით აღარ გააწვალეს და ქამუში გონებრივად დაბალ საფეხურზე გაიყინა. სამა-

გიეროდ სხეული განუვითარდა ქამუშს, ტანი აიყარა, ახოვანი და ძალუმი ვაჟკაცი გაიზარდა.

ეგებ ცოლის შერთვამა და შვილების გაჩენის სიხარულმა მაინც გაახალისოს სულ მუდამ მოწყენილი და დაღონებული უფლისწულიო, იფიქრა უზბეგმა და სასძლოს ძებნას შეუდგა.

აღარბადაგანის ათაბაგის მოყვრობაზე უარს ვინ იტყოდა და უზბეგმა სასძლოდ მარადის ბატონის ულამაზესი შვილიშვილი მოიყვანა. დიდი ქორწილი გადაუხადა მემკვიდრეს და უძვირფასესი საჩუქარი გადააგდო თავს. ეს იყო სპარსეთის ზღაპრული მეფის ქეიქაუსის ოქროს ქამარი. ეს ქამარი ქეიქაუსის შემდეგ მის შვილებსა და შვილიშვილებზე გადადიოდა მემკვიდრეობით და ბოლოს ილდეგიზიდ ფაჰლავენბს რგებოდათ. ამიერიდან ილდეგიზიდების უკანასკნელ შთამომავალს, ყრუ-მუნჯ ქამუშს უნდა რტყმოდა წელზე ქეიქაუსის ოქროს ზღაპრული სარტყელი. სარტყელი შემკული იყო მრავალი პატიოსანი თვლით, რომელთა შორის ხელისგულისოდენა მრგვალი ლალი იყო ჩასმული. ეს იყო ყველაზე საკვირველი და ყველაზე ბრწყინვალე ლალი. ლალზე წარწერილი იყო სარტყლის ყველა მფლობელის სახელი, ქეიქაუსიდან მოყოლებული და ქამუშით გათავებული.

ქეეყნისაგან მოწყვეტილმა ქამუშმა ლამაზი ცოლი ნივთივით დისაკუთრა, აღმიაინთან ახლო ყოფნასა და ურთიერთობას მოწყურებული ქაბუკი ქალს წუთით არ იშორებდა, გარეთ არ უშვებდა და ახლო არავის აკარებდა.

ყრუსა და უენოსათვის სხვებთან ყოფნა წამება იყო, ცოლთან თავისი ნაკლისა რატომღაც არა რტყვენოდა, მზის ჩასვლასა და დაღამებას ხსანასვით ელოდა; დამე ვერავის ხედავდა, მოსასმენის მოუსმენლობითა და სათქმელის უთქმელობით არ იტანჯებოდა. ცოლთან უსიტყვო აღერსის ბედნიერებას ეძლეოდა და გათენებას, მზის ამოსვლას ისეც თავმოძლეებული ხედებოდა.

ქამუშის ცოლი ნორჩი და გამოუცდელი ქალი იყო. პირველ დღეებში ისე მტკივნეულად ვერ გრძნობდა ქმრის უბედურებას. ვაჟკაცის ღონიერი მკლავები და სარეცლის სიამენი უყუჩებდნენ, ავიწყებდნენ დღისით მიყენებულ გულის ტკენას. მაგრამ შემდეგ, როცა ლოგინსაც შეეჩვია და საარაკო სიმდიდრისა და ფუფუნების ყველა უპირატესობასაც, ქამუშის ცოლმა თანდათან იგრძნო, რომ ქვეყნად ყველაზე უბედური ქალი იყო. გოლიათი ვაჟკაცი გონებასუსტი და ბავშვის ჭკუისა აღმოჩნდა. მისი ქცევა, ყოველი ნაბიჯი ბალღური და პასაკისათვის შეუფერებელი ჩანდა. მსახურები და კარისკაცები უფლისწულის ყოველ სისულელეზე სიცილისაგან თავს ძლივს იმაგრებდნენ და პატარა დედოფლის თვალთაგან შეკავებული ღიმილის დაფარვას ცდილობდნენ.

პირველ ხანს ამ სატანჯველისაგან ერთადერთ ხსნად დედოფალსაც მზის ჩასვლა და დაღამება ესახებოდა. იქ, ცოლქმრულ სარეცელზე ქამუში კაცი იყო; ღამეში მისი ცოლი ვეღარც სიმუნჯით გაწამებული ქმრის სახეს ხედავდა, აღარც ქმარი იქცეოდა ყმაწვილურად.

მაგრამ ღამეებმაც დაჰკარგეს თავისი სიამე, რადგან ქამუშის ცოლი უღამაზესი ქალი იყო და მისი სიტუტე მარტო ღამის საკუთრებად როდი იყო გაჩენილი. მოსწყინდა ახალგაზრდა ქალს დამურასავით ღამის სიბნელით ტკბობა, უზომოდ მოუნდა დღის სინათლეზე გასვლა, თავისი მშვენიერებით სხვათა თვალისა და ამით საკუთარი გულის გაზარბაც.

ქალს ხალხისკენ, სამზეოსკენ ეძახდა გული, ქმარი მარტოობისკენ, სიბნელისკენ ეწეოდა, ქალი გასაქცევს ეძებდა, ქმარი უფრო ჰკეტავდა და გარეთ არ უშვებდა.

უბედურ ქამუშს მამა გარდაეცვალა. ადარბადაგანის უდიდესი ნაწილი უკვე ხვარაზმელ სულტანს დაეპყრო, ქვეყანა აწეწილი იყო და უპატრონოდ დარჩენილ უმწეო ქამუშს ღვთისა და თავისი

მეუღლის მეტი იმედად აღარავინ ჰყავდა. ჯალალედინის ვაზირი ქამუშის სამეკიდროს მოადგა. ალყამემორტყმული უზბეგის ძის ავ-კარგი გამოიკითხა. ქამუშის ცოლის უბადლო სილამაზე და ათაბაგის მემკვიდრის საარაკო სიმდიდრე რომ აღუწერეს, ვადაწყვიტა, ერთსაც დაპატრონებოდა და მეორესაც, სულტნის ვაზირს ჩუმად, ჯალალედინის შეუტყობლად უნდოდა ქამუშის ცოლისა და ავლა-დიდების ხელში ჩაგდება. საგონებელსა და ხერხის ძებნაში რომ იყო, სწორედ მაშინ მოუვიდა ქამუშის ცოლისგან საიდუმლო მოციქული. დედოფალი თავისი ნებით დაწებებას აღუთქვამდა, თუ ვაზირი ცოლად შეირთავდა. ვაზირმა ცოლად შერთვის ფიცი შეუთავალა და ქამუშის თანამეცხედრე ღამით შერეფ ელ მოლკის ბანაკში გაიპარა.

სწორედ იმ დღეს, სრულიად მოულოდნელად, დაბარებულებით გაჩნდა შორს მყოფი ჯალალედინი, ვაზირის უმშვენიერეს ნადავლს ქორივით დააცხრა, ქამუშის ცოლი ხელოდან გამოგლიჯა და მისი ალერსითაც თვითონ გაძღა.

მარტო დარჩენილმა ქამუშმა ცოლი მოიკითხა, ვერსად იპოვა. ბოლოს გაუმხილეს, მტერს ეახლა და დაწებდაო. ქამუშმა ღრიალი მორთო, ტანსაცმელი შემოიხია და ყველაფერი დალენა. მერე ხვარაზმელების ბანაკში შევიდა ღმუილით. სულტნის სამყოფელისკენ გაიქრა, მაგრამ მცველებმა ხელი სტაცეს. არ ნებდებოდა, ხელითა და ფეხით, თავითა და კბილით იბრძოდა და უძალიანდებოდა ქამუში შესაპყრობად დახვეულ მამლეკებს. როგორც იყო, შეიპყრეს და საპყრობილეში ჩააგდეს.

ბნელ საპყრობილეში დატუსაღებულ ქამუში რომ ჯავრითა და უქმელობით ილეოდა, მისი ცოლი ქვეყნის მპყრობელი სულტნისა და უებრო ვაჟკაცის ალერსით ტკებოდა. კაცთან ლაპარაკს თითქმის გადაჩეული ქამუ-

გრიგოლ აბაშიძე
დიდი ღამე

შის ცოლი ბედნიერი იყო: ჯალალედინს მისი ჩურჩული კი არა, გულსდევთქვაც ესმოდა და ვაჟაკის საალერსო სიტყვას დანატრებულ ქალს ნახად, გამორჩეული სიტყვით ეფერებოდა.

რამდენიმე დღის შემდეგ ჯალალედინს მოახსენეს: ათაბაგის ყრუ-მუნჯი მემკვიდრე სულტნის ნახვას თხოულობს და სასმელ-საჭმელს პირს არ აკარებსო. მხოლოდ მაშინ გაახსენდა ჯალალედინს ქამუშის არსებობა. საპურობილიდან გამოაყვანიდა და მაღალი შთამომავლობის ღირსი პატივით დაუხვდა.

ქამუში სულტნის წინაშე დაემხო, ხალათქვეშ დაფარული ოქროს ძვირფასი სარტყელი მოიხსნა, ჯალალედინს გაუწოდა და თვალკრემლიანმა შეზმულა. სულტანმა იმ გაურკვეველი ზმუილისაგან ვერაფერი გამოიტანა, მაგრამ ოქროს ვეებერთელა სარტყელისკენ კი გაექცა თვალი. მაშინ ქამუში თავის გამზრდელს მიუბრუნდა, მისთვის ნაცნობ ხელისა და თვალის ენაზე რაღაც გრძლად უთხრა, და გამზრდელმა სულტანს მოახსენა: ათაბაგის ძე ქამუში დიდებული სულტნის ფერხთ ემთხვევა, მის დღეგრძელობას შესთხოვს ალაჰს და თავს მის მონად აცხადებს. უზბეგის ძე ურს ამბობს თავის სამკვიდროზეც, მამისგან ნაანდერძევ სიმდიდრესა და ქონებაზეც და დიდსა და აღმატებულ სულტანს საჩუქრად უძღვნის ამ ფასდაუდებელ ოქროს სარტყელს, რომელიც ქეიქაუსს ეკუთვნოდა პირველად და შემდეგ მემკვიდრეობით გადადიოდა სპარსეთის მეფიდან მეფეზე. ამ სარტყელის მსგავსი ჯერ არაფერი შეუქმნია კაცის ხელს და მას ქვეყნად ვერაფერი შეედრება ვერც პატიოსანი თვლების ფასითა და ვერც ხელოვნებით. ათაბაგის მემკვიდრეს ერთადერთი სათხოვარი აქვს დიდი სულტნის წინაშე — უბოძოს უკანვე თავისი მეუღლე. ხვარაზმის მორკმულ სულტანს ცოლიც ბევრი ჰყავს და ამ ქვეყნის სხვა მრავალი სიკეთითაც ტკბება, ქამუშს ეს ერთადერთი ქალი ჰყავს — იგი არის მისი საპურობის ნუ-

გეში, ამ ქვეყნის ერთადერთი სიამე და სიცოცხლის სიხარული.

ჯალალედინს შეებრაღა უენო, სმენადამშული ვაჟაკი. ცოლისაგან ღალატით მიტოვებული ქამუში სიცოცხლის ერთადერთ სიხარულად ისევ იმ ცოლს სახავდა; იგი ყველაფერი იყო მისთვის, ხოლო ჯალალედინისთვის — უკვე აღარაფერი. რა უცნაურად არის მოწყობილი წუთისოფელი, ადამიანი იმისგან ილტვის, ვისთვისაც სიცოცხლის ერთადერთ აზრად ქვეულა, და მისკენ გარბის, ვისთვისაც იგი ჩალადაც არ ღირს.

— წუთისოფელი და დედაკაცი ორივე ერთნაირად უმადური და გაუტანელია. ჩვენ, ვაჟაკები, მიტომა ვართ ამ ქვეყნად, რომ დედაკაცის უმადურობა დავთრგუნოთ და წუთისოფლის გაუტანლობას ვებრძოლოთ, — ბრძანა ჯალალედინმა, ქამუში ფეხზე წამოაყენა და გვერდით დიისვა. მერე ვაზირს უბრძანა, ათაბაგის ძისათვის სასახლე და სამკვიდრო მამული ხელუხლებლად დაებრუნებინათ, მისი ცოლი ახლავ მოეყვანათ და ქმრისთვის ჩაებარებინათ.

ჯალალედინმა ქეიქაუსის სარტყელი წელზე შემოირტყა და იქაურობა დასტოვა, რადგან ქამუშის ცოლის უბედურებისათვის ცქერა არ უნდოდა.

მეორე დღით ქამუში და მისი ცოლი საწოლში მკვდრები ნახეს. ორთავეს მძინარეებივით მშვიდი, უშფოთველი გამომეტყველება შერჩენოდა, ძალდატანების ნიშნები არც ერთს არ ეტყობოდა.

საწოლთან საწამლავის დაცარიელებული შუშა ეგდო და ვერავინ მიხვდა — ვის ვინ მოეკლა.

ჯალალედინმა ქეიქაუსის სარტყელს თავისი ძვირფასი თვლებიც მიუმატა და ღალის დიდი თვალი შუშაში მოათავსებინა.

ოქრომკედელმა სარტყელზე წვრილად ამოყვანილი ქეიქაუსის ანდერძი ამოიკითხა: „იყოს წერა ჩემი, ვინც უკანონოდ შემირტყას“.

სულტანმა წარწერის აზრი და მნიშვნელობა გამოიკითხა. მოახსენეს: ეს სარტყელი ქეიქაუსის ტახტისა და გვირგვინის კანონიერ მემკვიდრეებზე გადადიოდა; თუ ძალით ან რაიმე შემთხვევის გამო ისეთი პატრონის ხელთ ჩავარდებოდა, რომლის ძარღვებშიაც ქეიქაუსის კეთილშობილი სისხლი არ სჩქებდა, ანდერძი უცილობლად სრულდებოდა, ოქროს სარტყლის მიმთვისებელი იღუპებოდა და სარტყელი ისევ ქეიქაუსის კანონიერ შთამომავალს უბრუნდებოდა.

ჯალალედინს გაეცინა. ეკვი აიღო, ალბათ, წინასწარ არიან მოლაპარაკებული, რომ ესოდენ ძვირფას სარტყელზე ხელი ამაღებინონო.

სულტანმა მის წინაშე თავდახრით მდგარ ვაზირს გამომცდელად შეხედა.

შერეფ ელ მოლკი კიდევ უფრო მოიხარა და მბრძანებელს შეჰხედა:

— წელზე ნუ შეირტყამ, საჭურჭლეში შევინახოთ ეგ სარტყელი, ხელმწიფე, ამით ანდერძიც დაურღვეველი დარჩება, სარტყლის პატრონიც შენ იქნები და ქეიქაუსის წყევლასაც ძალა აღარ ექნება...

ანგარი და ხარბი ვაზირის ზრუნვამ და თავგამოდებამ კიდევ უფრო დაარწმუნა სულტანი, რომ ყველანი — ოქრომშედელიც, წარწერის განმმარტავნიცა და ვაზირიც წინასწარ იყვნენ მოლაპარაკებულნი.

ჯალალედინმა ერთი მგელივით მოხედა ვაზირს.

— ქამუშის სიკვდილის შემდეგ ქეიქაუსის შორეული ნათესავიც აღარავინ დარჩა ცოცხლებს შორის; თუ ვინმეს თავისი კეთილშობილებით უფლება აქვს ქეიქაუსის ტახტისა და ქვეყნის კანონიერ მემკვიდრედ ჩასთვალოს თავი, პირველი მე ვარ და სხვაზე უფრო მე მეკუთვნის ამ სარტყლის შერტყმა. დე, ჩემზე აღსრულდეს ქეიქაუსის წყევლა, — ჩაიცინა სულტანმა და მსახურებს ანიშნა, სარტყელი წელზე შემომარტყეთო.

— ასრულდეს ნება შენი! — თაყვანი

სცა გაწვილებულმა ვაზირმა და უკან წავიდა მუხლზე ხოხვით.

მოჰამედ ნესევი ყურადღებით კითხულობდა თორელის შრომას. ქართველების სახელი მხოლოდ ირანში მოსვლისას გაიგონა პირველად. მათ ველურ მომთაბარეებად თვლიდა, რომელთაც არც წარსული ჰქონდათ, არც სარწმუნოება გააჩნდათ და არც წიგნი და დამწერლობა.

როგორ გაცოცდა ნესევი, როცა გაიგო, რომ მათი ისტორია თითქმის ქვეყნის დასაბამიდან იწყებოდა, მათი მწერლობა უძველესი და უმდიდრესი ყოფილა თურმე, ხლო დამწერლობა — ძველთაძველი.

ქართველთა მეფეები ზოგ-ზოგეებით მეჯოგე ტომების ვიგინდარა ბელადები კი არ ყოფილან, დავით წინასწარმეტყველისა და სოლომონ ბრძენის შთამომავლებად იყვნენ აღიარებულნი თურმე მთელს წინა აზიაში და იმ დროისათვის პალესტინის წმინდა ადგილების თითქმის ნახევარს ფლობდნენ.

დავით აღმაშენებლისა და დემეტრეს, გიორგი მესამისა და თამარის, ლაშასა და რუსუდანის მეფობის ხანაში საქართველო თურმე დიდებულ ზორეზმსაც არ ჩამოუვარდებოდა თავისი სიდიდითა და ბრწყინვალებით.

თორელის შრომაში ბევრი ფილოსოფოსი და ღვთისმეტყველი, ხუროთმოძღვარი და ოქრომშედელი, მხატვარი და მგოსანი იყო ჩამოთვლილი, რომელთა სახელი მთელს განათლებულ ახლო აღმოსავლეთსა და ბიზანტიაში ყოფილა ცნობილი. თორელს თავის ისტორიაში დიდი ადგილი დაეთმო საქართველოს უდიდესი მგოსნის შოთა რუსთველისათვის, მისი უკვადავი ქმნილებების შინაარსი გადმოეცა და ცალკე ადგილების თარგმნაც ეცადა.

შაირობის მოყვარულმა და დამფასებელმა ნესევიმ ზეპირად იცოდა აღმოსავლეთის პოეზიის ნიმუშები. ამ მხრივ ზორეზმში ტოლს არავის უდებდა და

გრიგოლ აბაშიძე

დიდი დამე

თუმცა ტრაბახი არ უყვარდა, თავი მაინც მოჰქონდა იმით, რომ ასი ათასამდე ლექსის ტაეპს ზეპირად იტყოდა.

ჩაკვირებული და გემოგახსნილი ხორასნელი მცირე ნიმუშების გაცნობითაც მიხვდა, თუ რა დიდი მგოსანი ყოფილა რუსთველი. თორელი მოაყვანინა, ნაშრომი ფრად მოუწონა და ახალი დავალება მისცა:

-- დიდად მეკეთა და მომეწონა თქვენი უბრველესი მგოსნის ლექსები. მარტო შენ დაუხმარებლად მის თარგმნას, ალბათ, ვერ შესძლებდი, რადგან სპარსული შენთვის მაინც უცხო ენაა. ცოდვია, ესოდენ ღრმასა და ტკბილხმოვან მგოსანს მარტო ქართველები კითხულობდნენ. სიამოვნებით ვთარგმნიდი რუსთველის ქმნილებას, თუ შენც შემეწეოდი შენი განმარტებითა და ყოველი სიტყვის ასხნით.

— ამაზე სასიამოვნო და სასახელო რა უნდა დამავალოს ჩემმა ბატრონმა! — აღმოხდა გახარებულ თორელს: — ღამებს გაეტეხავ თეთრად, ყოველ სიტყვას სათითაოდ ავხსნი და განვმარტავ, ლექსის ხმოვანებასა და მუსიკას კითხვითა და სიმღერით ვავხსნი შენი ყურათათვის მისაწვდომს, ყოველ ღონესა და ნიჭს ვისმარ, რათა ჩემს ბატრონსა და მწყალობელს ამ ჩემთვის საამაყო დავალების აღსრულებით დავეხმარო.

— ნეტავ არ წამეკითხა შენი დაწერილი ისტორია! მანამდე უბირ, მეჯოგე ტომის ხალხურ მოქმელად მეჩვენებოდა, მიუხედავად შენი განათლებისა. ახლა, როცა შენი წიგნით თქვენს ქვეყანას გავეცანი და გავიგე, თუ რა დიდსა და სახელოვან სამეფოს დადგომა უბედურება, გული მეტკინა. ჩუპი უბედური სამშობლოს დარდი ისევ ამეშალა და გულწრფელად შემეცოდე. შენ მგოსანი ხარ და ალბათ სხვაზე მეტად განიცდი შენი სამშობლოს უბედურებას.

თორელმა ღრმად ამოიხვნა და თვალები მოუწყლიანდა.

— თქვენს დიდ მგოსანს უთქვამს, ჭირსა შიგან გამავრება გმართვესო. უნდა შეორიგდე ძნელად შესარიგებელს — შენი ქვეყნის დიდების დამპო-

ბას, რადგან, როგორც ერთხელ გლთხარი, ახლა ჩვენი მზე იწყებს ამობრწყინებას, ხორეზმის დიდების მზე; ხოლო ერთი ერის ბედნიერება გარდუვალად მეორე ერის უბედურებას ნიშნავს. ბედმა ჩვენი ერის ბედი თქვენსას დაუპირისპირა და ერთ-ერთი უნდა დაღუპულიყო, რადგან თავად უფლისაგან ოლიდანვე აგრეა დაწესებული: კაცი კაცს იმორჩილებს, ცხოველი ცხოველსა და ფრინველი ფრინველს. ხე რომ ნკა, ისიც თავის ახლომახლო სხვა ხეს არ ახარებს, ჩაგრავს და ზრდას უშლის. კაცი კაცს ჩაგრავს და ერი ერს. მე რომ ვუკვირდები, ადამიანთა ურთიერთობა, საბოლოოდ, მაინც უკეთ ცხოვრებისათვის ბრძოლაა; ეს დედამიწა ყველას არა ჰყოფნის კარგი ცხოვრებისათვის და ამიტომ მტრობს ერთი კაცი მეორეს, ერთი ერი მეორე ერს, ერთი სარწმუნოება მეორე სარწმუნოებას. ამ მტრობასა და ბრძოლაში უძლიერესი იმარჯვებს, ხოლო სუსტი და უღონო მარცხდება და ეცემა.

— ილბალი არა ჰქონია ჩემს ქვეყანას, — ოხვრით თქვა თორელმა, — ახლა, როცა აღმოსავლეთი ასე აირია და საშინელი გრივალეზი დაიძრნენ საქართველოს დასალეწად, ჩვენს სამეფოს მტკიცე და ძლიერი, მამაცი და ნებისყოფიანი მეთაურის მაგიერ აზიზად აღზრდილი, სუსტი და უნებისყოფი ქალი უდგას სათავეში. მას არც თავისი თავგასული მთაერების ალაგმვის ძალა შესწევს, არც ქვეყნის მთელი ძალღონის შემოკრება შეუძლია მტრის წინააღმდეგ ასამოქმედებლად.

— ასე სცოდნია ბედისწერას, თურმან. როცა განგება რომელიმე ხალხს გასწირავს, მას მეთაურად სწორედ გაუბედავსა და უნებისყოფო გვირგვინსანს მოუვლენს. დიდსა და უძლიერეს ხორეზმს არასოდეს ისე არ სჭირდებოდა მამაცი და გაბედული, მტკიცე ნებისყოფიანი და შეუღრეკელი მეთაური, როგორც ჩინგიზ ხანის შემოსევისას. განგებამ ისე მოაწყო, რომ სწორედ მონგოლთა ურდოებთან შეჯახებისას ხორეზმს ყველაზე ნაზი და აზიზი, გაუ-

ბედავი და უნებისყოფი გვირგვინოსანი მოუვლინა ხელმწიფედ. ხვარაზმმა მოჰამედი ფიქელსა და გამჭრიახს, უარესად გაბედულს, ცბიერსა და სასტიკ ჩინგიზს წინ ვერ აღუდგა, უზარმაზარი ქვეყანა მტრის დასახვედრად ვერ ამოძრავა, ლაშქარს მონგოლებზე ვერ წარუძღვა და განგების განაჩენს თითქმის უდრტვინველად დაემორჩილა: ესოდენ მდიდარი და ძლიერი ქვეყანა მტერს დაუტოვა და თავად სადღაც უკაცურ კუნძულზე მიაბარა უფალს გამწარებული სული. რაკი განგებამ ძღვეა ჩინგიზს მისცა ჩვენთა ცოდვათათვის ჩვენსავე დასასჯელად, იმავე განგებამ ისე მოაწყო, რომ მოჰამედს ვერც თვითონ გაეწია მტრისათვის წინააღმდეგობა, ვერც თავის შვილებში გამოერჩია ღირსეული მემკვიდრე, რომელიც ქვეყნის მართვის სადავეებს ხელთ აიღებდა და მონგოლებს ვაჟკაცურად გაუმკლავდებოდა. თავის შვილთაგან უბედურმა ხვარაზმმა მემკვიდრედ ყველაზე სუსტი და უღონო ოგლაზხანი გამოარჩია, მამაცი და შეუდრეკელი სულტანი ჯალალდინი გაინაპირა და სახელმწიფო საქესთან არ მიუშვა, ვიდრე თავათაც არ დაიღუპა და სამეფოც არ დააქცია. როგორც ჩანს, განგების ეს კანონი გარდუვალია და ახლა მისი მსხვერპლი თქვენი სამეფო ხდება. თქვენს ქვეყანას ამ უდიდესი განსაცდელის ქამს გულოვანი და გონიერი მეფე ისე სჭირდებოდა, როგორც, ალბათ, არასდროს. მაგრამ ხომ ხედავ, სწორედ ამ უძნელეს ქამს იმავე განგებამ გვირგვინოსნად სუსტი და უზრუნველი ქალი მოგვცათ. ყურანში წერია: ვაი იმ ხალხს, რომელსაც ქალი ჰყავს მეთაურადო. ახლა, როცა ისტორიის სარბიელზე ისეთი ძლიერი მამაკაცები იბრძვიან, როგორც ჩინგიზ ყენი და სულტანი ჯალალდინია, სუსტ ქალს რა მოეთხოვება, ან რა შეუძლია.

— ეგრე ნუ იტყვი, მოჰამედ ბატონო. საქართველოს არც ისე დიდი ხნის წინათ ჰყავდა მეფედ ქალი, ლვთი-

გვირგვინოსანი თამარი. სწორედ მისი მეფობის დროს მიადწია საქართველოს სამეფომ უდიდეს ძლიერებასა და აყვავებას.

— შენ თავად წერ შენს შრომაში, თორელო, თამარი გონიერი და ბრძენი, ნაზი, მაგრამ ვაჟკაცივით ნებისყოფიანი და გამბედავი იყოო. თამარის დროს ქვეყანა ასე აფორიაქებული არ იყო და ხალხები ერთიმეორეს განადგურებას არ უქადდნენ, მაშინ არც ჩინგიზ ხანივით სასტიკი და ძლიერი მბრძანებელი იყო სადმე, არც ჯალალდინივით თავზე ხელაღებული და უძლველი ხელმწიფე. ესეც უნდა იცოდე, ერის ცხოვრებას განმეორებანი არ უყვარს და გამოანაკლისების იმედით ქვეყანა არსად აშენებულა.

თორელმა ველარაფერი თქვა. ერთხანს ორივე სდუმდა, ეტყობოდა, ორივე თავ-თავისას ფიქრობდა.

— ერთი აზრი მომივიდა, — დაიწყო ისევ ნესევიმ, — ერთი აზრი მომივიდა და სულტანიც რომ ყურს მომიპყრობდეს და ქართველებიც გონიერებას გამოიჩენდნენ, თქვენი ქვეყანა რბევასა და აოხრებას გადარჩებოდა, ომი და სისხლისღვრა შესწყდებოდა, ჯალალდინიც გაძლიერდებოდა და თქვენი ქვეყანაც მოისვენებდა.

თორელი გაოცებული შეჰყურებდა სულტანის მდივანს, ვერ გაეგო თურა აზრი უნდა მოსვლოდა მოჰამედ ნესევის.

— თქვენი დედოფალი, როგორც ამბობენ, ახალგაზრდაა, — განაგრძო ნესევიმ, — ჩვენი სულტანი კი ჯერ კიდევ ჰაბუკია და ჯანღონით სავსე; შთაომავლობა ორივეს მაღალი აქვს და კეთილშობილი. სულტანმა რომ თქვენი დედოფალი შეირთოს, თქვენს ქვეყანას ძლიერი და გონიერი პატრონი გაუჩნდება. ურთიერთელეტის ხაცვლად ქართველები და ხვარაზმელები თავიანთ ლაშქარს შეაერთებენ და საერთო მტერს, მონგოლებს წინააღმდეგობას გაუჩენენ.

გრიგოლ აბაშიძე
დიდი ღამე

— კარგი იქნებოდა, მაგრამ ეგ არ მოხდება.

— რათა, თუკი დიდი სულტანი ინებებს?!

— ქართველთა დედოფლის ქმარი მხოლოდ ქრისტიანი შეიძლება იყოს. სულტანი ჯალალედინი კი თავს საისლამოს წინამძღოლად თვლის და ქრისტიანულად როგორ მოინათლება.

ნესევიმ წარბი შეიკრა და მოიღუპა.

— თუ დიდი და აღმატებული სულტანი თავისი ქმრობით ბედნიერს გახდის თქვენს დედოფალს, თავად უნდა შემოხევეწოს და მაჰმადის რჯულოც მიიღოს.

— ეგ არ მოხდება, — მტკიცედ თქვა თორელმა და თავის გაქნევით დაამოწმა უარი.

— ქართველებს მხოლოდ ჩვენი სულტნისა და თქვენი დედოფლის შეუღლება თუ იხსნის მოსპობისა და განადგურებისაგან. თუ საქართველოს მესვეურებს გონიერება არ დაჰქარგვიათ, თავად უნდა შემოვედრონ დიდებულ სულტანს.

— სწორედ რომ გონიერება უკანახებთ ქართველებს, ეგ არა ჰქნან, და ორივე ცხოვრება — ამ ქვეყნიური და იმ ქვეყნიურიც — არ წააგონ. ჩვენი ხალხი არც ისე მრავალრიცხოვანია, ქვეყნად ნათესავი არა ჰყავს, ირგვლივ მაჰმადიანური ზოგა გვაქრავს და თუ საჭე სწორად არ მივმართეთ, ამ ზღვაში ჩავიძირებით. ქართველები კარგა ხანია მეზობელი მუსულმანების ქრისტეს რჯულზე მოქცევისა და გაქართველებისათვის ზრუნავენ და ფიქრადაც როგორ გაიფიქრებენ, რომ მათ ტახტზე მუსულმანი მეფე დაჯდეს და საქართველოს დედოფალმა მაჰმადის რჯული იწამოს. ეს მარტო დედოფლის განწყობაა როდი იქნებოდა, ამას ქართველობაზე ხელის აღება და საქართველოს სამუსულმანო ზღვასთან შეერთება-გათქვევადც მალე მოჰყვებოდა.

— იქნებ სრულიად მოსპობასა და განადგურებას. მაჰმადის ჭეშმარიტი რჯულის მიღება და ამით ქვეყნის გადარჩენა ემჯობინებოდა.

— ეგ არ მოხდება, ნესევი ბატონო. ქართველები უმალ დედიან-ბუდიანად გაიქვლიტებიან, ვიდრე ქრისტეს რჯულზე, თავიანთ ენასა და სამკვიდრებელზე ნებით ხელს აიღებენ.

თორელთან საუბრის შემდეგაც ვერ მოიშორა ნესევიმ ზვარაზმის სულტნისა და საქართველოს დედოფლის შეუღლებაზე ფიქრი. საქართველო მტრისათვის ძნელად მისადგომი ქვეყანა იყო. თუ ქართველთა და ზვარაზმელთა შეერთებული მხედრობა მონგოლებს ვერ სძლეოდა, სულტანს ირანის ტრამალებზე სულმოუთქმელი რბენა და თავშესაფარის ძებნა მიიწვიდა დასპირდებოდა. საქართველოს მიუვალ მთებში მონგოლების წასვლამდე კი არა, მათ ვადა შენებამდე შეიძლებოდა გახიზვნა და ჩაეკეტა. საქართველო მდიდარი ქვეყანა იყო და მისი საჭურჭლის დაპატრონება ჯალალედინს სამუდამოდ უზრუნველს გახდიდა. ყოველივე ამას ფასი მხოლოდ მაშინ ექნებოდა, თუ ჯალალედინის საქართველოში დამკვიდრება ქართველთა ნებითა და თანხმობით მოხდებოდა. ძალით კი...

საქართველო ჯერ კიდევ ძლიერი იყო. მას კიდევ შეეძლო დიდი ლაშქრის გამოყვანა და ვინ იცის, ომის დმერთი ვის მხარეზე გადახრიდა სასწორს. ომში რომ კიდევაც ეძლიათ ქართველები, ჯალალედინი მათი საჭურჭლის დაპატრონებას ვერ შესძლებდა. გურჯები თავიანთ განძს იმ მიუვალ მთებში ვადამალავდნენ, რომლებშიაც თავად შეილტვოდნენ. დაპყრობილ ქვეყანაში ჯალალედინი ფეხს ვერ მოიკიდებდა, ქართველთაგან მუდამ თავდასხმის შიშში იქნებოდა, შფოთი და ამბოხი არ მოასვენებდა.

ამიტომ ორივე მხარისათვის მიზანშეწონილად და ერთადერთ ხსნად ნესევის დაზავება და გვირგვინოსანთა შეუღლება ესახებოდა. თორელის გადაჭრით ნათქვამი, ეგ არასოდეს არ მოხდებოდა, მგოსნურ გაზვიადებად მიიჩნია, ვადამწყვეტ ბრძოლაში დამარცხებული ქართველები, მისი ვარაუდით, სულიერადაც

შემდრკალნი და გატეხილნი უნდა ყოფილიყვნენ და ასეთ დროს სამოყვროდ გაწვდილ ჯალალედინის ხელს სასოებით უნდა მოხვეოდნენ.

ამ აზრზე რომ მტკიცედ დადგა ნესევი, სულტანს ეახლა და თავისი ეს შეხედულება საიდუმლოდ გაანდო. მდევანმა ჩაგონების ყველა ღონე მოიშველია, მკვერმეტყველებაცა და ცოვი ანგარიშიც, არსებულიც წინ გადმოუშალა და შესაძლებელიც მიმზიდველად დაუხატა.

ჯალალედინს ერთგული მდივნის რჩევა ჰქუაში დაუჯდა და მამინვე საქართველოს ხელისუფლებთან გასაგზავნი წერილის დაწერა უბრძანა.

ჯალალედინი სიფრთხილეს იჩენდა. საქართველოში რომ დაზავებისა და რუსუდან დედოფალთან შეუღლების წინადადებით ელჩები გამოგზავნა, თავადაც ურიცხვი ლაშქრით უჩუმრად გამოემართა.

სულტანი ქართველებს დამოყვრებას სთავაზობდა. სინანულს გამოსთქვამდა ქართველებთან ომის გამო და ირწმუნებოდა, რომ აღარასოდეს მათ წინააღმდეგ ხმაღს აღარ აღმართავდა. ამით ჯალალედინი ქართველთა სიფხიზლეს აღუწებდა, თორემ ჩუმად საქართველოს დასაპყრობად მოემართებოდა და თუ მოყვრობის უარს მიიღებდა, თავის საწადელს ძალით აისრულებდა.

ჯალალედინს შალვა ახალციხელიც თან მოჰყავდა. ქართველთა წინააღმდეგ შურისსაძიებლად ამხედრებული ახალციხელი ისე გახარებული ჩანდა, თითქოს ქორწილში მიდიოდა საქეიფოდ. ქართველებს ხმამაღლა აგინებდა და იმუქრებოდა, რომ ქვას ქვაზე არ დასტოვებდა გამყიდველი მხარგრძელისა და უმაღური დედოფლის სამფლობელოში.

საქართველოს სამეფოს მიუვალ კუთხეებში უნდა წარსდლოდა სულტანს მეგზურად ქართველი დიდებული. მარანდისა და ურმიის მხარის პატრონს უკვე დაემსახურებინა ჯალალედინის ნდობა და სულტანი მომავალ ბრძო-

ლებში მის ერთგულებაზე დიდ იმედს ამყარებდა.

მაგრამ მოულოდნელად სულტანსაც თვალი აეხილა და ახალციხელის თამაშშიც დაწყების უმაღვე დასრულდა.

ჯალალედინის წერილმა საქართველოში დიდი აღიაქოთი გამოიწვია. დარბაზი დაუყოვნებლივ შეიკრიბა.

რუსუდან დედოფალს თბილისში ჰყავდა მძევლად შირვანშას თვრამეტი წლის შვილი, ვაჟაკობითა და სილამაზით განთქმული სულტანმა. დედოფალს თავდავიწყებით უყვარდა ეს ზრდილი და მოხდენილი ჰაბუკი. პირველი ქმრის, მოლასედინის გაყრის დასტური უკვე მიეცა დარბაზს და ჯალალედინი რომ არ გამოჩენილიყო, სულტანშას ამდენ ხანს შეუღლდებოდა.

ახლა, ჯალალედინი რომ ქმრობას სთხოვდა, ყველაფერი ყირამალა დგებოდა. თავად რა ჰირად უნდოდა უკვე ხანში შესული ზვარაზმელი სულტნის, იმ „კრუხის პალოსა და ქონდრის კაცის“ თანამეცხედრეობა, როცა ავირ ვარსკვლავივით მიჯნური ჰყავდა, მაგრამ სახელმწიფოსათვის ესოდენ ძნელბედობის ქვას დარბაზი დედოფლის პირადი სურვილით ხომ არ იხელმძღვანელებდა ამ მნიშვნელოვანი საკითხის გადაწყვეტისას.

ჯალალედინი გამარჯვებული იყო და რაკი დამარცხებულ ქართველებს ხელს სამოყვროდ უწვდიდა და დაზავებას სთავაზობდა, ძნელი საფიქრებელი იყო, რას უფრო მაღლა დააყენებდა დარბაზი — დედოფლის სურვილსა და პირად ბედნიერებას, თუ ჰქვეყნის კეთილდღეობასა და მომავალს. ამიტომ არ აშრებოდა რუსუდან დედოფალს თვალზე ცრემლი.

მაგრამ მოხდა ის, რასაც არც რუსუდანი ელოდა და არც თავად ჯალალედინი.

ქართველმა დიდებულებმა უფრო შორს განსჭვრიტეს: ჯალალედინი არც

კრიგოლ აბაშიძე
დიდი დამე

უჯარო და უნებისყოფო მოღალადინი იყო, არც სათნო და კეთილი დავით სოსლანი. ქართველ დიდებულთა ანგარიშით უზარმაზარი ქვეყნის მართვას დაჩვეული სულტანი საქართველოს დედოფლის უბრალო თანამეცხედრობას კი არ დაჯერდებოდა, — სკიპტრას წაებოტინებოდა, მთელ ხელისუფლებას თავად იგდებდა ხელთ და ქართველებს თავიანთ ქვეყანაში აღარაფერს ჰკითხავდა. ეს ყველაზე დიდი უბედურება იქნებოდა რუსუდან დედოფლის სისუსტით განებვიერებული, თავამებებული ქართველი დიდებულებისათვის.

მაგრამ ქართველ დიდებულთაგან ჯალალედინის მეფედ დაჯდომას ყველა მხოლოდ თავისი სარგებლითა და ზარალით როდი ზომავდა, უმრავლესობა ერის კეთილდღეობისათვის უკეთესს არჩევდა და ხვარაზმელთა მოსვლას საქართველოსათვის უდიდეს საფრთხედ თვლიდა: ჯალალედინს სამასი თუ ოთხასიათასიანი ლაშქარი ახლდა დედაწულთურთ. საქართველოს მიწა-წყალზე ასეთი სიმრავლით უცხოთა ჩამოთესლება და დასახლება ქვეყნისათვის დიდ უბედურებად მიიჩნდა და ამასი ერის გადაჯვარების საშიშროებას ხედავდა. თანაც, ჯალალედინი მაჰმადის რჯულის თავგამოდებული აღმსარებელი იყო და არა თუ ქრისტიანობაზე მოქცევის სურვილს გამოსთქვამდა, საერთოდ, მუსულმანთა მეთაურად და ქომაგად მოჰქონდა თავი. ასეთი კაცი არა თუ გაქართველდებოდა და გაქრისტიანდებოდა, თვითონ მოუნდომებდა ქართველთა დედოფალსა და მთელ საქართველოს გამუსულმანებას და წყეული მაჰმადის რჯულზე ძალით მოქცევას.

ღარაზმა ერთხმად უარპყო ხვარაზმელი სულტნის წინადადება და ელჩები ცივი უარით გამოისტუმრა.

ადარბადაგანში ჯალალედინის დამკვიდრებამ იმთავითვე შეაშფოთა მეზობელი მუსულმანური სამეფოები. ხვა-

რაზმელმა სულტანმა მოსვლისთანავე ხლათისა და იკონიის სამეფოებს შეგობრობა და კეთილმეზობლობა შესთავაზა, მუსულმანების მფარველად გამოაცხადო, თავი და მათი შემწუხებელი ურჯულო ქართველების აღაგმვა თავის უპირველეს მოწოდებად და ამოცანად დასახა.

ხლათის, იკონიისა და არზრუმის მუსულმან მფლობელებს ქართველთათვის ფრთების შეკვეცის აღთქმა ესიამოვნათ, მაგრამ ისინი საკუთარი ქვეყნებისა და გვირგვინის ბედზე უფრო ფიქრობდნენ, ვიდრე მაჰმადის სარწმუნოების ქომავობაზე. ადარბადაგანში ესოდენ მტკიცე და გაბედული მმართველის, უფლებსმოყვარე და ზვიადი, ომისა და შფოთვის მძებნელი სულტნის დამკვიდრება, რომელსაც თან დიდძალი მხედრობაც ჰყავდა, ვინ იცის რას უქაღდა მეზობელ სამუსულმანო სამეფოებს.

ჯალალედინი თავისი მამის მემკვიდრედ აცხადებდა თავს. მუჰამედის უზარმაზარ სამეფოსაგან ხვარაზმელ სულტანს ეს განაპირა ადარბადაგანიღა შერჩენოდა, რომელსაც სინამდვილეში ხვარაზმში არასოდეს არ განაგებდა; ხარბი და პატივმოყვარე ჯალალედინი ადარბადაგანის დაპყრობას არ დაჯერდებოდა, მალე გაეზრდებოდა და ხლათსა და იკონიასაც მოინდომებდა. მაშინ ელამრაფსა და ქეი ქობაღსაც იქნებ ათაბაგ უზბეგის ბედი სწეოდათ.

ამ საფრთხის თავიდან ასაცილებლად ეგვიპტესაქეთა სამუსულმანო სამეფოებს ერთმანეთთან საიდუმლო მოლაპარაკება გაემართათ და ჩუმ სამზადისს შედგომოდნენ. გარეგნულად მათაც ისე ეჭირათ თავი, თითქოს ჯალალედინის დამეზობლებას მათთვის ბედნიერება მოეტანოს. ძღვენითა და საჩუქრებით დატვირთულ ელჩებს ხშირ-ხშირად უგზავნიდნენ, მეგობრობას ეფიცებოდნენ და თანაც საიდუმლოდ იმის შეტყობას ცდილობდნენ. თუ ნამდვილად რა ფა-

რული გეგმები ჰქონდა გადამთიელ სულტანს ერთმორწმუნე მეზობლების მიმართ.

არეზთან დაბანაკებულ სულტანს ხლათის დედოფალი თამთა ესტუმრა დიდი ამალთა და ძღვენით დატვირთული ქარავნებით. ხლათის მბრძანებელი თამთა დედოფალი ჯალალედინის გულის მონადირებას მარტოდენ ძვირფასი საჩუქრებით როდი ფიქრობდა. მას უფრო იმედი ჰქონდა თავისი სიტურფისა და მომხიბვლელობისა, რომლის წინაშე ჯერ კიდევ უღონონი იყვნენ ყველაზე მტკიცე ხასიათისა და ცივისხსლიანი ვაჟკაცებიც.

ქართველი მთავრის ასულს, ხლათის გარდა, საქართველოს ბედიც დიდად აწუხებდა. იგი იმ მიზნით უფრო ესტუმრა ჯალალედინს, რათა საქართველოსთან ზავის შესაძლებლობასა და პირობებზე მოლაპარაკებოდა.

თამთას სხვა იღუმალი განზრახვაც ამოქმედებდა. მას ჯალალედინის დიდებული ტყვის, თავისი პირველი მიჯნურის, შალვა ახალციხელის ამბის მიკვლევაც უნდოდა. დედოფალს გადაწყვეტილი ჰქონდა სულტანს ტყვე გამოეყვინა, თუ ამის შესაძლებლობა მიეცემოდა.

ბანაკიდან შორს, ქვეითად გაეგება თამთას ჯალალედინი. დედოფლის დანახვაზე დაიბნა, არ ელოდა თუ ესოდენ ლამაზი იქნებოდა.

იმ დღეს დიდი ნადიმი გაუმართა. თვითონ აწოდებდა რჩეულ კერძებსა და სასმელებს. ხლათის დედოფალი სწორივით ესაუბრებოდა სახელოვან სულტანს, თავი ღირსეულად ეპირა, იშვიათი ზრდილობითა და თავაზით პასუხობდა ჯალალედინის სიტყვასა და ქცევას და თან ზომიერად აფრქვევდა თავის შეუდარებელ, ვაჟკაცის მომჯადოებელ დიმილს.

მეორე დღეს თამთამ მიიწვია ვახშმად სულტანი თავის კარავში. გულოვანი და ბუნებით გამბედავი ჯალალედინი ხლათის დედოფლის წინაშე თავის

დასაუბრებლად უჩვეულო კრძალვასა და რიღს იჩენდა. მის წარმტაც სახეს ხატოვით შეჰყურებდა და მიუხედავად ესოდენ ნიახლოვისა, ისეთ სიშორეს გრძნობდა, თითქოს მისგან მიუწვდომლად მალა მდგარიყო.

დედოფალი სახელმწიფო საქმეებზე განზრახ არაფერს ამბობდა, სალაპარაკო არ ელოდა და საუბარს ისეთ გეზს აძლევდა, რომ ჯალალედინს შთაბეჭდილება შექმნოდა — ხლათის დედოფალი მხოლოდ ჩემს გასაცნობად, ჩემს მოსახიბლავად არის მოსულიო.

დედოფალმა და სულტანმა თავიანთი მხლებლები დაითხოვეს და მარტონი დარჩნენ. არც ამ მარტოობით ისარგებლა დედოფალმა, საქმეებზე სიტყვაც არ დასძრა, თითქოს ქვეყნის ჭირ-ვარაში არც აწუხებდა. ღვინომოკიდებულ სულტანს ბუნდოვანი, მაგრამ მიმზიდველი საუბრით აბრუებდა და თავდავიწყების იღუმალ ქსელში აბამდა. მაგრამ საოცარი ის იყო, რომ მანძილი სულტანსა და დედოფალს შორის არ მოკლდებოდა, თამთას შეუვალობა და ჯალალედინის გაუბედაობა კიდევ უფრო იზრდებოდა. ჯალალედინს გული მოსდიოდა თავის ამ კრთომაზე და დედოფლის შეუვალობაზე; ვერც თავის თავს უხერხებდა ვერაფერს, არც დედოფალი იცვლიდა ერთხელ აღებულ გეზს.

ბოლოს, რაკი დარწმუნდა, რომ უღონო იყო დაეძლია თავისი გაუბედაობა და დედოფლის მიუკარებლობა, სულტანი ფეხზე წამოდგა, თამთას ძილი ნებისა უსურვა, დაემშვიდობა და მისი კარავი დასტოვა.

საქართველოს საბოლოოდ დასაპყრობად გალაშქრებულ ჯალალედინს შალვა ახალციხელიც თან მიჰყავდა. გამოცდილი სარდალი ჯარის მოძრაობასა და მეთაურების სიფრთხილეს აკვირდებოდა და რწმუნდებოდა, რომ სულტანი თავის განზრახვას არავის უმხელდა, საქართველოზე თავდასხმის სამზადისს

გრიგოლ აბაშიძე
დიდი დამე

ყოველნაირად ნიღბავდა. ეტყობოდა, ჯალალედინი საქართველოში მოულოდნელი შეჭრითა და თბილისზე უეცარი იერიშით ფიქრობდა ქართველთა წინააღმდეგობის საბოლოოდ გატეხვასა და მათი ძლიერების განადგურებას.

თუ ქართველთა სარდლობა ახლავე შეიტყობდა ჯალალედინის გამოლაშქრებას, კიდევ შეიძლებოდა ჯარის შეკრება, თბილისის გამაგრება, მტრისათვის ზღის გადაღობვა.

ჯერ კიდევ იყო დრო, ქართველებს როგორმე უნდა შეეტყოთ ხვარაზმელი სულტნის განზრახვა. შალვა ახალციხელი ჯალალედინის გულის მოგებასა და მისი ნდობის დამსახურებას სწორედ ამ დღისათვის ცდილობდა. სულტანი ქართველ ტყვეს უკვე თავის ერთგულად და გურჯების მტრად თვლიდა, საქართველოს, დასაპყრობად მიჰყავდა და უცნობ ქვეყანაში ლაშქრის მეგზურობას ანდობდა. ახალციხელს შეუძლია ამ ნდობით ისარგებლოს და ჯალალედინი თავისი ჯარით ისეთ ადგილას შეიტყუოს, სადაც ქართველებს მისი დამარცხება და განადგურება არ გაუჭირდებათ, ოღონდ ამისათვის ქართველთა სარდლობის გაფრთხილებათა საჭირო, რათა ქართველები საიდუმლოდ გამოემართონ დათქმულ ადგილას, რომელიმე ვიწრო ხეობაში ჩასაფრდნენ და იქ შალვას მიერ შეტყუებულ მტერს მოულოდნელად თავს დაესხან.

ახლა ყველაფერი ახალციხელის გამჭრიახობასა და მოხერხებებაზე ჰკიდია: თუ როგორმე ამბის წამლები კაცი იშოვა, მერე საქმე კარგად წავა, ქართველები არ დააყოვნებენ ჯარის შეკრებას და ხვარაზმელების დახვედრას. მტერს უეცარი დარტყმით განადგურებენ და შალვას სამშობლოში დაბრუნება ელირება.

ახალციხელს არც ჯალალედინისაგან აკლია პატივი. მასი ახოანოელი სამოღობლო ბევრად აღემატება მისსავე მამულებს საქართველოში, ქონებაც მეტი აქვს და ყმა-ი ბევრი ჰყავს, მაგრამ იცის შალვამ. რის ფასადაც უბოძა სულტანმა ყოველივე ეს თავის ქართ-

ველ ტყვეს. გარნისის მარცხით შეურაცხყოფილი ღირსებისა და შელახული პატივმოყვარეობის იმედით ენდო სულტანი ახალციხელს. შალვას მოლატე ქართველებზე შურისძიების წყურვილი ჰქავს და აი, სულტანმა იგი უზარმაზარი ლაშქრის მეგზურად დააყენა, რათა ხვარაზმელთა მახვილი იყაროს ქართველებზე გულისჯავრი, მოსპოს და იავარყოს მისი გამყიდველი თანამემამულენი.

თავით უზომოდ პატივმოყვარესა და ფიცს ჯალალედინს ყველა მასავით ავი და გამწარებისას დაუფიქრებელი ჰგონია. ახალციხელი ეგრე გულწამცეცა როდია, რომ საკუთარ გაბოროტებას სამშობლოს სიკეთე ანაცვალოს. შალვას ყველა ქართველთან ერთად ჯერ მთავარი მტერი ჰყავს მოსაშორებელი და ეს მტერი ხვარაზმელი სულტანია. როცა ჯალალედინი დამარცხდება და საქართველოს საზღვრებს გაეცლება, მერე შალვა თვითონ გაუსწორდება თავის მტრებს თავისავე ქვეყანაში, ვაჟკაცურად და ნაშუსიანად, მისი პატიოსანი სახელისა და ღირსების შესაფერისად. მაგრამ ეს დღე არასოდეს არ დადგება, თუ ახლა არ იმოქმედებს სწრაფად და წინდახედულად. ახლანდელ მის ყოველ ნაბიჯზე და მოკიდებული არა მარტო მისი ბედი, არამედ საქართველოს ყოფნა-არყოფნა, სამშობლოს აწმყო და მომავალი. შალვას თავისი ხმლითა და ვაჟკაცობით ბევრი სამსახური გაუწევია სამშობლოსათვის, მაგრამ მისი თავდადება საქართველოს ისე არასდროს დასჭირებია. როგორც ახლა სჭირდება. საქართველოს ძლიერებისა და ეგებ არსებობის ბედიც ბევრზე ჰკიდია და თუ შალვა დროით არ ჰქონდა მისი, თვითონაც სულითა და ხორცილად წაწყდება და მისი სათაყვანებელი სამშობლოც დაიღუბება.

ძილი გაუტყდა შალვას და მოსვენება დაეკარგა. აწრიალებული ხან ვის მიაწყდა და ხან რას. ირგელოვ მზირებსა და ჯაშუშებს ხედავდა. გრძნობდა, რომ მის ყოველ ნაბიჯს ფხიზლად ადევნებდნენ თვალს, მის კარავში არავის

ატარებდნენ და არც ქართველ ემირს უშვებდნენ სადმე, რომ თან რამდენიმე მკველი არ გაჰყოლოდა.

ამ ყოფაში არეზამდე მიადწიეს. აქედან უკვე საქართველო დაიწყებოდა. დრო ილეოდა და გზა მოკლდებოდა.

არეზთან სულტანი შეყვინდა. ჯერ კიდევ იყო მცირე, ძალიან მცირე დრო, ჯერ კიდევ შეიძლებოდა თავის განწირვა და სამშობლოს გადარჩენა, მაგრამ როგორ და რა გზით!..

შუალაშე გადასულიყო. შალვას კიდევ არ ემინა. თავის კარავში გულადმა იწვა და ამაოდ ფიქრობდა გამოსავალზე.

უცებ კარვის კალთამ გაიშრილა. შალვა ფიქრიდან გამოერკვა, კარისკენ მოიხედა.

კარავში შავით დაბურული უცნობი შემოვიდა. შალვამ უმღლ ის გაიფიქრა, ნამდვილად ჯალალედინის მიერ მოგზავნილი მკველი იქნებო. უცებ წამოხტა და ხმალს წაეტანა.

— ჩუმაღ! არავინ გაიგონოს! — უთხრა მოსულმა ქართულად და ტუჩზე ხელი დაიდო.

შალვა გაოცებისგან საწოლზე ჩაიკეცა.

— თამთა დედოფლისგან ვარ, ქართველი ყმა, — ჩურჩულით უთხრა უცნობმა, მიუახლოვდა და პირიდან საბურავი გადძრო.

ახალციხელის წინაშე ახალგაზრდა. ჯერ უწვერული ქართველი იდგა.

— თამთა სად არი, ან შენ რა გინდა აქ? — იკითხა ჩურჩულითვე შალვამ.

— ხლათის დედოფალი სულტან ჯალალედინის სტუმარია. შენი აქ ყოფნა შეიტყო და მე გამომგზავნა იმის სათქმელად, რომ დედოფალი შენს გამოსახსნელად არის აქ და უთუოდ გიშველის.

— მე შევლა არ მინდა, არც გამოხსნა, მაგრამ თუ შენ მართლა ქართველი ხარ და შენი დედოფალი და სამშობლო გიყვარს, ერთ დიდ საქმეში უნდა დაშეხმარო... ეს საქმე თავდადებას მოითხოვს და შეიძლება ორივე შეეწვიროთ.

შენ ჯერ ახალგაზრდა ხარ და სიცოცხლე გეყვარება, მაგრამ სამშობლოსათვის სიკვდილი გმირობაა და ჩემთან ერთად ეგებ შენც მოკლავ.

— ჩემთვის მაგაზე დიდი დიდება რა უნდა იყოს, მთავარო?!

— ახლა სხვა გზა არ არი, ან სამშობლო უნდა ვიხსნათ მე და შენ, ან ორივე უნდა დავიღუპოთ და სამშობლოც დავღუპოთ...

აღლევებული, აღგზნებული ჭაბუკი გაფართოებული თვალებით შეჰყურებდა სახელოვან სარდალს.

— მეფეს და ჩვენს სარდლობას მტრის ვალაშქრების ამბავი უნდა შევეატყობინოთ. მე აქედან ცოცხალს არ გამიშვებენ. შენ რაკი ხლათის დედოფლის მსლბეელი ხარ, ხელს არ გახლებენ, საქართველოსკენ სწრაფად უნდა გაფრინდე და ჩემი წერილი მეფეს მიუტანო.

— ამალამეე წავალ, სულ ფრენით ვივლი... — აღფრთოვანდა ჭაბუკი.

შალვა დაჯდა, კალამი აიღო და სწრაფად შეუდგა წერას. წამით ეტკვა გაჰკრა, ვაი თუ ეს უცნობი ჯალალედინის მიერ მოგზავნილი ჯამუშიაო, მაგრამ სხვა გზა მაინც აღარ იყო, ისედაც ყველაფერი ილუპებოდა და წყალში იყრებოდა. თუ ჭაბუკი მართლა თამთას ქართველი მსლბეელი იყო, ხომ ეშველებოდა მათაც და საქართველოსაც, თუ არა და ქვეყანა უმისოდაც ილუპებოდა, საშველი აღარც საქართველოსთვის იქნებოდა და აღარც შალვასთვის.

შალვამ წერილი დაწერა, ჭაბუკისკენ მიბრუნდა და თვალი თვალში გაუყარა.

— შემომდიცე, რომ სამშობლოს არ უღალატებ და ამ წერილს საქართველოში მიიტან.

— ვფიცავ ჩემს დედასა და მამას, გორისჯვრის წმინდა გიორგის! — აღმოხდა ჭაბუკს და მუხლებზე დაეცა ხელაყრობილი.

გრიგოლ აბაშიძე
დიდი ღამე

— გორელი ხარ? რა გვარისა ხარ?

— გელაშვილი გახლავარ, მთავარო. — უთხრა ჭაბუქმა, ახალციხელის წერილს ემთხვია, ხელსახოცში მაგრად გამოჰკრა და უბეში ჩაიღო.

შალვა გადაეხვია უცნობ ქართველს და კარვის კარამდე მიჰყვა.

— გახსოვდეს, საქართველოს ბედი მაგ წერილზეა! — ერთხელ კიდევ უთხრა ჩუჩხულით და კარვის კალთა ასწია.

ჭაბუქმა უსიტყვოდ შეანათა დიდრონი თათოსფერი თვალები და კარვიდან ქურდივით გაიპარა.

უგუნებოდ გამოვიდა თამთას კარვიდან თავის თავზე და დედოფალზე გაბრაზებული სულტანი. ამდენ ხანს მიუჩინებელი პატივმოყვარეობის გრძობა გაეღვიძა და ბოლმა ყელში მოაწვა. ეს ბოლმა ვინმეზე ან რაიმეზე უნდა გადმოენთხია, თორემ მოსვენებას არ მისცემდა, გაასიებდა და გაგუდავდა.

კარვის კართან მდგარი მამლუკები უხმოდ მიყვნენ მბრძანებელს. კარგა გზა რომ გაიარეს, ჯალალედინი უცებ შეჩერდა, რომელიღაც კარვის კედელს აეკრა და მცველებს ხელით ანიშნა.

სულტნის მცველებიც კედლებს აეკრნენ და იმათაც თვალი იმ კარვისაკენ მიაპყრეს, რომელსაც ჯალალედინი ასე დაჟინებით უცქერდა: კარვის კალთა დაეშვა და უმაღვე დაფარა ტანბრგვეჯაკაცის ლანდი. სამაგიეროდ მეორე ლანდი მოშორდა კარავს, წელში მოხრილი, ფეხაკრეფით წამოვიდა და თან აქეთ-იქით ქურდივით იხედებოდა, ხომ არავინ მიყურებსო.

ლანდი ჯალალედინს გაუსწორდა და გასცდა. სულტანმა მამლუკებს ანიშნა, უცნობს ჩუმად მიჰყოლოდნენ. ჯალალედინი წელში მოიხარა, მშვილდზე ისარი გამართა და თავადაც შორიასლო მიჰყვა უცნობს.

ლანდი კარებს გასცდა და არეზისკენ სირბილით წავიდა. მდევრები ფრთხილობდნენ, ფეხის ხმა არ მისწვდომოდა გაქცეულს, ფეხაკრეფით მის-

დედნენ და თვალს არ აშორებდნენ.

უცნობი მდინარესთან მივიდა, პირჯვარი გადაიწერა და ის იყო წყალში უნდა გადაშვებულყო, რომ ჯალალედინის მშვილდს ისარი მოსწყდა და კანჭში ჩაესო.

გელაშვილმა ერთი მწარედ დაიკვნესა და წამით ჩაიკეცა. მერე თავს ძალა დაატანა, მდინარეში შევიდა და ჩაყვინთა.

ჯალალედინის მამლუკებმა სეტყვასავით დააყარეს იმ ადგილს ისრები, მერე იარაღი გადაყარეს და თვითონაც წყალში გადაეშვნენ.

ოტახანის შემდეგ ღონემიხდილი გელაშვილი ნაპირზე ამოათრეც სულტნის მცველებმა.

დაჭრილი ჯალალედინის სამყოფელში მიიყვანეს. გაჩხრეკისას წერილი უპოვნეს, ქართულის მცოდნე სპარსელს წააკითხეს და ათარგმნინეს.

შალვა ახალციხელი ქართველებს სწერდა, რომ ჯალალედინი თბილისისა და დანარჩენი საქართველოს დასაპყრობად მოდიოდა; ლაშქრის რიცხვს ატყობინებდა და თანამემამულეებს თავის საიდუმლოებას უმქდავებდა: სულტანს თავდადებულ სამსახურითა და ქართველებს გინებით თავი ჰის ერთგულად და საქართველოს უბიროტეს მტრად მოვაჩვენე, საქართველოში გზის მაჩვენებლად მოუქმდებები ზეარაზმელებს, ამა და ამ ადგილას დამზვდით თქვენი ლაშქრით ჩასაფრებულნი. მტერს მოულოდნელად თავს დაესხით და ერთიანად გაეანადგურათო.

ჯალალედინი გაცოფდა. წელანდელი ბოლმა და ახლანდელი რისხვა შეერთდნენ, შემკავებელი ჯებირები გადმოლახეს და სულტანი ვიეს დაემგვანა: ირგვლივ ყველაფერი მიღწე-მოღწეა. თავში წაიშინა და დაკლულივით აღრიალდა.

გონს რომ მოეგო, მაშინვე ახალციხელი შეაპყრობინა და ხლათის დედოფლის სამყოფელს ალყა შემოარტყა.

იმდენად ახალციხელის ვერაგობა და თამთას ცბიერება არ აბრაზებდა ჯალალედინს, რამდენადაც თავისი გუ-

ლუბრყვილობა და მიაშიტობა, რომელიც ორივეს წინაშე გამოიჩინა.

როგორც გადრეკილი ხის ჩრდილი არ გასწორდება, ისე ურჯულო არ დაგინდობს და გაგიტანს!

როგორ ერწმუნა სულტანი ქართველი ტყვის ფიცსა და ლიქნს, როგორ ბრმად მიენდო და კინაღამ განსაცდელში ჩააგდო თავის თავიც და მთელი ლაშქარიც.

ეს დედოფალიც საიდან გაჩნდა სწორედ ახლა, საქართველოზე გალაშქრებისას. როგორ ამაყად და თან მომჯადოებლად იქცეოდა, იზიდავდა, ახლოს კი არ უშვებდა, თითქოს მართლა უმანკო ქალწული ყოფილიყოს და ამ ქვეყნის ბიწიერების არაფერი სცოდნოდეს!

მერე ვინ ყოფილა ეს დედოფალი! თავათ სისხლით ქართველი და ქართველების ჯაშუში, სულტნის ბანაკში მსტოვრად შემოსული, იქნებ მის მოსაკლავადაც შემოგზავნილი, ვითარცა ივდილი, რომელმაც მოჰკლა ოლოფრენი — კაცი მხნე და მტრისაგან უძლეველი.

რაც უფრო უკვირდებოდა თამთას ქცევასა და ახალციხელის ორგულობას, რაც უფრო მეტს ფიქრობდა თავის გულუბრყვილობაზე სულტანი, მით უფრო ცეცხლდებოდა, გულს ასკდებოდა და მოთმინებას კარგავდა.

ღამე წრიალსა და ბორგვაში გაათენა. დილით საქართველოში გაგზავნილი ელჩები დაბრუნდნენ და სულტანს ქართველთა დედოფალთან შეუღლების ცივი უარი მოუტანეს.

ესლა უნდოდა ჯალალდინს!

გამხეცებულმა შეპყრობილთა მოკვლა ბრძანა და თვითონაც ქართველთა დასჯის საყურებლად არეზის პირას გაბრძანდა.

მდინარის პირას დამკლავებული ჯალათი მსხვერპლის მოყვანის მოლოდინში არხენად მიდი-მოდიოდა.

არეზი ლურჯად მიედინებოდა. მზე არ ანათებდა. ქარი ქროდა. ცა ლურჯი იყო და ცივი. ციოდა არეზის ხრიოყსა და მკაჯრ ხეობაში.

შუბონსებმა ხელეგაკრული ახალცი-

ხელი და ხლათის დედოფლის ქართველი მხლებელი გამოიყვანეს, მდინარის პირას დააყენეს და მოეცალნენ. ჯალათი დინჯად მიუახლოვდა, სასიკვდილოდ განწირულებს თვალი მოავლო და დიდებული სულტნისკენ შემოტრიალდა.

სულტანი ამაღლებულ ადგილას იჯდა ტახტზე, ბრაზისა და უძილობისაგან სახეწამონთებული, შუბლშეკრული და წარბებდაქუფრული.

— ბედი არ მქონია, შენი დევალება ვერ შეეასრულე... სამშობლოს ვერ ვუშველე... — ამოიგმინა გელაშვილმა.

შალვამ ერთი მოპხედა, მძიმედ ამოიოხრა და თავი გადააქნია.

— ბედი არც მე მქონია... — გამოსცრა შალვამ.

— ჩემი ბრალი არ არის, მთავარო, ეტყობა, ჯაშუშები მსდევდნენ; როგორც კი მდინარეს მიუახლოვდი, ისარი მტყორცნეს და დამპრეს, — შესტირა ჰაბუქმა.

ჯალათმა სულტანს თავი დაუკრა:

— ჯერ რომელს მიბრძანებ?

— ჯერ ეგ ლაპა! — მკვებდ თქვა სულტანმა და ჰაბუქზე მიუთითა.

— თავი მოკვეთო? — იკითხა ისევ ჯალათმა.

— შუაზე გაკვეთე! — ანჩხლად თქვა მბრძანებელმა და ხელი ისე მაგრად დაიქნია ჰაერში, თითქოს უჩვენებდა, როგორ უნდა გაეკვეთა.

ჯალათი შებრუნდა და ხმალი აღმართა.

მსხვერპლმა იმ ხმალს თვალი ააყოლა და განწირულად შეპყვირა.

ახალციხელმა თვალი დახუჭა, მაგრამ ყურებს ვერაფერი მოუხერხა. გულის სიორმემდე ჩააღწია სიცოცხლით სავსე ჰაბუქის განწირულმა კვილმა. ის კვილიც ხანმოკლე იყო და ახალციხელმა გაიგონა, როგორ ჩუმად დავარდა რიყეზე რაღაც რბილი და მძიმე.

თვალი რომ გაახილა, ჯალათი უკვე სისხლიან ხმალს სწმენდა. სულტანმა

გრიგოლ აბაშიძე
დიდი ღამე

ბოლომდე უცქირა, როგორ გაჭრილი ვაშლივით დაეცა აქეთ-იქით შუა გაკვეთილი ქაბუციის სხეული. იქ მყოფ ემიგრებს რაღაც გადაუჩურჩულა და მისკენ შემობრუნებულ ჯალათს ძუნწად ესროლა:

— ყოჩაღ!

ჯალათმა თავი დაუკრა და ახალ განკარგულებას დაელოდა.

— ომი ნარდის მღერასა ჰგავსო, ამბობდი, ახალციხელო, ღალატი და ორპირობა რაღასა ჰგავს? — მიმართა სულტანმა.

შალვამ თვალი არ გაუსწორა და თავი დახარა.

— როგორც გადრეკილი ხის ჩრდილი არ ვასწორდება და მორიელი კბენას არ მოიშლის, ისე ურჯულო ქრისტიანის გასწორება და ბოროტებაზე ხელის აღება არ იქნება. — თქვა ჯალალედინმა, კბილები დაადრჰიალა, ხელი ყელზე გაისვა და ამით ჯალათს ანიშნა დამნაშავეისათვის თავი მოეკეთა.

ჯალათმა ხმალი მოიქნია. ახალციხელს წარბიეც არ შერხევია. მოჭრილი თავი ძირს დაგორდა, სისხლმა წამით შადრევანივით იფეთქა და შალვას უხარმახარი სხეულიც მძიმედ დაეარდა რიყეზე.

სულტანმა ახალციხელის მოჭრილი თავი აბრეშუშში შეახვევინა და ხლათის დედოფალს გაუგზავნა.

ჯალალედინმა ციებისაგან ლოგანად ჩავარდნილი ნესევის განკარგულებაში დასტოვა ჯარის ის ნაწილი, რომელც თამთას სამყოფელს შემოარტყა, და თავის ერთგულ მდივანს უბრძანა, ხლათის დედოფალი არ გაეშვა, ვიდრე თბილისის აღების ამბავი არ მოუვიდრდა.

თავად აიყარა და მთელი ლაშქრით საქართველოსკენ დაიძრა სწრაფად.

ნაშუადღევს ხლათის დედოფალს ოქროცურვილი ლანგრით ჯალალედინის მოსაკითხი მოართვეს. დედოფალმა აბრეშუმის ნაჭერი ვადასწია და კაცის მოჭრილი თავი რომ დაინახა, გულწასული დაეცა.

როგორც იყო მოაბრუნეს. თითქოს საზარელ სიზმარს იგონებდა, თვალწინ ის მოჭრილი თავი დაუდგა, გონებაში სისხლით დასვრილი წაბლისფერი თმები და უღვაშები აღადგინა და ლოყაზე ნაჭრევიანი სახე რომ გაიხსენა, კინაღამ ისევ გული შეუღონდა. მოჭრილი თავი მოატანინა, წინ დაიღო და იქ მყოფთ გასვლა უბრძანა. მარტო რომ დარჩა, ახალციხელის შუბლზე ჩამოშლილ თმებს ხელი გადაუსვა და აზრწართმეულ თვალებსა და უკვე ფერდაკარგულ, გაშავებულ ტუჩებს დააშტერდა.

რამდენი უოცნებია თამთას ამ ტუჩების შეხებაზე, რამდენი ღამე გაუტეხია ახალციხელზე ფიქრსა და ოცნებაში ხლათის მელიქის გვერდით მწოლარე დედოფალს!

თამთა ნელა დაიხარა და ახალციხელის ცივ ტუჩებს ეამბორა, მერე უცებ ქვითინი აუვარდა და მთელი ტანით აძაგდაგდა, მოკვეთილ თავს გადაეფარა და საშინელი კივილით იქაურობა შესძრა.

ქართველები კიდეც საკმაო ჯარით დახვდნენ ხვარაზმელებს, რამდენიმე მცირე შეტაკებაში სძლიეს კიდეც და უკუაქციეს წინამბრძოლები. ბოლოს მთავარი ლაშქრის პირისპირ განეწყვენენ და გადაწყვეტი ბრძოლაც უნდა გაემართათ, რომ ამბავი მოუვიდათ: ზურგიდან ჯალალედინის შესაერთებლად წამოსული ყიასედინი უახლოვდებოდა თურმე საქართველოში დატოვებული მარბიელი ლაშქრით.

ორ ცეცხლს შუა მოქცევას ქართველებმა გაცლა არჩიეს და ლიხთ-იმერეთის გადასასვლელები გაამაგრეს, რომ მტერი იქ მაინც არ შეეშვათ.

ჯალალედინმა ყიასედინის ლაშქარი შეიერთა და პირდაპირ თბილისისაკენ წამოემართა, თბილისს მოადგა და სოლანლულის სანახებში დაბანაკდა. გრძელი გზით დაღლილ ლაშქარს კარგად უნდა დაესვენა, რომ მეორე დღეს ქალაქის იერიში დაეწყათ.

ჯალალედინმა დაღამებას არ დაუცა-
და, სამი ათასი რჩეული ცხენოსანი
იახლა და ქალაქის მისადგომების დასა-
თვალერებლად გაემართა.

მალღობიდან დასცქერდა თბილისს
სულტანი. ის, რაც ნაამბობითა და აღ-
წერილობით იცოდა და რაც გაზვიადე-
ბულად ეჩვენებოდა, მცირედ და უმნი-
შენელოდ წარმოუდგა, როცა თავისი
თვლით ნახა ქალაქის მისადგომები.

ქართველთა სატახტო მთა-გორებით
იყო მოზღუდული და ეს ბუნებრივად
გამაგრებული ქალაქი ხელოვნურად
მალალი კედლებითა და საბრძოლო
გოდლებით განმტკიცებული ჩანდა. ქა-
ლაქის მისასვლელთან მტკვრის ხეობა
საგრძნობლად ვიწროვდებოდა და ქართ-
ველთა სატახტო მტრისათვის მავრად
იყო ჩაქტილი. ამ ვიწროებში დიდი
ლაშქარი ვერ გაშლებოდა და რაკი ქა-
ლაქს ზღუდევ მავარი ერტყა სულტნის
ემირებს თბილისის აღება ძნელ და თით-
ქმის შეუძლებელ საქმედ ეჩვენათ.

სხვას, ალბათ, ჯალალედინის ადგილ-
ზე გამარჯვებაში ეპვი შეეპარებოდა და
გული გაუტყდებოდა, მაგრამ ჯალალ-
ედინს იმ ვაჟაკების სისხლი უღულ-
და, რომელთაც სიძნელე რა შეუძლებ-
ლის დაძლევა არა თუ აზინებთ, კიდევ
უფრო იზიდავს და ამხნევებს.

სულტანმა კარგად იცოდა, რომ სა-
ქართველოს დედაქალაქი ის აღარ იქ-
ნებოდა, რაც ამ სამიოდე თვის წინ
ყოფილა. გარნისის ძლევისა და შემდეგ
ამდენი რბევის შედეგად საქართველოს
ძველი ძლიერება საფუძვლიანად იყო
შერყეული. მაგრამ ჯალალედინს ჯერ
კიდევ არ ჰქონდა შეტყობილი, რომ
საქართველოს მეფემ და მისმა ვაზირებ-
მა იმ დღეს სასწრაფოდ დასტოვეს
თბილისი და ქუთაისს გაიხიზნენ. სულ-
ტანმა ისიც არ იცოდა, რომ საქარ-
თველოს ხელისუფალთა შორის უთან-
ხმოება იყო ჩამოვარდნილი: იმ ძველი,
ნაცადი სარდლებიდან, ვისმა გმირობა-
მაც ასე შორს გაუთქვა სახელი ქარ-
თულ ხმალს, ზოგნი ცოცხლები აღარ
იყვნენ, ხოლო ზოგსაც დედოფალთან
ერთად ლიხთ-იმერეთში თავის შეფარე-

ბაზე უარი ეთქვა და მიუვალ ციხეებში
დარჩენა, საკუთარი ძალით თავთავიან-
თი სამფლობელოების დაცვა გადაე-
წყვიტა.

ავაგ ამირსპასალარიცა და შანშე
მანდატურთუხუცესიც ციხეების სიმაგ-
რეს მინდობოდნენ და სატახტო ქალაქი
მცირე მეციხოვნე ჯარის ანაბარა მიე-
ტოვებინათ.

სულტანმა ჯერჯერობით არც ქალა-
ქის მცველთა რიცხვი იცოდა, არც სა-
ქართველოს სარდლობის დაბნეულობა.
იგი თბილისთან ძლიერ ომს მოელოდა
და საამისო თადარიგს იჭერდა.

ქალაქის დასაზვერად გამოსული
ჯალალედინი სანახაობამ მიიზიდა და
მიიტყუა. ქართველთა სატახტოს დაჯ-
ვამი სისუსტის ძებნამ ისე გაიტაცა,
რომ თითქმის ქალაქის კართან მივიდა.

მეციხოვნეებს არ გამოპარვიათ მტრის
მოძრაობა. თავის მხრივ ისინიც თვალს
ადევნებდნენ ხვარაზმელთა რაზმის
მოახლოებას: მცირერიცხოვანი მტე-
რი კარგა შორს წამოსულიყო წინ
თავისი მთავარი ბანაკიდან. მხვერავ
რაზმს უკან დიდი ჯარი არ მოჰყვებო-
და. შემთხვევა მართლაც ხელსაყრელი
ჩანდა და ქართველებმა გადასწყვიტეს
დაუყოვნებლივ ესარგებლათ მტრის ამ
სითამამით. ქალაქის მცველებმა მოუ-
ლოდნელად გააღეს კარი, ფიცხლად
გამოვიდნენ და მტერს გახელებით
მიეტყვნენ.

ჯალალედინი მიხედა, რომ ვეღარც
გაქცევით უშველიდა თავს, ვერც მთავ-
რი ბანაკიდან მოუსწრებდა მამველი
ლაშქარი; სხვა გზა აღარ იყო, ბრძოლა
უნდა მიეღო და უკან ნელ-ნელა დახე-
ვით მიახლოებოდა ბანაკად მდგარ თა-
ვის ლაშქარს.

ქართველებმა თავგამეტებით შეუ-
ტიეს, მაგრამ ხვარაზმელებიც კლდესა-
ვით დახედნენ. ორივე მხრიდან რჩეული,
თავზეხელაღებული ვაჟაკები იბრძო-
დნენ. დაშშეულებოვით უტევდნენ ერ-
თიმეორეს და თანდათან ხელწართულ

გრიგოლ აბაშიძე
დიდი ღამე



ბრძოლაში ებმებოდნენ. რა იცოდნენ თბილისის დამცველებმა, რომ ხვარაზმელ მხვერავთა იმ სამიათსიან რაზმს თავად დიდი და აღმატებული სულტანი უძლოდა წინ! ეს რომ სცოდნოდათ, ქალაქში აღარავინ დარჩებოდა, ქუდზე კაცი გამოვიდოდა და ბრძოლის ბედიც იქვე გადასწყდებოდა, თბილისის კართან.

ქართველებს არც მეციხოვნე ჯარი ჰყავდათ მრავალრიცხოვანი, რომ უბრალო შეტაკებისათვის ქალაქის კარიდან უფრო დიდი ლაშქარი გამოეშვათ და მტერი ერთი დარტყმით იქვე გაენადგურებინათ. თბილისელები ხანგრძლივ ალყასა და გამწვევ, გრძელ ომს ელოდნენ. ქალაქის ზღუდეები საიმედოდ იყო გამაგრებული და მეციხოვნეებს, ალბათ, მტრის ბევრი იურიშის მოგერიება მოუხდებოდათ. ქალაქის მცველები მეფისა და ქვეყნის მეთაურებისაგან ლაშქრის მოშველებას ელოდნენ.

ასე ანგარიშობდნენ თბილისის დაცვის ხელმძღვანელები და ეს ანგარიში სხვა პირობებში სწორიც იქნებოდა. ახლა კი, როცა ხვარაზმელთა სულტანი თავისი ფეხით მოადგათ ზედ ქალაქის კართან, ამ ანგარიშს მიმყოფი ქართველები ხელიდან უშვებდნენ ისეთ ბრმასა და ბედნიერ შემთხვევას, რომელიც აღარასოდეს აღარ განმეორდებოდა და რომელიც ახლავე შეიძლებოდა ქვეყნის ხვარაზმელთა მძლავრობის დასასრულად.

სასტიკსა და ფიცხელ ომში თავად ჯალალედინი უხორცილავით უშიშრად იბრძოდა, ყველაზე დიდ ცეცხლში შედიოდა და ყველაზე რჩეულ მტრებზე ცხენდაცხენ მიჰქონდა იერიში.

ღამდებოდა. ბრძოლა თანდათან შენივთდა და სულტანმა შეატყო, რომ გამარჯვების სასწორი მტრის მხარეს იხრებოდა. ქართველები მეტის აღტყინებითა და თავგამეტებით უტევდნენ, ხვარაზმელების სიმტკიცე თანდათან დრკებოდა.

მაშინ ერთხელ კიდევ გააფთრებით ეკვეთა მტერს სულტანი, ოდნავ უკან დაახვეინა და ცხენიც გასაქცევად შემოაბრუნა.

მიჰქროდნენ, თავქუდმოგლეჯილები ილტვოდნენ ხვარაზმელები. ზარითა და ყვილით მისდევდნენ ქართველები. სადავემიშვებული ცხენები ეცემოდნენ, ხტებოდნენ, ფრთაშესმულივით მიფრინავდნენ. ქართველები ეწეოდნენ. კაფავდნენ, ჩეხავდნენ და ხოცავდნენ.

ბანდი ჩამოწვა, აღარაფერი ჩანდა. მემნა ჯაყელმა უცებ ცხენს აღვირო მოსწია. მტრის მთავარი ბანაყის მიახლოვება საშიში იყო. ღამის სიბნელეში მაინც ველარაფერს არჩევდნენ და ხვარაზმელთა დევნასაც აზრი აღარ ჰქონდა. მემნამ მტრის დევნით გატაცებული რაზმი შეაყენა, სწრაფადვე უკან შემოაბრუნა და თბილისისაკენ გამარჯვებული შემოიქცა.

ბეწვზე გადარჩენილმა სულტანმა თავის ემირებთან დიდხანს ითათბირა. ზოგმა საყვედური შეჰკადრა, საფრთხეში თავს რად ივდებ. გურჯების დედაქალაქს ლოდსატყორცნები მივუყენოთ, ალყა შემოვარტყათ, მოსვენებას ნუ მივცემთ და თავად გაგვიღებენ ქალაქის კარსო. ქალაქზე იერიში კი არც ერთმა ემირმა არ ურჩია სულტანს. თბილისი მიუდგომელ და ძნელად ასაღებ სიმაგრედ ეჩვენებოდათ ჯალალედინის სარდლებს. ამიტომ თითქმის ერთხმად მოითხოვდნენ ქალაქის გარემოცვას და ალყაში მტრის გატეხვის მოთმინებით ლოდნის.

ჯალალედინს თავისი ემირების რჩევა აბრაზებდა და აღიზიანებდა. ისე ურჩევდნენ ხანგრძლივი ალყის მორტყმასა და მოთმინებით ცუდას, თითქოს სულტანი მამამისის ტახტზე, ხვარაზმის დედაქალაქ ურგენჩში იჯდეს მორტყმით და ქართველთა წინააღმდეგობის გატეხვის მეტი სხვა საფექტრალი აღარაფერი ჰქონდეს. ადარბადაგანში შფოთია, განძასა და თავრეზში შეთქმულები იმასლა ელიან, ჯალალედინი დიდი ხნით შორს გაიგულონ და ახალი აჯანყება დაიწყონ. ხლათის მელიქი და რუმის სულტანი ხმალსა ლესავენ, რომ ზურგში ჩასცენ სიტყვით „საისლამოს ქომავად“ აღიარებულ სულტანს, ხოლო მონგოლები (რაც ყველაზე საშიშე-

ლია), ერაცისა და ისპაანისკენ მოიწევენ, დაგეშილი ძალღებვიით ჯალალედინის ცვალს დაეძებენ და სადაცაა თავს წამოადგებიან.

არც ქართველებს სძინავთ. მართალია, ლისსაქეთა ქვეყანა მოხრებული და წელში გატეხილია, მაგრამ ნახევარი საქართველო ლისსიქით ისევ ძლიერი და ღონიერია. ქართველების ლაშქარმა წესრიგით დაიხია უკან. ქართველთა მეფეს მთის ხალხები ისევ ძველებურად ემორჩილებიან, მას კიდევ შეუძლია დიდი ლაშქრის მოგროვება და თბილისის კარზე მოყენება, მერე ერთმა ალაჰმა იცის, ვინ აღმოჩნდება ალყაში, თბილისის დამცველი ჯარი თუ ზვარაზმელი სულტანი.

სულტნის ემირებმა ისიც კარგად იციან, რომ ჯალალედინი ქართველთა სატახტოს მართლა მათი ამპარტავნებისა და ურჯულოების დასათრგუნავად კი არ მოდგომია. ქართველთა დედაქალაქი ახლა მთელს აღმოსავლეთში ითვლება უმდიდრესად და მისი საგანძური დროზე უნდა იგდოს ხელთ სალარო-გამოცარიელებულმა სულტანმა, რომ წელში გამართვა, ახალი ლაშქრის შეკრება-შეიარაღება და მონგოლთა დასახვედრად მომზადება შესძლოს. იციან სულტნის ემირებმა ეს, ყოველივე კარგად იციან და მაინც თბილისის კართან უქმად ჯდომასა და ლოდინს ურჩევენ.

კარგა ხანია, ჯალალედინი ასე გაცხარებული არ ენახათ.

— თქვენთვის რომ დამეჯგობინა, არც გარნისთან უნდა შევბოდი ქართველებს, იქაც ასე ამბობდით, მიუდგომელი სიმავრეა, ტყუილ-უბრალოდ შევაწყვეტთ ჯარსო, — ყვიროდა გაბრაზებული ჯალალედინი და მრისხანედ იუტრებოდა იქით, სადაც მისი ძმა ყიადინი იჯდა თავჩაღუნული.

— გარნისში ალაჰმა გვიშველა, სასწაული მოგვივლინა! ეს თავად სულტანსაც ბევრჯერ უბრძანებია... — წაბუტბუტა ორხანმა.

— აქაც ალაჰი გვიშველის! შველა მხოლოდ ალაჰს შეუძლია! — მოსჭრა ჯალალედინმა და ხელი ცისკენ აღაპყრო.

კარავში სულტნის მამლუკი შემოვიდა. სულტანს თავდახრით მიეახლა და ჩურჩულით რაღაც უთხრა.

— შემოიყვანეთ! — ბრძანა უცებ გამოცოცხლებულმა სულტანმა და სახეზე ნათელი გადაეფინა. მერე ტახტზე მშვიდად დაბრძანდა, თვალი ამყავდა მოავლო იქ მოყვებს და ერთხელ კიდევ თავდაჯერებულად წარმოსთქვა:

— შველა მხოლოდ ალაჰს შეუძლია! ალაჰი დიდია და უნუგეშოდ არ დასტოვებს თავის მინდობილთ!..

ორმა მცველმა თავით ფეხებამდე დასველებული, ფეხშიშველა, თმებ-აბურძგვნილი სპარსელი შემოიყვანა. წყალი წურწურით ჩამოსდიოდა ტანსაცმლიდან და სიცოცხისაგან კანკალებდა. შემოსვლისთანავე ძირს განერთხო, ჩოქვითა და ფარდაგზე თავის ცემით მიიწია მბრძანებლის ტახტისკენ და სულტნის ფეხებში ჩარგო თავი.

— წამოდექ! — ბრძანა სულტანმა.

სპარსელმა თავი ასწია, იქაურობას თვალი მოავლო და ჩურჩულით შესთხოვა:

— პირისპირ, მარტო ლაპარაკი მინდა ღვთისწორ სულტანთან... დიდი საიდუმლო მაქვს სათქმელი...

— სთქვი, მე ამათთან საიდუმლო არა მაქვს რა! — ბრძანა სულტანმა.

— ქართველებმა რომ გამიგონ, ცოცხლად დამწვავენ... — კანკალით თქვა ისევ სპარსელმა.

— ქართველები ჩემს წინაშე დამხობიან! სთქვი, ნულარ აყოვნებ!

— ალაჰ აქ ბარ! თბილისელ მორწმუნეთა დავალებით ვარ აქ მოსული.

კარავში მყოფნი შეირხნენ და ერთი-ორეს გადახედეს.

— მტკვარში ყვინთით გამოვიპარე ქალაქიდან, თევზივით წყალქვეშ მოვცურავდი; თავი რომ წუთით სადმე ამომეყო, ქართველები ისრით გამათავებდნენ. — სპარსელმა სული მოითქვა

¹ ალაჰი დიდია!

და ისევ იქ მყოფთ მოავლო თვალი. — თბილისის მაჰმადიანი მოსახლეობა მოუთმენლად ელის მუსულმანთა მსხნელი სულტნის შემოსვლას. დიდი და პატარა, ყველა იმას ამბობს, დადგადრო ურწმუნო გურჯების ჯავრის ამოყრისა და დამხობისო. ქართველთა მეფე თავისი ვაზირებით სატახტოდან მთებში გაიქცა...

ემირებმა მრავალმნიშვნელოვნად გადახედეს ერთიმეორეს.

— ქალაქში ქართველთა ჯარი ძალიან ცოტაა, — განავრძობდა ისევ ჩურჩულთ სპარსელი, — რომ აუჯანყდეთ, მართო ჩვენც გვეუსწორდებოდით გურჯებს, მაჰმადის აღმსარებელნი. მაგრამ ჩენი იმამი ბრძნულად მოიქცა, მიზგითში საქვეყნოდ ქართველთა დახმარებისთვის მოუწოდა მორწმუნეებს, საიდუმლოდ კი ქართველების წინააღმდეგ დარაზმა. იმის გამო, რომ ქართველებს მცირე მეციხოვნე ჯარი ჰყავთ და იმიტომაც, რომ თბილისელმა მორწმუნეებმა შესძლეს ურწმუნოების მოტყუება, ქართველებმა ქალაქის ერთი კარის დაცვა მაჰმადიანებს მიანდეს. ახლა თბილისის მორწმუნე მოსახლეობა შეიარაღებულია. დიდებული სულტნის პირველი შემოტევისთანავე მუსულმანები დაერევიან ურჯულ ქართველებს და კარს გაუღებენ ერთმორწმუნე ხვარაზმელებს.

თბილისელი სპარსელის ნაამბობით გახარებული სულტანი ამაყად ავლებდა თვალს იქ მყოფ ემირებს, თითქოს ეუბნებოდა, მე ყოველთვის მართალი ვარ და ალაპი მუდამ ჩემთან არისო. ემირები თავს აქნევდნენ გაოცებისაგან და თვალს ვერ უსწორებდნენ მბრძანებლის მედიდურ ცქერას.

— საბუთი რა გაქვს, რომ მტრის მოგზავნილი არა ხარ? — უცებ იკითხა ჯალალედინმა და ყველა მოლოდინად იქცა.

ჯაშუშმა ქაშარი შემოიხსნა, შარვლის სათავე შემოირღვია და ნაქრებში მაგრად გამოკრული რაღაც საგანი ამოიღო. მერე იქიდან ოთხად დაკეცო-

ლი პერგამენტის პატარა ფურცელი ამოაძვინა და სულტანს გაუწოდა.

სულტანმა პერგამენტს დახედა, ირწმუნა და მდივანს გადასცა.

— საბუთი სარწმუნოა. მოამბეს მიეცით ოქრო და ტანსაცმელი. უფრო დიდ ჯილდოს თბილისის აღების შემდეგ მივანიჭებთ. — ბრძანა სულტანმა.

ჯაშუში ისევ ფეხებში ჩაუვარდა და ეთაყვანა.

მეორე დილას ჯალალედინმა ლაშქარი საომრად დააწყო. მცირერიცხოვან ცხენოსან ჯარს თავისი ძმა, ყიასედინი უთავა და თბილისის ზღუდეებისკენ წასწია, ხოლო მათ უკან დასახევე გზაზე უმთავრესი ლაშქარი დამალა, რათა საომრად გამოტყუებული ქართველები ზაფანგში მოექცია და გაენადგურებინა. მონგოლთა ამ სამხედრო ხერხის მსხვერპლად თავის დროზე ხვარაზმელთა რჩეული ჯარები დაცემულა, შემდეგ თვითონ ჯალალედინმაც გადმოიღო თათრების ეს ცბიერება და ბევრჯერ თავად მონგოლების წინააღმდეგაც წარმატებით გამოიყენა. ყიასედინი თავისი ცხენოსანი რაზმით თბილისის ზღუდეებთან მივიდა.

ქართველები კვლავ გაფაციცებით ადევნებდნენ თვალს მტრის მოძრაობას. ასე შორსა და წინ წამოსული ხვარაზმელთა მცირერიცხოვანი ჯარი რომ ნახეს, გუშინდელი გამარჯვებით გულმოცემულებმა, ქალაქის კარი გააღეს და მტერს გააფთრებით ეკვეთნენ.

იმ დღეს უკვე ბოცო ჯაყელი მეთაურობდა მტერზე მისულ ქართველებს. ხვარაზმელებმა ბრძოლა მიიღეს.

მტრის ჯარს საზრიან და მოფიქრებულ მოქმედებაზე ეტყობოდა, რომ ქართველების გამოხდომამ მისთვის გუშინდელივით მოულოდნელი არ იყო. ყიასედინი მტერს ეკვეთა, მაგრამ ხელჩართულ ბრძოლაში როდი ჩაება, მოხერხებულად, ნელ-ნელა უკან დაიხია და წათამამებული მტერიც მდევრად წაიყოლა.

ქართველები ყიყინითა და ვაშას ძა-

ხილით მისდევდნენ მოსაჩვენრად ლტოლივლ მტერს. წინა დღეს ხვარაზმელთა რაზმი ღამის სიბნელემ იხსნა სრული განადგურებისაგან, დღეს ქართველებს გადაწყვეტილი ჰქონდათ მტრისთვის ბოლომდე ეღიათ და მათგან ერთიც აღარ გაეშვათ ცოცხალი.

ვიწრო მოსახვევითან მოულოდნელად ხვარაზმელთა ჩასაფრებული ჯარი გამოვარდა ორხანის მეთაურობით და ქარავით მიმჭროლავ ქართველ ცხენოსნებს ზურგიდან დაკრა.

ქართველებმა სადავემისეული ცხენების უცებ შეჩერება და უკან შემობრუნება ვეღარ შეძლეს. მრავალრიცხოვანი მტერი ირგვლივ ერტყმოდა მცირერიცხოვან ქართველობას და მახეში შეტყუებულებმა ახლა თავად გაიძეორეს ყიასედინის წყლანდელი ხერხი.

ბოცო ხვარაზმელთა რაკლს გააფთრებით ეკვეთა, გარშემორტყმული მტრის სიმრავლე გასჭრა და ცხენი მიწას გააკრა. უკან დახვევისას ქართველთა ერთმა ნაწილმა თავი სასიკვდილოდ გასწორა, მტერს ბრძოლით გადაეღობა და მთავარსარდლისა და ჯარის უდიდესი ნაწილის ლტოლვა თავისი მკერდით დაიფარა.

მეციხოვნეებმა დაიხახეს, რომ ქართველები გუშინდღურად გამარჯვების ყიყინით აღარ ბრუნდებოდნენ. დათხილ ცხენებზე დაკრულ მებრძოლებს ზურგზე ფარები აეფარებინათ, ხმლებს კანტიკუნტად იქნევდნენ და უკანდადევნებული ურიცხვი მტრისაგან გადარჩენის მთელი იმედი თავიანთი ცხენების სისწრაფეზედა დაემყარებინათ.

მემნამ უკანშემოქცეული ძმა რომ დაინახა, გაფითრდა. იმ წამსვე თავისიანების საშველად გასვლა და ქალაქის კართან ბრძოლის გამართვა გადაწყვიტა. მეციხოვნეებს განკარგულება მისცა, მერე ცხენს მოახტა და ის იყო მუზარადი უნდა დაეხურა, რომ ზღუდესთან მდგარმა სპარსელმა მეციხოვნემ თავში აფთი სცა მოულოდნელად და ცხენიდან უსულოდ გადმოავადო.

განძის კარის მცველმა სპარსელებმა ხმლები იმიშველეს, მეციხოვნე ქართვე-

ლებს მიესივნენ და ყიყინა დასცეს:

— ალაჰ! ილ ალაჰ!

— მემნა მოკვლეს!

— დალატია, სპარსელებმა გვიდალატეს!

— დასცხეთ ურჯულოებს!

შექნეს ქართველებმა ყვირილი. მეციხოვნეები ერთმანეთს მიაწყდნენ და ქალაქის შიგნით საშინელი ხოცვა-ჟლეტა გაიმართა.

უკანშემოქცეული ქართველები ქალაქში შემოვარდნენ, მაგრამ კარის დაკეტვა ვეღარ მოასწრეს. მოლაღატე სპარსელები განძის კარს მისცივდნენ და აქაც ხელჩართული ბრძოლა გაიმართა.

ვიდრე მეციხოვნე ქართველები გამციმ სპარსელებს აწყდებოდნენ განძის კარის დასაკეტად, მტერმა მოასწრო და ყიასედინი გრიგალივით შემოიჭრა ქალაქში თავისი ცხენოსნობით.

ქალაქში პირველად შემოვარდნილმა ბოცომ შინაგაცემის საშინელი სურათი რომ დაინახა, მდგომარეობაში სწრაფად გაერკვა და მტერთან უთანასწორო ბრძოლაში უსახელო დაღუპვას ისინი ციხეში გამაგრება ამჯობინა; ბრძოლით გზა გაიკვლია, გადარჩენილი ქართველობა თან გაიყოლა და გაღმა გავიდა. ისინი ციხის ჩაკეტვამდე ქართველებმა მტკვრის ერთადერთი ხიდის დაწვა მოასწრეს და ციხე-სიმაგრე ქალაქის დანარჩენ ნაწილს მოსწყვიტეს.

ჯალალედინმა მეფის საჭურჭლე ხელთ იგდო, დანარჩენი ქალაქი სარბევად და საძარცვად ჯარს მისცა. კალიასავით მოედო მრავალრიცხოვანი ლაშქარი თბილისს. სისხლით გახვლებული ხვარაზმელები სახლებში მხეცებივით შეცვივდნენ, კაცებსა და ბალებს იქვე კაფავდნენ და ქლუტდნენ, ქალებს ნამუსს ხდიდნენ; ღვინით სავსე რუმბები გამოჰქონდათ, უზომოდ სვამდნენ და უანგარიშოდ ღვრიდნენ.

აქა-იქ ხანძრების პირველი ალი ავარ-

გრიგოლ აბაშიძე

დიდი ღამე

და, ქუჩებში სისხლისა და დაღვრილი ღვინის რუები წვიდა.

ჯალალედინმა ბრძანება გასცა, ქალაქის ქრისტიანი მოსახლეობა აეკლათ და გაეწყვიტათ. გაცოფებული ჯარისკაცები სულტნის ბრძანებას სიამოვნებით ასრულებდნენ, მაგრამ არც თბილისელ მაჰმადიანებს ინდობდნენ, მათ სახლებშიაც მგლებივით შერბოდნენ, ძარცვავდნენ და ძალას ხმარობდნენ; მხოლოდ ეს იყო, რომ მათთან ხმალს მარტო მაშინ იშველიებდნენ, როცა ერთმორწმუნე მუსულმანები ხელს გამოიღებდნენ და „ისლამის ქომაგებს“ წინააღმდეგობას შეებდავდნენ.

ქალაქში ხვარაზმელების მოულოდნელმა შეჭრამ მოსახლეობას თავზარი დასცა. თბილისელები ხანგრძლივ აღყასა და გამწვევ ომს ელოდნენ. პირველად თვალს არ უჯერებდნენ, ქუჩებში რომ მტრის ლაშქარი შემოვარდა და ხელჩართული ბრძოლის ჩახაჩუხი გაიშმა.

პავლია კუტმა თორელის სახლის აივნიდან ქალაქის განაპირას ავარდნილ ხანძრის ალს მოჰკრა თვალი. ბერი შეშფოთდა. ცოტახანიც და ქუჩები ბრძოლის ხმაურმა გააყრუა. ქართველები ყოველი ქუჩისა და თითოეული სახლისათვის გააფთრებით იბრძოდნენ, მტერს უსაფრდებოდნენ, ფანჯრებიდან ისრის სეტყვას აყრიდნენ და უსიკვდილოდ ფეხს არ იცვლიდნენ. ფარხმლის ჩახაჩუხი და ბრძოლის ყიყინა თორელის უბანს უახლოვდებოდა.

შეშინებულ ცაგოს ბაღი ჯულზე მიეკრა და ცახცახებდა.

პავლია კუტი გარეგნულად არ კარგავდა სიმშვიდეს, თორემ ისიც საგონებელში იყო ჩაყარდნილი, როგორ და რით ეშველა უმწეო დისა და ღისწულისათვის.

— სარდაფში ჩადით! — ჩურჩულით უთხრა პავლიამ დას და ხელით ანიშნა. ეჩქარათ.

— იქაც მოვლენ, მოგვანენენ, — სასოწარკვეთით თქვა ცაგომ და ბავშვი

კიდევ უფრო მაგრად მიიკრა გუ ზზე.

— მაშ, გაიქცეთ, აქედან ჯასწარით! — აფუსფუსდა თავისი უმწეობით შეწუხებული საპყარი.

— სად მოვასწრებთ, მოგვეწვიან! — განწირულად შესძახა ცაგომ და ცრემლი წასკადა.

პავლიამ ხელი უღონოდ გაასავსავა.

— არც რამ სამალავი გაქვთ, არც საიდუმლო გზა, უბედურო?!.. — მიამტერა პავლიამ შიშჩამდგარი თვალები დაბნეულ ცაგოს.

— მტკვარზე ჩასასვლელი ხერელი გვაქვს ეზოში! — ამოიძახა ცაგომ და მაშინვე ყველამ შეება იგრძნო.

— ხერელი თუ გაქვს, სხვა რა გვინდა! — გაიხარა პავლიამ, — ახლავე ჩადი, ბაღი ჩაიყვანე.

— მერე შენ როგორ დაგტოვოთ! — შეწუხდა ცაგო.

— მე ეგერ კიბის ქვეშ მიმათრიათ, — ანიშნა მორჩილს პავლიამ.

— იქ როგორ დაიმალები, დაგინახავენ! — შეშფოთდა ცაგო.

— ჩემზე ნუ ნაღვლობ, ნუ აკვიანებ... ბავშვს უშველე... — აყვირდა პავლია და ხელის ქნევით ცაგო ოთახიდან გააგდო. მერე მორჩილი იხმო და ზურგზე მოეკიდა. მორჩილმა კიბის ქვეშ შეათრია და იქ ჩამოსვა საპყარი. პავლიამ თორელის მშვილდ-ისარი და ფარ-ხმალი მოატანინა და მორჩილიც ძალით იქით გააგდო, საითაც ცაგო გაუჩინარდა.

კიბე დაბალი იყო, სულ რამდენიმე საფეხურიანი. სანახევროდ მიწას გაკრული პავლია სულს ქოშინით ითქვამდა. წინ ნანგრევი ყოფე ფეხარა და გარედან, თუ საგანგებოდ არ დააკვირდებოდა კაცს, არ ჩანდა.

სამაგიეროდ თვითონ ყველაფერს კარგად ხედავდა: ხელჩართულმა ბრძოლამ მათ უბანში გადმოინაცვლა. თორელის სახლის ახლო ერთ მუჟა ქართველობას ურიცხვი ხვარაზმელები აწვებოდნენ. ქართველები თავგამეტებით იცავდნენ ქუჩის ყოველ მტკველს და მტერს მკვრდით უღობავდნენ გზას.

პავლია თორელის მშვილდ-ისარს დასა-

წედა, ლარი მოზიდა და, ზურგში ისარგარჯობილი ხვარაზმელი რომ პირქვე დამსობილი დაინახა, ბავშვივით აფართქალდა.

მეორე, მესამე, მეოთხე ისარიც გაფრინდა და, ოთხი კაცი რომ უსულოდ დაეცა, ხვარაზმელებმა თორელის სახლისკენ იბრუნეს პირი. რაღაცას აყვირდნენ თავიანთ ენაზე, მერე რამდენიმე ჯარისკაცი ანთებული ქინქლილებით იქით გამოიქცა.

ცოტა ხნის შემდეგ დატრიალებულმა კვამლმა კიბის ქვეშ შეაღწია.

ცოტაც და ხანძრის ალმა გაანათა კიბის ქვეშ შეყუყუელი პავლიას სახე.

საპყარს ისარი გათავებოდა. კიბიდან გამოსვლა და ქუჩაში ჩასვლა რომ შეძლებოდა, თორელის ხმლით ისიც იმ ხელჩართულ ბრძოლაში გადაერეოდა, მაგრამ ვი, რომ ადგილიდან დაძვრა არ შეეძლო.

პავლიამ თავი მკლავებში ჩარგო და მიწას განერთხო. ცეცხლის ალი ცას სწვდებოდა. თორელის სახლი ტყაცატყუცით იწვოდა და სიმხურვალე თანდათან მატულობდა.

ბოლოს სუნთქვა გაუჭირდა პავლიას. კიბის ქვეშ დარჩენა აღარ შეეძლო. ცოტაც კიდევ და კვამლი და ბული გაგულდავა.

საპყარმა ხოხვით გაიწია და ის იყო მხარი გამოიტანა, რომ ცეცხლმორეულმა კედელმა იხუვლა, ძირს წამოვიდა და პავლია ნანგრევებმა დამარხა.

დაღამდა. ქუჩებში ბრძოლის ხმაური მიწყნარდა. აქ-იქ ჯერ კიდევ ანთებდა ხანძრების ალი. ქალაქში ცხელოდა. კვამლისა და ლეშის სუნი იდგა.

საადრეულო ხვრელიდან ცაგო და პავლიას მხლებელი მორჩილი ამოვიდნენ.

ხანძრისაგან დანახშირებული, ჯერ კიდევ მხრჩოლავი სახლის ნანგრევების დანახვებზე ცაგოს სახე გაუფიქრდა. საითაც მიიხედა, ყველგან ფერფლი და ნაცარი, ნახშირი და ნანგრევი დახვებულყო. ცრემლი წასკდა ცაგოს, მაგრამ ახლა ტირილისა და მოთქმის დრო არ იყო. აქ საღდაც მისი ძმა უნდა

ყოფილიყო, იქნებ დანახშირებულ-დანაცრებულაც იყო უბედური პავლია, დის ესოდენ მოყვარული და მისთვის თავდადებული.

მორჩილი კიბესთან იდგა და კიბეს დაეძებდა. ნანგრევებსა და ნაცარს სრულიად დაეფარა ის ადგილი, სადაც რამდენიმე საათის წინ თავისი მოძღვარი დამალა ყმაწვილმა.

— კიბე სად არი? კიბის ქვეშ დავტოვე!...— ბუტბუტებდა მორჩილი და თვლებს უიმედოდ აქეთ-იქით აცეცებდა.

— აგერ კიბე, ზედა დგახარი! — უთხრა გულამომჯდარმა ცაგომ და კიბეზე დაეცემული, ნახევრად დანახშირებული თავზე გადასწია.

ყმაწვილი მიხვდა, რაც მომხდარიყო. ნანგრევებს მისდგა და ცაგოსთან ერთად კიბის განთავისუფლება დაიწყო. დალილობისა და ნახანძრალის სიმხურვალისაგან ორივეს წურწურით სდიოდა ოფლი. როგორც იყო, კიბეს ნანგრევები მოაშორეს და ვეება კოჭქვეშ გართხმული პავლიას ზურგი რომ დაინახეს, ორივეს ზღუტუნე აუფარდა.

ბედად მადლიდან წამოსული კოჭი სანახევროდ დაეცემოდა საპყარს. კოჭის ერთი თავი კიბის საფეხურს დაეჭირა და პავლია ამას გადაერჩინა გასრეისაგან.

უზარმაზარ კოჭს ბეჭის ძვალი დაეზიანებინა კუტისათვის, თავი ქვის ნამტვრევით გაატრნოდა; თმა და წვერი შეტრუსოდა და მიწას ჩაყრენილი ორივე ხელი ცეცხლს დაეთუთქა.

ცოცხალი აღარ ეგონათ. იმ უშველბელ კოჭს მოეკიდნენ, მაგრამ ძვრა ვერ უყვეს. მერე ქვეშ მიწა გამოუთხარეს და უბედური საპყარი ისე გამოათრიეს.

მეგრდზე ყური დაადეს. მისუსტებული გული კიდევ სცემდა, ხამუშ-ხამუშ, უღონოდ და უნიათოდ. წყალი ასხურეს, პრილობები მობანეს და შეუხვიეს. ხანძარს გადარჩენილ ქვის სახლისკენ წაიღეს გონდაკარგული პავლია და მეზობლის დაცარიელებულ სარდაფს შეაფარეს თავი.

გრიგოლ აბაშიძე
დიდი დამე

გამარჯვებულ სულტანს კარავში ეახლნენ დიდი ძღვენითა და ძვირფასი საჩუქრებით დატვირთული თბილისელ მაჰმადიანთა მეთაურები. მათ შორის იყვნენ რუსუდანის ქმარყოფილი, არზრუმის სულტანის ტოღრილშას შვილი მოლასედინი და შირვანელი უფლისწული სულტანშა. პირველი კარგა ხნის გაქრისტიანებული და გაქართველებული იყო. ქართველთა დედოფალს მისგან უკვე ორი შვილი ჰყავდა, თამარი და დავითი. მოლასედინი ბოლო დროს რუსუდანს შემოსწყრა და ამჟამა დედოფალმა თითქმის განიშორა.

მოლასედინი თავიდანვე არ იწოდებოდა მეფედ და ქვეყნის მართვის საქმესთანაც არავინ უშვებდა. გვირგვინონებს შორის უთანხმოება უკანასკნელად უკიდურესობამდე მივიდა. მოლასედინი უკვე რუსუდანის თანამეცხედრეც აღარ იყო და ქართველებს თავიანთი დედოფლის შესართავად შირავნშას უფლისწული სულტანშა მოეყვანათ.

ერთ დროს კინალამ ამ სულტანშას მამას გაატანეს ცოლად ქართველებმა რუსუდანი. მაშინ ქვეყანას ლაშა მართავდა და რაკი სახელმწიფოს კეთილდღეობა მოითხოვდა ამ ნაბიჯის გადადგმას, რუსუდანის სურვილს ანგარიშს არავინ უწყევდა. ლაშას მოულოდნელმა სიკვდილმა რუსუდანი იხსნა სამშობლოდან გადახვეწისა და ხნიერი შირვანშას ცოლობისაგან. ახლა, როცა თავის ბედს თავად სწყევრდა, იმ შირვანშას შვილი მოეყვანა ქმრად შესართავად და სასახლეში ჰყავდა მძევლად.

სულტანშა მართლაც გამორჩეული იყო თავისი თვალტანადობითა და ზრდილობით. ჭაბუკი უფლისწული ახლა შედიოდა ნამდვილ ვაჟაცობაში. შავგვრემან სახეს შავი თვალ-წარბი და ულვაშები უმშვივებდა. ფართო მხარბეჭზე მაგარი ქედი ედგა. მისმა გარეგნობამ და ქაყვამ ქართველი დედოფლის კარზე ყველა მოხიბლა და საქართველოს რომ ეს უბედურება არ დატყდომოდა თავს, ალბათ, სულტანშას ქრის-

ტიანულად მონათლავდნენ და მალე რუსუდანის თანამეცხედრედ გამოაცხადებდნენ.

ჯალალედინის უეცარი მოსვლა იმდენად მოულოდნელი იყო, თბილისიდან სამეფოს სალაროს წაღებაც ვერ მოასწრეს. სატახტოში უამრავი სამდიდრე დარჩა და სწრაფად გაქცევისას რუსუდანის ეს ორი მძევალი, ალბათ, არც გახსენებიათ.

ახლა ორივე უფლისწული თავმდაბლად ეახლა მთელი სამაჰმადიანოს იმედსა და ქომავს, სახელოვანსა და აღმატებულ სულტანს.

ჯალალედინს პირველი შეხედვისთანავე თვალში მოუვიდა ჭაბუკი უფლისწული, მოეფერა და დაუყვავა. როცა ისიც გაიგო, რომ სულტანშას ჭეშმარიტი რჯული ჯერ კიდევ არ უარეყო და არ გამოუცვალა, ფრიად გაიხარა, გვერდით დაისვენა და მრავალი ნიჭი და წყალობა აღუთქვა.

სამაგიეროდ მეორე უფლისწულს სალამიც არ აღირსა, ჭეშმარიტი სარწმუნოების დატოვების გამო გაუჯავრდა, ბავშვივით დარტყსა და იმქვეყნოური სასჯელით დაშინება არ აკმარა, ამქვეყნოურითაც დაემუქრა, აბუჩად აიგდო და ქართველ ტყვეებთან ერთად მისი საპყრობოლეში ჩადგება ბრძანა. თბილისელ მაჰმადიანთა თხოვნა? ვერ გასჭრა. პირიქით, უფრო გახელდა და მათაც გაუჯავრდა:

— თქვენც ყველანი ურწმუნოების ხელისშემწყობნი ხართ, ყველას სასტიკად დავსჯი! — გამოუცხადა მისი სისასტიკით გაკვირვებულ თბილისელ მოსულმანთა მეთაურებს და ჯილდოს მომლოდინეები პირში ჩალაგამოვლებული გაისტუმრა.

ცოტა ხნის მერე მაჰმადიანთა უბანშიც ავარდა ხანძრების ალი. მუსულმანთა საეპაროებსა და ქარავსლებშიც ყაჩაოებივით შეიკვივდნენ მთერალი ხვარაზმეოები და თბილისელი მაჰმადიანები მიხვდნენ, თუ რა ქომავიც მოევიონა უბედურ საისლამოს.

ხსენებ, ჯუჯა



ჩეხურიდან თარგმნა თინათინ ჯავახიშვილმა

მოთხრობა

ისევ „განდევნა!..“ მოეწვი მაგ ფილოსოფიას!..
მე შენ გეტყვი და ჯულიეტას შექმნის ხელახლა,
ანუ პრინციის მსჯავრს გააუქმებს და ქალაქებსაც
გადაიტანს და დააფუძნებს სულ სხვა ადგილზე!..
არა. გათავდა. დაიღუპა სულაველაფერი.

შექსპირი, „რომეო და ჯულიეტა“.

ძველი სახლები, როგორც ბებერი ადამიანები, სავსე არიან მოგონებებით. მათ თავიანთი ცხოვრება აქვთ, თავიანთი სახე. ამ სახლების დახეტილ კედლებს უთუოდ შეუწოვიათ ყველა სუნი, ადამიანთა საცხოვრებლის ახლოს რომ სუფევს ხოლმე. დიდი ხანია გაქრა კირისა და ცემენტის ნოტიო სუნი, ესოდენ რომ ახასიათებს ქალაქის გარეუბნის უსახო ხუნულებს, რომელთაც თავისი ისტორიაც კი არ გააჩნიათ. ძველი სახლის კედლები ცოცხლობენ. ადამიანთა ბედმა მათ სიცოცხლე შთაბერა.

რა უნახავთ ამ კედლებს? რა გაუგონიათ?

ძველ სახლებს თავიანთი ხმა აქვთ. აბა ყური მიუგდე: შუშაბანდში ვილაც მიდის დინჯად, მძიმე, დაღლილი ნაბიჯით და ჩუმად უსტვენს... აი გაჩერდა. კედელზე ასანთის ანარეკლი აღიბეჭდა... გზა განაგრძო. მოსახვევში საცოდავად

გაიჭირალა ზის კიბის საფეხურებმა; წყვილიაღში საიდანღაც შემოიჭრა რადიოს ხმა, ვიღაცამ კარი მისურა და რადიოს ხმა ჩაახშო; ატირდა ბავშვი...

იგი გულაღმა წევს, ხელები ტანზე მიუკრავს, ღია თვალებით ფანჯრის სიბნელეს მისჩერებია. ფანჯრის იქით ფილებდაგებული შუშაბანდია. გაივლი და ამოფარდნილი ფილა ფეხქვეშ გაიხმაურებს; იქით, ეზოში, ოთხკუთხა ჭაა. ივინის ღამე ნაზ სუნთქვას აფრქვევს სახლის სახურავებს. ცაში კი სიჩუმეა. ლირის თანაფარსკვლავედში დუმს ვეგა; ფაფუკი ღრუბლის დანაფლეთებულ კედეს მოსწყვდა მთვარე და გამოყეყჩრებული სახით ფანჯარაში იტყუტება.

ქალაქში შემოჭრილმა ღამის მღუმარებამ შთანთქა ქალაქი; სიჩუმე შრიალებს, იგი სავსეა გაურკვეველი ფაჩუნითა და ქარავგებით; მხოლოდ ძველი საათი უკაკუნებს კედელს. საათი? ეგებ გულია? მას მკერდიდან ესმის გულის ძალუმი ცემა. გული სისხლს აწვება, საფეთქლებისაკენ მიაქანებს. საღღაც იქ კი ფიქრების უღრანია.

კვლავ წევს ის აქ, ჩამწყვდეული ქალაქის კედლებში, ოთახის ვიწრო კოლოფში, ხუთი ნაბიჯით რომ გადაითვლის კაცი ერთი კედლიდან მეორემდის...

ამ ბოლო დროს რამდენჯერ გაუზოშია ეს გზა უაზროდ და უმიზნოდ. უნდოდა თავი კედელზე შეებეთქებინა! არა, არ ჰყოფნის ნებისყოფა. და ეს ვერც უშველის. არ გაინძრეს! ძნელია ეს იმ ადამიანისათვის, რომელიც თვრამეტი წლისაა. არ იფიქროს! ნეტავი როგორ უნდა მოახერხოს, რომ არ იფიქროს? იქნებ თვალეები დახუჭოს მაგრად — აი ასე? და დაემალოს ყველაფერს ამ ანთებული თვალის კაკლების შიგნით?

მან ჯიუტად დახუჭა თვალეები. მაშინვე წყვილიაღი დადგა, თითქოს ჭაშიაო! მიფრინავ, ჭაში უფრო და უფრო ღრმად ვარდები, და იმის იმედიც არა გაქვს, რომ ოდესმე ამას ბოლო მოეღება და ვადნები გამაქურნებულ სივრცეში, რომელსაც სახელი არ გააჩნია. მოგონებანი! ტკივილს ჰგვრის ფიქრი, ტკივილს ჰგვრის სუნთქვა, ტკივილს ჰგვრის არსებობა. მთელი სამყარო სხვაგვარი გახდა, ნაცრისფერი სუღარა გადაეფარა, უგულო შეიქნა.

მერე რაღაა? გზა აღარ არის, ფეხქვეშ გამოცვალა. და გგონია, რომ დიდი ხნის ამაო ძებნის შემდეგ მიხვედი იქ, საღღაც ჰორიზონტი მთავრდება.

„მაგრამ შენ უნდა იყოცხლო!“ — ჩაესმის ხმა.

საიდანაა ეს ხმა? თვით მასშია, მისსავე გულში.

კიბეზე ფრთხილი ნაბიჯი გაისმა. ამ ხმამ გამოაფხიზლა, თვალი გაახილა, ყური მიუგდო: ნაცნობი, ფრატუნა ფეხის ხმა ახლოვდება. გაისმის კარის გაუბედავი კაკუნი. ისეც გაუნძრევლად წევს.

— პაულე! აქა ხარ?

იგი გაინაბა. თვალზე ცრემლი მოადგა. ეშველა. ცრემლს აღარ იკავებს. ცრემლი შვებას ჰგვრის. კარს უკან დაღლილი ოხვრა გაისმის.

ის, კარს იქით მდგომი, ფეხს ინაცვლებს, ყურს უბდებს, კვლავ აკაკუნებს.

— გესმის? გააღე კარი! ჭკუას მოუხმე!

ჭაბუკი არ პასუხობს.

მას აღარ უნდა დარიგება და ღაპარაკი. აბა რა უნდა უთხრას? სიმართლე? იგი ძალიან უბრალოა: ასე აღარ შეიძლება, მორჩა და გათავდა! მაგრამ შენ, კარს უკან რომ დგახარ, ამას არ დაეთანხმები. შენ მოხუცი ხარ, შენ შენი სიმართლე გაქვს. შენ დამიწყებ დარიგებას, გონიერება გამოიჩინეო. ძველი, მომაბურებელი ამბავია. შენ მშვიდად ეგულები სამყაროს ისეთს, როგორიც ის არის. შენ მხოლოდ ემაღლები მისგან მოყენებულ უბედურებას. გონიერება! რაღა ბედენაა გონიერება, თუ სუნთქვა მეცვრის და თავს ვკარგავ. მინდა ყველაფერს მოვშორდე, მაგრამ ამისათვის საჭიროა რაღაც განსაკუთრებული, საზოგადოარი ნიჭი, რაც მე არ გამაჩნია. რა გზას გინდა დამაყენო? გინდა არაფერი ვაკეთო? რისთვის?



წუხელ რომ წამოვიდოდი... გახსოვს?... ხიდზე ვიდექი და წყალს დავცქეროდი. არა, წყალი არ მიზიდავდა... ახლა უკვე ვიცი, რომ ამას ვერ შეეძლებ. მხოლოდ ისე ვიდექი და დავცქეროდი წყალს. მოვიხედე და რამდენიმე ნაბიჯის მოშორებით შენ შეგამჩნიე. ლურჯი ფარნის ქვეშ იდექი დამალული. შენ გაცვეთილი პალტო გიცვა, წელში მოხრილი იყავი დარდითა და ცხოვრების განვლილი წლებით. უცებ შემოპყრო შენმა, საკუთარი თავისა და ყველაფრის სიბრაღულმა. ვიცი, შენ ზრუნვით მიდარაჯებდი და საცხებით გულწრფელად გეგონა, რომ მე ვერ გზავდი.

მამა!

— პავლე...

კაკუნი შეწყდა.

კარს თანდათან მოშორდა ფრატუნა ფეხის ხმა, ყრუდ მოეხეთქა სადარბაზო კარი.

ფიქრი ცხრა შთას გადაატარებს კაცს!

კვლავ და კვლავ უბრუნდები ფიქრებით წარსულს, კიბოსავით უკან მიხობავ, ობობასავით დაცოცავ ვერცხლისფერ აბლაბუდაში.

რისთვის?

აგონდებო, როგორ იხედებოდა ამ ოთახში ზაფხულის დილა. ხანდახან გიტარა წკრიალებდა და სინდერები გაისმოდა; მტვრიან იატაკზე გაშლილი წიგნები ეყარა. კაცმა რომ თქვას, არაფერი შეცვლილა. იგივე მონჯორეული ტახტი, ეარსკვლეების ატლასი, ფეხმომტვრეული სკამი და ემაღგადაცლილი ტაშტი. ფანჯარასთან პატარა მაგიდაა. აქ, თვალებრიალა ბუს ფიტულასა და ქალღღის-აბაჟურიან ლამპის შუა, თვითნაკეთი რადიომიმღები ხრიალებს. პავლემ თვითონ ააწყო ეს რადიომიმღები და ქაოტიური ხმაურიდან და ზუსუნიდან თუნდაც პრალის სადგურების ხმა რომ გამოავალკევო, ხის ყუთს მაგრად უნდა დაჰკრა ხელი. ოთახს ორი კარი აქვს: ერთი — შიგნიდან მუდამ ჩაკტილია და სახელოსნოში გადის, მეორე — პირდაპირ დერეფანში. ძველი ავეჯი, რომელიც სტარომესტკის მეძველმანისაგან ჩაღის ფასად იყიდეს, პატარა ოთახს მყუდროებას არ უქარგავს. აქ შეიძლება იოცნებო, იკითხო. აქ დამოუკიდებელ და მოზრდილ ადამიანად გრძნობ თავს.

დღისით სახელოსნოდან ისმის ორი საეკრავი მანქანის გრიალი და ქარგალი რეპეკი როგორ ტუქსავს შეგირდს თავისი ჩახლენილი ხმით; ისმის მამის ბოხი, ჩუმი ხმა: „ინებეთ, ეს ნაკეცი მოვაშოროთ... აქ ოდნავ მეტს დავუტოვებთ... აი ასე... და კოსტუმში მშვენიერი გამოვა“.

ფანჯრის მიღმა შუშაბანდში ადამიანების სილუეტები მოძრაობენ. ზოგჯერ სარკმელში შემთხვევითი გამვლელი შემოიხედავს, მაგრამ აბა რას დაინახავს მტვრიან მინაში?

ხანდახან შემოიჭრებიან ხოლმე სკოლის ამხანაგები, ოთახი ხმაურითა და ჟრიაშულით ივსება. ხოლო სულ რაღაც ერთი თვის წინათ ამ ოთახში ვაკეცურად დანცალეს ორი ზოთლი იაფფასიანი ღვინო. ახალგაზრდები შუალამემდე მზიარულობდნენ, სანამ ძილგატეხილმა მეზობლებმა კედელზე არ დაუბრაბუნეს.

მასწინა აქ სულ სხვა ადამიანი ცხოვრობდა — ჭაბუკი, რომელიც ხანდახან მამას გამოართმევდა სამართებელსა და ფუნჯს, რომ ნიკაბიდან რამდენიმე ბლანი მოეპარსა და პანქანზე წასასვლელად აუცილებელი თავდაჯერება შეეძინა.

— ფრთხილად, ცხვირი არ მოიჭრა, — სერიოზულად ურჩევდა მამა, ხოლო ტურქებთან მიმალულ ნაოჭებში ღიმილი უკრთოდა. — არსად გაიტყევა, ნუ ჩქარობ!

მამა-შვილს ერთმანეთი უყვარდათ. მამა ახერხებდა დიდსულოვნად გაეგო შვილის სულისკვეთება და როგორც თანატოლს, ისე ექცეოდა. თვრამეტი წლის მამაკაცი ამას მუდამ აფასებს. მამა არასდროს არ აწუხებდა უადგილო შეკითხვებით და ამიტომ არც შვილს სჭირდებოდა ტყუილის თქმა. ალბათ სწორედ ამიტომ ესმოდათ ერთიმეორის ასე კარგად, რომ მამას შვილი სიბერეში მოსწრებოდა. პავლე ერთადერთი, გვიან შექმნილი შვილი იყო და მოხუცებული მშობლების მუდმივ ზრუნვაში იზრდებოდა.

მოხუცი ადამიანები მშობარა და უგუნურები არიან, მათთან ერთ ჭერქვეშ მყოფს მოთმინება მართებს. ყოველ კუთხეში საფრთხე ეჩვენებათ; განსაკუთრებით დედას: „ეს არ შეიძლება, ეს არ გაბედო! შენ ხომ ერთადერთი გვყავხარ, პავლე! პავლიჩე! არაფერში არ ჩაერიო, ჩემო შვილო!“. ამ რჩევა-დარიგებას პავლე მამაკაცური წყნით ისმენდა და ჩუმად ეჭვობდა კიდევ: გამოუცნობ მიზეზთა გამო მშობლებს ეს მოსაბუზრებელი რჩევა-დარიგება მოსწონთო. რასაკვირველია: ომია! გერმანელებმა ჯერ საზღვრები გადმოლახეს, ახლა კი მთელ მხარეში დაპარპაშებენ. დაფდაფთა დაუსრულებელი გრიალით გადმოსცემენ ცნობებს, თურა გამარჯვებებს მიღწიეს ხმელეთზე, პაერსა და ზღვაში! და ამას ეწოდება Protectorat für Böhmen und Mähren¹, მაგრამ მოხუცი ჩეპეკი ამ ეგრეთ წოდებულ სახელმწიფოს ჯიუტად ეძახის პროტენტოკრატს².

„ოჰ, ეს სასჯელი ეგვიპტისა!“ — გოლებს ღედა. მას ცხოვრების ყოველი შემთხვევისათვის მოეპოვება სათანადო გამოთქმები „დაბადებიდან“.

სკოლაში იზეპირე ნაცისტ „მოციქულთა“ ბიოგრაფიები, თუ არ გინდა, რომ გამოსაშვები გამოცდების დროს ჩაგჭრას გერმანელმა ინსპექტორმა: „Also, sagen sie mir, wo wurde Adolf Hitler geboren? Und jetzt etwas über das Winterhilfswerk³“, — გმირულმა გერმანულმა შეიარაღებულმა ძალებმა კვლავ ჩაძირეს ამდენი და ამდენი გემი...“

საცეკვაოდ ვედარსად წახვალ კაცი, კინოში მთქნარებისაგან ყბა მოგექცევა: ლჩვენებენ უსასრულო ჭურნალს, რაც თავიდან ბოლომდის ფიურერის წინაშე მლიქვნელობით და ბაქიბუქით არის საესე.

ღედა საღამომობით ზის, სათვალე ცხვირის წვერზე ჩამოუწვია და თხელი ტუჩების ცმაცუნით „დაბადებას“ კითხულობს. მის პირდაპირ ზის მამა, ავიწებს. ერზაცებს: — მათგან მხოლოდ ჯადოქარი თუ მოახერხებს კოსტუმის შეკერვას! მამა აღარ დაიარება კაფე „იოზეფ შლაპაკას ქვრივში“, შინ ზის და ირასეკს კითხულობს. მამა პატრიოტიკა, ოღონდ ცოტა ძველი მოდის, როგორც ის კოსტუმები, მის კეთილსინდისიერ სახელოსნოდან რომ გამოდის.

სად წავიდეს?
რა გააკეთოს?

გერმანელები მოვიდნენ — და ისევ წავლენ, მოკავშირეები ბოლოს და ბოლოს გარეკავენ მათ და კვლავ დამყარდება წესრიგი. მაგრამ მას რა? როდესაც კაცი თვრამეტი წლისაა, იგი მტკივნეულად დაეძებს — თვითონაც არ იცის რას! ის შეუპყრია სურვილებს, წყურვილს, გაურცვეველ, შფოთიან ოცნებებს, რომლებიც ისე ძლიერია, რომ ტკივილსაც კი გრძნობს.

პროტექტორატი სისაძაგლეა, სკოლაც სისაძაგლეა. რა ქნას? ისწავლოს ქედმოდრეკილი ცხოვრება ამ პატარა სივრცეში; გულის გადამღევი რეზინასავით გა-

1 ზოპენისა და მორავიის პროტექტორატი.
2 ჩეხურად ნიშნავს — ჯერჯერობით, დროებით.
3 — მიპასუხეთ, სად დაიბადა ადოლფ ჰიტლერი? ახლა კი გაიღეთ საზამთრო დახმარებისათვის. (გერმ.).

დაღეჭილი „დროებით“ ცხოვრება; იტანჯოს სისულელით, გაერთოს სისულელით, რადგან სულ ერთია, კედელს შუბლით ვერ გაანგრევ... და ასე შემდეგ. გოგონები! — მათთან წამიერი შეხვედრები პეტრჟინზე იმით მთავრდება, რომ დაკეტილ სადარბაზო კართან ერთს უგემურად აკოცებ. ეს არის და ეს! ხანდახან ეუბნებოდა საკუთარ თავს: ეს არ არის სწორი! შენს ქვეყანაში გერმანელები არიან. ისინი ხალხს ციხეში ალბობენ, ხოცავენ... მაგრამ შენ რისი გაკეთება შეგიძლია, როდესაც უფროსებმა ასე უიმედოდ დაამახინჯეს ეს სამყარო? შენ ხომ შენი სურვილით არ მოსულხარ ამქვეყნად. შენ უთუოდ სხვა სამყაროს აირჩევდი, მაგრამ ვინ შეგეკითხა! მაშ ასე, ყველაფერი „დროებითია“. სულ ერთია: ჩააბარებ გამოსაშვებ გამოცდებს და სამხედრო ქარხანა გშთანთქავს; ან გერმანიაში გიკარავენ თავს და შენც წახვალ ხელში პატარა ბოლით, ოღონდ ზღაპრულ გონზანსავით კი არა, არამედ მობილიზაციით, და დაიწყებ იქ ლაზას, გასწევ საძულველ ქაბანს, ვიდრე მთელს ამ სისაზიზღრეს ბოლო არ მოეღება. საშინელი, წყეული წლები! კეთილი ინებე, გვერდზე გადადე შენი ოცნებანი და სხვა დროისათვის შემოინახე. მაგრამ რაც არ უნდა მოხდეს, სიცოცხლე მაინც საჭიროა!

და დღეს...

ცხრა მთას იქით იტაცებს მოგონება!

საათმა კედლის იქით რიხიანად ჩამორეკა თერთმეტი. ძველმა სახლმა დაიძინა. მხოლოდ იქ, პატარა ოთახში გულაღმა წევს ის, მაგრად მიუკრავს ხელები სხეულზე. ღია თვალებით წყვილადს გასცქერის და ფიქრები შორს იტაცებენ...

და ყველაფერი უკან ბრუნდება, ყველაფერი კვლავ თვალწინ ეშლება. რამდენ დღეს გასტანა იმ ამბავმა? როგორ დაიწყო?..

ერთ მშვენიერ დღეს მერვე „ბ“ კლასში დამთავრდა გამოსაშვები გამოცდები წერაში...

I

— პავლე, — ესმის სიბნელიდან წყნარი ხმა.

პავლეს არ უკვირს — ეს ხმა კვლავ ცოცხლობს მის არსებაში.

— რაო?

— რა მოგველის?

ისევ ის აკვიატებული კითხვა. მაგრამ არც ეს აკვირვებს პავლეს. პირველ დღეებში მან იცოდა, როგორ დაედგინა თავი ამ კითხვისათვის. თუნდაც დროებით. მაგრამ დღითიდღე უფრო და უფრო უძნელდებოდა. ამ კითხვის გაგონებისას რატომღაც უკეთესი ვერაფერი მოესაზრებინა, გარდა იმისა, რომ მოხევეოდა და დაეკოცნა. ეს უბრალო და ნაღდი ამბავი იყო. რაღაცას ელაპარაკებოდა, რადგან ესმოდა, რომ საჭირო იყო სწრაფად გაექარებინა გოგონას ფიქრები, და კიდევ იმითომ, რომ შესაძლო იყო სიჩუმე პასუხად მიეღო. მაგრამ რა უნდა ეპასუხა? იქნებ ათასი ვარიანტი არსებობდეს. იქნებ არც ერთიც არ იყოს. ყველაფერი არის მხოლოდ და მხოლოდ „იქნებ“.

იგი იწყებდა ტანტისა და მაგიდის შუა სიარულს, ხელებს იქნევდა, რაღაც უაზრო სიტყვებს ბუტბუტებდა და მწარე გაოგნებით აყურადებდა თავისსავე სიტყვებს. თავდაპირველად ყველაფერი ძალზე უბრალოდ ეჩვენებოდა: იყვნენ მხოლოდ ორნი — ქალიშვილი და თვითონ! და თუ ხვალინდელ დღეს დაივიწყებდნენ, დაივიწყებდნენ იმას, რაც ხდებოდა ქალაქში, ქვეყნად, მთელ სამყაროში, მაშინ იქნებ ყველაფერი წესრიგში იყო. და კვლავ ეს — „იქნებ!“

პავლემ ჯიბიდან ამოიღო სიგარეტის დაჭმუჭენილი კოლოფი და ასანთი შონახა, თან გრძნობდა, რომ ქალიშვილი თვალს ადევნებდა.

— ნუ მოსწევს! არ გეწყინოს, მაგრამ ღამით აქ სუნთქვა აღარ შეიძლება. დაეთანხმა. ქალი მართალი იყო. კოლოფი ისევ ჯიბეში ჩაიღო და გაიღიმა. მოაგონდა: სიგარეტის ასეთმა პატარა თეთრმა კოლოფმა შეპყარა მათი გზები. საბაბი ზოგჯერ ასეთი პროზაულია ხოლმე. თუნდაც პირველ სასურსათო უღლუფაში მიღებული სიგარეტი. როცა თვრამეტი წლისა ხარ, სიგარეტი დარბაისლობას გმატებს. მალალი წრის ადამიანის მოწყენილი იერით დაჯდები, ხელის ჩვეული მოძრაობით ამოიღებ სიგარეტს, მოუკიდებ, და უცებ თავს დიდთა სამყაროში იგრძნობ. თვრამეტი წელი! უკან რჩება მამის საყვედურით სავსე მზერა და დედის დარიგება: ეს ჯანმრთელობისთვის მავნეაო. მორჩა! ახლა ის ოფიციალურად აღიარებული მწვეველია და შეუძლია თავისი საკუთარი ტალონით შეირბინოს თამბაქოს დუქანში, გადაუგდოს დედაბერს და უთხრას: „პანი ბარაშკოვა, მიბოძეთ სიგარეტი!“

წერის გამოცდები დამთავრდა, მაგრამ თავი ისევ უსკდება მღელვარებისგან, ჯიბეში კინოს ბილეთი უდევს. დაწყებამდე ორი საათია დარჩენილი.

ვასშმის შემდეგ ქუჩაში იყილა, ასფალტს ოდნავ ასდიოდა მთელი დღის დაგროვილი სითბო. ქალაქს ნელ-ნელა ეპარებოდა გაზაფხულის მწუხრი. პავლეს უყვარდა ასე მარტო სეირნობა. მიდიხარ, ოცნებობ, ხელები ჯიბეში ჩაგიწყვია—ვიტრინებს ჩაუვლი უცაბედი თავგადასავლის საძიებლად, გასრიალდები ხალხში, ცერად გადახედავ გოგოებს, ისე, უბრალოდ, სხვათაშორის; თან გულგრილ სახეს მიიღებ, რომ გამოუცდელ და პატარა ბიჭად არ ჩაგთვალონ. რა მოხდება, ამისთანა იღუმალ არსებებათან რომ მიხვიდე და უთხრა: „საღამო მშვიდობისა!... არა, არა, ვერასოდეს ვერ გაბედავს ამას!“

პავლემ ნოვომესტისკის კოშკის საათს ახედა. შვიდი საათი იყო. დრო ჯერ ბევრი ჰქონდა.

პარკისაკენ გაემართა, უნდოდა მშვიდად მოეწია ამ საღამოს სიგარეტი. აი, სწორედ იქ შეხვდნენ ერთმანეთს.

პავლე სკამის ბოლოს ჩამოჯდა, ყოვლად უინტერესოდ შეამჩნია, რომ სკამის მეორე ბოლოს ვიღაც იჯდა. ისე იყო გართული თავის ფიქრებში, რომ ყურადღებაც არ მიუქცევია ქალიშვილისთვის. ის მისთვის მხოლოდ აჩრდილი იყო, უცხო ფიგურის სილუეტი. პავლემ გრძელი ფეხები გაშოტა და სიგარეტი გააბოლა. სკამთან დაყვავილებული იასამნის ბუჩქი იდგა, ყვავილის მტევნები სიბნელეში თეთრად მოჩანდნენ და მოტკბო სუნს აფრქვევდნენ. მზე მოპირდაპირე სახლის უკან ესვენებოდა, ბალახში დნებოდა ხეთა გრძელი ჩრდილები. ხანდახან ჩუმი ჩურჩულით ჩაივლიდნენ ერთმანეთს მიკრული შეყვარებულნი. ჩქარი ნაბიჯით ჩაიარა ჩანთაამოლლიაგებულმა კაცმა, მიფარფატებდა შალწამოსხმული დედაბერი თავის კოჭლ ფინიასთან ერთად. აქ უდაბურება სუფევდა.

საღამოს ქალაქის ხმაური შორიდან ისმოდა. პავლემ დაამთქნარა.

ოხვრაა? პავლემ პირზე ხელი მიიფარა და მიიხედა.

სკამის ბოლოს კვლავ იჯდა გოგონა. წახრილიყო და მკერდზე მიეკრა პატარა ჩემოდანი, თითქოს ეშინოდა, არავინ გამოგლიჯოს ხელიდანო. თავი დაბლა დაეხარა, მხოლოდ პროფილი მოუჩანდა, საღამოს ბინდბუნდში საკვირველად მოუჩანდა შავ თმეში ჩამალული თეთრი სახე; თხელი კაბის კალთები შემოტმამსენოდა ერთმანეთზე მიკრულ მუხლებზე.



☆ იან ოტჩანაშვიტი ☆ როზო, ჯულია და ჯულია

გოგონა უძრავად იჯდა, გეგონებოდა, თვლებსო.

პავლემ უცებ შეამჩნია, დაუფარავი ცნობისმოყვარეობით შეეცქერი გოგონასო, და მოიღრუბლა. სცადა თვალი აერიდებინა და ვერ მოახერხა. გაუქრა საკუთარ თავთან მარტოდ ყოფნის გრძნობა, როცა ესოდენ სასიამოვნოა ოცნება. „რაო, ქალიშვილო, „ის“ არ მოვიდა პაემანზე?“

...და უცებ გაკვირვებულმა შეამჩნია, რომ გოგონა ტიროდა. წახრილი მხრები უთრთოდა შეკავებული, ყრუ ქვითინისაგან. პავლემ სიგარეტი ბილიკზე გადაადგო, გამბედაობა მოიკრიბა და შეეკითხა:

— რა დაგემართათ?

გოგონა ისევ ისე იჯდა თავჩაქინდრული. არაფერი უპასუხა. პავლემ ჩაახველა და ახლოს მიიწია.

— ტირით?

გოგონამ ჩუმად გააქნია თავი.

რად ტყუის? — პავლე უფრო ახლოს მიუჯდა, ამოად ეძებდა სიტყვებს.

ხელი რომ გაეშვირა, გოგონას შეეხებოდა.

გოგონა უცებ მოტრიალდა. მისი მუქი, გაფართოებული თვალები ისეთი აუწერელი შიშითა და მტრული გრძნობით შესცქეროდნენ პავლეს, რომ მან უკან დაიწია. არა, ლამაზი არ იყო. პავლემ შეამჩნია, რომ მას განიერი პირი და ჭორფლიანი ცხვირი ჰქონდა. „დიდი რამე გონია თავი ამ მტირალას!“ — გაიფიქრა და ზურგი შეაქცია. ყურადღებას აღარ აქცევდა და ამით აშუარად აგრძნობინა, სულაც არ მაინტერესებო. მაგრამ ადგომა და წასვლა ვერ შესძლო. დიდხანს ისხდნენ ასე ამ გულისწამლებ დუმილში. პავლეს მოეჩვენა, რომ ერთმა საათმა მაინც განვლო, ვიდრე მან კვლავ გაზედა ხმის გაცემა გოგონასათვის:

— შემძლია რითიმე დაგეხმართ?

— არა. გთხოვთ თავი დამანებოთ! ნუ მაქცევთ ყურადღებას!

— მაგრამ მე... თქვენ... თქვენ ხომ ტირით... მე მხოლოდ... თქვენ არ იფიქროთ...

პავლემ ყური მიუჯდო თავის ნაწყვეტ-ნაწყვეტ ბუბტუტს და მოეჩვენა, რომ თვითონ კი არა, ვილაც სხვა ლაპარაკობდა.

როგორ მოიტყეს? მისმა თავდაჯერებულობამ მარცხი განიცადა. რაკი არ შეუძლია ქალიშვილთან ლაპარაკი, აქედან უნდა მოუსვას.

დრო გადიოდა. პავლემ კოშკს შეხედა. მეთე საათი დაწყებულიყო. ფილმი უკვე დაიწყო, ეშმაკმა დალახვროს ქალაქი გაზაფხულის ღამეში გახვეულა. მან უკან მოიხედა. გოგონა კვლავ თავდახრილი ქვითინებდა. პავლე მტკიცედ მიბრუნდა მისკენ.

გოგონა წელში გასწორდა, თითქოს წამოხტომა და გაქცევა უნდოდა.

— მომშორდით!

პავლემ ახლა მთლად ვედარაფერი გაიგო და დაბნეულმა მხოლოდ მხრები აიჩეჩა.

— რატომ?... მე ხომ...

— რა გესაქმებათ ჩემთან? თავი გამანებეთ. გესმით?

— კარგი... თუ არ გინდათ — კეთილი!

„ფსიქოპათია ვილაცაა, — გადაწყვიტა გაბრაზებულმა. — ჩანს „იშან“ მიატოვა და თავის მოკვლა გადაუწყვეტია. ნამდვილად ასანთის წამლით მოიწამლავს თავს! ერთი დამხედეთ როგორ იფხორება! ან იქნებ, როგორც გოგოებმა იციან, თავი მოაქვს! ასე იყოს! მშვიდობით, მადმუაზნელ, კარგად ბრძანდებოდეთ! თქვენი საქმისა თქვენვე უწყით, რაკი ლაპარაკი არა გასურთ! — მე რა მენაღვლებას!“

პავლე მტკიცედ წამოდგა, ამოიღო სიგარეტი, ცერემონიული დაუდევრობით

პირში ჩაიღო და ასანთის ამოსაღებად ჯიბეში ჩაიყო ხელი, თან აშკარად აგრძნობინებდა მეზობელს, შენი ამბავი ოდნავადაც არ მაინტერესებსო.

გოგონა შეშინდა, წამოხტა და თითქოს თავს იცავსო, პავლეს წინ გაჩერდა. ჩემოდანი, რომელსაც ერთთავად გამწარებით იკრავდა მკერდში, ხელიდან გაუვარდა და ბეტონის ბილიზე დაეცა მათ შუა. პავლეს უნდოდა ქედმაღლურად დაეცინა გოგონასათვის ამ სულელური შიშის გამო და გაშორებოდა, მაგრამ ასანთს რომ გაჰკრა, თავზარდაცემული ადგილზე გაშეშდა და დაბნეულს თვალეზი გაუფართოვდა.

მკრთალ სინათლეზე, წამით რომ გაანათა გოგონას ფიგურა, პავლემ დაჭმუჭნულ ჭკეცზე თვალი მოჰკრა ღიაყვითელი ფერის ვარსკვლავს, რომელზედაც შავი ასოებით ეწერა: Jude¹.

II

პავლეს აღმოხდა:

— მაშ, თქვენ?...

და გაჩუმდა, დაავიწყდა სიგარეტი. ასანთის ღერი ჩაიწვა და როცა თითები დასწვა, მაშინლა გადააჯღო. ისინი იდგნენ ერთიმეორის პირდაპირ, იდგა ორი მდუმარე აჩრდილი ჩამუქებული ცის ქვეშ.

გოგონამ გამომწვევად აიქნია თავი:

— დიახ. მერე რა? შეგეშინდათ?

— რატომ უნდა შემშინებოდა?

პავლემ აიღო ჩემოდანი და სკამზე დადო. გოგონაც იქვე ჩამოჯდა და ჩემოდანს ხელი მოხვია. პავლე გვერდით მიუჯდა და უმწეოდ დაიწყო თითებით სახის სრესა. მათ ჩემოდანი ჰყოფდათ.

— რატომ? რატომ უნდა მეშინოდეს?

გოგონამ თავი გააქნია.

— რატომ? თქვენ რა, არც შინ, არც სკოლაში არაფერი გსმენიათ? თქვენ ხომ ნება არა გაქვთ ჩემისთანა ხალხთან რაიმე ურთიერთობა გქონდეთ! არ იცით?

პავლემ არ უპასუხა. მას ესმოდა გოგონას სუნთქვა. გოგონას თავი მაღლა აეწია და უკვე მშვიდად შესცქეროდა შავ ცას. პავლე ჩუმად იჯდა, მუხლებზე იდაყვდაყრდნობილი, და მხოლოდ მაშინ შეინძრა, როცა ჩაესმა ყრუ ხმა.

— ამის მოყოლა გაუთავებლად შეიძლება. პატარა რომ ვიყავი, ზოგჯერ თავს მოვიავადმყოფებდი ხოლმე, რომ სკოლაში არ წავსულიყავ... მათემატიკისა მეშინოდა. მიძნელებოდა. ახლა კი აღარ გავაცდენდი... მაგრამ ამიერიდან ჩემთვის ყველაფერი აკრძალულია. კინოც კი...

პავლემ ანგარიშმოუცემლად მოისინჯა საფულე, სადაც კინოს ბილეთი ედო, მაგრამ მაშინვე ხელი მოაცილა. „სულ ერთია, უკვე გვიან არის“, — გათიქრა და სულ არ დანანებია.

— ეგებ აქ, პარკშიც არ შეიძლება ჩემი ყოფნა! ალბათ არ შეიძლება... თუმცა ამჟამად ამას მნიშვნელობა აღარ აქვს. აი, თქვენ ახლა ყველაფერი იცით და შეგიძლიათ წახვიდეთ.

— თქვენ?

— რა მე?

— თქვენც შინ წახვალთ?

¹ ე ბ რ ა ე ლ ი (ვერმ). პიტლერელთა ოკუპაციის დროს ებრაელები ვალდებული იყვნენ ეტარებინათ ასეთი ვარსკვლავი.

— არა.

— რატომ?

— იმიტომ რომ... ჯერ არ მინდა! — ნერვიულად უპასუხა გოგონამ. — რაში გაინტერესებთ? ეს თქვენი სადარდებელი არ არის. მე კეთროვანი ვარ.

— სუ ლააარაკობთ ასე, — სიტყვა გააწყვეტინა პავლემ. — მე ხომ სხვებსაკვით არა ვფიქრობ!

გოგონამ თავი ჩაღუნა.

— ნუ გეწყინებათ, — გოგონა მოლბა. — საშინელება იქნებოდა, თქვენც რომ ასე ფიქრობდეთ. მაშინ ხომ დამაბეზლებდით, — გოგონა უცებ შეკრთა და მოიბუზა თავის ჟაკეტში.

— ბრ... როგორ აცვივდა! არ გაცივდეთ. რატომ არ მიდიხართ?

— მეც ჯერ არ მინდა წასვლა, — სიტყვა მოუქრა პავლემ. — პატარა ბავშვი ხომ არა ვარ.

ისინი ჯერ კიდევ დარცხვენილები იყვნენ და საუბარი უწყვეტობდათ. მათ ირგვლივ კი წყვედიანი წვიმობდა. პარკის გარშემო აღმართული სახლის კედლები ციხის კედლებს დაემსგავსა. არც ერთი ფანჯრიდან შუქი არ გამოდიოდა: ფანჯრებზე შავი ფარდები იყო ჩამოფარებული, რომელთა იქით ადამიანები სუნთქავდნენ. ოპ, ეს წყვედიანი შემთხვევითი გამვლელის სიგარეტის მანათობელმა წერტილმა გაიელვა ბურქებზე და გაქრა. ეს ორნი კი ისევ ისხდნენ, შუაში ჩემოდანი ედგათ და ეცდილობდნენ შეწყვეტილი საუბრის გაგრძელებას.

— თქვენ, ალბათ, გეგონათ, შემოგჩინდებოდით? ხომ ასეა?

— დიახ, ასე მეგონა.

— არა... მე ისე გამოვიარე... კინოს ბილეთი მქონდა...

გოგონამ სიტყვა გააწყვეტინა.

— ჩემი გულისათვის არ წახვედით?

— არა, ეს არაფერია, ამაზე არც იფიქროთ, მე ეს... ჰმ... ჩვენ დღეს წერა გვქონდა. ძალიან მეშინოდა, გერმანულში არ ჩავჭრილიყავი... ხომ გესმით, ახლარა დროა... მაგრამ...

— მეც წელს დავამთავრებდი. მეშვიდედან გამომრიცხეს.

— ნუ მიწყენთ, ეგ რომ მოგაგონეთ.

— არც მწყენს. მოდით ყოველ წუთს ბოდის ნუ მოგუხდით ერთმანეთს, კარგი?

პავლემ თანხმობის ნიშნად თავი დაუქნია, თან ფიქრობდა, ახლარა ველა-პარაკო. მან იცოდა, რომ ახლა აღარ შეეძლო უბრალოდ წამომდგარიყო, „ღამე მშვიდობისაო“, ეთქვა და გასცლოდა.

ჩემოდანზე მიუთითა.

— რა გაქვთ შიგ?

— ყველაფერი. ზედმეტი არაფერი მაქვს. კაბა, კბილის ჯაგარისი, საყვარელი წიგნი. და კიდევ... აქ ორმოცდაათი კილოც არ იქნება, მაგრამ მე მეტი არაფერი მაბადაია.

პავლე ვერ მიხვდა.

— რაღა სწორედ ორმოცდაათი?

გოგონამ ყველაფერი უამბო. არეულად ყვებოდა, დეღავდა, თავის თავს თვითონვე აწყვეტინებდა, მაგრამ პავლე მთავარს მიხვდა: გოგონა წინათ პრადის ახლოს ცხოვრობდა, პატარა ქალაქში. მამამისი ექიმი იყო. შემდეგ გერმანელები შოვიდნენ, უფროსი ძმა გაიქცა აღმოსავლეთში, ან იქნებ დასავლეთში, ვინ იცის. უკანასკნელ წელს გოგონა პრადში ცხოვრობდა ნათესავეებთან. მამიდამისი ცოლად ჰყავდა არიელს, — შორეული სისხლის ჯვარდაწერილებს ჯერ ხელს არ ახლებდნენ. ამ პატარა ტყუილმა უშველა... დედ-მამა ჯერ კიდევ შარშან ნოემბერ-



ში გაგზავნეს ტერზინის! საკონცენტრაციო ბანაკში. აგერ სამი თვეა, აღარაფერი გიცი... თქვენ როგორ ფიქრობთ, ისევ იქ არიან თუ არა? მაშ რატომ არაფერს იწერებინან? შიფრი დაფიქრეთ, რომ ერთიმეორისათვის ჩვენ-ჩვენი ამბავი შევკეტულობინებინა. პირველ წერილებში მაინცაღამაინც არ ემდუროდნენ თავიანთ ხვედრს, იქნებ იმიტომ, რომ შვილი არ შეეშინებინათ. თქვენი აზრით, ისინი ისევ იქ არიან თუ წაიყვანეს? — დაჟინებით ეკითხებოდა გოგონა. პავლემ საცოდავად აიჩნა მხრები, ასეთ საქმეებში იგი ვერ ერკვეოდა და არც არასდროს ეფიქრა. ამაზე.

შემდეგ? შემდეგ რა მოხდა? ამ დღეებში მისი რიგიც მოვიდა. ახლა ჯიბეში უდევს ტერზინში გაგზავნის უწყება. უწყებაში ჩამოთვლილია ყოველნაირი სასჯელი, თუ დროზე არ გამოცხადდება. აი ყველაფერი, რაც მოხდა.

— როდის უნდა გამოცხადდეთ? — შეეკითხა ყრულ პავლე.

— უნდა გამოცხადებულიყავი... — გოგონამ ამოიხრა. — ამ დღით პავლე შიშმა აიტანა.

— არ წახვედით?

— არა.

გაკვირვებისაგან პავლემ წყნარად დაუსტივინა. აქ სალაპარაკო აღარაფერი იყო. ეგებ სწორედ ახლა, ვიდრე აქ სხედან და ლაპარაკობენ, გოგონას უკვე დაეძებნენ. ახალგაზრდები, რომელთაც ტყავის პალტო აცვიათ, შლაპის ფარფლები ჩამოუწევიათ და ჯიბეში იარაღი უდევთ, მისი ნათესავების კარს ჩექმებს უბრა-ხუნებენ! უა! ერთხელ პავლე თავისი სახლის კიბეზე წააწყდა ასეთ ხალხს და ახლაც მათ მოგონებამზე ყრუანტილი უვლის.

ეს გოგონა კი აქ ზის...

ტირილმა გამოარკვია მძიმე ფიქრებისაგან. გოგონას სახეზე ხელები მიეფარებინა და ამაოდ ცდილობდა ქვითინი ჩაეხშო. მაშინ პავლემ მხრებზე ხელი მოხვია. გოგონას წინააღმდეგობა არ გაუწევია.

ცარიელი სიტყვები, სიტყვები! საშინელებაა, როდესაც გრძნობ საკუთარ უძლურებას. პავლემ ოდნავ შეარხია გოგონა.

— ნუ ტირით, გესმით! ჯერ ხომ არაფერი მომხდარა?

— მეც არ ვიცი, რატომ არ წავედი, — ქვითინით ჩურჩულებდა იგი. — არ ვიცი... მეშინია, ვაითუ ჩემი მშობლები იქ აღარ არიან... მაშ რატომ არ იწერებინან? საით წაიყვანეს? მე ვაგიგე... არა, კმარა ამაზე ლაპარაკი. მე ხომ ცხვარი არა ვარ, ვაგონში შემავდონ და საითაც უნდათ თავი მიკრან... ცული არავისთვის არაფერი გამოიკეთებია.

პავლემ მაგრად მოუჭირა ხელი მხრებზე, უნდოდა დაემშვიდებინა. მკერდსა და ტანზე რაღაც სიცივე მოედო, თვალები აეწვა.

— ჩვენ გვეუბნებოდნენ, იქ გამუშავებთ, ბაღებს გაგაშენებინებთო... მე ამისი არ მეშინია, მე მიყვარს ხეები. ვიცი მათი მოვლა... ბლანკამ, ჩემმა ამხანაგმა, ნომწერა, როდესაც მიდიოდა, შეეთანხმდით, რომ... მისი წერილი თანა მაქვს, გინდათ წაგაკითხოთ? თქვენ გგონიათ, მშიშარა ვარ, მაგრამ მე არ მინდა... მე ვიცი, თუ იმით ხელში მოგხვდი... მე ამას ვგრძნობ. მაგრამ იქნებ მართალი არ არის, იქნებ შიშისაგან მეჩვენება ყველაფერი. საშინელი სისულელე ჩავედინე, არა? ხმა მაინც ამოიღეთ...

პავლემ კბილები ერთმანეთს დააჭირა, სუნთქვა შეეკრა და უცებ, აღშფოთებული, წამოიძახა ისე, რომ თავადაც ვერ შეეგნო, რას ამბობდა:

— თქვენ სწორად მოიქეცით!

— ეგრე გგონიათ? რატომ?

1 საკონცენტრაციო ბანაკი ჩრდილოეთ ზეხეთში.



— ახლა გვიანლაა ამაზე ფიქრი. იმათ ხელში არ უნდა ჩაუვარდეთ. ნუ ტირით.

— რისთვის გიამბოვებ ყველაფერი? ეს ხომ მხოლოდ მე მეხება. მე კი თქვენ სახესაც ვერ ვხედავ. არც კი ვიცი, ვინა ხართ.

პავლე დაიბნა, ეჩვენებოდა, რომ იგი პატარაა და უძლური. აზრები ერეოდა. როგორ მოიქცეს? წავიდეს? არა, წასვლა არ შეუძლია. არც უნდა. მაშ როგორ მოიქცეს? პავლე ჩუმად გასცქეროდა გაზაფხულის ღამის წყვდიადს. შორიანლო სკამებზე ორი-სამი შეყვარებული წყვილი ჩამოვდა. პავლე ხელდავდა მათ სილუეტებს და ანთებულ სივარტეს. მდუმარე გოგონასაკენ იბრუნა პირი; ის სულ ახლოს იჯდა, სიცივისაგან კანკალებდა და ჩემოდანს მკერდში იკრავდა. პავლე დაძაბული ფიქრობდა. უცებ თავში აზრმა გაუღრბინა, — გიჟური, უაღუნური გადაწყვეტილებაა. მას ვერ წარმოედგინა და არც შეეძლო წარმოედგინა, რა მოჰყვებოდა ამ გადაწყვეტილებას, მაგრამ ეს იყო ვაკაცის შესაფერი გადაწყვეტილება. პავლე მისმა სიმარტივემ მოხიბლა.

სივარტეტი მოსწია, ასანთი ბალახში ისროლა და მტკიცედ წამოდგა. ერთი ხელი გარინდებული გოგონას ჩემოდანს ჩაავლო, მეორე ოდნავ მოხვია მხრებზე და წამოაყენა.

— წამომყევით. ნუ გეშინიათ. ცუდი არაფერი მოგელით.

ერთი ქუჩა, მეორე, მესამე. მიდიან სიბნელეში, სახლების კედლებს ეკვრიან, პავლეს ერთი ხელი გოგონას მხრებზე მოუხვევია, მეორით ჩემოდანი მიაქვს. გოგონა მორჩილად მისდევს, წინააღმდეგობას არ უწევს. მიწაზე ფარნების მკრთალი, მოლურჯო სინათლე იფრქვევა. ჩაბნელებული ფანჯრები წყვდიადს გასცქერიან. პავლეს გოგონა მიჰყავდა ნაცნობი ქუჩებით, სადაც თვალებზე უფრო მეტად გაგვლა; ათასჯერ უფელია აქ მარტოკას, ახლა კი გვერდით მისდევს პატარა, მდუმარე გოგონა. ხანდახან ვინმე გაივლის, ჩაიჭროლებს ავტომანქანა, გაიგრიანებს ტრამვაი და ჭრიალით დაიკვნესებს გაჩერებასთან.

სახურაგების ზემოთ ციმციმებენ ვარსკვლავები.

— მოვედით! ნელა მომყევით!

მძიმე გასაღებით ვააღო კარი, გოგონას ხელი ჩაჰკიდა და ბნელი კიბით პირველ სართულზე აიყვანა. ბოქლომში დაიზრიალა პატარა გასაღებმა. ოთახში შეხუთული ჰაერი და თამბაქოს სუნი იდგა. პავლე პირველი შევიდა ოთახში.

გოგონაც შემოვიდა და კარი დაიხურა. „მგონი არავის დავუნახივართ, — გაიფიქრა პავლემ. — სინათლე არ უნდა ავანთო!“. სიბნელეში ფანჯარასთან მივიდა და გამოაღო. ოთახში სუფთა ჰაერი შემოიჭრა. შემდეგ ისევ დახურა და ქაღალდის მძიმე ფარდა ჩამოუშვა. შეამჩნია, რომ მარცხენა მხარეს ქაღალდი ჩამოხეული იყო და ოდნავ ატარებდა სინათლეს. „უსათუოდ უნდა დავაწებო“, — გაიფიქრა პავლემ ვინ იცის მერამდენედ. ხელის ფათურით მოქებნა მავიდის ღამ-პა და ჩართო.

პატარა ღამამამ ოთახი მკრთალად გაანათა. პავლე სტუმრისაკენ მიტრიალდა. გოგონა კვლავ გაუნძრევლად იდგა კართან, ჩემოდნის გვერდით, და შიშველ კედლებს ათვალერებდა. გოგონა გონს ვერ მოსულიყო. მისი შავი თვალები თითქოს ეკითხებოდნენ: „სადა ვარ? ვინა ხარ შენ? რად მომიყვანე აქ? რა ვინდა ჩემვან?“

პავლე მიუხვდა გოგონას:

— მოწყვეტ. აქ იცხოვრებო.

ხოლო როცა სტუმართმოყვარული უბრალოებით დაეშვა ძველ ჭრიალა სკამზე და ბავშვურად გაიღიმა, გოგონაც გათამამდა, ფრთხილად ჩამოვდა ტახტის კედელზე, თითქოს არა სჯეროდა მისი რეალურობა და ამოიოხრა. მიმოიხედა და



ცნობისმოყვარეობით შეხტა ძველ ზამზარებზე. მორცხვად გაიღიმა და პავლეს შეხედა.

- აქ ძალიან კარგია.
 - არც ისე. სამაგიეროდ საფრთხე არ მოგელით. აქ არავინ არ მოვა. მე პავლე მქვია.
 - მე კი ესთერი.
 - უჩვეულო სახელია.
 - მამას ხშირად უცნაური იდეები მოსდისოდა თავში. არ მოგწონთ ეს სახელი?
 - მე ევ არ მითქვამს. უჩვეულოა და მეტი არაფერი!
- პავლე წამოდგა, ოთახში გაიარა, თან აუხსნა ყველაფერი, რაც აუცილებელი იყო:

— აქ მატყლის საბანია, თან მიმაქვს ხოლმე, როდესაც ქალაქკარეთ მივდივარ. ამიტომ თივის სუნი ასდის. აი ფინჯანი, კარადა, საკიდი. ეს კარი სახელოსნოში გადის, დღისით იქ არ ვახვიდეთ. კარი გასაღებით ჩაკეტეთ ხოლმე. დღისით ჩუმად იყავით, გვერდით მუშაობენ, კარგი? პირისაბანი და საპირფარეშო კარს უკანაა, დილას და საღამოს გადით ხოლმე... არავითარ შემთხვევაში კიბეზე არ გამოჩნდეთ. რადიო არ ჩართოთ. ხომ აასრულებთ? არ დაივიწყოთ შუქშენილება, ვიდრე სინათლეს ჩართავდეთ. შუშაბანდიდან ყველაფერი ჩანს. დანარჩენზე მე ვიზრუნებ... კიდევ... არ დამავიწყდეს...

საკუთარი თავი საკმაოდ სასაცილოდ ეჩვენა. ბოლოს დაჯდა გოგონას პირდაპირ და შეხედა. მხოლოდ ახლა, სინათლეზე შეამჩნია, რომ იგი ლამაზი იყო. შავი თმების ქვეშ სახე საკვირვლად თეთრი მოუჩანდა. მართალია, კლასიკური ნაკეთები არ ამშვენებდა, მაგრამ წუნს ვერ დასდებდით, ისეთი მეტყველი სახე ჰქონდა. ხშირ, გადაბმულ წარბებქვეშ უბრწყინავდა შავი თვალები, რომლებიდანაც ღამე იცქირებოდა. მშვენიერი იყო ეს დამფრთხალი, გულში ჩამწვდომი და გაოცებული თვალები. პავლემ თვალი ააყოლა ყვითელვარსკვლავიან თეთრ კოფტას და წამსვე თვალი მოარიდა. ოდნავ თავბრუ დაესხა. გოგონას თმას რაღაც უცნობი სურნელება ასდიოდა.

პავლემ შეხედა და მხნედ გაუღიმა.

- ისევ გეშინიათ?
- აღარ გეშინია. სულ არა!

გოგონამ თავი გააქნია, მაგრამ როდესაც პავლეს მხერა დაიჭირა, თვალები დახარა და დაღონდა. პავლე წამოდგა და საათს შეხედა. თერთმეტის ნახევარი გამხდარა. ღმერთო ჩემო, უნდა იჩქაროს, უკვე გვიანაა.

— მოხვალთ? — ხმადაბლა შეეკითხა გოგონა და თვალებში მიაშტერდა. პავლე ამჟამად იდგა მის წინ, აღსავეს თავისი მამაკაცური უპირატესობის შეგნებით. თავს კარგად გრძნობდა და შავ ფიჭრებს იშორებდა.

პავლემ თმაზე ხელი გადაუსვა და ძალზე გაუხარდა, რომ გოგონამ უკან არ დაიხია.

— მოვალ, — უპასუხა მხიარულად. — ხვალ მოვალ! ნუ გეშინიათ, აქ არაფერი დაგემართებათ. საერთოდ ყველაფერი კარგად იქნება, აი ნახავთ! მოდი „შენობით“ ვილაპარაკოთ, ესთერ, კარგი?

პავლე ქარივით მიჰქროდა შინ. ახლოს ცხოვრობდა იმ ძველ სახლთან, სადაც ესთერი დატოვა: მარდი სიარულით ათ წუთში იქნებოდა შინ, სირბილით კი ხუთი წუთიც ეყოფოდა. პავლემ სირბილი ამჯობინა. მირბოდა და თავს იმშვიდებდა, „მოხსუტებს“ — ასე ეძახდა მშობლებს — ალბათ უკვე ძინავთო.



იან ობჩინაშვილი * რომიო, ჯულიეტა და ფაველალი *

მათ არ ეძინათ. სამზარეულო მაგიდას უსხდნენ პირისპირ მდუმარედ. მამამ მრავალმნიშვნელოვნად გახედა მალფიძარა საათს. დედას ცრემლებისაგან თვალები შეშუპებოდა. ესლა აკლდა! თავი დამნაშავედ იგრძნო და თვალი აარიდა, მივიდა ჩამქარალ ღუმელთან, ცივი ყავის დასხმა დააპირა, თუმცა სულაც არ უნდოდა დალევა. დამახულ სიჩუმეში საათი უსიამოდ წიკწიკებდა.

— როგორ გგონია, ცოტა ხომ არ დაიგვიანე? — თქვა ბოლოს მამამ. — ეგებ ინებო და მიზეზი გვითხრა? შენ ხომ იცი, რომ მე და დედაშენს ჯავრი გვექნებოდა.

პავლემ თავი მოიკატუნა, თითქოს ვერაფერს მიხვდა და მხრები აიჩეჩა.

— პატარა ხომ აღარა ვარ, — უპასუხა მან არცთუ დიდი დაბეჯითებით.

დედამ ხელები მოკუმშა, ნიკაპი აუკანკალდა მღელვარებისგან.

— ხომ გითხარი, კინოში მივდივარ-მეთქი. გამოცდის შემდეგ თავი ამტკივდა... შემდეგ... ქუჩაში ცოტა ვისაუბრეთ მე და ვოიტამ...

— ვოიტამ? — ცივად გაიმეორა მამამ და წარბი აზიდა.

პავლემ თავი დაუქნია. დაიჭირა გამომცდელი მშერა და შეტორტმანდა. მოხუცებულობით წელში გატეხილი თერძი წამოდგა, არაფერი უთქვამს და შვილს ზურგი შეაქცია. პავლეს ერჩინა მოხუცი მივარდნოდა და გაეღახა... თერძმა გულმოდგინედ ჩასდო სათვალე ბუდეში, დაკეცა ვახუთი და კარადაში შესდო. თავი გააქნია.

— მე კი მეგონა, ჩვენ ერთიმეორეს არასდროს ტყუილს არ ვეტყუოდით... დამაცა, ნუ მაწყვეტინებ სიტყვას! ვაგვიგე, ჩემო ბიჭიო! მძიმე დროს გვიხდება ცხოვრება, შენ კი ძალიან ახალგაზრდა ხარ... კარგი, ეს არაფერი! მალე თერთმეტი საათი შესრულდება. არ ჩაგაცვიდები, სად იყავი-მეთქი, თუმცა ვიცი, რომ ტყუილი თქვი. დიახ, ტყუილი...

„ნეტავი რა იცის? — ფიქრობდა პავლე, — რა ვუთხრა? სიმართლე? მერე რას მიპასუხებს? რომ ჭკუაზე შევიშალე? რასაკვირველია! არა, უნდა მოვიცადო, მოვისინჯო, ეგებ ხვალ... დღეს ტყუილის თქმა სჯობს“, — გადაწყვიტა პავლემ დაღონებით.

— მერე რა მოხდა? — შეეკითხა საქციელწამხდარი პავლე.

— რა მოხდა? მაინცდამაინც არაფერი. ვოიტამ შემოიარა, შენ გიკითხა. სხვა არაფერი.

რა უნდა უპასუხო, თუ არ გინდა რომ უფრო ღრმად ჩაიფლო სიცრუეში? არაფერი. კრიჭა შეჰკარ და თვალი აარიდე. და გაჩუმდი.

იმ ღამეს პავლეს ერთმანეთის საწინააღმდეგო გრძნობებით აღსავსეს დაეძინა. რა შეიცვალა ამ საღამოდან? მას შიში და უცნაური სიხარული, ცნობის-მოყვარეობა და სიამაყე დაეუფლა. გოგონას ესთერი ჰქვია. რა სახელია! და პავლემ გადაარჩინა იგი. რა თქმა უნდა! აბა სად წავიდოდა? პავლე გულადმა გადმობრუნდა და ხელები თავქვეშ ამოიდო. დიდხანს შესტკეროდა ჭერს, ცდილობდა წარმოედგინა გოგონას თეთრი სახე და დიდრონი შავი თვალები. მღელვარებისაგან ძილი გაუკრთა. არა, უნდა დაიძინოს, დაიძინოს, ხოლო როგორც კი ინათებს, მასთან წავა...

ხვალ, ხვალ!

მეორე დღეს ქალაქის ყველა რადიომ გამოაცხადა, რომ 1942 წლის 27 მაისს დილით, პრალაში, რბერის პაულიტერ პეიდრიხს თავს დაესხნენ. ვილაცის მტკიცე, თანაბარი და უსახო ხმა, ხმა-მანქანა, რადიომ რომ მოჰფინა მიუჩნებულ ქუჩებს, ზედ დააწვა სახლების კედლებს და ექოდ დაიფშვნა.

პავლეს ეს ხმა მათი ქუჩის კუთხეში დაეწია. სუნთქვაშეკრულმა მიაყურადა.

პირველად მხოლოდ ცალკეული სიტყვები გაარჩია. სხვა გამვლულზემაც გერა...
 იგეს რა... ყველას კითხვა აღბეჭდოდა თვალეში.

მაინც რა მოხდა? მოისმინეთ!

...ბოროტმოქმედთა დაჭერისათვის... ათი მილიონი კრონი... ობერლანდრატის რაიონში... საგანგებო მდგომარეობა... ოცდაერთი საათის შემდეგ სახლიდან გამოსვლა აკრძალულია... ყველაფერი იკეტება... ვინც აღნიშნული დროის შემდეგ ქუჩაში გამოვა, დახვრეტილი იქნება...

ამის გამოცხადების შემდეგ უცნაური სიჩუმე ჩამოწვა. ტრამვაიმ გულგრილად ჩაიქროლა ცენტრალური მოედნისაკენ.

კვლავ გაისმა რადიოს ხმა...

III

სადილობის შესვენება იყო. ჩეპეკი იჯდა სკამზე და დაღვრემილი შეექცეოდა ქვაბიდან უნორცო გულიაშს, ბეცად ჩასცქეროდა სათვალეებიდან და ამ „სასუსნავ“ კერძს უხეირო ლუღს აყოლებდა. — ეს ხომ იდიოტიზმია, — აღელვებით განაცხადა ქარგალმა ჩეპეკმა. არავინ არ უბასუბა. ყველასთვის ცნობილი იყო, რომ თუ ჩეპეკის მგლოტ თავში რაიმე უგუნური აზრი ჩაიბუღებდა, იქიდან მას ვედარავინ გამოდენიდა. ბუტბუტებს ოსტატი და ფრთხილად ავლებს თვალს სახელოსნოს. მათ გარდა სახელოსნოში კიდევ ორნი არიან: ქოჩორა შეგირდს პეპიკს ცოცხი უჭირავს და გვის. მას პოლიტიკა არ იზიდავს, საკუთარი ინტერესები აქვს. მეორე პავლეა. იგი ფანჯარასთან ზის, სახაზავს უკაუნებს საუთოებელ ფიცარს და ფანჯარაში იცქირება.

შუადღის შზე მოპირდაპირე სახლის კედელს მიადგა.

სახელოსნოს რომ ავლებს თვალს, თერძი მშვიდდება. ოჰ, ეს ჩეპეკი რა შფოთის თავია! სხვისა რა მოგახსენოთ და თვითონ კი კარგად იცნობს მას. პირველი მსოფლიო ომის შემდეგ მუშაობენ ერთად, და მშვენივრად იცის თავისი თანამშემწის უკიდურესი შეხედულებანი. ხშირად იმდენს კამათობენ, რომ ორივეს ყელი ჩაეხრინწება, მაგრამ ეს მათ მეგობრობას ხელს არ უშლის.

ოსტატი იმასაც კი უთმენს ჩეპეკს, მეტისმეტად ფრთხილი ხარო, რომ ეუნება, და ეგ სისხლში აქვს გამჯდარი ყველა ხელოსანსო. ისაყვედუროს რამდენიც უნდა, — ახლანდელ დროს სიფრთხილე თავს არ ატკენს. ახალგაზრდა აღარაა და ხელოსნის პატივმოყვარეობა, ოდესმე თუ ჰქონდა კიდევაც, რა ხანია დაავიწყდა. მას კისერზე ოჯახი აწევს, პავლე ჰყავს. ის უნდა გაზარდოს, ფეხზე დააყენოს. ახლა ყველაზე სწორი ისაა, რომ ენას კბილი დააჭიროს. ჩეპეკი კი მარტოხელაა, საღამოებს სალუდები ატარებს, რომელსაც „ეშმაკთან“ ჰქვია, უხეირო ლუღს სვამს და კარტს თამაშობს. იქ იციან ასეთი ლაყბობა!

— ერთი მკვლის მოკვლა მთელი ხროვის გაწყვეტას არ ნიშნავს, — მსჯელობს ჩეპეკი ჩახრენწილი ხმით. — აბა, ერთი გაზეთს გადახედე! აირევა მონასტერი! აღმაცურად გახედავ — მორჩა, ბაჰ-ბუჰ! ახლა ნაცისტები ჩვენზე ამოიყრიან ჯაგრის... — სათვალის ქვეშ თვალებს ქუთავს, გაზეთს კითხულობს და გაუპარსავ ნიკაბზე ხელს ისვამს. საძაგელი ჩვეულება აქვს — გაზეთს ხმაშაღლა კითხულობს ხოლმე, თან დამცენავ კომენტარიებს უკეთებს.

— აბა ერთი მოისმინეთ! „დიდი გამარჯვება ხარკოვთან“. დამიხედეთ გერმანიას, რა ყოჩაღია! ანდა ეს...

ოსტატი ითმენს, სკამზე ცმუტავს. არ უნდა ენა შეუბრუნოს. აბა ერთი ხმა ამოიღოს! ეს ენაჭარტაღია ისეთ ყვირილს ასტეხავს, რომ... ახლა კი კედლებსაც ყური აქვთ. დროდადრო ოსტატი გამომცდელი თვალით უცქერის შვილს და ცდილობს დაპარაკი ყველი შემკვეთის კოსტუმის დამთავრებაზე გადაატანოს. მაგრამ წყველი ჩეპეკი ანკესს არ ედება: არაფერია, მოიცდისო!

— ერთი ყური დაუგდე! როგორი ხელგაშლილები გამხდარანი! — გაზეთს თითს უპარტყუნებს ჩეპეკი: — „ათ მილიონს მიიღებს ის, ვინც აღმოაჩენს ქალის ველოსიპედის, ქუდისა და პორტფელის პატრონს“.

— აბა, პეპოკ, გეყოფა ცხვირის ჩიჩქნა. მოირგე ეს ქუდი, ვნახო, თავზე როგორი იქნება. მაგის ფული ძალიან მჭირდება! წავიკითხოთ შენმდე: „ის პირნი, ვინც პრო... პროტინტოკრატში ჩაუწერლად ცხოვრობენ, მოვალენი არიან დაუყოვნებლივ ჩაუწერონ. ვინც ამ ბრძანებას შაბათამდე არ შეასრულებს... დახვრეტითი იქნება. დახვრეტითი იქნებიან ის პირნიც, ვინც ჩაუწერლად მცხოვრებლებს დაფარავენ...“ ჰმ-მ... აბა ერთი მაგიდის ქვეშ შევიხედო, ვინმე იმათგანს ხომ არ ვმალავთ, თავდასხმაში რომ მონაწილეობდა, — დაურთავს ბოროტად ჩეპეკი და შუბლმეკრული თვალს შეავლებს პატრონს. — მე შენ კარგად გიცნობ, ალოიზ. შენთვის მთავარია — არაფერი ცუდი არ გამოვიდეს!

- გაჩუმდები თუ არა, — დარდიანად ჩურჩულებს ოსტატი.
- ვითომ რაღაო! აქ თეთრზე შავად წერია, მე კი არაფერი დამიმატებია! სულს შემხუთველ სიჩუმეში საუთობებელ დაფაზე სახანავის კაკუნი ერთ-ბაშად შეწყდა. თერძი ფანჯრისაკენ მიტრიალდა. ბიჭი ოდნავ წახრილი ზის და გასცქერის ქუჩას, რომლის ჭილაქანი მუქ ჩრდილს გადაუსვრია.
- უკანასკნელ დღეებში რატომღაც არ მოსწონს შვილი, ძალიან ჩუმია გახდა.
- რა დაგეშართა, პავლე? უქეიფოდ ხომ არა ხარ?
- არა. აქ შეხუთული პაერია.

ასეთმა იძულებითმა ტყუილმა, კითხვებზე პასუხის გაუცემლობამ მამასა და შვილს შორის უკეთური დაძაბულობა შექმნა და აღმართა მინის კედელი — კითხვები წვიმის წვეთებით მისრიალებენ ზედ.

— აბა შენ რა გესმის? — ჩაერია ლაპარაკში ჩეპეკი. — ახლა გამოცდების ჩაზარება არც ისე ადვილია.

პავლეს სახანავი ხელიდან გაუფარდა და ფიცარზე დაეარდა; იგი წამოდგა, თავი ჩაღუნა, ორ საკერავ მანქანას შუა გაიზრინა და სანამ რომელიმე მათთაგანი გამოერკვეოდა, კარი მოიჯახუნა.

- პავლე ქუჩაში გარბის, გვერდით კი მისდევს კითხვა: „რა გემართება?“
- ოჰ, ნეტა ვინ გაუძღებს სულ ერთთავად ასეთ ლაპარაკს, უსარგებლოს, ძველი შარვალივით გაცვეთილს. მამამისის შეხედულებანი! პავლე გაურბის მათ, გავარვარებულ ქუჩაზე მირბის, მირბის უმიზნოდ, საითაც თვალი უჭრის.

აი ნაცნობი ვიტრინები: საფუნთუსე — როდესაც პატარა იყო, შაურიან ნამცხვარას ყიდულობდა აქ; ფეხის წვერებზე აიწვედა, ხელს გაშლიდა და მუჭში გაოფლიანებულ ფულს გაუწვდიდა ხოლმე. საფუნთუსე გვერდით, რამდენიმე ნახიჯზე, მოჩანდა ფრანტიშე ტერებას ძიხვეულის დუქნის ფანჯარა, ომს რომ გამოეწვრია. ეს ის ტერებაა, რომელსაც თითები ცხელი წყლისაგან საზიზღრად აქვს დასიბუღი. იგი თვითონ უხარშავდა ხოლმე მუშტარს ძიხვს. ახლა ყოველნაირ პროდუქტს სასურსათო ბარათებით იძლევიან, მეძიხვე დუქანში მოწყენილია, დათუთქული ხელები უშუშდება. მენახშირის სარდაფის კიბესთან სასაცილოდ ხტუნავს ფრთხვამეჭირილი ჭილყვაგი. ქუჩა, სახლები, კირჩამოცვენილი კედლები, რომლებზეც არც მთლად კდემამოსილი სურათებია დახატული—ყველაფერი კარგად ნაცნობია. ეს მისი საწყაროა, აქ ურბენია ბავშვობაში ფეხბურთის თამაშისაგან ცხვირგახეული ფეხსაცმლით; „მეთერთმეტე ბინაში მცხოვრები თერძის ბიჭია!“ — ზოგი მეგობრულად გაუღიმებდა, ზოგიც წკაპურტს ჰკრავდა შუბლზე, მიდუქნის ცოლი კი უცებ დიდსულოვნად გაუწოდებდა კამფეტს: „დაიჭი, პავლე, შენ ეს დაიშახურე“. ეს ყველაფერი წარსულში დარჩა. შენ ახლა დიდი ხარ, „თქვენობით“ გელაპარაკებიან, ძველი ბურთი სამუდამოდ შეგორდა სადღაც ბნელ კუთხეში, კამფეტი კი მგონი აღარც არსებობს ახლა!

მოგონებებიდან გამოერკვა და შენიშნა, რომ ნაცნობ პარკში მირბოდა; შეჩერდა, რადგან გააცნა იმ განსაკუთრებულმა ინტუიციამ, სწორედ იმ ადგილისაკენ რომ უნიძგებდა. შადრევანი ცაში წყლის ზვირთებს ისვრის, ალერსიანი ნიავი ალღწილ სახეში აშხეფებს წყლის მტვერს.

აქ, აქ! პავლე ჩამოჯდა სწორედ იმ ყოვლად ჩვეულებრივ სკამზე, რომელიც არაფრით გამოირჩეოდა სხვა სკამებისაგან, და სკამის გადაქერცლილ ზურგს ხელი გადაუსვა. აქ, ამ სკამის ბოლოს იჯდა ის, მეორეზე კი — თვითონ. ყმაწვილი გაირინდა, სახე ხელეშში ჩაირგო. ხანდახან ვინმე გამგელელის ფეხის ხმა თუ არღვევს სიჩუმეს; ხან მზე ფაფუკ ღრუბელს ეფარება; შორიდან აღწევს ქალაქის ხმაური, ფიქრებს კი თვითმფრინავის თანაბარი გუგუნის უფანტავს.ამავე დროს დახვრეტელი იქნებიან ის პირნიც...“ შენ იცი, რა გემოსია შიში? მლაშეა, მაგრამ მარილს არა ჰგავს. შიშია ის საკვირველი ჟრუანტელი, რომელიც უცებ გავიჯდება სხეულში და აგაკანკალებს; ორმოცფეხაა, ყინულივით ცივი თათებით რომ გადაგირბენს და გულთან მიცოცდება... და იქვე ქრება. თუ შეირხევი, წუთით მოგეშვება. არაფერიც არაა. ხომ არაფერი მომხდარა! მაგრამ... ერთი წუთის შემდეგ ისევ გაგიცივდება, აგაკანკალებს ხელები, ხელისგულებზე ოფლს დაგასხამს. პავლეს რცხენია ამ კანკალისა. ძლივს ახერხებს ფიქრის გადატანას სხვა, უმნიშვნელო მოვლენებზე. ეს ზღვის მიქცევას წააგავს. მაგრამ მალე კვლავ მოიქცევა ზღვა და წალეკვას უქადის მას. ესტერი იქაა! შემდეგ? და კვლავ ყველაფერი ერევა, ღრუბელი, რომელიც მზადაა საშინელ ჭექა-ქუხილად გადმოსკდეს — და სტიქიური სიხარული, ბოშოქარი მგლოდია, გულიდან ამოხეთქვას რომ ლამობს ყველაფრის საწინააღმდეგოდ. ის იქ არის, მერე კი რაც იქნება, იქნეს!

გუშინ დილას — რა დიდი ხანია მას შემდეგ — პავლეს თავის ოთახში გაეღვიძა... თითქოს ყველაფერი ჩვეულებრივად იყო: წიგნები, ას მეტრზე სირბილში გამარჯვებისათვის მიღებული სიგელი, იაფფასიანი ფოტოაპარატი; გალიაში ფრთხილებს იადონი, გარეთ რიყრაკი დგება. მხოლოდ თვალები უნდა მოესრისა, წამომხტარიყო და დავუს შედგომოდა. „გამოცდების შემდეგ გამოძინება მაცალეს დღეს, — გაიფიქრა მან მადლიერებით. — მამა უკვე სახელოსნოში იქნება, დედაც კი ალბათ მალაზიებზე მიიტანა იერიში“.

პავლემ ისაუბრა და სირბილით მოუსვა ძველ სახლისაკენ, აირბინა კიბე. მოუთმენელი ცნობისმოყვარეობა აჩქარებდა. მიიხედ-მოიხედა და გასაღები გადაატრიალა.

გოგონა ტახტზე იწვა, კედლისაკენ მიბრუნებულს ბალიში ჩაერგო პირისახე და ეძინა. პავლეს თვალში ეცა სქელი, კუპრივით შავი გაშლილი თმის ტალღა და სხეულის მოყვანილობა. გოგონა ზურგზე გადმოტრიალდა და დაჭმუჭნული საბანი მტვრიან იატაკზე ჩამოუცურდა. პავლემ საბანი დაახურა და მის სახეს დააკვირდა. მძინარე გოგონა უფრო პატარა და უმწეო ეჩვენა. მშვიდი სუნთქვა უცებ ღრმა ამოხვრამ შეაწყვეტინა, ტუჩებზე თვინიერმა, ბავშვურმა დიმილმა გადაურბინა.

წესრიგი ჰყვარებია! პავლემ შეამჩნია, რომ ძილის წინ ზოლიანი პიჯამო ჩაეცვა, კაბა დაეცევა და სკამზე დაედო, ფეხსაცმელი ტახტთან დაელაგებინა და გულმოდგინედ გაესწორებინა. ყვითელვარსკვლავიანი ჭკაეტი სკამზე გადაეკიდა. პავლე შესცქეროდა და გერ ბედავდა ადგილიდან დაძვრას ან თავისუფლად ამოსუნთქვას. მერე ფეხაკრფით მივიდა კართან და სახელურს ხელი შეასო. გადაწყვიტა გვიან გამოეფლო, როცა გოგონა კარადიღვიძებდა. ფრთხილად გაიხურა კარი და შინისაკენ მოუტრცხლა. რაღაც უნდა მოიფიქროს! რაღაც უნდა იღონოს! კიდევ კარგი, სკოლაში აღარ უწევს სიარული. ახლა მას უფრო დიდი საზრუნავი

გაუჩნდა, ვიდრე ლათინურის ან გერმან გერინგის ბიოგრაფიის ზუთხვა იყო.

როდესაც შინ მივიდა, დედა თავისი ლაშქრობიდან ჯერ კიდევ არ დაბრუნებულიყო. „რა სულელი ვარ!“ — შუბლზე ხელი იტყია. გოგონას ხომ საქმელი უნდა, თუმცა ეს სისულელია და სასაცილო, მაგრამ ასეა.. პავლემ საკუჭნაო გაალო, სწრაფად მოჭრა პურს ორი სქელი ნაჭერი, წაუსვა მარგარინი, ბოთლში ყავა ჩაასხა და როდესაც ჯიბეში ილაგებდა, დედაც მოვიდა. პავლე აწრიალდა. რა დავმალემა დედის მახვილ თვალს! ნუთუ ვერაფერი შენიშნა? „დედიკო, პური ავიღე და წავედი“.

პავლემ შვებით ამოისუნთქა, როცა დედის თვალს მოეფარა. რა მოხდება, ბიჭებს რომ გაანდოს საიდუმლო? მათ შეუძლიათ დაეხმარონ! არა, არ შეიძლება. დიდი ამბავი ატყდება! დუმილი სჯობს.

როცა სირბილით დაბრუნდა გოგონასთან, მას ისევ ეძინა.

გვერდით მიუჯდა და დაელოდა. ელოდა. დრო შეუმჩინებლად გადიოდა. პავლეს ყველაფერი დაავიწყდა.

სახელოსნოდან მამის ხმა ისმის, ეს ხმა სავსეა შემკვეთის წინაშე ხელოსნის იმ უსიამოვნო, გადაჭარბებული მორჩილებით, ასე რომ სძულს პავლეს. ისმის პარკეტის ჭრიალი და უთოს შიშინი; შუშაბანდში ვიღაც ქალი სარეცხს ფენს და ნამძინარევი ამთქნარებს. გამურული მებუხრე ეზოში მიდის და ამომტვრეულ ქაფენილზე თიხით სავსე კალათს მიათრევს.

პავლემ ვერ შეამჩნია როგორ აუცაცხახდა გოგონას წამწამები. თვლები უცებ ფართოდ გაახილა. პირველ წუთს გოგონას თვალების გამომეტყველება უაზრო იყო. პავლემ ვერ შეიკავა ღიმილი.

გოგონა სწრაფად წამოჯდა, კისერთან შეიკრა პიჯამოს საყულო და შიშით სავსე თვლებით შეხედა პავლეს.

— სადა ვარ?

— სსს! ჩუმად!

პავლემ გამაფრთხილებლად გაიშვირა თითი სახელოსნოსაკენ.

— ჩვენ ხომ უკვე ნაცნობები ვართ. თქვენ დაგავიწყდათ... შენ დაგავიწყდა! გოგონას გაახსენდა და შვებით ამოიოხრა.

— ვიცი. შენ პავლე ხარ?

— პავლე ვარ.

— იქ...

— იქ მამაჩემია. მისი სახელოსნოა. ის თერძია. გუშინ ხომ გიამბე.

გოგონამ თავი დაუქნია. ახლა კი ილაპარაკებს ჩურჩულით. მას ყველაფერი ახსოვს. შემდეგ თითქოს მოისაზრა, რომ ჩაცმული არ იყო. დაიბნა, გაწითლდა და თავი ჩაღუნა.

— უნდა ჩავიცვა, — თქვა დაბნეული ღიმილით.

— წავიდე?

— არა, არ წახვიდე, გეთაყვა! მარტოკას მეშინია. ღამე რაღაც შრიალებდა, იატაკზე ვიღაც დარბოდა.

— თაგვები იქნებოდა, ნუ გეშინია, თაგვები აქ არ არიან.

— მართლა?

— მართლა!

გოგონამ ისევ ამოიოხრა.

— მამ ყველაფერი რიგზე ყოფილა. ახლა კი იქით მიიხედ!

პავლემ რაღაცა ჩაიბუტბუტა, ფანჯრისაკენ მიბრუნდა და ხელები ჯიბეში ჩაიწყო. იგი ცოტა არ იყოს გააოცა გოგონას თხოვნამ — არ წახვიდეო. პავლეს ესმოდა იატაკზე ტიტველა ფეხების ტყაპუნი, ფეხსაცმლის ზაკუნი, ტანსაცმლის შრიალი. სისხლი საფეთქელზე მოაწვა, სხეული გაუშეშდა.

— ახლა მოიხედ.

პავლე წელა მოტრიალდა, თითქოს ეს ყველაფერი მისთვის არავითარ ინტერესს არ წარმოადგენდა, და უდარდელი გამომეტყველება მიიღო. გოგონას ისევ ყვითელვარსკვლავიანი ჟაკეტი ჩაეცვა და გაწეწილ თმას ივარცხნიდა. ტუჩები მაგრად მოეყუმა და ისე დაუზოგავად ივარცხნიდა, სქელ თმას სულ ტკაცატკუცი გაუდიოდა. პავლეს მისწონდა გოგონა, თუმცა მას სახე ჯერ ისევ ნამძინარევი ჰქონდა. გოგონამ დაამთქნარა და კატასავით გაიზმორა.

— ოჰ, როგორ გამოვიძინე! ნეტავ ისე დამამძინა, რომ აღარ გამომეღვიძოს, ვიდრე ყველაფერი არ დამთავრდება და ჩვენები არ დაბრუნდებიან. ან... ან სულაც აღარ გამომეღვიძოს!

— ნუ ამბობ ასე, — სიტყვა გააწყვეტინა პავლემ. — ასე არ უნდა ილაპარაკო.

— შენთვის ადვილია მაგის თქმა — ასე არ უნდა ილაპარაკო! მე კი ახლა ისე მიმძიმს ამქვეყნად ცხოვრება!

— ასეა თუ ისე, შენ ასე აღარ ილაპარაკო, ხომ?

— აღარ ვილაპარაკებ, თუ შენ არ გინდა!

გოგონა ტახტზე ჩამოჯდა, თმის ვარცხნა განაგრძო და პავლეს შეხედა. პავლემ თითოთ აჩვენა ყვითელ ვარსკვლავზე.

— ეგებ ეს მოიხსნა?

— რადა? განა ცუდია?

— მე ევ არ მიფიქრია! — უბასუხა საჩქაროდ. — მაგრამ რა საჭიროა? — მე მგონია, აქ არ გჭირდება მაგის ტარება.

გოგონა დაფიქრდა და თავი ჯიუტად გაიქნია.

— არა... ჩვენ აკრძალული გვაქვს უვარსკვლავოდ სიარული. გესმის? მე დამნაშავე არა ვარ, და არცა მრცხვენია. მამაც ატარებს ასეთს. ბლანკაც.

— მე არ ვაძალებ. მხოლოდ... ცოტა საქმელი მოგიტანე. გშია?

— ძალიან! ნუ იცინი. უშუშინ დილას აქეთ არაფერი მიქამია. ქალაქში დავდიოდი და პავლევიით ვღრიალებდი და ვღრიალებდი. თუმცა მამილამ საქმელი შემიხვია, მაგრამ სადღაც სანაპიროზე დამრჩა. თავგზა სულ ამერია.

ხარბად ჩაკბიჩა პურის ყუა და თან სუროგატის უშაქრო ყავა დააყოლა. თვალის დახამხამებაში გააქრო ყველაფერი და ტუჩებზე ნამცეცები მოიწმინდა. პავლე დაფარული სიხარულით შესტქეროდა მას. თუმცა გული დარდით ჰქონდა საგსე. პატარა, მშვიერ და ლამაზ ცხოველს წააგავდა გოგონა. გოგონამ მოკრძალებული დიმილით გადაუხადა მადლობა. პავლემაც პასუხად მხნედ გაუღიმა და ფეხმომტრეულ სკამზე ჩამოჯდა.

— კარგი მადა გქონია!

გოგონამ დასტურის ნიშნად ისე მაგრად დაიქნია თავი, რომ თმა შუბლზე გადმოეყარა.

— საშინელი! მამა ღორმუცელას მეძახდა. ადამიანი კი, თითქოს ჯინზე სწორედ მაშინ გამგელდება ხოლმე, როდესაც საქმელი არაფერი აქვს. ჩვენ მუდამ საშუალოდ ვცხოვრობდით, ბოლო დროს კი მთლად გაგვიჭირდა. ზოგჯერ რომელიმე ძველ პაციენტს მოაგონდებოდა მამა და რამეს მოგვიტანდა. ღამე შემოდებდნენ ხოლმე ფანჯრის რაფაზე. მე დავეწვიე ამას და დილდილობით ვეძებდი, ხომ არაფერი დევს-მეთქი. ერთხელ ხორცი მოგიტანათ... მამა უყვარდათ. ამბობენ პროცინციელი ექიმები უხეში ხალხიაო, მაგრამ მამაჩემი კარგი ადამიანი იყო, არავის არ უყვიროდა...

ის წარსულს იგონებდა, თითებგადაქდობილი ხელები მუხლებზე ელავა, სახეზე ნათელი ადვა.

— ზაფხულში უკეთ ვცხოვრობდით, ბაღა გვქონდა, იქ წინათ დედაჩემის

ვარდები და გიორგინები ჰყვოდა. შემდეგ ბოსტნეული დავთესეთ — სტაფილო, კომბოსტო და ცოტა კარტოფილი. კომბოსტოს ფოთლებს კურდღლებს ვაჭმევდით. შენ ოდესმე გინახავს ბაჭია? სულ პატარა ბაჭია? ისეთი რბილი ტური აქვს, ხოლო როდესაც ხელზე შეგეხება, პირდაპირ... მამას კი ფუტკარი ჰყავდა. მაგრამ შენ ამას ვერ გაიგებ, კაცი ხელად მიხვდება, რომ პრადელი ხარ.

— ვითომ რატომ?

გოგონამ გაიციან:

— ისეთი ფერმკრთალი და ნაზი ხარ. სვიის ყლორტსა ჰგავხარ.

პავლეს ეწყინა:

— არაფერიც! მე ღონიერი ვარ, ასე ნუ მიყურებ, — და აშკარად შეურაცხყოფილმა წამოიწია. — დაგიმტკიცო? აბა ნახე!

და სანამ გოგონა გამოერკვეოდა, მარჯვენა ხელი მხრებზე მოხვია, მარცხენა მუხლებში ამოსდო და მალა ასწია. გაუკვირდა: გოგონა უფრო მძიმე აღმოჩნდა, ვიდრე ეგონა. იგი ორივე ხელით თავს იცავდა და კისკისებდა. პავლემ ძველ ტახტზე დასვა და შეშინებულმა თითი ტურებზე მიაღო.

— სსს! ჩუმაღ! თუ ღმერთი გწამს! — სახელოსნოზე ანიშნა და სიცილიც შეწყდა. დაღლილები იყვნენ და ჩუმაღ შესცქეროდნენ ერთმანეთს. დრო გარბოდა. პავლემ სახეზე ხელი გადაიხვა — ასე იცოდა დაბნეულობისა თუ შეკრთომის დროს.

— მართალია, — უთხრა გოგონამ მოწონებით. — ღონიერი ყოფილხარ.

პავლემ თავმდაბლად აიჩიქა მხრები.

— მეყოფა... თუ დამჭირდა.

კარს უკან საკერავი მანქანა ხმაურობდა, ეზოს გავარვარებული მზე დასცქეროდა. ეზო წაავავდა თავახდილ კოლოფს, რომელშიც სიცხის ბული იდგა. გავარვარებულ ქვაფენილზე სიცხისაგან დაოსებული კატა გარინდებულებოდა. პატარა ბიჭი ფეხბურთს თამაშობდა.

— მე წავალ, — უცებ დაარღვია სიჩუმე პავლემ.

— საქმე გაქვს?

— სადილად მელიან. მოხუცებს დარდი ექნებათ.

— მოხვალ?

პავლემ თავი დაუქნია.

— მალე?

— მალე...

— დღეს?

პავლემ დამამშვიდებლად გაუღიმა.

— რასაკვირველია, დღეს. — თქვა პავლემ, როცა კარის სახელურს სწვდა.

IV

....ეს ყველაფერი ძალიან ჰგავდა ქურდობას. პავლეს წინასწარ დაუწყებდა იოლმე გული ფართხალს და ლუკმა ყელში ეჩხირებოდა. ამ დღეებში ოჯახი დაძაბულ სიჩუმეში ვახშობდა, ჭურჭელი უსიამოვნოდ ზრიალებდა. პავლე გამლდმებით გრძნობდა მამის კითხვით სავსე მზერას და ჯიუტად თავჩაქინდრული ცქმუტავდა სკამზე. დღითი დღე უფრო გაუძნელდება თეფშის გატანა თავის ოთახში და იქ გადამალულ პატარა ქვაბში ულუფის გადაღება. რა სასწაულია, რომ აქამდე ვერაფერს ხვდებინა!

დღესაც მოახერხა! პავლე ღერეფანში ტრიალებდა, ფეხს ითრევდა, შმდეგ სამზარეულოში შევიდა, რათა მტკიცედ და ვრცელი ახსნა-განმარტების მიღცემლად გამოეცხადებინა, ჭადრაკის სათამაშოდ მიეღვივარო. ნასადილევისათვის

პავლე გავიდა ალიბი ვოიტასთან. ვოიტა დასთანხმდა, თუმცა ცნობისმოყვარეობით ჰკლავდა: „აბა ჩამოყაჭე! როგორი გოგოა?“. რაღაც კურიოზული თავგადასავალი შეთხზა, სიმართლე კი დაუმალა.

— ფრთხილად იყავი, პავლე! — ოხრავს დედა.

— ადრე დაბრუნდი. ხომ ხედავ, რა ამბები ხდება. ოხ, ღმერთო ჩემო! — და ტვინისწამლებ დარიგებებსა და შეკითხვებს მამა საყვედურით სავსე მზერას ამჯობინებს. ეს უფრო ძლიერად მოქმედებს!

მესამე დღეა, რაც ესთერი მის ოთახშია. გუშინ ძლივს მოიგონა მიზეზი, რომ დროზე წამოსულიყო შინ. რა შეეძლო ეთქვა ესთერისათვის? არაფერი! უმჯობესია, თუ სულ არაფერი ეცოდინება ამ ბოლო დროს მომხდარი ამბებისა.

პავლე ჩქარობდა, გულგახარებული მიდიოდა, თუმცა სიმშვილისაგან კუჭი ეწვოდა. შავი ქვაბი ცოცხალ არსებასავით უთბობდა მკერდს. ნადავლი თუმცა პოეტური არაა, მაგრამ ძვირფასია! რა სასაცილოა! ლაპშა ბლით — და ესთერი! ღმერთმა დაგლოცოთ თქვენ, მარგარინმოსხმულო, დაბერილო, სრიალა ლაპშებო!

და უცებ თავში გაურბინა: მარტო პურით ხომ არ ცოცხლობს ადამიანი! წიგნის კითხვაც სჭირდება, რომ დარღნა და შავი ფიქრებისაგან ჰკუპუნე არ შეიშალოს. ნეტა რაზე ფიქრობს მარტოობის უსასრულო საათებში? სად დაპქრის მისი ოცნება? უნდა იკითხოს, წიგნით გაერთოს, რომ საკუთარი ბედი დაივიწყოს და სხვათა ბედს მისდიოს. გადაწყვიტა „უან ქრისტოფის“ და „შვეიკის“ წაღება. ესთერმა უნდა იცინოს. უნდა იცინოს!

— შენ კარგი ხარ! — უთხრა ესთერმა. შუბლიდან ხელით გადაიყარა თმა და მადლობით თვალბეჭში შეხედა პავლეს. — რად ხარ ასეთი კარგი? მე ხომ ბევრი თავსატეხი გაგიჩინე.

პავლემ უარყოფის ნიშნად ხელი გაიქნია და ლაპარაკი შეაწყვეტინა. იგი პატიოსნად ცდილობდა თავიდან მოეშორებინა ფიქრი საკუთარი კეთილშობილებისა, რადგან დარწმუნებული იყო, ამისი უფლება არა მაქვსო.

— რად ხარ ასეთი?

ვაჟმა თვალი აარიდა და მხრები აიჩჩა.

— არ ვიცი... განა ისეთი რა ვქენი? ჩვეულებრივი ბიჭი ვარ. გამეგდე? შენ კი გამაგებდი?! ამას ვერც ერთი ადამიანი ვერ ჩაიდენს.

— შენ თუ გესმის, ვის მალავ? მე ხომ სრულებით არ მიცნობ?

— გიცნობ. ზოგჯერ მგონია, ათასი წელია გიცნობ.

ესთერმა გაკვირვებისგან თვალბეჭი ჰყიჭა.

— მართლა?

— მართლა. რატომ მეკითხები?

— იმიტომ, რომ მეც ასე მგონია. სისულელეა? შეიძლება. ევრე ამბობენ ხოლმე, ხომ? მე ფიქტობდი ამაზე გუშინ, როდესაც შენ ადრე წახვედი. ასე მგონია, მთელი ჩემი სიცოცხლე გიცნობ! ჩვენ კი მხოლოდ გუშინწინ საღამოს შევხვდით ერთმანეთს პარკში, სკამზე. იქნებ ადრინდელ ცხოვრებაში ვიცნობდით ერთიმეორეს, ალბათ და—მა ვიყავით, ან შეყვარებულნი! ჩემი სიყვარული უაღბლო იყო. სისულელეს ვლაპარაკობ, არა?

— რა მნიშვნელობა აქვს. მე სიამოვნებით გისმენ, — უთხრა პავლემ და გულზე სედა შემოაწია. გოგონას ხმა თავბრუს ახვევდა, რბილად უმსჭვალავდა, ნეტარებით უფორიატებდა გულს. პავლე უფრთხოდა ესთერს. სინნელეში ხედავდა მის სილუეტს; ესთერი ტახტის ბოლოს იჯდა, ხელები მუხლებზე შემოეხვია, თავი ჩაეღუნა. პავლე იქვე წამოწვა გულაღმა, ხელები თავქვე ამოიდო. „შეყვარებულნი... უიღბლო სიყვარული...“ არა! ასე არა! ადრინდელი ცხოვრებაო! თფუი! რა უსიამოვნოა ეს სიტყვები.

— იცი რა, მე არა მჯერა ეგ სისულელეები. წარსული სიცოცხლე ზღაპარია

თავქარიანი ქალიშვილებისათვის. არც ვარსკვლავებია ნაჩერტები, ზეცის ქალღმრთლის ფარდებს რომ აქვს. ვარსკვლავები სამყაროებია, მილიონობით სამყარო, ხოლო მთვარე გაცივებული სფერო. პოეტებს ამაებისა არაფერი გაეგებათ: ეს ყველაფერი მათემატიკაა, ტელესკოპი და ციფრები, ფანტასტიური ფორმულები...

პავლე ლაპარაკობდა, გოგონა კი, თითქოს თავისი სიტყვების შერცხვავო. დუმდა. პავლემ მხარზე გადაუსვა ხელი, თითქოს ბოდვის ითხოვდა, ასე პროზაულად, საღად რომ მსჯელობდა, მაგრამ ესთერმა ხომ არ იცის ეს. პავლეს სურს სწავლული იყოს.

— გეწყინა?

— არა. შენ ალბათ მართალი ხარ, მე კი ერთი ჩერჩეტი ვილაც ვარ.

სახურაებზე დიხის წვეგობდა, მათს სენაკში უკვე იპარებოდა ბინდ-ბუნდი. მაგრამ ლამპის ანთება არ უნდოდათ. თხელ ფარდებში ატანდა ყვითელი სინათლე, შუშბანდიდან რომ იღვრებოდა. სადღაც რადიო დუდუნებდა. ამ ძველი სახლის ყოველი ხმა ნაცნობი იყო პავლესათვის. ჩაქურჩის რიტმული კაკუნი ამცნობდა, რომ მესამე სართულზე მცხოვრებ ახალ ჯვარდაწერილთ ავეჯი უყვლიათ და ქმარი ცდილობს ცოტათი მაინც გააშნიანოს ეს ხარახურა, მეძველმანისაგან რომ შეუძენიათ; ხომ მოგესხენებათ — ახლა ისეთი დროა. მხატვრის სახელოსნოდან, თითქმის სხვენზე რომ მდებარეობს, გიტარის ხმა და ყრუ სიმღერა მოისმის — მხატვარი თავებს აშინებს და დარდს იქარეებს. ამას წინათ ცოლი გაექცა; შუშბანდში ახლაც ჭორობენ: „ქარაფშუტა!“. მაგრამ დამცველებიც ჩნდებიან ხოლმე: „ეჰ, ქალებო, ვეთყვით, აბა რა სასიამოვნოა სულ სიღატაკეში ყოფნა, სხვენზე ცხოვრება და მყრალი სკიპიდარის სუნის ყნოსვა?“

ისმის ხმები, ლაპარაკი. და ყოველივე ამას ზედ გადაჰფარებია მდუმარე, მოციმციმე ზეცა. პავლე ღია თვალებით გაცქერის წყვედიადს და ეჩვენება, თითქოს ესმის, რა სტვენა-წილით მიჰქრიან ცივ სივრცეში სამყაროები.

— პავლე!..

ის-ის იყო ფარდის ჩამოსაშვებად წამოდგა, მაგრამ გოგონას ხმამ შეაჩერა.

— როდესმე გამოგიცდია შიში?

— რისი შიში?

— ყველაფრის... ცხოვრების.

პავლე შეყოყმანდა.

— ზოგჯერ...

— მე კი მუდამ მეშინია.

— რისა გეშინია? თავების? მე ხაფანგს დაუვებ! — გაეხუმრა დარდიანი

პავლე.

— ნუ დამცინი. მე მხოლოდ შენ შემძლია გაგენდო. შიში განუწყვეტილად მიღრღნის გულს, მაშინაც კი, როდესაც სულ სხვა რამეზე ვფიქრობ, სიცილის დროსაც კი. თითქოს ჩასაფრებულია, იმალება სადღაც აი აქ, გულთან...

— მამაჩემი ამბობს, მხოლოდ ქვებს არ სჩვევიათ შიშიო. ქვები მკვდრები არიანო.

პავლე როგორც იქნა, ტახტიდან წამოდგა, ფარდა ჩამოუშვა და ლამპა ჩართო. შუქმა სახე გაუნათა ესთერს. გოგონამ თვალები მოჭუტა და დაახამხამა. პავლემ გახუმრება სცადა, მას აშინებდა ესთერის ფიქრები.

— როგორ არის საქმე სენიორინა კაპულეტი? როგორ ბრძანდება მამათქვინი? კვლავ მტრობს მონტეკის?

— არა, მამას მაგათთვის არა სცალიან. იგი ტერეზინშია... მგონი.

პავლეს შერცხვა თავისი უადგილო ხუმრობისა, სისხლი თავში აუფარდა. მაგრამ საოცარი ის იყო, რომ ესთერს არცკი სწყენია მისი ხუმრობა, — გოგონამ მხოლოდ უბრალოდ აღნიშნა ფაქტი, თან ყოვლისმიმტევებელი ღიმილით შეს-

ცქეროდა ქვემოდან ზევით. პავლე ახლოს მიუჯდა და ყურადღებით დაუწყობ მზერა.

— რად მიყურებ? არ მოგწონვარ?

— ხომ იცი, რომ მასე არ არის, — უთხრა პავლემ. — შენ მე ძალიან მომწონხარ... ნამდვილად!

— რისთვის? — ჩააცვივდა ესთერი.

პავლე წუთით დაიბნა, სიტყვებს დაუწყობ ძებნა.

— შენ ისეთი არა ხარ, როგორც სხვა ქალიშვილები...

— არაფერი მესმის! ვითომ რატომ არ უნდა გვაგვდე სხვა ქალიშვილებს? — ესთერი უცებ ვერ მიუხვდა, რა უნდოდა ეთქვა ეაკს.

გოგონა მოიღრუბლა და უცებ მიუტრიალდა პავლეს:

— იმიტომ, რომ ებრაელი ვარ?

— რას ამბობ! — იუარა დაბნეულმა პავლემ. — მე, სწორედ რომ გითხრა, ხულ სხვა ამქონდა მხედველობაში... ამბობენ, თითქოს...

— რას ამბობენ? იმას, რომ ჩვენ სხვებს არ ვგავართ? რომ ჩვენ გრძელი ცხვირი და...

პავლემ წყნით შეაჩერა, თან დაბნევით თავი მოიქექა.

ჰო, რას არ ჩმახავენ... ხალხი სულელია და ბოროტი...

პავლე წამოხტა და ოთახში სიარული დაიწყო. სირცხვილისაგან გაქარხლებულმა ხელები ჯიბეში ჩაიწყო, საკუთარ თავზე გული მოსდიოდა. მერე მიიხედა: ესთერი ისევ ძველ ადგილას იჯდა, იმავე პოზაში, ხელები მუხლებზე დაეწყობ. სახეზე ნაცრისფერი ჩრდილი გადაკეროდა. პავლემ ტუჩი მოიკვნითა: „სულელი ვარ! ეშმაკმა იცის რაებს ვჩმახავ!“

თავი ველარ შეიკავა და ამოიძახა:

— ესთერ... მე...

გოგონამ თავი მაღლა ასწია. თვლებში დაქანცული ღიმილი უკრთოდა. „მე ხომ ყველაფერი მესმის“. — უთხრეს მას ამ თვლებში. პავლეს ისეთი გრძნობა ჰქონდა, თითქოს თვითონ პატარა ბიჭი იყო, ლაწირაკი, და დიდი ქალის წინ იდგა. მწარე სიბრაღულმა და რალაცნაირმა გადარეულმა სიხარულმა აუტესო გული, თითქოს მკერდიდან გამოგლეჯას ლამობდა. „ესთერი! როგორ აჯინს ჩემი გულის ნადები! რალაც მემართება — არც კი ვიცი რა...“

— რატომ სდუმხარ, — ხრინწიანი ხმით შეეკითხა პავლე. — ხმა ამოიღე!

პავლე უცებ მივარდა გოგონას, მხრებში მაგრად ჩასჭიდა ხელი. უნდა გამოგლიჯოს, წაართვას მისი თავი ამ უძრავ მდუმარებას. გოგონა ღონიერი იყო, ჩუმად უწევდა წინააღმდეგობას, მაგრამ პავლემ მაინც სძლია და თავისაკენ შემოაბრუნა. ესთერს უცხო, გულჩათხრობილი სახე ჰქონდა, პირი მოექცა, დახრილი წამწამებიდან მოელვარე თვლები ისე იცქირებოდნენ, თითქოს ფიქრით სადღაც შორს დაფრინავს.

— ესთერ... მომისმინე... ნუ ტირი, არ გაბედო ტირილი! მე... — და პავლემ გოგონას აკოცა, აკოცა უშნოდ, პატარებს რომ სჩვევიათ. გოგონამ თავი აიქნია და პავლეს ტუჩები მის ლოყებს შეეხო, მაგრამ ბოლოს მაინც მოძებნა ქალიშვილის ბაგე.

ესთერმა წინააღმდეგობას თავი ანება, შემოტრიალდა, თვლები დახუჭა და მკერდზე აიკრა.

და ყველაფერი უცებ დამთავრდა.

და ყველაფერი დაიწყო. და ორივემ იგრძნო ეს.

მათ გარს ეხვია მოცახცახე მდუმარება, სიტყვები შორიდან ესმოდათ. სახლს მოუსვენარი ძლით ჩაეძინა, მაგრამ ორ არსებას არ ეძინა. გესმის? რა სიჩუმეა ოდნავი ფაჩუნის ისმის — ეს თავგებია...

— რად მაკოცე?

პავლემ მხრები აიჩიქა. გოგონას ისე უბრწყინავდა თმა, თითქოს შავი ალა ანთაო; ფართოდ გახელილ თვალებში არ მოუჩანდა არც რისხვა, არც გაკვირება. ისინი მხოლოდ თითქოს რაღაცას ეკითხებოდნენ და უღონოდ, ოდნავ შესამჩნევად იღიმებოდნენ.

— იმიტომ... იმიტომ... რომ მიყვარხარ! შენ ხომ იცი... მე შენ მიყვარხარ. შენ... შენ უნდა დამიჯერო, ესთერ...

— რად მეუბნები მაგას?

— იმიტომ რომ, ეს მართალია. პო. განა ეს ცუდია?

— არა! როდის მიხვდი, რომ ეგრეა?

— რისთვის მეკითხები?

— ისე...

— არ ვიცი. ალბათ მაშინ, როდესაც ერთმანეთს შევხვდით. ანდა ვაშინ, როდესაც პურს ჭამდი გამწვარებული. გუშინ დღილით რომ გეძინა, ძალიან მინდოდა შეგოცნა, მაგრამ შემეშინდა, არ გავადვიდომ-მეთქი. როდის?.. მე თვითონაც არ ვიცი...

დაბნეული ყმაწვილი გაირინდა. თხელი თითები ერთმანეთს გადააქდო, სახსრები გაატკაცუნა, გაიზმორა და ისე ტკბილად ამოიკენესა, თითქოს მძიმე სამუშაო გაეკეთებინოს. სახეზე დამნაშავეის ღიმილი უკრთოდა.

— ხომ არ მიწყურები? მე რომ...

ესთერმა თავი გააქინა და ხელები მუხლებზე შემოიჭლო.

პავლემ თვალებში ჩახედა და მიხვდა თავისი ამ შეკითხვის უაზრობას. ესთერს თვალები უბრწყინავდა. მან პავლეს მხრებზე დაადო ხელები. პავლემ უნებურად თვალები დახუჭა. გოგონა ოდნავ შეეხო ტუჩებით პავლეს ტუჩებს და ბავშვურად გაიციინა. მერე ამოიხზრა.

— დმერთო ჩემო, პავლე... მეც... ნუთუ არ გეხმის, რომ მეც... მიყვარხარ! პო! რაც იქნება, იქნება: მიყვარხარ, პავლე, პავლე, გენაცვალე!

ყოველ სიყვარულს თავისი ისტორია აქვს. ზოგჯერ სულ პატარა, ასე ვთქვათ, მინიატურული ისტორია. სიყვარულს აქვს ზრდისა და მომწიფების დრო, მიწიური აღტაცება და ელვის სისწრაფით დამხობა, თავისი ქარიშხალი და უამინდობა.

როდესაც პავლე შინ ბრუნდებოდა, ეჩვენებოდა, თითქოს ქუჩებში სინათლე კაშკაშებდა. რასაკვირველია, ასე არ იყო. თვით მასში იყო სინათლე, ირგვლივ კი წყვდიადი სუფევდა. ამ სინათლის სხივებში თავი ძალოვან ადამიანად ეჩვენებოდა, აკვირვებდა მის არსებაში გაღვიძებულ გრძნობათა სიმდიდრე, უწინდელი პავლე, რომელიც ჯერ ესთერს არ იცნობდა, ის ჩვეულებრივი, შეუმჩნეველი ყმაწვილი, ახლა სიბრალულს აღუძრავდა. როგორ ცხოვრობდა აქამდე? საერთოდ ცხოვრობდა კი? სკოლაში დადიოდა, წიგნებს კითხულობდა. ცხოვრებისაგან რაღაცას მოელოდა, ოცნებობდა, და ჩვეულებრივ ბიჭებთან მეგობრობდა. მაშინ იგი სულ სხვა ადამიანი იყო.

მაგრამ შინ ყველაფერი ძველებურად იყო, უცვლელი და წვრილმანამდე ნაცნობი. პავლეს ლამპის შუქმა თვალი მოსჭრა. მშობლები ერთიმეორის პირისპირ ისხდნენ ჩუმად. კარადაზე რადიოს ყრუ ხმა ისმოდა. რადიო-მიმღებზე ეკიდა ქაღალდი: „გახსოვდეს, საზღვარგარეთული სადღურების მოსმენისათვის შენ გელის ციხე ან სიკვდილი!“. დედა ხის სოკოზე წამოცმულ წინდას კემსავდა. უცებ პავლეს თავში გაურბინა ფიქრმა, რომ მოხუცები თამაშს უწყობენ, „არხინობანას“ თამაშს. ძალიან კარგი! თვითონაც მხარს აუბამს! პავლემ ყასიდად დამამტნარა და ჭამას შეუდგა. ხოლო როცა უკვე თხელ ყავას შეექცეოდა და თან ისეთი

სახე ჰქონდა, თითქოს ქვეყანაზე ამ მიჭყლეტილი ყავადანის მეტი არაფერი არაფერი
ტერესებდა, მამამ გადაშლილი წიგნი მაგიდაზე დასდო და დაიწყო:

— ჩვენთვის ხომ არაფერი გაქვს სათქმელი, პავლე?

პავლემ ფინჯანი დადგა და თავი გააქნია.

— არა... არაფერი...

— შენ რაღაც მთვარეულივით დადიხარ. რა თქმა უნდა, უკვე თვრამეტისა
ხარ, მაგრამ მეშინია, სულ არ დაჰკარგო თავგზა. ხომ იცი, რა დროა. ყველაზე
ტკვიანური ახლა ისაა, რომ შინ იჯდე...

მამა გაჩუმდა, რადგან შეიღს შეხედა და მის მზერაში მხოლოდ პროტესტი
ამოიკითხა — ყრუ, მტკიცე პროტესტი.

— არ ვიცი, განსაკუთრებული რა შემამჩნიეთ, — პავლე წამოდგა, სხვა
ალარაფერი უთქვამს, თავის ოთახს მიაშურა და თავისდაუნებურად მაგრად მოა-
ჯახუნა კარი.

მოხუცები მარტონი დარჩნენ. დედამ ხის სოკო გადასდო და სათვალეს ქვე-
მოდან ჩუმად შეხედა ქმარს. თერძი დასაძინებლად წამოდგა.

— არა, ტყუილის თქმა არ ეხერხება. და არც უნდა, — დასძინა მოხუცმა.
თითქოს თავის თავს ელაპარაკებო. — ჯერჯერობით არ უნდა...

მოხუცმა უმწეოდ შეარხია მხრები და წიგნი დახურა.

გაგრძელება იქნება



წიგნიანი კულტურისთვის

გობი ბაჩიჩილაძე

„ამოდის, ნათლება!“

შემოქმედებითი სიახლითაა აღბეჭდილი ჯანსუღ ჩარკვიანის ლექსების ახალი წიგნი „ამოდის, ნათლება!“. ამ კრებულში ნათლად ჩანს ის თვისებები, რომლითაც ახალგაზრდა პოეტი გამოირჩევა თავის თანატოლთაგან. წიგნში მკაფიოდაა გამოკვეთილი სულიერად ძლიერი ლირიკული გმირის სახე. ნათელი პათოსი, სიცოცხლის ნება, გადაადება ყოველივე ძლიერისა და ნათელისა, სხვადასხვა ინტონაციითა და სახით წარმოგვიდგება ჯ. ჩარკვიანის ლექსებში. ახალგაზრდა პოეტი ცდილობს ახალი თვალით დაინახოს საგნები და მოვლენები.

ჯანსუღ ჩარკვიანს აქვს ერთი ლექსი, მიძღვნილი ვაჟა-ფშაველასადმი. ამჯერად ჩვენ არ გვაინტერესებს ლექსის მხატვრული ღირებულება. გვინდა მხოლოდ მიგუთითოთ იმ დიდ შინაგან კავშირზე კლასიკურ ქართულ პოეზიასთან, რომელიც წინა თაობის არაერთი პოეტისათვის ქცეულა შემოქმედების ცხოველმყოფელ წყაროდ. ვაჟასადმი მიძღვნილ ლექსში ჯ. ჩარკვიანმა ნათლად გამოამჟღავნა ეროვნული ტრადიციებისადმი თავისი მოკრძალებული დამოკიდებულება.

ცხადია, ჯერჯერობით, პოეტის რაიმე გარკვეულ კონცეფციაზე ლაპარაკი ძნელია, რადგან არც არსებობს ასეთი რამ, მაგრამ რაც არსებობს, მისი პათოსი უაღრესად ოპტიმისტურია.

ჯ. ჩარკვიანის ლექსებში სიცოცხლის გადაადების პათოსი და ჯანმრთელი სული, ესაა არა მარტო შინაგანი ხმა, არამედ შეგნებული პასუხისმგებლობის გრძნობაც მაღალი ზნეობრივი ვალდებულებების წინაშე. პოეტი თანაბრად უარყოფს ყალბ ოპტიმიზმსაც და ფუჭ უიმედობასაც. ვისაც დიდი სიცოცხლე სწამს, მისთვის სიკვდილიც სიცოცხლის ფორმაა. ამიტომაც, რომ „ყვაეილები კვდებიან ისე, თითქოს ხელახლა იზადებიან“. ამგვარი ოპტიმიზმი მსოფლგანცდის ეროვნული ხასიათიდან მომდინარეობს და არაა არტიტული პოზა. მთელ ქართულ პოეზიაში ხომ მკაცრ ზნეობრივ ვალდებულებებს, ვაჟაკობის კულტს თან ახლავს სიკვდილის ფაქტორის ფილოსოფიური გააზრება. სიკვდილის განცდის ასეთი პოეტური სურათია ჯ. ჩარკვიანის ერთი ადრინდელი ლექსის ფინალი:

დავდგები ცერზე, როგორც ავაზა,
ერთს გადავხედავ დღეებს გაფრენილს,
მერე მოვკვდები ისე ლამაზად,
ვით დაიბადა ეს ყველაფერი.

ესაა არა სიცოცხლის უარყოფა, არამედ მისკენ ლტოლვის ფორმა.

ეს მომენტი მიგვანიშნებს იმ ტრადიციულ სამყაროზე, რომელიც ორგანულად შედის ახალგაზრდა პოეტის შემოქმედებაში. რა თქმა უნდა, ტრადიციული თემატიკა და ტრადიციულ სფეროში ტრიალი სულაც არ ნიშნავს იმ ახალს, რაც ახალგაზრდა პოეტის ინდივიდუალობიდან გამომდინარეობს. ჩვენთვის კი სწორედ ეს უკანასკნელია უფრო საინტერესო და მნიშვნელოვანი. სწორედ ამ თვისებითაა აღბეჭდილი ჯ. ჩარკვიანის ყველაზე სრულყოფილი ლექსი „ბეთანია“. ეს ლექსი ყურადღებას იქცევს ფორმის გარეგნული სინატიფითა და პოეტური ტემპერამენტით, რაც არც ისე დამახასიათებელია ჯ. ჩარკვიანის ლექსებისათვის. სხვა ლექსებში შთაბეჭდილებისა და განცდის უშუალობა თავისი მნიშვნელობით ზოგჯერ გულგრილსაც გვტოვებს ფორმისადმი. დასახელებულ ლექსში კი სხვაგვარი სურათია. არტიზტიზმი და მოჭარბებული ტემპერამენტი განელებულია მაღალი პოეტური ხილვის სიდიდით. ესაა ლექსი, რომელშიც ისტორიულ ტაძარს ჩადგმული აქვს ადამიანური სული, ხოლო პიროვნება მალღდება სათნოებისა და დიდების ძეგლამდე; ლექსს ლამაზ კოლორიტს უქმნის საბა-ორბელიანის ოდნავ სახეცვლილი ეპიგრაფი: „ბეთანია — სახლი სათნოებისა და სახლი მორჩილებისა და სახლი დიდებისა“.

შენ არ გინახავს ჩემი ხელები,
ჩემი თვალები და ჩემი მხრები,
გადარეული თეთრი ცხენებით
და შორეული ზარების ხმებით.

შენ არ გინახავს ჩემი ნისლები,
მთიდან ქორების ფრთით მოტანილი,
თეთრი ქარებით როგორ ივსება
დღეები ლურჯი ქრისტეს ტანივით.

შენ არ გინახავს ფრესკის სიშორე,
ფერი ფასკუნჯის, ფერი ქედნების,
მირონის სურნელს როგორ იშრობენ
ჩემი სხეულის ძველი კედლები.

შენ არ გინახავს, მოდი და მნახავ,
რომ ეს ტაძარი ჩემი ტანია!..
სათნოებისა ვარ შენი სახლი,
მორჩილებისა ვარ შენი სახლი,
შენი სხეულის ვარ ბეთანია!..“

აქ ემოციური განცდა შესისხლხორცებულია ეროვნული კოლორიტის შემქმნელ საგნობრივ წარმოდგენებთან და მოძებნილია ის უბილავი სიმები, რომელთა ჩუმი ჭლერაც ამაღლევებლად მოკვითხრობს ჩვენი თანამედროვე ახალგაზრდა კაცის ტკივილსა და სიხარულზე. ეს ლექსი უარესად თანამედროვეა, უპირველეს ყოვლისა, თავისი ემოციურობით და ჩვენს ყურადღებას იქცევს, როგორც ეროვნული თემატიკის შეზღუდულ გააზრებასთან დაპირისპირება.

ჯ. ჩარკვიანის ახალ კრებულში დიდი ადგილი აქვს დათმობილი უცხოეთზე დაწერილ ლექსებს. საინტერესოა, რომ ლექსების ამ ციკლში გამოჩნდა განწყობისა და პოეტური აზროვნების ის სიახლე, რაც ახალგაზრდა პოეტის შემოქმედებით ზრდაზე მიუთითებს. ამ ლექსების თავისებურებაა უცხო გარემოს შთაბეჭდილებების შეზავება ქართულ სულთან. აქ არაა ტრაფარეტად ქცეული პარალელები (რომელიმე ქვეყნის ლამაზ ადგილას უცერად მცხეთის, ალაზნის ველისა თუ შავი ზღვის მოლანდება...), ამ ლექსებში ქართულია სული, ტკივილები და სიხარული, რაც გამოირცხავს ყალბ პათეტიკას.

სხვის მიწაზე ფეხის შედგმა სხვა ხალხის სულთან ზიარების პირობაცაა. ამ პათოსითაა პოეტი ვენასა და ბუდაპეშტში, მილანსა თუ ზალცბურგში:

შინც საგრძნობი კვალი. ისეთ სტრიქონებში, როგორცაა:

„მთებიდან მთვარის სიცილი წვეთავს და ზღვა იხურავს ლუდისფერ კაპრონს“.

პოეტური ფერწერა სწორედ „არაპოეტური“ „ლუდისფერი კაპრონის“ შემოჭრით იქმნება.

ეს გზა ახალი ფორმებისა თუ გამოსახვის ახალი საშუალებების ძიებისა აუცილებელი ეტაპია ქართული პოეზიის განვითარებისათვის, თუ რა თქმა უნდა, გვსურს, რომ იგი აღმოჩნდეს იმ საგნებისა და მოვლენების ასახვისა და პოე-

ტური განცდის სიმალლეზე, რომელიც ჩვენს გარშემო შეიქმნა და იქმნება.

ჯ. ჩარკვიანის ლექსების ახალი კრებული „ამოდის, ნათდება!“ ახალგაზრდა პოეტის შემოქმედებითი წრთობის ერთ-ერთი მომენტის შეჯამებაა. სარეცენზიო წიგნში ადვილია სუსტ სტრიქონებზე მითითება, ან ისეთი განწყობილებებისა და სურათების აღნიშვნა, რაც უკვე ნაცნობსა და ნანახს მოგვაგონებს, მაგრამ ჯანსუღ ჩარკვიანის, როგორც პოეტის, უპირველესი თვისება ის სიცოცხლისუნარიანი პათოსია, რომელიც ჩვენს მკითხველს ბევრი კარგი პოეტური ნაწარმოებით გაახარებს.



შილიპე ბერიძე

„თითქოს ღმსია, მაგრამ მაინც არ
არის ღმსი“...

პირადი პოეტური ბიოგრაფიის, ინდივიდუალური მხატვრული აზროვნების გარეშე არავის შეუქმნია და ვერც შექმნის ახალს, მნიშვნელოვანსა და საინტერესოს. ეპიგონობა, მიბაძვა, სხვის პოეტურ სამყაროში ტრიალი ერთფეროვანს ხდის ლიტერატურას. სწორედ ეს საშიში ტენდენცია ეტყობა ჩვენი ახალგაზრდა პოეტების ერთ ჯგუფს. როგორ არ გაოცდები, როცა თვალყურს ადევნებ ზოგიერთი მათგანის ცხოვრებას, იცი, რით სუნთქავს, რას განიცდის, როგორ აზროვნებს, რა აღელვებს, რას ეტრფის, რა სძულს, შემოქმედებაში კი მისთვის უცნობ და არაორგანულ თემებს ირჩევს. გრძნობ იმასაც, რომ მთელ მის სულიერ სამყაროს, მისი ინტელექტის ხასიათს საერთო არაფერი აქვს არა მარტო ჭეშმარიტად ამადლებულ პოეზიასთან, არამედ ყოველგვარ შემოქმედებასთან საერთოდ, და ეს კაცი, წარმოიდგინეთ, ლექსში ღმერთთან კამათსაც არ ერიდება, სურს თავი „იდუმალი ხილვების“ შემოქმედად მოგეაჩვენოს და წერს „თოთრი სიზმრების“, „შავი ოცნების“, „მწვანე ფიქრების“ შესახებ. ათასგვარ ქაოტურ ქსელს ხლართავს, რომ მკითხველი გააბრუოს, დააბნიოს და პოეტად მოეჩვენოს. აქვე უნდა ვთქვათ, რომ ასეთი „ვაინოვატორები“ სწირად მართლაც ახერხებენ არაპროფესიონალი მკითხველის მოტყუებას, პროფესიონალი მკითხველი კი, სამწუხაროდ, უმრავლეს შემთხვევაში ღუფს.

საკმარისია დაკვირვებით გაეცნოთ მათს შემოქმედებას და ყველაფერი

ნათელი გახდება. რაგინდ ეფექტური მხატვრული სახეც არ უნდა შექმნას ავტორმა, იგი მაინც ვერ გაუძლებს ანალიზსა და გასინჯვას, თუ არადაჯერებელია. საერთოდ, ამის მიზეზია ევრეთწოდებული „ლიტერატურშინი“ და, კერძოდ, უმეტეს შემთხვევაში ცუდად წაკითხულის გალექსვა. რა თქმა უნდა, კითხვისა და განათლების გარეშე არაფერი შექმნილა ღირსეული, მაგრამ ნაწარმოებს დამოუკიდებელ, ორიგინალურ მხატვრულ ხასიათს ანიჭებს მხოლოდ შემოქმედის პირადი დაკვირვება სინამდვილეზე, მისი ინდივიდუალური ინტელექტუალურ-ემოციური დამოკიდებულება სამყაროსადმი. თუმცა ჭეშმარიტი პოეზია არასოდეს ყოფილა მხოლოდ კარგი ლიტერატურული განათლების შედეგი, სამაგიეროდ არც უიმისოდ შეუქმნია იგი ვინმეს.

სამწუხაროდ, ზოგიერთი ჩვენი ახალგაზრდა პოეტი დიდად არ იმტერევს თავს განათლებისთვის. წაიკითხავს, ვთქვათ, მხოლოდ ლადო ასათიანს და დაიწყებს მისებურად წერას. გაგლენა რომ ნამდვილ პოეზიად აქციო, ჯერ ერთი, მოაღწენისა თუ საგნის შენებური მხატვრული ანალიზი უნდა შეგეძლოს, მეორეც, ერთ ან ორ პოეტს კი არა, საერთოდ, პოეზიას უნდა იცნობდე საფუძვლიანად. ეპიგონურ პოეზიაში ერთმანეთისგან გათიშულია ფორმა და შინაარსი.

წაიკითხავთ ეპიგონობის სავალალო გზაზე შემდგარი რომელიმე ახალგაზრ-



და პოეტის ლექსს და ელემენტარულ კითხვებს ვერ უპასუხებთ: რა თქვა ან რის თქმა სურდა ავტორს, რამ აიძულა დაეწერა ეს ლექსი. ასეთ ლექსებში მკითხველი ნახავს გამართულ ფრაზებს, მეტნაკლებად კარგ რითმებს, ასონანსებს, დისონანსებს, ავტორს დიდი გატაცებაც ეტყობა, მაგრამ რა ესთეტიკური სიამოვნების მინიჭება შეუძლია, ან რა შემეცნებითი ღირებულება აქვს ამგვარ ნაწარმოებს? შეეძლო თუ არა ავტორს თავი შეეკავებინა და არ დაეწერა იგი? ნამდვილი შემოქმედება ხომ მაშინ იწყება, როცა ავტორი თავს ველარ იკავებს, სათქმელი არ ასვენებს. „პოეტმა, — წერს ნაღსონი, — უნდა შესძლოს იმ მიზეზის ანალიზი, რომელიც მას აიძულებს წეროს“.

დღეს რამდენადაც გაიიღდა სტრიქონების „გაკეთება“, იმდენად იშვიათი გახდა შემოქმედებითი წვით, პოეტური მხატვრობით დაწერილი, აზრიანი ლექსი. „თითქოს ლექსია, მაგრამ მაინც არ არის ლექსი“, — წერდა გალაკტიონ ტაბიძე. „თითქოს ლექსია“ — ამ ბუნქტში დიდი პოეტი გულისხმობს გარეგნულ, მოჩვენებით წესრიგს (რითმა, რიტმი, ფრაზის გამართვა), მაგრამ აზრობრივი, იდეური სიყარვილის, ფაქტის განცდის უმდაბლესი ხარისხის გამო „მაინც არ არის ლექსი“.

ჩვენი ზოგადი შესავალი ასე მკაცრი არ იქნებოდა, რომ მართო ქვემოთ განხილული ავტორების ლექსებს ვგულისხმობდეთ.

ყველა კეთილად განწყობილი, პოეზიის გულწრფელად მოყვარული კაცი შემოქმედში, უპირველეს ყოვლისა, კარგს ეძებს. სწორედ ამ პრინციპით ვიხილავთ ანზორ აბულაშვილის, ბონდო ალაფიძის, ლადო ირემაშვილისა და ტავუ მეზურიშვილის ლექსების კრებულს, რომელიც ახლახან გამოსცა გამომცემლობა „საბჭოთა მწერალმა“. ამ ავტორთა დამოკიდებულება სამყაროსადმი უდავოდ პოეტურია. ეს თვისება უპირველესი და აუცილებელი პირობაა პოეტისათვის, თუმცა ემოციურობა არც „ჩვეულებრივ“ მოკვდავთათვისაა უცხო რამ. ერთია

სინამდვილის პოეტური შემეცნება, აღქმა. და მეორეა ამ შემეცნებულის პოეზიის ენაზე გადატანა. ავტორი სწორედ ამ გადატანის ხარისხის მიხედვით ფასდება.

ზემოთ დასახელებული ავტორების ლექსთა კრებულის წაკითხვის შემდეგ უნებლიეთ გეზადებათ კითხვა: რაზე ან როგორ სწერენ ისინი? პირველ კითხვაზე შეიძლება გავცეთ ზოგადი პასუხი — სამშობლოზე, სიყვარულზე, გაზაფხულზე, სიხარულზე, სიედაზე. მაგრამ ლექსში საგნის ან მოვლენის მხოლოდ დასახელება ხომ არ კმარა. რას ამბობ, რა აზრისა ხარ პირადად შენ საგანზე ან მოვლენაზე, როგორ დაინახე იგი, რა ახალი თვისება შენიშნე ობიექტში წინამორბედი ავტორებისაგან განსხვავებით, და ბოლოს, როგორია შენი დამოკიდებულება საგნისა თუ მოვლენისადმი, ე. ი. ის, რასაც ჩვეულებრივ იღვას ეძახიან.

სარეცენზიო წიგნის ავტორთა მსოფლმხედველობა ძალიან შეზღუდულია. ოთხივეს თითქმის ერთნაირი ხასიათის თემები იტაცებს. მაგრამ ეს როდია იმდენად სასაყვედურო, რამდენადაც ამ თემების მხატვრული გადაწყვეტის ერთფეროვნება. სად უნდა ვეძიოთ ამის მიზეზი? ისევ და ისევ ვიწრო გავლენის სფეროში. უმეტეს შემთხვევაში მათთვის სამყაროს ქვერეტის ერთადერთი რაკურსი არსებობს. ლექსების უმეტეს ნაწილს აშკარად ეტყობა წიგნური შთაბეჭდილებები. მხატვრულ სახეებს აკლია რეალობა, უშუალობა, რადგან სახეებს ისინი საგნის ან მოვლენის ორგანული ნიშნების მიხედვით კი არ ქმნიან, არამედ თვითნებურად, ყოველგვარი კანონზომიერების გარეშე. ასოციაციებიც ქაოტურია და არ შეესაბამება სინამდვილეს.

დოსტოიესკის ცნობილი დებულება — „უნდა ეწამო“, — შემოქმედს სინამდვილის ინდივიდუალური განცდის აუცილებლობას შთაგონებს. სინამდვილის გადატანა საკუთარ სულიერ და გონებრივ სფეროში, მისი გამაღვანებისა და გადაკვივის ხარისხი ანიჭებს შემოქმედს არსებობის უოლებას. სამშობლო რომ საყვარელია, რომ „დედის ძუძუა“, რომ

ყოველი ადამიანის მოქალაქეობრივი ვალა მისთვის თავგანწირვა, — ეს ზოგადი აზრი საქვეყნოდაა აღიარებული და ყველას ძვალ-რბილში აქვს გამჯდარი. პოეტს უფლება არ აქვს ასე შიშვლად და მზამზარეულად გადიტანოს ეს აზრი ლექსში. მან საკუთარი ბიოგრაფიული, სულიერი განწყობილების გამომხატველი დეტალით უნდა გახსნას სამშობლოს სიყვარულის იდეა. მკითხველს ანზორ აბულაშვილისაგან, ბონდო ალავეძისაგან, ლაო ირემაშვილისა და ტაგუ მებურიშვილისაგან ცნობილი, ზოგადი აზრის მეათასგად მოსმენა კი არ აინტერესებს, არამედ თვითული მათგანის პირადი და მხოლოდ პირადი განცდა. და თუ ყოველი მათგანის პოეტური ხედვის ხასიათი საოცრად ჰგავს ერთმანეთს, ამის მიზეზიც ისევ სხვისი განცდების „მითვისების“ სურვილია:

„დედა ჩემი, ძმაცა და შვილიც ის, რაც სამშობლოდ მაკუთვნა ბედმა.

შენ ჩემო, მართლა, სისხლო და შვილო, ჩემო იმედო, ნათელო ყოვლად“.

(ანზორ აბულაშვილი, „სამშობლო“)

ეს მე ვარ შენი ხორცი ხორცთაგან, ეს მე ვარ შენი სისხლი სისხლთაგან. და მტკივა ყველა შენი ტკივილი, და ნურაფერი წამოგტკივდება“.

(ტაგუ მებურიშვილი, „მე მტკივა შენი ყველა ტკივილი“)

თავისთავად ცხადია, რომ ასეთ ლექსებში მკითხველი ამოად ეძებს ავტორისეულ იდეას, მის პოზიციას. საგანში დანახული არ არის ერთი ახალი ნიშანიც კი, უბრალოდ გალექსილია (და გალექსილია ცუდად) მოსმენილისა თუ წაკითხულის ნარევი.

უამრავი ლექსი დაწერილა კოცნაზე. მაგრამ ამის მსგავსად არავის უთქვამს:

„...საოცარი კანონი აქვთ ადამიანებს... კოცნისაგან ადამიანს ქმნიან“.

(პოლ ელიუარი)

პოეტი ღრმად ჩასწვდა ფაქტს და შექმნა ახალი მხატვრული სახე.

სამშობლოს სიყვარულის თემის მსგავსი გადაწყვეტა ტიპიურია ოთხივე ახალგაზრდა პოეტის შემოქმედებისათვის. ისინი, მაგალითად, გაზაფხულში ერთხმად ხედავენ სიმწვანეს, სითბოს და კვირტების სკდომას. უთქვამს კი ვინმეს, რომ გაზაფხულს სითბო და სიმწვანე არ მოაქვს და კვირტები არ სკდებიან?! რა ემოციური შემოქმედება უნდა მოახდინოს ამ მომაზებრებელმა ემპირიულმა სინამდვილემ პოეტური დამუშავების, მხატვრული გააზრების გარეშე.

ზოგიერთი ჩვენი ახალგაზრდა პოეტი ჯერ კიდევ იმ აზრით ცხოვრობს, რომ ლირიკული ლექსი ერთი ამოსუნთქვით იწერება. ისინი ივიწყებენ, რომ ყოველი კარგი ლექსის დასაწერად ძალიან დიდი შრომაცაა საჭირო, რომელიც თავისთავად ამ ჯაფის კვალსაც აშორებს ხელოვნების ჭეშმარიტ ნაწარმოებს.

ჩვენ არ მოვითხოვთ პოეტის ლაბორატორიულ მუშაობაზე კონტროლის დამყარებას, არც ლექსის ასჯერ გადაწერას. მკითხველის საქმე არაა, ავტორი ზეპირად იაზროვნებს თუ ქაღალდზე ივარჯიშებს. ყოველ შემთხვევაში, ავტორმა მხოლოდ სათქმელის დახვეწის, განცდით გადადლის, ობიექტის უკანასკნელ შესაძლებლობამდე შემეცნების შემდეგ უნდა ამოისუნთქოს. ეს კი არ ეტყობა ამ კრებულის ავტორებს. ჩვენ აღვნიშნეთ მათი საერთო ნაკლი — საგნისა თუ მოვლენის ერთი წერტილიდან ქვრეჭა, ერთფეროვანი მხატვრული აზროვნება, წიგნური შთაბეჭდილებების გაფორმება დაბალ პოეტურ დონეზე, ესე იგი, საბოლოოდ საკუთარი პოეტური სამყაროს არარსებობა.

ორიოდ სიტყვა თვითეულ მათგანზე. ანზორ აბულაშვილი განსაკუთრებულ ყურადღებას აქცევს ლექსის ფორმას, ტექნიკურ მხარეს. მის ლექსებში ხშირად ნახავთ კარგ მხატვრულ სახეს, სა-

ფილიაე ბერიძე.
„თითქოს ლექსია, მაგრამ მაინც არ არის ლექსი“...



სიამოვნო, გულწრფელ პოეტურ თქმას, ახალ რითმებს. შეიძლება გადაუჭარბებულად ითქვას, რომ ამ მხრივ ხანდახან ანზორ აბულაშვილი კარგი ოსტატიც ჩანს, მაგრამ მას ლოგიკურ მთლიანობაში ვერ მოჰყავს ეს მხატვრული საშუალებანი, ვერ ქმნის საერთო აზრს, მხატვრულ იდეას, ესე იგი, რითმის, მხატვრული სახისა თუ რიტმის პრინციპის პრინციპი თვითმიზნური ხდება და ავტორს ავიწყდება შინაარსის პრობლემა. მკითხველი ვერ აზუსტებს ამა თუ იმ ლექსის ძირითად საკითხს. ავტორი ვერ ქმნის მთლიანი განწყობილების სურათს, რაშიც მას ხელს უშლის გარეგნულ საშუალებათა თვითმიზნურად გამოყენების ტენდენცია. როგორც ეტყობა, იგი მოუმზადებელი ჯდება საწერად. საგანი არ აქვს წინასწარ შერჩეული და განცდილი, ამიტომ იძულებულია წერის პროცესში რაღაც აბსტრაქტული, განწყენბული, მისთვის უცნობი, უხილავი საგანი „წარმოიდგინოს“:

„სველი ხეების ფერი ყვითელი
 დარჩება იქვე, ვით ფიქრი რაღაც“.
 „იქნება რაღაც მძიმეც და თბილიც“.
 „რაღაც მომინდა და ასე ველი...“
 „იყო რაღაცა სიცხვეც, ცეცხლიც“.
 „...და რაღაც გრილი გეხლება ქარი“.

ასე, თითქმის ყოველ ლექსში მეორდება ეს „რაღაც“ — ავტორი ვერ აგნებს კონკრეტულ საგანს, რის მიხედვითაც უნდა გამოითქვას იდეა, აზრი და ზუსტი დანიშნულება მიეცეს თვითეულ მხატვრულ საშუალებას. ეს გაურკვეველი „რაღაც“ ანზორ აბულაშვილის ლექსებში არ არის ეპიზოდური ცნება, შემთხვევითი ტერმინი. იგი ამით ცვლის საერთო მხატვრულ იდეას. ანზორ აბულაშვილის ყოველი ლექსის ცენტრში დგას არა რაიმე კონკრეტული საგანი, მოვლენა, საკითხი, არამედ შეუცნობელი „რაღაც“, რომელიც შემდგომ უნდა დააზუსტოს და გამოამჟღავნოს პოეტმა. მან ლექსის ფორმის, ტექნიკის ცოდნა უნდა შეუხამოს აზრს და იდეას. აქვე უნდა შევნიშნოთ, რომ პოეტი ხშირად

უზნეად არღვევს ქართული და; საერთოდ, პოეტური ენის ელემენტარულ ნორმებს:

სიბრაღულს ვამბობ მათდამი ახლა,
 თუმც ბორცვიდანაც მე სულმთლად
 ვხედავ,
 დიდ გზებს, გემები რაზეც მიდიან.
 სალამი დიდ გზას, — გასასვლელს
 კაცთა,
 არარაობის მცოცავის ჩრდილის,
 ჰქონდა სისხლს ცეცხლი და
 გაზმორება.
 ქულს ვუხდი შენსას ქუხილს ვით
 ყველა.
 აქა-იქ მუქად დაყრილი სილით...

ბონდო ალავიძე ყველაფერს პირდაპირ, რეპორტიორის თვლით ხედავს და აღიქვამს. იგი თითქმის არაფერს არ უმატებს კონკრეტულ სინამდვილეს. ეს პრინციპი (თუ მას, რა თქმა უნდა, გაცნობიერებული აქვს ეს ამბავი და მართლაც პრინციპად მიაჩნია!) თავისთავად ქმნის ეგრეთწოდებულ მარტოვ სქემას.

გოეთე წერდა, ბუნდოვანება სიზარმაცის ნიშანიაო. ეს სიტყვები მხოლოდ პროფესიონალ შემოქმედს ეხება. ცხადად, სადად აზროვნება საგანზე აქტიური დაკვირვების, ღრმად შემეცნების შედეგია. ზერეფე დაკვირვება ქმნის მოჩვენებით სისადავეს, რომელიც პრინციპულია და იხრება.

ბონდო ალავიძის ლექსებში ვერ შევხვებით მხატვრულ განზოგადებას, ქვეტექსტს, მინიშნებას. იგი ყოველგვარი რომანტიკისა და მხატვრული ფანტაზიის გარეშე გადმოსცემს ყველაფერს. ლექსში „ფიქრები გელათზე“ ავტორმა ფაქტი აღწერა მშრალად, ნარკვევის სტილით:

დღეს იმ ტაძარში აღარ არის აკადემია.
 მთელი აღარც ის აკლამებია,
 გაურღვევია ქამთ სიავეს ქვები ნაკერი
 და ნაპარღებში შეხიზნულან მავყლის
 ბარდები.

ასე განაგრძობს იგი იმის შესახებ,
რაც იყო, დასკვნით ნაწილში კი:

„მერე რა, ერთ დროს ეს ქვებიც ხომ
აღარ იქნება,

მერე რა, ერთ დროს ის რონოდაც
აღარ იქნება,

მერე რა, ერთ დროს ჩვენც არ
ვიქნებით“.

შეიძლება თამამად ითქვას, რომ ეს პოეზია აღარაა. თუ ამ ლექსს რითმის, რიტმისა და მომავლის ბანალური განწყვერეტის გარეშე წაფიქთხავთ, დაგვრჩება ისტორიკოსის მიერ მშრალად და პედანტურად აღწერილი ფაქტი.

ჩვენ არაერთხელ გავუსვით ხაზი ბიოგრაფიული ელემენტების აუცილებლობას პოეზიაში. ყველა დიდი პოეტი ბიოგრაფიულია. შევთანხმდეთ „ბიოგრაფიული“ გაგებაში. პოეზიაში ბიოგრაფიული სხვას არაფერს ნიშნავს, თუ არა პირადად შენს მიერ განცდილის მოქცევას პოეტურ ფორმაში, იმის გამოხატვას, რაც შენი სულიერ-ინტელექტუალური სამყაროსათვის ორგანულია. წმინდა პირადული, სუბიექტური ბიოგრაფიის დეტალების, ობიგატელური გრძნობის შემოქმედებაში გადატანა გამორიცხავს განზოგადების პრინციპს და პოეზიას აძლევს სააღბომო, გასართობ სახეს:

მომენტრა და მგონი ძალიან, (!)
დოქით ღვინო და თბილი ლავაში,
რომ თქვენი ბონდო უკვე მგზავრია,
ახარე, როცა მოვა მამა შინ.
იმ წელს საცოლე რთველში მელოდა,
სულში უღრუბლო ზეცა მღეროდა.

ბონდო ალავიძის პოეზიაში გრძნობა, ემოცია უშუალოდ კი არ ჩანს, არამედ ავტორი თვითონ ლაბარაკობს მათ შესახებ, რაც ზედმიწევნით ადამბლებს მისი ლექსების მხატვრულ ხარისხს. ახალგაზრდა ავტორმა მისთვის დამახასიათებელ სისადავეს აზრის, იდეის შექმნის მიმართება უნდა მისცეს.

პირდაპირ შეიძლება ითქვას, რომ ლადო ირემაშვილი კრებულში წარმოდგენილია მხოლოდ ცდებითა და ძიებე-

ბით. „მთავარი ის კი არ არის,— წერს პიკასო, — რას ეძებ, არამედ ის, თუ რას პოულობ“. ჩვენ არ ვიცით, რას იპოვის ლადო ირემაშვილი, მაგრამ გულწრფელად უნდა ვუთხრათ, რომ ამ კრებულში წარმოდგენილ ლექსებში მხოლოდ წრესგადასული თვითნებობა და მანერულობა იგრძნობა. პრინციპში (ამ ლექსების მიხედვით) იგი ცდილობს პროზაული ელემენტების გამოეტურებას. ეს, რა თქმა უნდა, ახალი ნაბიჯი არ არის და რატომ არ აკვირდება ახალგაზრდა ავტორი, რომ ამ რთულ შემოქმედებით პროცესში დიდი ტაქტი და ზომიერება საჭირო. პროზიდან პოეტმა უნდა გადმოიტანოს ის, რაც პროზას პოეზიისა აქვს და არა მისი სპეციფიკური ნიშნები:

„თუ შეიძლება კაცი ჰგავდეს სახლებს,
ქუჩებს, თბილისის აღმართებს.
კაცი ჰგავდეს ფოთლებს, ხეებს,
ბალახებს ერთად;—

გალაკტიონი ემგვანება. მე
გალაკტიონს
არ ვაღმერთებ, არ ვაღმერთებ.
მხოლოდ, როდესაც დავღონდები,
მე მას ვისხენებ,
როგორც ფოთლებს, როგორც ხეებს,
როგორც ბალახებს.

მე მას ვისხენებ, ხელში ვიჭერ
მზესუმზირის ერთ მაღალ ღეროს.

დავივლი ქალაქს, აყვავებულ
მზესუმზირას ყველას ვანახებ“.

(„კაცი, როგორც დიდი მწვანე ბალახი“)

არის ყვავილებში ბედნიერება მცირე
ჩიტათვის:
ქერის მარცვლის ოდენი სიხარული,
ქერის მარცვლის ოდენი სევდა.

ხშირად მკლავებში მომწყვდეული
ცაც კი საკმარისია გაფრენისათვის,
ხშირად.

ფილიპე ბერიძე
„თითქოს ლექსია, მაგრამ მაინც არ
არის ლექსი“...

ყვავილთ ფერები დაღლილ თვალთ
 ეფერება.
 მე ქრიზანტემებს ლარნაკში ვაწყობ
 თითო-თითოდ
 და ვიმეორებ: არის ყვავილებში
 ბედნიერება
 მცირე ჩიტათვის.
 („ჩიტები, ყვავილები და ბედნიერება“)

რა ნიშნების მიხედვით უნდა ჩავთვა-
 ლოთ ეს სტრიქონები პოეზიად? ასეთი
 ფლეგმატური, უაზრო თხრობა, რასაც
 ფილოსოფიური მსჯელობის პრეტენზიით
 გეთავაზობს ავტორი, წმინდა ხელოვნუ-
 რი, განზრახული პოზაა და სხვა არაფე-
 რი. ლაღო ირემაშვილის „პროზაული“
 ლექსები არ სტოვებენ არც ემოციურ და
 არც აზრობრივ შთაბეჭდილებას.

ამ ლექსებს არ აქვთ პოეზიის ელემენ-
 ტარული ნიშნებიც კი. რიტმი, როგორც
 ავტორს მოეხსენება, არც პროზისთვისაა
 უცხო და პოეზიისთვის მითუმეტეს აუ-
 ცილებელია.

ზოგჯერ ლაღო ირემაშვილი ცდი-
 ლობს გულუბრყვილოდ, ვითომ ბავშვის
 გაგებით, გადმოგვცეს განწყობილება თუ
 აზრი. სინამდვილისადმი გულუბრყვილო
 მიდგომის მეთოდით არა ერთი და ორი
 ღირსეული ნიმუში შეუქმნიათ ხელოვნე-
 ბაში. სხვა არის, მაგალითად, ფიროს-
 მანის გულუბრყვილობა და ამ მხატვ-
 რული ხერხის დაყვანა ბავშვის ფსიქო-
 ლოგიამდე:

თოვლი თოვს თეირად ფანჯარასთან.
 თოვს.
 ზის დედოფალა ფანჯარასთან. თოვს.
 შუშის თვალებით ფანჯარასთან.
 თოვს.
 თეთრად თოვს თოვლი ფანჯარასთან.
 თოვს.
 თოვლი რა არის? თოვლი თოვს
 თეთრად.
 თეთრი რა არის? თოვლი თოვს
 თეთრად.
 სევდა რა არის? ხელების სევდა?
 ზის დედოფალა ფანჯარასთან.
 ვის გაახსენდა, მოკვდება გედი?!

სიკვდილი რაა? სიმღერა რაა?
 მოკვდება გედი. რა არის გედი?
 ზის ფანჯარასთან დედოფალა.
 კიდევ წინათაც ათოვდა ქალაქს.
 კიდევ თბილისი წუხდა ქარებით.
 ზის ფანჯარასთან დედოფალა,
 იმზირება შუშის თვალებით.
 („დედოფალა ფანჯარასთან“)

მე ახლა მინდა ტყეში წავიდე,
 უნდა წავიდე.
 წავალ და დავჭირ თელის ტოტებს,
 უნდა წავიდე.
 ნეღლი ლაფნისას დავწნავ შოლტებს,
 უნდა წავიდე.
 გზაზე მეურმე იქნებ შემხვდეს,
 მისთვის ვიმღერებ.
 გაგაჰახუნებ ლაფნის შოლტებს,
 ისევ ვიმღერებ.
 გზაზე მეურმე თუ არ შემხვდა
 მაინც ვიმღერებ.

(„ტყეში წავიდე“)

ეს ორი ლექსი მთლიანად მოვიტანეთ
 იმის ნათელსაყოფად, თუ რა საეჭვო კავ-
 შირი აქვს ამ სტრიქონებს ჭეშმარიტ
 პოეზიასთან.

მე მივაბიჯებ და გვერდიდან
 აღარ მშორდება
 მთვარე.
 დავიღალე და წადი სხვასთან,
 გელარ მოვდივარ,
 ლაღე.

(„ლაღე“).

ტაგუ მებურიშვილი გარკვეული ოს-
 ტატობით ფლობს ლექსის ფორმას,
 შეუძლია სტრიქონის გამართვა, ფრაზე-
 ზის დალაგება, ერთი სიტყვით, ლექსის
 ტექნიკურად აგება. მაგრამ მის ლექ-
 სებს, ისევე როგორც ანზორ აბულა-
 შვილის პოეზიას, აშკარად ეტყობა ფორ-
 მის ხელოვნური უპირატესობა. იგი ვერ
 აზუსტებს სათქმელს, მხატვრულ აზრს
 და ლექსიდან ლექსში იმეორებს თავის
 თავს. ლექსში „ჩვენ გვახსოვს ასე“ ავ-
 ტორი აღწერს ომისდროინდელი სოფ-
 ლის სურათებს. თუ მხედველობაში არ
 მივიღებთ ზოგიერთ ენობრივ და აზრობ-

რივ ლაფსუსს („როცა მოგარდნენ დაშინით, თოფებით“, „ძილმწარე“, „ოცნების სხვენი“ და სხვ.), ლექსი სადა მხატვრული ფერებით გადმოგვცემს ადამიანის სულიერ მღვლეარებას:

ფოსტალიონებს დაჰქონდათ ჩანთით ხან სიხარული, ხან შეკავლება... და გვერდნა მშერა საოცრად მკაცრი, ჩვენ ხელისგულზე გვერდნა აბედიც... და შეეჩვია სარეხის ბაწრებს სამგლოვიარო შავი კაბები.

ლექსი მთავრდება ავტორის პუმიანური სურვილით:

მიწაზე ენთოს სიცოცხლე მარად და არასოდეს გაისმას ოხვრა. გვიან ისწავლონ ბავშვებმა ბარვა, გვიან ისწავლონ ბავშვებმა თონხა...

ლექსში „ჩემი ბავშვობა დასრულდა ასე“ ტაგუ მებურიშვილი გვაცნობს თავისი ბავშვობის ეპიზოდებს:

კორისწყლის პირას შუადღის მზეში ვაბლაახებდი თეთრშუბლა მოზერებს. და მანდა შუბლზე კელქობის ნიშნად მოლურჯო კობი, მოშავო კობი, ვერეკებოდი წაბლას და ნიშას სალამურით და პატარა კომპლით...

ეს ფოტოგრაფიული აღწერა მკითხველზე ვერ ახდენს ვერავითარ ემოციურ შობეჭდილებას და ვერ განაზოვადებს ავტორის ფიქრს. შემდეგ პოეტი, სხვა სიტყვებით, ზუსტად იმეორებს ზემოთ განხილული ლექსის განწყობილებას:

ომის დაწყება აუწყეს გლეხებს და შეიყინათ ნამკლები ხელში. დაგვრჩა სოფელი ბავშვებს და ქალებს...

შემდეგ იგივე პუმიანური სურვილი:

და ენატრობ — იყოს მშვიდობა მარად, ზღვად ლიეღივებდეს სათიმ-სამკალი. ფოსტალიონის მოტანილ ბარათს არ ვღებულობდეთ ხელის კანკალით...

ახალგაზრდა პოეტს არც თუ ისე იშვიათად ეპარება ლექსებში სუსტი მხატვ-

რული სახე, პრიმიტიული შედარება, ენობრივად თუ აზრობრივად გაუმართავი ფრაზა:

ღრუბლის ვაგონებს მიათრევს ქარი და ჩრდილებს გზაზე აფენს ჭილოფად.

(„დიდი ჰალაქის დია ჭრილობა“)

ან შენი თმების სიზმარი თეთრი რად მესიზმრება მთვარიან ღამით.

(„სუთიელი ჭუნები“)

გული ნაცემი ლექსის ყვერალით

(„ჩემით დალოცეთ“)

ტალღები უკვე ბორკილებს ლეწენ, მაგრამ დუმილი არის მთებური.

(„გაზაფხული“)

შენ ლეგა ტანი მზით გეტაფება.

(„მატარებელში“)...

კრებულის შესავალ წერილში პოეტი იოსებ ნონეშვილი გატაცებით, დიდი სიყვარულით მოგვითხრობს კრებულის ავტორებზე. არაფის იჭვი არ ეპარება, რომ იოსებ ნონეშვილს მთელი არსებით უხარია ახალგაზრდების წარმატება. იგი ყოველთვის აქტიურად ზრუნავს ახალგაზრდებზე, მაგრამ ცოტა აჩქარებას ხომ არ უნდა მივაწეროთ ეს სტრიქონები: „როგორც ხედავთ, ან უფრო, როგორც დანახავთ ამ წიგნის კითხვისას, ოთხივე ავტორი ურთიერთ(?)განსხვავებული, საიმედო და საინტერესო პოეტი. ისინი ჰემმარიტი შენაკადები არიან ქართული ლექსის დიდი და უშრეტე მდინარისა“.

არც ჩვენ გვეპარება ეჭვი მათს პოეტურ შესაძლებლობებში (მაგალითად, ანზორ აბულაშვილი არა ერთი და ორი კარგი ლექსის ავტორია), მაგრამ გვინდა ოთხივეს გულწრფელად, სიყვარულით და კეთილი სურვილით ვუთხრათ, რომ მომავალი დაოსტატებისათვის საჭიროა მეტი შემოქმედებითი ძიება, წვა, მეტი შრომა და, რაც მთავარია, პასუხისმგებლობა მკითხველის წინაშე.

ფილიპე ბერიძე
„თითქოს ლექსია, მაგრამ მანაც არ არის ლექსი“...



ახლი თაყაიბშილი

წასაზღვრელი სტრიქონები

არაგვისათვის უცხო ამბავი არაა, რომ ზოგჯერ ენა და სტილი მივიწყებულია ჩვენი კრიტიკოსების ნაწარმოებებში. ისინი ცდილობენ ღრმად ჩასწვდნენ მწერლის იდეურ-მხატვრულ კონცეფციას, ზედმიწევნით დაახასიათონ გმირები, მაგრამ ენაზე რომ მიდგება საქმე, რატომღაც ენას კბილს აჭერენ, ანდა, ბოლოში, ისე, ზრდილობისათვის, ნათქვამს რომ „კრიტიკული“ სახე მიეცეს, გაკერით იტყვიან ხოლმე: „ავტორს აქვს რამდენიმე სუსტი სტრიქონი“, „ესა თუ ის ფრაზა სტილისტურად მოიკოჭლებს“ და სხვ.

იქნებ ანგარიშგაწევის ღირსი არაა ენა? მაგრამ გავისვენოთ გორკის სიტყვები: „ლიტერატურის პირველ ელემენტს, მის ძირითად იარაღს ენა წარმოადგენს“. ენის მეშვეობით ამყარებს მწერალი კონტაქტს მკითხველთან, გადასცემს ნაწარმოებში ჩაქსოვილ აზრსა და განწყობილებას.

გასულმა საუკუნემ საქართველოში მოგვცა ენის სიწმინდისათვის ბრძოლის შესანიშნავი მაგალითი. ენის საკითხი სისხლხორცეულად იყო დაკავშირებული დიდ საზოგადოებრივ მოვლენებთან. „რა ენა წახდეს, ერი დაეცეს“ — აი, რა რეგისტრში ჟღერდა ეს პრობლემა. მამებისა და შვილების უთანხმოებაში ერთერთი მეჭად პრინციპული საკითხი სწორედ ენის სიწმინდისათვის ბრძოლა იყო. (გაიხსენოთ თავად რევაზ ერისთავის გაკრიტიკება ილიას მიერ).

ბოლო ხანებში კვლავ შეიმჩნევა ენისა და სტილის საკითხებით დაინტერესება. ეს პრობლემა ყურადღებით განიხილება როგორც ზოგადთეორიულ, ისე კონკრეტულ-პრაქტიკულ ასპექტში. მხედველობაში გვაქვს არნ. ჩიქოვავას, გრ. კიკნაძის, შ. ძიძიგურის, ვ. ჭელიძის, ზ. ჭუმბურიძის, რ. თვარაძისა და სხვათა გამოკვლევები თუ წერილები. ეს ნაშრომები მეტწილად არათანამედროვე ქართულ მწერლებს შეეხება, ამათთან, მასალა პოზიტიური კუთხითაა დახასიათებული — მხოლოდ რამდენსამე სტატიაშია მოცემული ზოგიერთი თანამედროვე მწერლის ენის კრიტიკული ანალიზი. ნეგატიური კი ჯერ კიდევ რამდენი რამ არის ჩვენს მწერლობაში! აიღეთ რომელიც გნებავთ ქართული ლიტერატურული ჟურნალი ან გაზეთი, გადაავლეთ თვალი და დარწმუნდებით ნათქვამის სისწორეში. და ეს ხდება გაათკეცებული კორექტირებისა და რედაქტირების ხანაში. რა თქმა უნდა, რედაქტირებმა და კორექტირებმა არ უნდა გვიწყინონ, თუ ავტორთა მისამართით გაგზავნილ „ქათინაურებს“ მათაც ვუწილადებთ. ოსტროვსკი თავის დროში წუხილით წერდა: „ღიას, მე მჭირდებოდ აღრმად კულტურული რედაქტორი, რათა ავრიდებოდი შეცდომებს, რომლებიც შეიმჩნევა ჩემს წიგნში „როგორ იწრთობოდა ფოლადი“. იქ, ორმოცსავე გამოცემაში მეორდება ზ უ რ მ უ ხ ტ ი ს ც რ ე მ ლ ი. მე ჩემი მუშური გულუბრ-

ყვილობით გამომჩრა, რომ ზ უ რ მ უ ხ-
ტი მწვანეა. ეს იყო ბავშვური
შეცდომა. ყველაფერი ეს ხომ ექვსი
წლის წინ დაიწერა“.

ჩვენი ლიტერატურული ჟურნალ-გაზე-
თების (განსაკუთრებით „ლიტერატურუ-
ლი აჭარის“, „რიონის“, ნაწილობრივ
„ცისკრის“, „მნათობის“, „ლიტერატუ-
რული გაზეთის“) გასული წლის ნომრე-
ბის გადათვლიერებამ ერთხელ კიდევ
დაგვარწმუნა ნეგატიური ენობრივი მა-
სალის არსებობაში. ზოგიერთ შემთხვე-
ვაში შეუწყნარებელ რეციდივებს აქვს
აღვლი. სიტყვის ექსპრესიული მაქსი-
მუმით მოცემას ვინდა ჩივის, დარღვეუ-
ლია სტილისტიკური მინიმუმის ნორმე-
ზიკცკი.

ჩვენ შევეცადეთ დაგვეჯგუფებინა და
კრიტიკულად განგვეხილა ეს ნეგატიური
მასალა. გვარებს არ ვასახელებთ და
შეგნებულადაც: ავტორი იმდენია, მათი
უბრალო ჩამოთვლაც კი წერილს დაამ-
ძიმებდა და კონკრეტულ სახეს მისცემდა.
ამასთან, ჩვენ ენის ინტერესები გვაძო-
რავებს და არა რომელიმე პიროვნების
განქიქების სურვილი. ჩვენი მიზანი იყო
წარმოგვედგინა ის საერთო ტენდენციე-
ში, რაც ახასიათებს ზოგიერთი მწერლის
ენობრივ-სტილისტურ ანომალიებს. ავ-
ტორები ისედაც იცნობენ თავიანთ სტრი-
ქონს. უფრო მეტიც: აქ სხვაც დაინახავს
თავის თავს...

(რა თქმა უნდა, ჩვენ წუთითაც არ
ვიფიქვებთ, რომ ასეთი მასალის გვირ-
დით გვაქვს ჩვენი წამყვანი მწერლების
ლიტერატურული შედეგები, ქართული
სამწერლო ენის განვითარების თვალსაზ-
რისით საეტაპო მნიშვნელობას რომ
ინარჩუნებენ).

უპირველეს ყოვლისა, თვალში გეცე-
მათ სიტყვების უჩვეულო, შეუფერებელ
კონტექსტებში მოქცევა, რაც ხშირად
სიტყვათა შეკავშირების ელემენტარული
წესების დარღვევამდე მიდის.

„მერე და მერე ს უ ლ ი ც

დ ა რ ბ ი ლ და,

როგორც სამინდის ძირი მოროდით“.

ძალიან ძნელი აღსაქმელია ს უ ლ ი ს
დ ა რ ბ ი ლ ე ბ ა. ეს ისეთი სიტყვებია,
რომლებიც თავისი მნიშვნელობათა და
ხასიათით ერთმანეთს არ ეკუთვება.

ან კიდევ:

„კარგი იყო ფიქრი მაშინ,

ს ა ს თ უ მ ა ლ ზ ე და დ ე ბ უ ლ ი

ფ ი ქ რ ი“.

სასთუმალზე და დ ე ბ ა შეიძლება
წ ი გ ნ ი ს, თ ა ვ ი ს... მაგრამ ფ ი ქ-
რ ი ს — არავითარ შემთხვევაში

„მომხდარა ხოლმე, ზოგჯერ ხურდა

თუ არ მყოფნიდა —

ჩვენ შორის ნდობის ებმებოდნენ

თ ბ ი ლ ი ძ ა ფ ე ბ ი“.

ერთ-ერთ სტატიაში გორკის მოაქვს
დამწყები მწერლის სტრიქონები: „მე
ვიცინი. ს ი ც ი ლ ი მ ი გ მ ა ნ ა ვ ს
ნ ე ს ტ ო ე ბ ს, თ ვ ა ლ ე ბ ს, პ ი რ ს...“.
და განცვიფრებას ვერ მალავს: „არ მეს-
მის, როგორ შეიძლება ს ი ც ი ლ ი მ ა
და გ მ ა ნ ო ს თ ვ ა ლ ე ბ ი, ნ ე ს ტ ო-
ე ბ ი. ს ი ც ი ლ ი ხ ო მ მ ტ ვ ე რ ი არაა!“

აქ შეიძლება შემოგვედავოს „სასთუ-
მალზე დადებული ფიქრის“ ავტორი:
„ქო, მაგრამ ხომ ამბობენ ძ ი ლ ი ს გ ა-
ტ ე ხ ა ს? განა ძ ი ლ ი ჭ ი ქ ა ა, რომ
ბ ა ტ ყ დ ე ს?“

კითხვა მოსალოდნელია და ანგარიშ-
გასაწევი. მართლაც, ენაში უხვად დას-
ტურდება ფრაზეოლოგიური ერთეულები,
რომლებშიც კომპონენტთა კავშირი არ
ემყარება ბუნებრივ, ლოგიკურ მიმართე-
ბებს: ს ი რ ც ხ ვ ი ლ ი ჭ ა მ ა, თ ბ ი ლ ი
ს ი ტ ყ ვ ა, ს ი ჩ უ მ ე ჩ ა მ ო ვ ა რ დ ა...
მაგრამ მხოლოდ ერთი შეხედვითაა ასე.
სინამდვილეში მაინც არსებობს ასეთი
კავშირის საფუძველი — ის განპირობე-
ბულია სიტყვიერ მნიშვნელობათა კავში-
რის კანონებით. და, რაც მთავარია, ასეთ
გამოთქმებს საკმაოდ დიდი ხნის ისტო-
რია აქვთ. „არის ქვევები, რომელთა იმ-
პროვიზაცია არ შეიძლება. ისინი მზამზა-
რეულადაა გადმოცემული ტრადიციით“
(დე სოსიური).

არლი თაყაიშვილი

წასაშლელი სტრიქონები



ჩვენ არ ვიცით, რა პირობებში მოხდა ამ უჩვეულო კონტექსტების ჩასახვა. შესაძლოა, შიშის კამა პირველად რომ ეხმარა დღეს ვინმეს, ისევე უხეშად მოგვჩვენებოდა, როგორც მას აღიქვამს თარგმანში, ვთქვათ, რუსი: **СЛЕД СТРАХ**, მაგრამ გამოთქმა არსებობს და მას მიღებული აქვს ენობრივი სანქცია.

ეს იმას როდი ნიშნავს, რომ დავგმობთ სიტყვების ახალ კონტექსტში წარმოდგენის ინიციატივა. ლიტერატურის ისტორიამ იცის მრავალი მაგალითი, როცა ენაში დამკვიდრებული მეტაფორა თუ ეპითეტი რომელიმე მწერლის სახელთანაა დაკავშირებული. სხვაგვარად, ასეთი ექსპერიმენტებისა და ძიებების გარეშე ვერც განვითარდებოდა პოეტური სტილიტიკა. მაგრამ ეს ძიება უნდა ეყრდნობოდეს ზუნებრიობის გრძნობას და სიტყვათა შეყავშირების შესაძლო მინიმუმს მაინც უნდა იცავდეს. რა თქმა უნდა, ლაპარაკია არა ასეთ შემთხვევებზე:

„ერთმა ქალმა სხვანაირად მიატყვა თვალები მექიბონეს“.

„ცივ სახეზე როგორც იყო, უფერული დიმილი აიკიდა“...

დასტურდება აგრეთვე მყარი გამოთქმების ფორმის უგულვებელყოფის ცდები. ტრადიციით უცვლელად გადმოცემული და ნორმად დაკანონებული იდიომატური მასალა განიცდის თვითნებურ ტრანსფორმირებას:

„პირზე დიმილით გააპყრობს მზერას“.

მზერის გააპყრობა უხერხულია. ნორმაა მიაპყრობს მზერას.

„სულელები არიან ბიჭები, თორემ თამრიკოსთან გოგოს თვალს აავლებს ვაჭკაცი?“

თუ ავტორი სიტყვა აავლებს ხმარობს იმავე მნიშვნელობით, რაც აქვს სიტყვას შეავლებს, მაშინ ფრაზა აზრობრივადაა გაუმართავი (თამრიკოსომ ლამაზია!). აქ იგულისხმება თვალს აარიდებს. მერე და დაეწერა ასე! თვალს აავლებს კი არ შეიძლება.

„ნაცნობ სახეს რომ შენიშნავდა, ისევ განაგრძობდა ბოლთას“.

ბოლთა უცხო სიტყვაა (შდრ. იტალ. volta — მოტორალეზა) და ქართულში დღეს დამოუკიდებლად არ იხმარება. გვხვდება მხოლოდ ცემა და კვრა ზმნებთან. ავტორს უნდა ეთქვა: „ისევ განაგრძობდა ბოლთის ცემას|| ბოლთის კვრას“.

განსაკუთრებით მტიკინეულია ლექსიკისადმი დამოკიდებულების საკითხი. ზოგიერთ ავტორთან შენიშვნება სალექსიკონო ფონდის გაღარიბების ტენდენცია. არა ჩანს ამ ნაკლის დაძლევის სურვალი და პერსპექტივა. შედეგიც არ აყოვენებს: ნაწარმოები ენობრივად იფიტება, უხერხემლო ხდება და საგაზეთო სტატიის შთაბეჭდილებას ტოვებს.

აქ საჭიროა მცირე შენიშვნა. დღეს გაზეთის ენა ვეღვახად ასხენებენ და უარყოფითად აფასებენ მწერალზე მის გავლენას. სინამდვილეში არც ასეა საქმე. გაიხსენოთ: ბევრი ცნობილი მწერალი ლიტერატურაში გაზეთიდან მოვიდა, მოვიდა და მოიტანა აზრის ნათლად და სხარტად გამოხატვის ჩვევები, ის „კუნთოვანება“ (ლ. ტოლსტოის ტერმინია), რომელიც ყოველგვარი მრავალსიტყვაობის მტერია.

ასეთია ვაზეთის დადებითი როლი. ჩვენ გაზეთის უარყოფით გავლენად მიგვაჩნია ზოგიერთ მწერალთან მშრალი კანცელარული სიტყვებისა და ტერმინების მოძალევა.

„ჩაის ბუჩქებს ჩამოუვლის გმირი წყება მკრეფავ ქალთა“.

„მამამ იცოდა შრომა უწყვეტი. კუნთმაგარი და მკლავაუწყვეთი“.

ჯერ უწყვეტი შრომა რა არის, და ახლა კიდევ კუნთმაგარი და მკლავ გაუწყვეთი.

ლექსიკის მარაგის სიმცირეზე მეტყველებს ერთიადიმავე სიტყვების ერთ ბატარა მონაკვეთში გამოვრება:

„მაშინ მას თავისივე ხელით შეეკრიბი და ფოთლილი ჩითის კაბა ეცვა“

და ფოთოლივით ცახცახებდა".
და ფოთოლილი კაბის შემდეგ ფოთოლივით ცახცახი აშკარა პროვინციალიზმია!

„პე, მთებო, მთებო, ბურს რად
იბურავთ“.

„ყველა მოჯარდა და მოჩხუბართ
შემოადგა. — მელამაც იდროვა და უჩუმ-
რად შეერია მოჯარულთ“.

ძალაუნებურად გვახსენდება ფლობე-
რი, რომელიც ერთსადაიმამვე სიტყვას
ერთ გვერდზე მეორედ აღარ გააჭაჭანებ-
და.

ამ მაგალითებში, როგორც დაინა-
ხეთ, გაღარიბებულია და გამოფიტუ-
ლია ენა. ამ შემთხვევაში ლექსიკის ნი-
ველირების სანაცვლოდ არ ხდება აზრის
ქვეტიპსტებით გამოხატვა და აქცენტის
გადატანა სტილზე. ესაა, ლექსიკის არ-
ცოდნა, მისდამი დაუდევარი დამოკიდე-
ბულება და სხვა არაფერი. ზოგიერთი
ავტორი ცდილობს ამ ჩიხიდან თავის
დაღწევას. მაგრამ ეს ისეთი საშუალებე-
ბით ხდება, რომ კიდევ უფრო თვალში
გეცემათ ავტორის სალექსიკონო ხურ-
ჯინის სცარედე. ამ-ს ნიმუშია გაბრ-
ტყელებულ შედარებებსა და ბრჭყვიალა
ფრაზებს ამოფარება:

„თვალეზი ისე დაეზინდა,
როგორც ღრუბელამოფარებუ-
ლი მზე“.

„მის ლოყებზე სიმინდს მიშეე-
ბული წყალივით გაბნეულმა
ცრემლებმა ენა დაუღებ“.

„რძალი თვალეზს პირდაპირ მაშ-
ხალეზივით აყრიდა ქმარს“.

მხატვრული შედარებებით ასე ძლიერ
გატაცება მეტწილად ახალგაზრდებს ემჩ-
ნევთა. რა თქმა უნდა, ეს ვერ ჩაიფლე-
ბა კარგ ტონად. მიაკოესკი საერთოდ
გაუბრბოდა შედარებას, როგორც პოეტურ
სერსს. გაუბრბოდა სწორედ ქარბსიტყვა-
ობის გამო. იგი იყენებდა შედარე-
ბის შემდგომ სადებუსს, უფრო მოქ-
ნილსა და „ეკონომიურ“ მეტაფო-
რას.

ლექსიკური უსუსურობის შენიღბვის
მეორე გზაა განსაზღვრებებისა და ეპი-
თეტების სიჭარბე.

„სიხარულით უბრწყინავდა ხაოჭეზ-
შემოვლებული, უძირო, სეც-
დიანი შავი თვალები“.

როდესაც რამდენიმე ეპითეტია, ცხა-
დაა, ყველა ერთი ღირებულების არაა.
ამიტომ ფრაზაც ხელოვნურად გაჭიმუ-
ლის შთაბეჭდილებას ტოვებს.

„გულის ტალღამ შეგარხია... იქვე ის
შენიშნე. იგი ისევე ღამაზი, მიამი-
ტი და თვალმოციაგე იყო, რო-
გორც დატოვე... მხოლოდ დაქალე-
ბული, დასრულებული და დამ-
წიფებული გეჩვენა ახლა“.

განსაზღვრებების პირველ მწკრივში
ავტორი უბრალოდ ვერ გრძნობს თან-
მიმდევრობას. უნდა იყოს: ღამაზი,
თვალმოციაგე (ერთი რიგის ეპი-
თეტებია) და შემდეგ მიამიტი. მეორე
მწკრივში დასრულებული საერ-
თოდ შედგეტია, დამწიფებული
ტი — ცუდად ნათქვამი.

დასასრულ, სიტყვიერ სიღარიბეზე
მიგვანიშნებს ავრეთვე სინონიმების წამ-
დაუწუმ ხმარება. აქ ივულისხმება არა
ექსპრესიული შინაარსით დატვირთული
სიტყვების მონაცვლეობა (ახოვანი||წარ-
მოსადგევი), რაც თავისთავად დადებითი
მოვლენაა, არამედ კონკრეტული, ემო-
ციურად ნეიტრალური ცნებების აღმნი-
შენელ სახელთა წარმოდგენა.

ცალკე გამოყოფის ღირსია „ენის
გრძნობის“ საკითხი. ამ გამოთქმას ხში-
რად მიმართავენ, მაგრამ ყველას თავი-
სებურად კი ესმის. ჩვენ აქ გვულის-
ხმობთ იმ შნოისა და ლაზათის სისხლ-
ხორცეულად განცდას, რაც მშობლი-
ური ენისთვისაა დამახასიათებელი. მწე-
რალი, რომელსაც აკენიდან ესმის ქარ-
თული, მთელი არსებით უნდა გრძნობ-
დეს ენის მუსიკას. მან უნდა იცოდეს,
მაგალითად, ქართული ზმნის მრავალ-
პირიანობისა და მოქნილობის ფასი, უნდა
ისწრაფოდეს სიტყვის აზრობრივად
დატვირთვისა და კეთილხმოვანების მიღ-

არლი თაყიშვილი
წასმული სტრიქონები

წვეისათვის, ადვილად უნდა იჭერდეს ფრაზის ინტონაციურ ნიუანსებს და, რაც მთავარია, უნდა შეეძლოს სათქმელის იმ ფორმით გამოხატვა, რომელიც ყველაზე მეტად მოერგება ენის ბუნებას.

მაგრამ ზოგჯერ ყოველივე ამას ივიწყებენ და ფრაზა ისეთ შთაბეჭდილებას ტოვებს, თითქოს ქართულს ახლახან ზიარებული უცხოელის ნათქვამიაო. განა ქართული პეწისა რამე სცხია ასეთ სტრიქონებს:

„მთლად გათეთრებული უღვაშები ხელით გადაწვად მოწია და მიხობრა...“

უღვაშები მისია თუ სხვისი? თუ სხვისია, რა უფლება აქვს გადაწვად მოწიოს, ხოლო თუ მისია, რატომ არ გადაიწვად მოწია?!

„სულს გაზაფხულის წვიმით
გავსებდი,
არა მაქვს ვალი არც მიწის, არც ცის.“

აქ აუცილებლად გვივსებდი უნდა! „მირიხინობდნენ ნახევრად ცარიელი ტრამვაის ვაგონები, მისრიადებდნენ ტროლეიბუსები, ავტობუსები, მსუბუქი ავტომანქანები“.

ჯერჯერობით ყველაფერი რიგზეა. გსიამოვნებს, რომ ავტორს სმენა არ ღალატობს და ერკვევა ტრანსპორტის ყოველი სახეობის ხმაურში. მაგრამ უცებ:

„თეთრ ხიდზე ტროლეიბუსი ტროლეიბუსს მისდევდა. მორიხინებდნენ ავტობუსები“.

„ბიჰს მოკლექტოტიან შარვალს ჩავცმევე, გოგოს ზიზია წითელ კაბას“.

რა თქმა უნდა, ეს მოკლექტოტიც მისაპრელი აქვს შარვალს: ჯობია მოკლექტოტი.

„ზოგჯერ კლიენტის მოლოდინში თასმით ჩანიშნულ წიგნს ამოიღებდა და შეწყვეტილ სტრიქონს წამის განმავლობაში მონახავდა“.

„ყურებში საშინელი ძალით აწვევოდა წყალი, საცაა გაჰყვლიტდა წნევა, მაგრამ ნებისყოფის უდიდესი დაძაბვით მაინც განაგრძობ ლტოლვა სიღრმისა-

კენ“. ლტოლვა აქ ყალბია და სტილისტურად არ უდგება კონტექსტს.

აქვე უნდა აღვნიშნოთ დაუდევრობა დროის ფაქტორთან დაკავშირებით. ცნობილია, რა დიდი მნიშვნელობა აქვს მოქმედების გარკვეულ გრამატიკულ დროში ლოკალიზებას. ამაზე ბევრადაა დამოკიდებული ნაწარმოების რიტმი. გაბმულ ტექსტში თხრობა უნდა მიმდინარეობდეს ერთი რომელიმე დროის ფარგლებში. მაგრამ ზოგჯერ აქაც მოიკოჭლებს „ენის გრძნობა“, ფრაზის რიტმულობის განცდა, და ერთ პატარა მონაკვეთშიც კი გვაქვს დროთა აღრევა.

„რამაზს კარგად ესმოდა, როგორ ღანძღავდნენ ბუღალტერს, რომელმაც თურმე ბევრი გაფლანგა და აქ ტრესტის მმართველი არაფერ შუაშია. ყველა თანხა მას დაეწერება ზურგზე და ფრჩხილები აღარ შეჩება თავის მოსაფხანად“.

ყველა სიკეთესთან ერთად საინტერესოა, რას გულისხმობს ავტორი თქმაში: ფრჩხილები აღარ შეჩებაო. თუ აქ დასჯის მეთოდზეა ლაპარაკი, იგი მეტისმეტად მკაცრი ჩანს.

ორიოდე სიტყვა ყალბი ტონის შესახებ. აკად. არნ. ჩიქოვაგა იდეალურ სტილს ასე ახასიათებს: „იდეალური სტილი საუკეთესო შეფარდებაა სათქმელსა (გადმოსაცემ შინაარსსა) და თქმულს (გადმომცემ ენობრივ საშუალებას) შორის“. მართლაც, ამ ორი ელემენტის შერწყმით მუდამ იქმნებოდა ხელოვნების ბრწყინვალე ნიმუშები.

მაგრამ როცა სათქმელი არაა ორგანული, როცა მას ზერეღედ ეკიდებიან და ვერ პოულობენ შესატყვის ენობრივ საშუალებებს, ხელში გვრჩება ხელოვნური სტილის ნიმუში. ზოგჯერ ასეთი შეუფარდებლობის შედეგია ის მოულოდნელი პათეტიკა, რაც სიყალბის დაღს ასვამს თქმულს. მაგ. ერთ-ერთ ლექსში „პრომეთეს ცეცხლი“ დედა აგზავნის შვილს მეზობლიდან ცეცხლის გადმოსატანად. დააკვირდით დედაშვილის საუბრის ტონს:

— მე როგორ წავალ? — ვუთხარი
მ შო ბ ე ლ ს . —

გზა ხომ არ ვიცი მათთან
მისვლამდი? (?)

მითხრა: „პ ა ტ ა რ ა ვ , მიჰყევ
ორღობეს,
ციცხლს მოშიტან და გზასაც ისწავლი“.

არა გვგონია, რომელიმე დედამ ასე
ოფიციალურად მიმართოს შვილს!

„რამაზი საღამოთი კოხტად გამოწყო-
ბილი და ტუფლები (?) გაპრიალებული
სკოლაში მიიჩქაროდა, ხოლო დილით
მშენებლის იერით მშენებარე (?)
სახლის ხარაჩოზე ამღლებული მებათ-
ქაშეებს ჩამოსძახოდა:

— ჩქარა! დრო ჩვენ არ გვიცდის.
დროს თვითონ უნდა გავუსწოროთ!“

აქ ყალბი პათეტიკაა, „მშენებარე სახ-
ლიც“ არაა სწორი.

დიალექტიზმების საკითხი ყოველთვის
დგას ლიტერატურული საზოგადოებ-
რიობის ყურადღების ცენტრში. ამ სა-
კითხის სიმწვავე მუდამ დამოკიდებულია
მწერლობაში დიალექტური მასალის
მოქცევა-მიქცევის ხარისხზე. მოწი-
ნავე მწერლები ცოცხალი მეტყველების
ნიმუშებს სალიტერატურო ენის გამდიდ-
რების წყაროდ თვლიან. მაგრამ აქ ანკა-
რიში უნდა გაეწიოს მასალის ხასიათს და
თვით სალიტერატურო ენის პრეტენ-
ზიებს. „სალიტერატურო ენის საჭიროე-
ბას ერთი დიალექტის ლექსიკური მარა-
გი ვერ დააკმაყოფილებს. კონკრეტულ
ცნებათა აღმნიშვნელი საჭირო სიტყვები
სხვა დიალექტებშიც შეიძლება აღმოჩნ-
დეს და მისი შემოტანა სალიტერატურო
ენას გაამდიდრებს“ (არნ. ჩიქოვავა).

ცხადია, აქ ლაპარაკია ისეთ სიტყვებ-
ზე, რომლის ბადალი სალიტერატურო
ენაში არ მოიძეება. საერთო-სახალხო
ენის ნაკადიდან უნდა შეირჩეს შედარე-
ბით ემოციური, მოქნილი და აზრობრი-
ვად დატვირთული სიტყვები, თორემ რა
საჭიროა, მაგალითად, ჭ ა ჭ ვ ი , რომელ-
საც ერთი ავტორი გვთავაზობს („ტყე-
ლის ყვავილს ჭ ა ჭ ვ ი თ ვხეტავ, და
მეც ვყვირი: „აქ რა დამღლის“), როდ-

საც არსებობს მისი ლიტერატურული
კორელატი პე შ ვ ი .

განსაკუთრებით კარდასშულია სალი-
ტერატურო ენა დიალექტური ფორმების
მიმართ. იგი გაურბის სიტყვის მორფო-
ლოგიურ-სინტაქსურ ვარიანტებს, „უკუ-
აგდებს სამეტყველო სტიქიიდან ყოვე-
ლივე შემთხვევის, დროებითს, კარგი-
ზულს, ფონეტიკურად დამახინჯებულს,
რაც არ ეგუება საერთო-სახალხო ენის
წყობას“ (მ. გორგი).

რა თქმა უნდა, ასეთ პირობებში გზას
ვერ მივცემთ ავტორთა მიერ შემოთავა-
ზებულ ვერც ერთ საექვო ფორმას:

„ი მ ი ს ი მ ა ღ ლ ი დ ა ნ დაპყურებ-
და ძირს, რომ კინაღამ შეშინდა“ — ლი-
ტერატურული ნორმა: ი მ ს ი მ ა ღ ლ ი დ ა ნ .

„ხარები უხალისოდ, ზღაზვნით დაიძ-
რნენ და მოხუცის მისობილმა გუ-
თანმა გზა განაგრძო...“ მისობილი
ფორმა მიუღებელია.

„ჭიბონი ერგო ლხინ-დარდის წილად,
მისი ხმა მჭლერი სოფელს
ს ჭ ი რ ო დ ა ...“

ს ჭ ი რ ი ა -ს ჭ ი რ ო დ ა აშკარა დია-
ლექტური ფორმებია.

ვვინდა შეეხოთ ენობრივი დამახინჯე-
ბის ისეთ შემთხვევებს, რომლებიც გარ-
კვეული წინაპირობითაა გამოწვეული. ეს
წინაპირობაა ლექსი, და ცოდვის ჩამდე-
ნიც, რა თქმა უნდა, პოეტიკა. საქმე ისაა,
რომ ლექსს პროზისაგან განსხვავებით
(სხვა ფაქტორებთან ერთად) ახლავს
ორი ატრიბუტი: მეტრი და რითმა. ეს
ანბანური ჭეშმარიტება ბევრმა იცის.
მაგრამ ვანა ასე ადვილია დაიცვა
სტრიქონში მარცვალთა რაოდენობა და
თანაც ბოლო სიტყვა მიაართომო მისი
ქვედა სართულის მეზობელს?! და იწყე-
ბა დამეების ტყეხა ისეთი გზის გამოსანა-
ხვად, რომ არც მწვადი (რიტმა) დაიწ-
ვას და არც შამფური (მეტრი). დიდი
ძიების შემდეგ ხსნა ნაპოვნია—სიტყვა!
სიტყვა ისეთი თავმდაბალია, ყოველგვარ

არლი თაყაიშვილი
წასაშლელი სტრიქონები



დამცირებას აიტანს. აი, მაგალითად, როგორ ეწირება იგი მეტრის გადარჩენის კეთილშობილ საქმეს:

„როგორ ენატრებათ ხ მ ე ლ ზ ე
გაგორება,
მათ იციან, ელით ქვეყნად დიდი საქმე“.

აქაც იგივე მდგომარეობაა. მართალია, ხ მ ე ლ ი ფორმა იხმარება, ოღონდ სხვა მნიშვნელობით.

„ასე ჩემსავით უყვარხარ ვინმეს,
ნ ა ტ რ უ ლ ჩაგვქერი ხევის, ქარაფს,
მღვიმეს“.

არ იფიქროთ, მართო შეკუმშვა ხდება. მეტრი მოითხოვს დანაკლისი მარცვლის შეესებასაც! და პოეტიც „წელავს“ სიტყვას:

„ის ს ი თ ბ ო ე ბ ა, სიტკბოება
სტუმართმოყვრული,
მარადიული იავენანის ტკბილი
გალობა“.

თუ გვაქვს ს ი ტ კ ბ ო — ს ი ტ კ ბ ო — ე ბ ა, რატომ არ უნდა იყოს ს ი თ ბ ო — ს ი თ ბ ო ე ბ ა? და ავტორიც ხელოვნურ ფორმას იკონებს.

ახლა გნახოთ, რა ემართება სიტყვას რითმის გულისათვის:

..ზიგებო, თქვენი დიდობა მინდა
და თქვენთვის მინდა დღეც და
ბ ვ ა ლ ი ც ა“.

„ჩვენ სამშობლოს აყვავება
მულამ გეწამდა, გაჯეროდა,
მიტომ ჩანგი იმედის ჰანგს
ბორკილებშიც ჟღეროდა“.

ჩანგი ჟღერდა, ჩანგი ჰანგს ა ჟღერებდა. აი, ეს უკანასკნელი შეცვალა ავტორისეულმა ფორმამ — ჟღეროდა.

ან კიდევ:

..მზე რომ ამოარდევს ლაქვარდების
ღ ი ლ ე ბ ს (?)
ჩემი სოფლის თავზე ჩამოუდება
პ ი რ ვ ე ლ...“

დასასრულ, ბუნდოვანების შესახებ გარდა იმისა, რომ ავტორები გვთავაზობენ შეუწყნარებლად შერყვნილ სიტყვიერ მასალას, ხშირად ვერც აზრის ნათლად ჩამოყალიბებას ახერხებენ. კითხულობთ სტრიქონებს და არ გენმით, რისი თქმა სურს ავტორს. ენის ექსპრესიულ შესაძლებლობათა ჩვენებას ვინდა დაეძებს, უგულებელყოფილია მისი ამოსავალი ფუნქცია — იყოს გაგებინების საშუალება. ამა, სხვანაირად რა ახსნა მოეძებნება ამგვარად გაწყობილ ფრაზებს:

„ცა ფირუზს რომ ავხედავ,
რა არ მომაგონდება,
თ ვ ა ლ ი ც რ ე მ ლ შ ი
ა ლ ხ ვ ე ბ ა (?)“

ან:

„შე მ ო ა ფ ი ნ ა ფრთხილად კარები
ხმამ იღუშალმა, წყნარმა, შაქარამ,
კულტს და მღუმარეს მ ო ო ა რ ე ბ ი თ
ვარდის ფურცლები შემომამყარა“.

ძნელი მისახვედრია, თუ რას ნიშნავს აქ მ ო ო ა რ ე ბ ი თ!

„შვილს ხარები ჭიშკრის ქვეშ ჩაეყვანა და უღელს ადგამდა“.

წარმოუდგენელია ხარების ჭიშკრის ქვეშ ჩაყვანა!

„დამჩრა ერთი რვეული — სტუდენტობის სახსოვარი და მერი დეიდას ს ი ც ვ ა რ უ ლ ი თ საგსე გ უ ლ ი, რომელიც არასოდეს განელდება“.

რა არ განელდება: გ უ ლ ი თუ ს ი ც ვ ა რ უ ლ ი?

„გაგარგარებულმა გ უ ლ მ ა დაბლობისაკენ გაიწია, ნაბიჯიც კი გაადაღჯა (?), მაგრამ კვლავ მოესმა გოდება დედისა“.

ვინ გადაღჯა ნაბიჯი: გ უ ლ მ ა თუ კ ა ც მ ა? როდესაც ძველ ქართულ ძეგლებში გვითხულობთ: ა ბ რ ა ა მ შ ვ ა ის ა ა კ, ვიცი, რომ ა ბ რ ა ა მ შ ვ ა ის ა ა კ ი და არა ის ა ა კ მ ა ა ბ რ ა ა მ ი. მართალია, ორივე სახელი მხოლოდ ფუძითაა წარმოდგენილი, მაგრამ აქ მათრიგნატირებლად გამოდის სიტყვითა თანმიმდევრობა. დღეს ამ ფაქტორს აღარა აქვს არსებობის მნიშვნელობა.

ასე გამოიყურება ის ნეგატიური ენობრივი მასალა, რომელმაც ჩვენი ყურადღება მიიქცია ლიტერატურული ჟურნალ-გაზეთების ფურცლებზე. ჩვენ შეეცადეთ გვეჩვენებინა, რა საერთო ენობრივ-სტილისტური ხარვეზები აქვს ზოგიერთ ავტორს. მასალა იმდენი იყო, ცხადია, ყველას ვერ განვიხილავდით. ამასთან, წერილი საკმაოდ გაგვიგრძელდა. მაგალითად, არაფერი არ თქმულა ისეთი გრამატიკული შეცდომების თაობაზე, როდესაც ავტორი ვერ არჩევს „მთაზე ჩუხუხებს ნაკადულები“ თუ მთაში, „სტუმარმა დერეფანზე გაიარა“ თუ დერეფანში. სიტყვა არ დაძრულა აგრეთვე უცხო ფორმებისა და სინტაქსური კონსტრუქციების მოჭარბებაზე, რითაც აგრერიკადაა გატაბული ახალგაზრდობა. ხშირად ისეთი შთაბეჭდილება რჩება, თითქოს საქმევეს არა ორიგინალურ თხზულებასთან, არამედ უცხო ენიდან დიდი ჯახი-რით შესრულებულ სიტყვასიტყვითს თარგმანთან.

მწერალი, რომელიც სცოდავს ენობრივად და იძლევა ენის ბუნების შეუწყნარებელი დარღვევის ნიმუშებს, ვერ მისცემს მკითხველს სულიერ საზრდოს და ვერც თვითონ ატარებს კულტურის მდროშის სახელს.

ჩველაზე გულდასაწყვეტი ისაა, რომ ამ მასალაში გამოსჭვივის მწერლობისა და, განსაკუთრებით, ენისადმი უსულგულო დამოკიდებულება. არა ჩანს ის პასუხისმგებლობა, რომლითაც ავტორი უნდა ეკიდებოდეს თავის ყოველ სტრიქონს.

ამ მხრივ რამდენის მთქმელია მწერლობის დიდი წარმომადგენლების ხელნაწერთა გაცნობა და მათს შემოქმედებითს ლაბორატორიაში ჩახედვა! მაგალითად, ზ. ჭუმბურიძის დაკვირვებით, აკაკის ლექსს „განთიადი“ საბოლოო სახის მიღებამდე საკმაო ცალილებები განუცდია; სტრიქონს — „მნათობი სხივებს მალღით ფენს“ ჰქონია ორი ამოსავალი ვარიანტი: „მნათობი მოსავს სხივებით“ და „მნათობი სხივებს უხვად ფენს“ ანდა, რამდენს დაკარგავდა მკითხველი, რომ ვაჭა-ფშაველა შეჩერებულყო შემდეგ ვარიანტზე:

„სამშობლოს არვის წაგართმევთ, ჩვენც ნურვინ მოვეტანება, თორემ იცოდეს უტყუერად გაჩენა დაენანება“

და დიდი შრომის შემდეგ არ მიეკვლია ამ სტროფისათვის:

„სამშობლოს არვის წაგართმევთ, ჩვენც ნურვინ შეგვეცილება, თორემ ისეთ დღეს დავაყრიო, მკვდარსაც კი გაციენება“

გაიხსენოთ, როგორი გულწრფელობითა და ერთგვარი სიამაყით წერდა მიაკოლსკი, თუ რა ძნელად იქმნებოდა ესენინისადმი მიძღვნილი ლექსის ყოველი სტრიქონი. ლექსის რიტმი მას უკვე მონახული ჰქონდა, სიტყვებიც მოდიოდა და თანდათან ჯდებოდა ამ რიტმში, ამ გაუთავებელ pa-pa-pa-ში, მაგრამ არ ჩანდა ის ერთადერთი, რომელსაც ელოდა ლექსის ეს მონაკვეთი. და ის ერთადერთი სიტყვა ეწვია მას, მხოლოდ ბოლოს, მე-12 ვარიანტში. „მე შემქმლო მთელი სიტყვა წარმომოტევა ამ ბოლო სტროფის დასაცავად.“ — ამბობს პოეტი.

ცნობილია, თუ რა ენერჯიას ხარჯავდა გორკი სიტყვაზე მუშაობისას, მაგრამ ის, რასაც ლ. ტოლსტოი აკეთებდა, ყოველივეს აღემატება. მას ოთხჯერ გადაუწერია „ადღკომა“, ეს უზარმაზარი რომანი! უფრო მეტიც: მკვლევარებმა აღმოაჩინეს მისი ერთ-ერთი სტატიის 50 ვარიანტზე მეტი! განსაცვიფრებელია აგრეთვე, თუ რა დაუსრულებლად ვარჯიშობდა იგი ენაში. ა. ფადეევს მოაქვს ცნობა, თუ როგორ იღებდა ტოლსტოი რომელიმე სიტყვას და ისე, „თავისთვის“, ჩამოიწერდა მისი გამოყენების შესაძლო ვარიანტებს.

ამის შემდეგ ჩვენთვის ნათელი ხდება ის საიდუმლოება, რომ ტოლსტოის დიდ აზრს მუდამ სრულყოფილად აქვს მორ-

არლი თაყაიშვილი
წასაშლელი სტრიქონები

გებული ენობრივი სამოსელი და ისიც, თუ რატომაა ეს სამოსელი გაძარცული და დაჩაჩანაკებული ზემოთ ნახსენები მასალის ავტორებთან.

საინტერესო დაკვირვება მოახდინა ფედინმა, როდესაც გორკის ლიტერატურულ ინსტიტუტში პროზის სემინარს ხელმძღვანელობდა: მეტ წარმატებას აღწევდნენ ის ახალგაზრდები, რომლებიც ძნელად წერდნენო. ამას ფედინი ხსნის შემდეგნაირად: ვინც ცდილობს მწერლობასთან დაკავშირებულ სიძნელეთა გადალახვას, მას, ცხადია, უფრო ეძნელება, ვიდრე იმას, ვინც ამ სიძნე-

ლეთა გვერდის ავლაზე ოცნებობსო. ამგვარი დამოკიდებულების შედეგად ყალიბდება მწერალთა ორი ტიპი: ღრმა და ზედაპირულიო.

დაბოლოს, სინანულს გამოვთქვამთ, რომ დღემდე უცნობია შემოქმედებითი ლაბორატორია თანამედროვე ქართული მწერლებისა, რომლებიც ქმნიან ენობრივად და სტილისტურად სანიმუშო ნაწარმოებებს. ვფიქრობთ, სიტყვაზე მათი მუშაობის გამომწვეურება დიდ სარგებლობას მოუტანს ბევრ გამოუცდელ ავტორს.



საკრის ტანიშვილი

ღავით გურამიშვილი

პარალელები და შენიშვნები

წერილი მეორე

საინტერესო დაკვირვებებია ჩვენს სამეცნიერო ლიტერატურაში დავით გურამიშვილის შემოქმედებითს ურთიერთობაზე მის თანამედროვე და წინამორბედ ქართულ საერო მწერლობასთან. სამართლიანად შენიშნავს ალ. ბარამიძე, რომ მიუხედავად თეიმურაზ I და გურამიშვილის პოეტურ თვალსაზრისთა პრინციპული სხვაობისა, ამ უკანასკნელს მაინც გარკვეული ხარკი გაუღია თეიმურაზისეული „მაჯამისათვის“. მკვლევარი გვაწვდის ერთ, მაგრამ ფრიად დამახასიათებელ მაგალითს:

თ ე ი მ უ რ ა ზ ი :

„გრძლად მიტირა საწუთრომან,
ცრემლთა ღვარი დამელია,
მიჯობდა თუ სიკვდილისა
გლახ-ლაზვარი დამელია;
შომამულა თვისთა ტომთა,
ძმა არ მიძმო, და მელია,
აწ, სოფლო, ვარდთა ზროზად
მოვალ, რადგან დამელია“.

გ უ რ ა მ ი შ ვ ი ლ ი :

„ნაღვლით დღენი შემომოკლდა,
აღარა მაქვს, დამელია,
ყველა მწარედ გარდამექცა,
რაც რამ ტკბილად დამელია,

მძორთა ჩემთა შესაქმელად
მზა არს ტურა და მელია,
აწ წამოველ მე თქვენთანა,
სად ძმა მიცდი და მელია“.

კ. კეკელიძეს რამდენიმე საგულისხმო მაგალითი მოაქვს, როცა აღარებს ერთმანეთს არჩილსა და გურამიშვილს. აქ, სიტყვიერ დაქტურასთან ერთად, ზოგჯერ განწყობილებათა სიახლოვეც შეინიშნება. განსაკუთრებით აღსანიშნავია აგრეთვე დიდაქტიკური მოტივები, რომლებშიც დავითი აშკარად თანხედება არჩილს. მაგალითისათვის საკმარისა იქნებოდა „ქართლის ჭირის“ 32-ე სტროფი:

„სწავლა სიკვდიმდე შენია,
მულამ შენთანა მყოფელი,
მას გეცილების ვერავინ,
არ არის გასაყოფელი,
სხვას ყველას მახე უგია,
თავისა გასაყოფელი,
თუ კაცსა ცოდნა არა აქვს,
გასტანჯავს წუთისოფელი“.

ამავე მოტივს ანვითარებდა არჩილიც:

„სიბრძნეს ვერ სწორავს ვერა რა,
არც ისე მოსახმარია,
მისი ნაყოფი ბევრია,
ძირი აქვს არ გამხმარია,

* დასასრული. იხ. „ცისკარი“, № 11.



სად წახვალთ, თან გამოგყვებით,
საგზადაც, მგონ სახმარია,
სხვა დავრჩება და ის არა,
გვერთ ვახლავს ცათ კამარია“.
(„საქართ. წიგნბანი“, სტრ. 75).

კიდევ უფრო მეტი მასალა მოგვეპო-
ვება გურამიშვილისა და ვახტანგ VI,
გურამიშვილისა და საბას, გურამიშვი-
ლისა და მამუკა ბარათაშვილის და სხვა
მის თანამედროვეთა ლიტერატურული
ურთიერთობიდან. ამაზე საუბარს და-
ვამთავრებთ რამდენიმე ნიმუშით, სა-
დაც ნათლად ჩანს ვახტანგ VI გავლენა
დავით გურამიშვილის დიდაქტიურ მო-
წოდებებზე.

ვახტანგი:

„სწავლის ძირი მწარე,
ნაყოფს მოგცემს, ბოლოდ ტყბილსა“.
(„სიბრძნე მალაღობელი“).

დავითი:

„სწავლის ძირი მწარე არის,
კენწეროში ვატკბილდების“.

ვახტანგი:

„სჯობს ყოვლს სიმდიდრეს, ქონებას,
სწავლითა გამდიდრებანი,
არც ქურდი რასმე მოჰპარავს, არც
გზირისაგან ვნებანი,
ვერც მძლავრსა ძალუც ძალითა
მისი მიღება, კლებანი“...
(„სიბრძნე მალაღობელი“).

დავითი:

„ცოდნა თან დასდევს მცოდნელსა,
რაზომცა დაეტარების,
აქვს უხილავი საუნჯე,
ხელი არ შეეკარების,
არც ცხადის ძალით წაერთმის,
არც მალევით მოიპარების“...

რაც შეეხება მისტიკურ-ალეგორიულ
თეორიას, რაც ყველაზე მკვეთრად ვახ-
ტანგ VI წამოაყენა და კანონის საზე-
მიილო მამუკას „ჰვაშნიკში“, ამას სპე-
ციალური კვლევა სჭირდება. გურამი-
შვილი თუმცა ძირითადად იღებს ამ
თეორიას, მაგრამ ამასთან ბევრ საკითხ-
ში საკუთარ გადაწყვეტას იძლევა (ამის

ზოგი მაგალითი პირველ წერილშიც
ვხვებით).

უკვე ის კონტექსტი, რომელშიც გუ-
რამიშვილი ახსენებს რუსთველს, თავის-
თავად მეტყველებს, თუ რა მაღალ შე-
ფასებას აძლევდა იგი თავის დიდ წინა-
მორბედს.

„ლექსი რუსთველსებრ ნათქვამი
მე სხვისა ვერა ვხახეო“.

და მოკრძალებით შენიშნავდა:

„მე რუსთველსა ლექსს არ უდრი,
ვით მარგალიტს-ჩალის ძირსა“ (7).

რუსთველი მისთვის „ბრძენი და რი-
ტორია“, რომელმაც ქართული პოეზიის
მარად მწვანე ხე ჩარგო და უხვი ნაყო-
ფი მოიწია. ქართველი პოეტების იმ
ხომლში, რომელსაც იგი მომდევნო
ლექსში ახსენებს, პირველ ხმას სწორედ
რუსთველს ათქმევინებს და მამამთავ-
რად წარმოგვისახავს.

გურამიშვილი რუსთველის პირველი,
ყველაზე ღირსეული მემკვიდრეა, მაგ-
რამ ამავე დროს სწორედ მან ყველაზე
უფრო მძლავრი ნაბიჯები გადადგა,
რათა განთავისუფლებულიყო რუსთვე-
ლის განუზომელი გავლენისაგან. მარ-
თებულა აკაკი წერეთლის შენიშვნა:
„გურამიშვილი იყო პირველი მწერალი,
რომელმაც... საკუთარი გზით მოინდომა
მსვლელობა და თავი დააღწია რუსთვე-
ლის მონურ მიმბაძველობას“.

გურამიშვილის მიმართება რუსთა-
ველთან მაღალი შემოქმედებითი ურთი-
ერთობაა. გავლენასთან ერთად გურამი-
შვილი ახალ გზებს ეძებს და ქმნის
სრულიად ორიგინალურ პოეტურ სამ-
ყაროს. თუ რა ახლოსაა გურამიშვი-
ლი თავის დიდ წინამორბედთან და რამ-
დენად დაშორდა მას, როგორც ზევეითაც
აღვნიშნეთ, პრობლემათა ფართო წრეს
მოიცავს და აქ მხოლოდ რამდენიმე
საკითხით შემოვიფარგლებით. დამოკი-
დებულება ქრისტიანულ რელიგიასთან
რუსთველისა და გურამიშვილის მსოფლ-
მხედველობის ერთ-ერთი კარდინალუ-

რი საკითხია, ამავე დროს აქ ნათლად ჩანს მათი მსოფლშეგრძნების მსგავსება- განსხვავებანი. ახლა უკვე განვლილი ეტაპია, როცა რუსთველის რელიგიური მრწამსის საფუძვლებს ხან ისლამში და ხან კი მანიქეველთა ტიპის ერეტიკულ მოძღვრებებში ეძებდნენ. ერთადერთი რელიგია, რომელთანაც რუსთველი აშკარა სიახლოვეს ამჟღავნებს, ეს არის ქრისტიანობა. ამისათვის, რასაკვირველია, არ იქნებოდა საკმარისი ის ფაქტი, რომ ერთ ადგილას „ვეფხისტყაოსანში“ ნახსენებია ქრისტიანული რელიგიის უმთავრესი დღესასწაული — აღვსება. პირველი და გადამწყვეტი ის არის, რომ რუსთველისეული ღვთაების ცნება ზუსტად ემთხვევა ქრისტიანულ გაგებას. ამისათვის საკმარისია რამდენიმე ადგილის მოტანა:

„ილოცავს, იტყვის: მაღალო ღმერთო ხმელთა და ცაათო, ზოგჯერ მომცემო პატიოთა, ზოგჯერ კეთილთა მზათაო, უცნაურო და უთქმელო, უფალო უფლებათო, მომეც დათმობა სურვილთა, მფლობელო გულის თქმათაო!“
(სტრ. 809)

ან:
„ასმათ თქვა: „ღმერთო, რომელი არ ითქმი კაცთა ენითა, შენ ხარ სავსება ყოველთა, აგაყვებ მზეებრ ფენითა, გაქო, ვით გაქო, რა გაქო, არსაქებელო სმენითა! დიდება შენდა, არ მომკალ ამათთვის ცრემლთა დენითა!“
(სტრ. 917).

ან:
„იტყვის: „ჰე მზეო, ვინ ხატად გოქვეს მზიანისა ღამისად, ერთ-არსებისა ერთისა, მის უყამოსა უამისად, ვის გმორჩილობენ ციერნი ერთის იოტის წამისად,

ხედსა ნუ მიცვლი, მიაჯე, შეყრამდის ჩემად და მისად!“
(სტრ. 836).

ან კიდევ:

„ვის ხატად ღმრთისად გიტყვიან ფილოსოფოსნი წინანი, შენ მიშველე რა ტყვე-ქმნილსა, ჯაქენი მამიან, რკინანი ბროლ-ბაღანშისა მძებნელმან სათნი დაეკარგენ, მინანი; მაშინ ვერ გავძელ სიახლე, აწ სიმორგესა ვინანი!“
(სტრ. 837).

ამ ლოცვებიდან რომ ამოვკრიფოთ ღვთაების ის ატრიბუტები ან ეპითეტები, ან, როგორც თეოლოგები იტყვიან, კათაფატიკური და აპოფატიკური სიმბოლოები, დავინახავთ თუ რომელი რელიგიის ღმერთთან გვაქვს საქმე: მაღალი ღმერთი, უცნაური და უთქმელო, უფლება-უფლებათა, გულისთქმის მფლობელი, კაცთა ენათ უთქმელი, ყოველთა სავსება, არ-საქებელი სმენითა, ერთი არსება ერთი, რაც თავის თავში იგივეა, რაც სამება, მზიანი ღამე, უყამო-ყამი და ა. შ.; მართებულად შენიშნავდა მ. გოგიბერიძე, რომ ამ ლოცვების ენა და ცნება ქრისტიანულ საეკლესიო მწერლობას ეკუთვნის. ღმერთი დახასიათებულია, როგორც უცნაური, უთქმელი, უფლებათა უფალი. ჩვენ ვნახეთ, რომ საეკლესიო მწერლობის ტიპურ დარგში — ჰიმნოგრაფიაში ღმერთი შემოსულია ანალოგიური ცნებებით და, რაც აღსანიშნავია, იმავე ცნებებით მეტყველებს თავის ჰიმნებში დავით გურამიშვილი. აქ აშკარად ხვდებიან ერთმანეთს რუსთველი და გურამიშვილი. მე აქ ყურადღება მინდა შევაჩერო კიდევ ერთ ოქსიმორონის ტიპის სიმბოლოზე, რომლის გარშემო რუსთველოლოგიაში საკმაო ლიტერატურა შეიქმნა. მსჯელობა ეხება ცნობილ შესიტყვებას „მზიან ღამეს“.

სარგის ცაიშვილი
დავით გურამიშვილი

ერთ-ერთმა პირველთაგანმა, და შეიძლება ითქვას საკმაო სისრულთადაც, ეს ადგილი განმარტა თეიმურაზ ბაგრატიონმა. გარკვეული ინტერესის გამო მე მოვიტან მთლიან განმარტებას:

„იტყვის ჰე მუჟო, ვინ ხატად გთქვის მზიანისა ღამისა“ — ღმერთი არის მზე დაუბადებელი და უნივთო, ნათელი, ხატი და სახე არს მზიანისა ღამისად, ესე იგი განმანათლებელი არს ღამისა, ე. ი. ღამე უმეცრებას ნიშნავს, მზე ნათელსა და ცნობისა ღმრთისასა. ღამე მოუწოთმლობა არის ღმრთისა და მზიანი ღამე ის არის, რაოდენ შესაძლებელი არის კაცისა გონებისაგან ვიცობდეთ და აღვიარებდეთ ღმერთსა, როგორათაჲ იოანე მოციქული ღმრთის-რეტყველი და მახარებელი იტყვის სახარების პირველ თავში — ნ ა თ ე ლ ი ბ ნ ე ლ ს ა შ ი ნ ა ს ჩ ა ნ ს. ე. ი. გონება კაცისა თუმცა ღმერთს ვერ მისწვდება ბუნებითა და არსებით, რომ ესრეთ იცნას, როგორათაჲ სხვა ადვილად საცნობი ნივთები...“, აქ ძირითადად სწორადაა მიგნებული თვითონ საკითხის არსი, რომ „მზიანი ღამე“ აშკარად ღვთაების სახელია, მაგრამ არ ჩანს თვით ამ სიმბოლოს საყრდენი, თუ რამ დააკავშირა ორი ურთიერთგამომრიცხავი ცნება. ამ საკითხს შემდეგში რამდენიმე მკვლევარი შეეხო და წინასწარ აღებული კონცეფციების საფუძველზე ახალი გაგების დასაბუთებას შეეცადა. საინტერესო მიხვედრა აქვს ამ საკითხზე გ. იმედაშვილს, როცა იგი ეძებს ამ სიმბოლიური გამოთქმის საყრდენს; კერძოდ, იგი ვარაუდობს, რომ „მზიანი ღამე“ რეალურად არსებული მოვლენაა და შეიძლება ნიშნავდეს ან პოლარულ „ოთხთვიან დღეს“ ან კი „ჩრდილოეთის ნათებას“. მაგრამ შემდგომი დაკვირვება ამხელს, რომ „მზიანი ღამე“ ირეალური, მისტიური სიმბოლოა, რომელიც დამყარებულია არა რეალურ, არამედ რელიგიურ ხილვებზე. ვ. ნოზაძე თავის გამოკვლევაში „ვეფხისტყაოსნის მზის მეტყველება“ სპეციალურ თავს უძღვნის ამ საკითხს. „მზიანი ღამის“ ნოზაძისეული გაგება სწო-

რია და უუკველად ამავრებს თეიმურაზ ბაგრატიონის დებულებას; ვ. ნოზაძე აღნიშნავს: „ვეფხისტყაოსნის“ დებულება „მზიანი ღამის“ შესახებ ქრისტიანულ დებულებად მიმაჩნია. რატომ? იმიტომ, რომ მზე არის ხატი ერთისა; მზე არის ხატი, „მზიანი ღამე“, და მზე არის ხატი ერთარსებისა ერთისა. ეს ერთარსება ერთი არის ქრისტიანული სამება, და ამგვარად „მზიანი ღამე“ — ღმერთიც არის ქრისტიანული“ (გვ. 193). მაგრამ როცა ამ სიმბოლოს ახსნას ცდილობს, იგი მაშინდელი ასტროლოგიური წარმოდგენებიდან გამოჰყავს. კერძოდ, „ღამის მზე არის ის მზე, რომელიც პორიზონტის ქვემოთ, ცის მეორე, უხილავ ნახევარზე მოძრაობს. ცხადია, ღამის მზე კაცის თვალისათვის დასანახი არაა, რადგან ამ დროს მზე მხოლოდ ჩვენს ქვეშაა. და ჩვენს ქვეშ კი ჩვენთვის ღამეა, თუმცა იქ მზე ანათებს! ის არის აგრეთვე მზიანი ღამე. მზიან ღამეზე წარმოდგენამ შორეულ წარსულში — დასძენს ვ. ნოზაძე, — ბევრი საიდუმლო მოძღვრება წარმოშვა“ (გვ. 190). ამის დაშვება უუკველად შეიძლება, მაგრამ ირკვევა, რომ თვით ქრისტიანული წიგნები იძლევიან გასაღებს ამ მისტიური ხილვის ამოსახსნელად. „მზიანი ღამე“ არ არის ღვთის ატრიბუტი ან რაიმე შემთხვევითი ეპითეტი; იგი, როგორც ვთქვით, თვითონ ღვთაებაა და საფუძველად უდევს პირველი ადამიანების მიერ წარმოდგენილი კოსმიური სურათი. გ. ნადირაძე, სრულიად სამართლიანად, ამ პოეტური სურათის განხორციელებას ხედავს ბიბლიის პირველსავე სტრიქონებში. იგი აღნიშნავს: „ქრისტიანული მითოლოგიის კოსმოგონიურ სიმბოლოდ უნდა ჩაითვალოს რუსთაველის „მზიანი ღამე“. იგი გრანდიოზული პოეტური სურათის სახით წარმოგვიდგენს ბიბლიის იმ პირველ აბზაცებს, სადაც მოთხრობილია ღვთაების მიერ სამყაროს შექმნის მითითური ამბავი. რუსთაველის „მზიან ღამეში“, ისევე როგორც მიქელ-ანჯელოს ფრესკაში, დაჭერილია კოსმიური შემოქმედების პირველი აქ-

ტი, სახელდობრ — მნათობის წყვილად-
ში ანთება. აქ ნათელი და წყვილადი
ჯერ კიდევ არ არიან ერთიმეორისაგან
გათიშულნი. მათი „განწვალება“ ანუ
გაყოფა კოსმიური შემოქმედების მეო-
რე აქტს წარმოადგენს“.

გ. ნადირაძე ეთანხმება იმ მკვლევართ
(კ. კეკელიძე, ალ. ბარამიძე, ვ. ბერიძე),
რომლებიც ფიქრობენ, რომ „მზიანი
ღამე... რუსთველის მსოფლმხედველო-
ბისათვის დამახასიათებელ ფიგურალურ
თქმად უნდა ჩაითვალოს“, და დასძენს:
როგორც ირკვევა, „მზიანი ღამე“ თვი-
თონ რუსთველის მიერ შექმნილი პოე-
ტური სიმბოლოა. ჯერ არავის არ უნა-
ხავს ეს სახე სხვა პოეტურ ნაწარმოებში
და ვფიქრობ „ვეფხისტყაოსნის“ გარდა
იგი არც არსად მოიპოვება. „მზიანი
ღამის“ რუსთველისეული ორიგინალო-
ბა დღესდღეობით საკვებით უექველია.
ეს უკანასკნელი დებულება, ჩემის აზ-
რით, ზუსტი არ უნდა იყოს. სრუ-
ლიად შესაძლებელია, რომ რუსთველს
ეს სახე-სიმბოლო არა უშუალოდ დაბა-
დების აღნიშნული გააზრებით, არამედ
მზამზარეული ფორმულის სახით მიეღო
საეკლესიო და, კერძოდ, ნეოპლატონური
ფილოსოფიიდან. დანტეს „სამოთხის“
28-ე ქება, სადაც ლაპარაკია ღვთიურ
წერტილზე (პირველი რკალი), რომე-
ლიც მზერას უხშობს ადამიანს ბრწყინ-
ვალებისაგან, აშკარად ნეოპლატონური
თეოგონიის გამოძახილია. სრულიად შე-
საძლებელია, რომ ამ სახის სიმბოლო
ქართულ საეკლესიო მწერლობაში და,
კერძოდ, ჰიმნოგრაფიაშიც არსებულიყო.
ამას გვაფიქრებინებს შემდეგი მომენ-
ტი. ირკვევა, რომ სახე-სიმბოლო „მზი-
ანი ღამე“, როგორც ღვთის სახელი,
გამოუყენებია დავით გურამიშვილსაც.
ერთ თავის ლექსში, რომელიც ტიპურ
მისტიკურ-ალეგორიული ხასიათის ჰიმნს
წარმოადგენს (აზ—ამოცანად იგავი,
ასახსნელად ადვილი), გურამიშვილი ახ-
სენებს ღვთაების აღნიშნულ სახელს;
მთლიანად მოეტიან ამ იგავს:

„ვირემდის განახლებოდა ძველი
ღღე-ღამე მზიანი,
იფქლი კალოზედ ეყარა
განურჩეველი, ბზიანი;
ახალმან ღღემან განწმინდა
ღვარძლიან ნაკმაზიანი,
მის ღღითგან მოჩანს გარჩევით
სარგებელი და ზიანი

სანამ ღღე ძველი ღღეს ახალს
ჩვენ ღღედ არ გაგვიტენებდა,
მანამდის ჩვენსა დაშლასა ვერავინ
ალაშენებდა;
რა ღღე გათენდა ახალი,
ქვეყანას დანამშვეენებდა,
ყურითაც კარგსა გვასმენდა,
თვალითაც კარგს გვიჩვენებდა.

ალეგორია ადვილი გასახსნელია. ძვე-
ლი ღღე მამა ღმერთია, რომელმაც მოგ-
ვივლინა ახალი ღღე — ძე უფლისა,
ქრისტე ღმერთი. ძველი ღღე გარდამო-
ვიდა ახალ ღღეში, რათა იფქლი ღვარ-
ძლისაგან განერჩია და ახალი ცხოვრება
მოენიჭებინა ადამიანთათვის, რომელ-
თაც ვერ განერჩიათ კეთილი და ბო-
როტი. თუ დავაკვირდებით, ეს არის
ტიპიური ჰიმნოგრაფიული თემა და გუ-
რამიშვილი ანალოგიური პოეტური ხერ-
ხებით ამუშავებს მას. შორს რომ არ
წავიდეთ, გავიხსენოთ იოანე მტბევარის
ჰიმნი ბასილისადმი: „ვითარცა ღრუბელ-
ბან, აღმოვიგე სოფლისა იგი ბრძენთა
ნეცნიერებაი და განარჩიე იფქლი ღვარ-
ძლისაგან და შეჰკრიბე საუნჯეთა“.

მაგრამ ჩვენთვის აქ განსაკუთრებით
საინტერესოა, რომ გურამიშვილი, რო-
მელიც სხვაგან ღმერთს ძველ ღღეს
უწოდებს (გაიხსენეთ აგრეთვე კდ. მზე-
თამზის შესხმა... მიუწვდომელო ნათე-
ლო, გრძელო ძველო ღღეო), ახალ
კონტექსტში ახსენებს ღვთაების ჩვენ-
თვის ნაცნობ სახელებს (კატაფატიკა
და აპოფატიკა), რომელშიც ორივე
მომენტია ჩაქსოვილი. ღმერთი არის

სარგის ცაიშვილი
დავით გურამიშვილი

ძველი დღე და ღამე მზიანი, ე. ი. ცალ-ცალკე რომ დაეშალოთ, იგი არის ძველი დღე მზიანი და ძველი ღამე მზიანი. როგორც ვხედავთ, „მზიანი ღამის“ სიმბოლიკა გურამიშვილისათვის კარგად არის ცნობილი და იგი მას სრულიად შესაფერ კონტექსტში იყენებს. ჩემის აზრით, გურამიშვილი, ისევე როგორც რუსთველი, დავალებულია ძველი საეკლესიო მწერლობისგან და ამ შემთხვევაშიც ისინი (რუსთველი და გურამიშვილი) კიდევ ერთხელ ხვდებიან ერთმანეთს.

თუ ქრისტიანული ღმერთის ცნებაში რუსთველი და გურამიშვილი ერთმანეთთან ასე ახლოს დგანან, ეს არ ითქმის საერთო დამოკიდებულებაზე ქრისტიანულ რელიგიასთან. რუსთველისათვის უცხოა ის ძირითადი მოტივები, რომელიც მსჭვალავს ქრისტიანობას; მაცხოვრობის, ადამიანის თანდაყოლილი ცოდვისა და ამქვეყნიური არარაობის მძიმე განცდა რუსთველისათვის გადალახული პრობლემაა. რუსთველის რელიგია ქრისტიანობის მალაღობი საფეხურია და იგი აქ განუზომლად ახლოს მიდის ნეოპლატონურ ფილოსოფიასთან. საკმარისია ვაგვისენოთ ნესტანის მიერ წარმოდგენილი მარადიული ქვეყანა, რომ ჩვენთვის ნათელი გახდეს ეს დასკვნა:

„ღმერთსა შემევედრე, ნუ თუ კვლა
დამხსნას სოფლისა შრომასა,
ცეცხლსა, წყალსა და მიწასა, ჰაერთა
თანა ძრომასა;
მომცნეს ფრთენი და აღფრინდე,
მიხვდე მას ჩემსა ნდომასა,
დღისით და ღამით ვახედედე
მზისა ელვათა კრომასა“.
(1304).

ეს არ არის ბიბლიური ქრისტიანობის სამოთხე, — იგი წარმოადგენს მალაღობი რანგის ფილოსოფიის მიერ შექმნილ მისტიურ სამყაროს. რუსთველი ბრწყინვალედ იცნობს ნეოპლატონურ თეოსოფიას და თეოგონიას და იგი მის მსოფლმხედველობის შემადგენელი ელემენტია. მაგრამ იმ პრობლემის გა-

დასალახებად, რომელიც დასვა ქრისტიანობამ და რომლის გადალახვასაც არსებითად წარმოადგენს „ეფეზისტყაოსანი“, რასაკვირველია, ბევრს არაფერს მისცემდა ნეოპლატონიზმის მოძღვრება, რომელსაც სამართლიანად უწოდებენ სიკვდილის ფილოსოფიას (მ. გოგიბერიძე). რუსთველმა გაბედულად დასვა შუასაუკუნეებისთვის სრულიად მოულოდნელი პრობლემა ადამიანის ადგილისა, მისი ხვედრისა ამქვეყნიურ სამყაროში, და მას ჰქმნა რეტად რენესანსული გადაწყვეტა გამოუნახა. ამაში რუსთველს, უწინარეს ყოვლისა, გზას უნათებდა საკუთარი მსოფლშეგრძნება, რომელიც დაფუძნებული იყო გენიალური პოეტის ურთიერთობაზე მე-12 საუკუნის ქართულ სინამდვილესთან. ეს საკითხები ჩვენ შორს წაგვიყვანდა, მაგრამ ამ მოკლე მიმოხილვიდან უკვე კარგად ჩანს, რომ გურამიშვილი დიამეტრულად განსხვავდება რუსთველისაგან და, თუ მკაცრი ანალიზია არ იქნება, განსხვავდება ისევე, როგორც რუსთველის ეპოქა ე. წ. აღორძინების ეპოქისაგან.

გურამიშვილის მსოფლშეგრძნება მთლიანად გამსჭვალულია ქრისტიანული სულით და, რაც აღსანიშნავია, იგი კვლავ იყურება ბიბლიური სამყაროსაკენ, თითქოს კლასიკურ ხანაში ქრისტიანობას არ მიეღწიოს იმ მალაღობი საფეხურისათვის, რომელზეც ჩვენ ვსაუბრობდით რუსთველთან დაკავშირებით. ეს არც არის გასაკვირი. მძიმე ქართველების შემდგომ ქართულმა აზროვნებამ უეჭველად დაკარგა ის ძაფები, რომელიც მას მსოფლიო კულტურის უმაღლეს მწვერვალებთან აკავშირებდა. შ. ნუცუბიძე თავის ქართული ფილოსოფიის II ტომში მართებულად შენიშნავს, რომ ამ საუკუნეთა გამოღვიძება თითქოს უკაცრიელ მინდორზე დაწყებულია და სულხან-საბა ორბელიანივით ფხიზელი აზროვნების მოღვაწეები თუ ამჩნევდნენ აქა-იქ ნაცარწყაროლ ნალვერდალს (გვ. 237). ერთ-ერთი მათგანი იყო გურამიშვილიც. იგი მივიდა კიდევ ამ ნალვერდალთან, როცა ასე



დაეწაფა ძველქართულ ჰიმნოგრაფიას, მაგრამ კლასიკურ სიმალღებებამდე მისაღწევად ჯერ კიდევ დიდი გზა იყო გასავლელი. ბიბლიური ქრისტიანობა ორგანულად შეერწყა გურამიშვილის მსოფლშეგრძნებას, ამიტომაც გვაგონებს პოეტის მუხთალი „საწუთრო“ და მარადიული „სამოთხე“ ქრისტიანული რელიგიის სამყაროს. აქ იგი საბოლოოდ შორდება რუსთველს და ქრისტიანული აღმსარებლობის მისტიურ საბურველში ეხვევა.

მაგრამ გურამიშვილი, უწინარეს ყოვლისა, იყო გენიალური პოეტი და თავისი ჭეყნის შვილი. მისმა პოეტურმა

აღლომ საბოლოოდ გაიმარჯვა ღრმა სულიერ წინააღმდეგობებზე, ნაცვლად ქრისტიანულ-მისტიკური ჭვრეტისა და მარადიული სასუფეველის უშფოთველი მოლოდინისა. იგი ცხოვრებისეული ცეცხლით იწოდა, თავისი ჭეყნის ტკივილებით იტანჯებოდა და ჭმნიდა საკუთარი შვილებივით საყვარელ სიმღერებს, რომლებიც ქართველი კაცის ჭირისა და სიხარულის მეგობრებად იქცნენ.

სარგის ცაიშვილი
დავით გურამიშვილი





აკაკი ბაქრაძე

„მე, ბებია, ილიკო და ილარიონი“

«ენამ გულისა უნდა თქვას და ფერ-უმარული რა სავიროა?»
ილია ჭავჭავაძე

დიდი ხნის მოლოდინის შემდეგ მაყურებელმა ნახა ნ. დუმბაძისა და თ. აბულაძის ფილმი¹. პირველმა ემოციამ უკვე გაიარა და ახლა შეიძლება ცივი გონე-

ბით (ეს არ გამორიცხავს გულის ფიქრსაც) გავაანალიზოთ კინოსურათი. მაშ, თანდათან მივყვეთ გულის ფიქრის დენას.

რა იყო სცენარში და რა თითქოს არის და არც არის ფილმში?

ფილმის გადაღებისას სცენარის ზოგიერთი ეპიზოდის შეცვლა არაა უჩვეულო ამბავი. ამისი მორალური და

იურიდიული უფლება აქვს კინორეჟისორს. მაგრამ ცვლილებისას დასადგენია — უმჯობესდება თუ უარესდება

¹ „მე, ბებია, ილიკო და ილარიონი“. სცენარის ავტორები: ნ. დუმბაძე და თ. აბულაძე; დამდგმელი რეჟისორი — თ. აბულაძე; ოპერატორი — გ. კალატოზიშვილი; მხატვრები: გ. გიგაური, გ. ხუციშვილი, დ. ერისთავი; მონაწილეობენ მსახიობები: ს. თაყაიშვილი, ს. ქორკლიანი, ვრ. ტყაბლაძე, ზ. ორჯონიკიძე და მ. აბაზაძე. კინოსტუდია „ქართული ფილმის“ ნაწარმოები. 1962 წელი.

ლიტერატურული სცენარი და კონკრეტულად რა იგულისხმება შეცვლაში — მხატვრული ანალიზის გაღრმავება-დამუშავება, იდეური და მხატვრული კონცეფციის შეცვლა თუ ყველაფერი ერთად? წამოჭრილ კიხვას რომ პასუხი გავცეთ, ამისათვის მაგალიტებს უნდა მივმართოთ.

ს ც ე ნ ა რ შ ი ა :

ბებია ოღლა და ზურიკელა შინ არიან. საქმიანობენ. იღება კარი და ცოცხალმკვდარი ილიკო შემოდის. სამწუხარო ამბავი მოიტანა ილიკომ: ფოსტალიონს მისთვის ილარიონის შვილის დაღუპვის ცნობა მიუცია. შეძრწუნდნენ ბებია და ზურიკელა, მაგრამ სამივემ ერთხმად გადაწყვიტეს, არ გაუმხილონ ილარიონს შვილის დაღუპვის ამბავი. დე, ელოდოს ბერიაკი. კაცი იმედით ცოცხლობს. ამ დროს გაიღო კარი და მხიარული ილარიონი და აგიტატორი შემოვიდნენ. სამამა აღამიანმა — ბებიამ, ილიკომ და ზურიკელამ — მწუხარება გულში უნდა ჩაიკლან და მთელი საუბარი აგიტატორთან უდარდელი ხუმრობით ჩაატარონ. ასეც მოხდა: ცრემლი და ღარდი სიცილით შეინიღბა. აგიტატორმა ფრონტზე გასაგზავნი საჩუქრები მოითხოვა. ილიკომ ნაბადი გაიმეტა. გაცეხული ილარიონი უხმოდ წამოდგა, გაკვირვებული ილიკო, ბებია და ზურიკელა დატოვა და გარეთ გავიდა. არ გაუვლია რამდენიმე წუთს და უკან მობრუნებულმა ილარიონმა თავისი ახალთახალი ჩექმეში მოიტანა და ილიკოს ნაბადთან ერთად საფრონტო საჩუქარს მიუმატა.

ასე თავდება ეპიზოდი სცენარში.

მაგალითი პირველი: არის ერთი ეპიზოდი სცენარშიცა (ცხადია, მოთხრობაშიც) და ფილმშიც, რომელსაც პირობითად „ილარიონის შვილის დაღუპვის ცნობა“ შეიძლება ეწოდოს. ახლა გავისვენოთ ამავთვა სვლის თანამიმდევრობა როგორც სცენარისეულ, ისე ფილმისეულ ეპიზოდში.

ფ ი ლ მ შ ი ა :

ოთახში არიან ბებია და ზურიკელა. ზურიკელა უკრავს, ბებია აღტაცებულია. იღება კარი და ილარიონი და აგიტატორი შემოდინ. ცოტა ხანიც არ გასულა და ილიკოც მოვიდა. ილიკო არაფერს ამბობს (არც ოღლამ და ზურიკელამ იციან, რა ამბავი მოიტანა ილიკომ და არც მაყურებელმა). გაეხუმრენ ბედოვლათ აგიტატორს. ბევრი იცინეს. ბოლოს გამოირკვა, რომ იგი საფრონტო საჩუქრებისათვის მოსულა. ილიკომ საჩუქრად ნაბადი გაიღო. ილარიონი წამოდგა, ცოტა ხანს მომიცადეთო — თქვა და გარეთ გავიდა. ამ დროს ზურიკელამ წამოიძახა: ილარიონი თავისი ახალი ჩექმების მოსატანად წავიდაო (მაყურებელი დაბრუნებულ ილარიონს ვერ ნახულობს, რადგან ეპიზოდი ისე მთავრდება, რომ ილარიონი არ ბრუნდება. ჩვენ მხოლოდ ზურიკელას უნდა ვენდოთ, რომ ილარიონი დაბრუნდება და ჩექმებს მოიტანს). აგიტატორისა და ილარიონის წასვლის შემდეგ გაუმხილა ილიკომ ბებიას და ზურიკელას ილარიონის შვილის დაღუპვის ამბავი. ოღლა წყვილა-კრულვას უთვლის ჰიტლერს. ბოლოს, ილარიონს არ გაუვხილოთ ეს ამბავიო, გადაწყვიტეს. ილიკომ ცნობა ცეცხლში შეაგდო და ზურიკელა გააფრთხილა — არსად წამოგცდეს ეს ამბავიო.

ასე თავდება ფილმში ეპიზოდი.

აკაკი ბაქრაძე

„მე, ბებია, ილიკო და ილარიონი“

თითქოსდა რეჟისორს არაფერი შეუცვლია, გარდა ეპიზოდის კონსტრუქციისა. მაგრამ ილარიონისა და ილიკოს მოსვლა-წასვლის, ერთი შეხედვით, ამ უბრალო გადაადგილებამ დაარღვია ეპიზოდის დრამატურგია, საგრძნობლად გაადარბა სახეები; ფაქტის თვალნათლივ ნახვის ნაცვლად კი პერსონაჟის ინფორმაციას უნდა დაეფუჯროთ, რომ მიანცადამიანც ასე მოხდება და არა სხვანაირად. უფრო კონკრეტულად ვთქვათ სათქმელი: როცა მასურებელმა, ბებია, ზურიკელამ და ილიკომ ილარიონის მოსვლამდე იცოდა ნოდარას (ილარიონის შვილის სახელია) დაღუპვის ამბავი, დაუოკებელი ინტერესით ველოდით — როგორ გაითამაშებდნენ მწუხარე ადამიანები მხიარულ სცენას, რათა ილარიონს მათ სახეზე საბედისწერო ამბავი არ ამოეკეთხა. მგონია სადავო არაა, რომ ერთია ხუმრობა, როცა არაფერი არ გაწუხებს (ფილმში ოლღამ და ზურიკელამ ხომ არაფერი არ იციან, რა უბედურება მოხდა?) და სულ სხვაა ხუმრობა, როცა გულით უდიდეს მწუხარებას ატარებ (სცენარში ბებია და შვილიშვილმა იციან რა უბედურება მოხდა და მიანც ხუმრობენ მწუხარების დასამალად). სცენარისეულ ვარიანტში მკითხველი ხედავდა ილიკოს, ოლღას, ზურიკელას კეთილშობილებასა და სულიერ ძალას, — ისინი საკუთარ მწუხარებას სთრგუნავდნენ სხვისი სულიერი სიმშვიდისათვის (აქ იყო ეპიზოდის დრამატურგიული ინტერესიც — ბოლომდე გაუძლებს თუ არა ოლღას, ილიკოს და, რაც მთავარია, ზურიკელას გული ასეთ გამოცდას?). სამივეს — მოხუცებსაც და ახალგაზრდასაც — ეყობ ნებისყოფა და საიდუმლო საიდუმლოდ დარჩა. სცენარისეულ ვარიანტში ნათლად ვხედავდით და ვრწმუნდებოდით, რომ ზურიკელა ქეშმარიტად შვილია ბებია ოლღასი, ილიკოსა და ილარიონის; რომ ცხვირმოუხოცელ ბიჭს მამაკაცის ნებისყოფა აქვს (აქ ჩანდა მისი ხასიათიც და სულიერი სამყაროს სიღრმეც), რადგან მკითხველისა თუ მასურებლის თვალწინ გათამაშდა სცენა,

ნა, სადაც ზურიკელამ დაამარცხა მწუხარება. ფილმისეულ ვარიანტში კი უსაბუთოდ უნდა დაეფუჯროთ, რომ ზურიკელა გაუძლებს და ნოდარას დაღუპვის საიდუმლოს არ გასთქვამს. გარდა შემთ თქმულისა, რეჟისორული გადაწყვეტისა და მსახიობთა თამაშის თვალსაზრისითაც, ეპიზოდის სცენარისეული ვარიანტი უფრო საინტერესოა. გაორებული გრძნობის (დამალული მწუხარება და მოჩვენებითი მხიარულება) გადმოცემა მსახიობისათვის ძნელიცაა და მაცდუნებელიც, რადგან იგი დახვეწილ აქტიორულ ოსტატობას მოითხოვს. მსახიობმა ბეწვის ხიდზე უნდა იაროს, რომ მწუხარებისას სენტიმენტალური არ იყოს, ხოლო მხიარულებისას — ხელოვნური და არაბუნებრივი. მაგრამ ასეთი საშიშროება ფილმში „მე, ბებია, ილიკო და ილარიონი“ გამოირიცხული იყო, რადგან რეჟისორს საოცარი სიზუსტით ჰყავს შერჩეული სამივე მოხუცის როლის შემსრულებელი აქტიორები. ს. თაყაიშვილმა, ს. ყორკოლიანმა და გრ. ტყაბლაძემ კი დაგვაჯერეს, რომ ადამიანის სულის მოძრაობის ყოველი ნიუანსის გადმოცემა შეუძლიათ, თუ ნაძალადევად არ წავართვით ამის საშუალება. ხსენებულ ეპიზოდში კი რატომღაც რეჟისორმა შეზღუდა თავისთავი და მსახიობებიც. რაც შეეხება ზ. ორჯონიკიძეს, მიუხედავად იმისა, რომ უჭირს ბეწვის ხიდზე სიარული, რეჟისორის დახმარებით, შექმლო გაორებული გრძნობის ნათლად გადმოცემა, რის საბუთსაც ფილმის ერთი ეპიზოდი გვაძლევს. გაგახსენებთ ამ ეპიზოდს: ღელის გაღმა ბებია დგას. წყალში გასვლა არ შეუძლია. გამოღმა, ქვის კედელთან ზურიკელა ჩაცუცქულა და ფეხზე იხდის, რომ ღელეში შეტოპოს და ბებია გადმოიყვანოს. ბებია და შვილიშვილი სკოლიდან ბრუნდებიან. მასწავლებლებმა მოახსენეს (მაგალითად, აქაც გამოტოვებულია სკოლის ეპიზოდი, მაგრამ ეს თვალში ოდნავადაც არ გვიქმნათ, რადგან ამბის თხრობის თანმიმდევრობა არ ირღვევა და არც აზრია გაუგებარი. პირიქით, აქ ზუსტი კინემატოგრაფიული ლაკონიზმია გამოძლევა-

ნებული) ოლღას ზურიკელას „კაიკაცობა“. გაცეცხლებული ბებია უსაშველოდ ლანძღავს შვილიშვილს, მაგრამ ზურიკელა — ზ. ორჯონიკიძის სახეზე ოდნავადაც არ იგრძნობა აღელვება: ბიჭმა კარგად იცის ბებიაშის ლანძღვის ფასი. იცის, რა უზომო სიყვარულია დამალული ოლღას „წყევლა-კრულვაში“. ისე მშვიდად, კმაყოფილი, თვითდაჯერებით იხდის ფეხზე ზურიკელა, რომ მაქსიმალურად ნათელია ბებიასა და შვილიშვილის ნამდვილი დამოკიდებულების არსი. თუკი რეჟისორმა და ახალგაზრდა მსახიობმა ამ ეპიზოდში შეძლეს დაფარული გრძნობის წინა პლანზე წამოწევა, ნამდვილს და მოჩვენებითს შორის ფაქიზი ხაზის გავლება, ისე რომ მაყურებლისათვის არ დაკარგულა არცერთი ნიუანსი, ცხადია, „ნოდარის დაღუპვის ცნობის“ ეპიზოდშიც შესაძლებელი იყო გვენახა ზურიკელას გაორებული გრძნობა და კიდევ უფრო ღრმად ჩაგვეხედა მის სულიერ სამყაროში, მაგრამ, სამწუხაროდ, ასე არ მოხდა.

კიდევ ერთი შენიშვნა და ამით დავამთავროთ საუბარი ამ ეპიზოდზე. სცენარისეულ ვარიანტში ჩექმები ილარიონს მოაქვს. ეს უფრო თვალნათლივცაა, ეფექტურიც და მოულოდნელობის გრძნობის მატარებელიც (ამდენად უფრო კინემატოგრაფიულიც). ვიდრე ზურიკელას განცხადება ფილმში: ილარიონი ახლა ჩექმებს მოიტანსო. ჯერ ერთი, რასაც თვალთ ნახავ, უფრო სარწმუნოა, ვიდრე სხვის ნათქვამზე დაყრდნობა, და, მეორეც, ჩექმების მოტანით ეპიზოდს ესმებოდა ზუსტი წერტილი და ამზავიც უფრო შეკრული და დამთავრებული იყო. შეიძლება აქ რეჟისორი შეაშინა დროის ფაქტორმა: ილარიონის წასვლასა და მოსვლას შორის არსებული შუალედი რა მოქმედებით შეევსო ეკრანზე? თ. აბულაძემ ძალიან კარგად იცის, რომ კინოში არსებობს უამრავი საშუალება დროის სვლის პირობითი გადაწყვეტისათვის. ასე რომ, დრო ამ შემთხვევაში არაა დამაბრკოლებელი.

მ ა გ ა ლ ი თ ი მ ე ო რ ე : ზურიკელამ საშუალო სკოლა დაამთავრა და სწავ-

ლის გასაგრძელებლად თბილისში მიდის. ბიჭი გაქედნილ ვაგონში მოხვდა, რის ვაი-ვაგლახით მგზავრებს შორის გაძვრა, ბარგის დასაწყობ თაროზე აძვრა და არხინად წამოწევა. ზურიკელას საქციელმა აღაშფოთა მგზავრები, განსაკუთრებით ვისაც ბევრი ბარგი ჰქონდა და ბიჭს პატარა წალაპარაკება-ჩხუბიც მოუვიდა. ბოლოს მგზავრობამ თავისი გაიტანა, პატარა პურმარილი გაიშალა, წელანდელი მოჩხუბრები შერიგდნენ და ღვინომ მგზავრების ბუნება გაგვიხსნა. თურმე ისინი კეთილი, გულისხმიერი და მოყვასი ადამიანები არიან და, ადამიანური ხასიათისა და ბუნების თვალსაზრისით, ზურიკელაზე არანაკლებ კეთილშობილნი და სულით მდიდარნი.

ასეთი ეპიზოდია სცენარში (ცხადია, მოთხრობაშიც), ფილმში კი მხოლოდ ამ ეპიზოდის პირველი ნახევარია. ფილმისეული ეპიზოდი თავდება იქ, სადაც ზურიკელას მგზავრები წაჩხუბნენ და იგი არასდიდებით არ ჩამოვიდა ბარგის თაროდან. მგზავრების და ზურიკელას შერიგებისა და პურმარილის სცენა კი მოწყვეტილია. არც ეს უნდა იყოს სადავო, რომ ასე ხელოვნურად რეჟისორს არ უნდა გაეყო ეპიზოდი შუაზე. ეს არღვევს ადამიანებისადმი დამოკიდებულების მწერლისეულ კონცეფციას. ისეთი შთაბეჭდილება იქმნება, თითქოს ზურიკელა, სოფლური ყოფის შემდეგ, ჭიანჭველების ბუდეში მოხვდა. რადგან ამბის დასასრული არ ვიცით, გვეგონია, რომ მგზავრები მარტოოდენ თავისთავით არიან დანიტერესებულნი და მეტი არაფრით. ნ. დუმბაძე კი ისე გვიხატავს ამ ადამიანებს, რომ ჩვენ ვგრძნობთ, ამ მოჩვენებითი უხეშობის, ეგოიზმისა და, თუ გნებავთ, მტრობის უკან მეგობრობა და სიყვარული იმალება. მწერალი ცდილობს გახსნას ადამიანის ასეთი ბუნება და მის არსებობასა და ჭეშმარიტებაში მკითხველიცა და მაყურებელიც დაარწმუნოს (შეიძლება დავეთანხმოთ ან არ დავეთანხმოთ ამ საკითხში მწერალს,

აკაკი ბაქრაძე
„მე, ბებია, ილიკო და ილარიონი“

მაგრამ მისი გამოცვლის უფლება კი არ გვაქვს). ახლა კი გაუგებარია, როგორია ეს ხალხი, ვაგონში რომ მოუყრია თავი; ხოლო ზურგიკელას სახეს ჩრდილი მიადგა, რადგან მისმა უარმა, ჩამოვიდეს ბარგის თაროდან, ხულიგნური ელფერი შეიძინა (ორი ხანდაზმული კაცი ედავე-ბა ჩამოდიო, თვითონ კი არხენინად იკრიპება და განძრევასაც არ აპირებს) მაშინ, როდესაც სინამდვილეში საქმე მხოლოდ ბავშვურ გაჯიუტებასთან გვაქვს.

გარდა ამისა, ამ ეპიზოდს, ბოლომდე რომ დარჩენილიყო იგი ფილმში, ჰქონდა სხვა მნიშვნელობაც. ამჟამად, ფილმის მიხედვით ზურიკელა, ბებია, ილიკო და ილარიონი ხალხსა და გარემოსა მოწყვეტილი. არათუ კონკრეტული პიროვნებანი არ ვიცით, ვისთანაც ფილმის პერსონაჟებს აქვთ ურთიერთობა, არამედ, გამოსახულების თვალსაზრისითაც, ვერ ვნახებთ სოფლის ხედი (გარდა ერთი შორი პლანისა, როცა დათოვლილი სოფელი მოჩანს, მერისა და ზურიკელას სიყვარულის გამკლავების ეპიზოდში. სამართლიანობა მოითხოვს ითქვას — გადაღებული გემოვნებით, შთამბეჭდავად და ლამაზად, მაგრამ სოფლის სახეს მაინც ვერ ქმნის), სადაც ფილმის პერსონაჟები ცხოვრობენ და შრომობენ, რომ სოფლის სახეც დამახსოვრებოდა მაყურებელს (ეს არაა განზოგადოება, ეს უმისამართობაა). არ ვიცით კვილუკაცობა, დიდბუნებოვანება, სიცოცხლის საშუალებით ჭირთან ბრძოლა ოლღას, ილიკოს, ილარიონსა და ზურიკელას ინდივიდუალურ-პიროვნული თვისებაა, თუ ყველაფერი ეს მთელი ერის, ხალხის ბუნებაშია და ფილმის პერსონაჟებიც ამ თვისებებს იმდენად ატარებენ, რამდენადაც ამ ხალხის, ერის შვილები არიან, მათი სისხლი სისხლთაგანი და ხორცი ხორცთაგანი. როცა ვაგონში შემთხვევით შეხვედრილი ამბაკო ზურიკელას მამასავით ექცევა და ბიჭსაც იგი ილარიონისაგან ვერ გაურჩევია (ეს არაა მხოლოდ სიმთვარის ბრალი. სიმთვარლე ბუნებრიობას ანიჭებს), სწორედ ხალხისა და ოლღა-ილიკო-ილარიონ-ზურიკელას ერთიანობაზე ლაპარაკობდა. ამ

ფაქტს ხაზგასმა, წინა პლანზე წამოწევა უსდოდა და არა შუაში გაჭრა. ალბათ თ. აბულაძეს ჰქონდა მიზნები, როცა ეპიზოდს მეორე ნაწილი მიაჭრა — ან მსახიობთა თამაშმა არ დააკმაყოფილა, ან გამოსახულების ხარისხმა, გადაღების თვალსაზრისით — მაგრამ არცერთმა რეჟისორმა არ უნდა დაივიწყოს ერთი ქეშმარიტება: „გამოსახულება კი არ ქმნის ფილმს, არამედ სული (დავამატებდი — აზრი) გამოსახულებისა“. ეს სიტყვები აბელ ჰანსს ეკუთვნის და ურიგო არ იქნება, თუ დავუჯერებთ მის გამოცდილებასა და ნიჭს.

აქვე ისიც უნდა ითქვას, რომ ხსენებული ეპიზოდის გაყოფამ დაარღვია მწერლის ხერხიც—ამბის თხრობა კონტრასტებზე აავოს (ამ კონტრასტებში ქმნის იგი დრამატურგიასაც), და წაშალა ქართული მგზავრობის კოლორიტიც. ამ კოლორიტში კი ერის სახის რაღაც ნაწილია და იგი მეტ ყურადღებას მოითხოვს.

მაგალითი მესამე: იმ დღეს, როცა ზურიკელას ოჯახს აკრატორი ეწვია და ფრონტზე გასაგზავნი საჩუქრები მოითხოვა, ბებია ოლღამ თავის ლეიბს მატყლი გამოაცალა და მთელი ღამე ქსოვდა ფრონტზე გასაგზავნ წინდებს. ფილმში ბებიას ამ საქციელს აკლია ლეიბიდან მატყლის გამოღება. ეს არაა უბრალო დეტალი, რომელიც შეიძლება შეიტანო ან არ შეიტანო მხატვრულ ნაწარმოებში. მოხუცმა ქალმა, რომლისათვისაც სითბოს სიცოცხლის ფასი აქვს, თავისთავი გაიმეტა და უცნობ ჯარისკაცს უბრალო წინდა კი არა, საკუთარი სხეულის სითბო აჩუქა. ეს გმირობაა, რადგან გმირობა ადამიანის შესაძლებლობასა და გამძლეობაზე და მოკიდებული. მოხუც ბებიას კი მეტი არ შეეძლო და გარემოებაც ამას მოითხოვდა. ამისთანა სულიერ გმირობაზე თქვა შტეფან ცვაიგმა — როცა ჩვეულებრივი და უბრალო ექვნი გრანდე მრისხანე და ქუნწი მამის თანდასწრებით ერთ ზედმეტ ნატეხ შაქარს დებს საყვარელი კუნწუნის. შარლის, ყავაში, იმდენ ვაჟაკობას ამკლავებს, რამდენსაც არკოლეს

ხილზე, დროშით ხელში, იერიშზე გადასული ნაპოლეონიო. აქაც გარემოებისა და შესაძლებლობის ერთიანობაა და, მიუხედავად გარეგნული დიდი ვანსხევაგებისა, შინაგანად და მორალურად ექვნი გრანდეს საქციელიც გმირობაა და ნაპოლეონისაც. ასევეა ბებია ოლღას საქციელიც, რომელიც მისი კეთილქალობის და დიდბუნოვანების საბუთიკაა. ამ დეტალის გამოტოვებით ოლღას სახეც გადარიბდა და ზურვიკლას ხასიათის ჩამოყალიბებას ერთი ფაქტორი მოაკლდა. ილიკოს ნაზადი, ილარიონის ჩექმები და ბებია ოლღას ლეიბიდან გამოდებული მატყლით მოქსოვილი წინდები ის გაკვეთილებია, რომელთა მიხედვითაც ზურვიკლა კაცურ კაცობას სწავლობდა.

დასკენისას უნდა ვთქვა, რომ ხსენებულიმა ცვლილებებმა, რომელიც როგორც მხატვრული, ისე იდეური კონცეფციის გადააზრების ხასიათს ატარებს. გაუმჯობესების გზით არ წავიყვანა. გადაღების პროცესში ამა თუ იმ ცვლილების შეტანას ლიტერატურულ მასალაში მაშინ აქვს ფასი, როცა მხატვრული ანალიზი უფრო დახვეწილი და ზუსტი ხდება, ნაწარმოების იდეური კონცეფცია ღრმავდება და უფრო მნიშვნელოვანი ხდება, აზრი კი — უფრო ნათელი და გასაგები. ყველა სხვა შემთხვევაში ერთნაირად აკებს რეჟისორიცა და მსახურებელიც.

„თვალების მუსიკა“

«Пейзаж может служить конкретным образом воплощения целых космических концепций, целых философских систем».

ს. ეიზენშტეინი

„თვალების მუსიკას“ პეიზაჟსა და დეკორაციას ეძახდა პიეტრო გონზაგო.

დეკორაცია და პეიზაჟი თეატრსა და კინოში ადამიანზე ლაპარაკობს, მის ხასიათსა და ბუნებას უფრო რელიეფურად გამოხატავს, განწყობილებას აძლიერებს, აღრმავებს, აზრის გამოთქმის პლასტიკური საშუალებაა და, ცხადია, დამოუკიდებელი ესთეტიკური ღირებულებაც აქვს. სხვათა შორის, როგორც თეატრში, ისე კინოში დეკორაციისა თუ პეიზაჟის თავისთავადი ესთეტიკური ღირებულებისა და ფილმისა თუ სპექტაკლის აზრის ბუნებრივი და უშუალო შერწყმა-შეხამება ძნელია. აქ უნდა გამოჩნდეს სწორედ მხატვრის ოსტატობა. აქვე უნდა დავეუბნოთ, რომ კინოში პეიზაჟი და დეკორაცია ალგორითის ღირებულებასაც იძენს და ფილმის სამეტყველო ენას უფრო მოქნილს და მრავალფეროვანს ხდის. ამიტომაცაა, რომ ადამიანი პეიზაჟი-დეკორაცია მთლიანია და კინემატოგრაფიული სახეც ამ მთლიანობის ერთიანი დახატვა-აღქმით იქმნება. ამდგ-

ნად „მე, ბებია, ილიკო და ილარიონის“ (და საერთოდ ყოველი ფილმის) ნატურის არჩევას სერიოზული და დიდი მნიშვნელობა ჰქონდა.

„მე, ბებია, ილიკო და ილარიონის“ რეჟისორსა და მხატვრებს ძირითადად შიშველი პეიზაჟისა და ფონისათვის მიუნიშებიათ უპირატესობა. როგორც ჩანს, ცდილობდნენ ყოფის სურათის აღდგენისათვის აერიდებინათ თავი, მაგრამ ეს პრინციპი არაა ქცეული ფილმის გამოსახულებითი მხარის ერთიან სტილისტიკად. პირიქით, ეპიზოდებში „საკლასო ოთახში გაკვეთილზე“ და „სიმწიფის ატესტატების დარიგება“ სოფლის სკოლის ყოფა ზუსტადაა აღდგენილი. უფრო მეტიც, „ატესტატების დარიგების“ ეპიზოდში თითქმის პროვინციული ფოტოების მიხედვითაა გადმოცემული პერსონაჟთა პოზები და მიზანსცენები, რაც

აკაკი ბაქრაძე

„მე, ბებია, ილიკო და ილარიონის“

ცოცხალსა და ხალისიანს ხდის ეპიზოდს. შიშველი პეიზაჟის და ფონის შენარჩუნებას ფილმის ავტორები უფრო ბეზიას, ილიკოს და ილარიონთან დაკავშირებულ ეპიზოდებში ცდილობენ. და სადაც გოც აქაა.

რეჟისორის მტრული დამოკიდებულება ყოფისადმი იქამდე მივიდა, რომ ერთხელაც (თუნდაც მეორე პლანით) კი არ გვაჩვენა სად ცხოვრობს ილიკო ან ილარიონი. ქვეყრის გაძარცვის ერთადერთი ეპიზოდი, დაკავშირებული ილარიონის ეზო-კართან, სილუეტებითაა გადაღებული, რაც საშუალებას არ ვაძლევს დავადგინოთ, სად ხდება მოქმედება (თავი დავანებოთ იმას, რომ დაყირავებული მარანი ჯერ არავის უნახავს ამ ქვეყნად) და ყოფის სურნელი შეიგრძნო. თუნდაც ამ ერთ მარანს ბევრი რამ შეეძლო ეთქვა მაყურებლისათვის ილარიონზე. ოთარანთ ქვრივის სახლკარი არანაკლებ ნათლად მეტყველებს მისი პატრონის კაიქალობაზე, ვიდრე რომელიმე სხვა ფაქტი ქვრივის ცხოვრებიდან. ამიტომაც აღწერს ეპოზმ ყურადღებით ილია ოთარანთ ქვრივის სახლკარს. საცხოვრებელი ადგილის ან ნივთები საშუალებათ პერსონაჟის სახის და ატვა არც კინემატოგრაფისათვისაა უცხო. ფლორესტანო ვანჩინი, რეჟისორი ფილმისა „1943 წლის გრძელი ღამე“, სურათის ერთ-ერთი მთავარი პერსონაჟის ფრანკოს სახეს სწორედ ოთახისა და ნივთების საშუალებით გვაცნობს. ოთახში მიმოზნეული სხვადასხვა ეპოქის, სტილის, ღირებულებისა და გემოვნების ნივთები ნათლად ლაპარაკობენ მათი პატრონის მერყევ და ჩამოუყალიბებელ ხასიათსა, დაბნეულ იდეალსა და გაურკვეველ სიმპატიან-ანტიპატიანზე.

ასევე ნათლად შეიძლება ილიკოსა და ილარიონის სახლკარის ჩვენებით კიდევ უფრო ზუსტი, მდიდარი და სრული წარმოდგენა გვექონოდა მათზე, ყოფის ნამდვილი სურათი შეგვექმნა და განუმეორებელი კოლორიტის სურნელით გავველინათა ფილმი. ფილმის საერთო ღირიკულ განწყობილებას კი ყოფის და პეიზაჟის კოლორიტი კიდევ უფრო გაამ-

დიდრება და გაამშვენებდა. გარდა ამისა, სახეების დასახატად ნ. დუმბაძის მიერ არჩეულ მანერას ერთგვარი ერთფეროვნების ელფერი დააკრავს და ამიტომაცაა, რომ ილარიონის ან ილიკოს შინაგანი სამყარო მკვეთრად ინდივიდუალიზირებული არაა და არც მათ შორის პიროვნული განსხვავებაა იოლად საპოვნი. ამ ნაკლის თავიდან აცილება კი ილიკოსა და ილარიონის სავანისეული დებასიათებით შეიძლებაოდა. თუ ვაჩვენებდით როგორია თითოეული მათგანის სახლკარი, რა საგნებთან აქვთ ურთიერთობა, შეიძლებაოდა დაგვენახა მათი ინდივიდუალური თვისებები. ამისათვის სრულიად არ იყო საჭირო არც დამატებითი ეპიზოდების დაწერა და არც დამატებითი სიტუაციების შექმნა. ყველაფერი ეს ფონით, ანუ მეორე პლანით შეიძლებაოდა გადაწყვეტილიყო. ამ შემთხვევაში მეორე პლანი ქვეტექსტივით ილაპარაკებდა და უფრო სრულს და მთლიანს გახდიდა მაყურებლის წარმოდგენას ფილმის სახეებზე. ხოლო რაც შეეხება პეიზაჟს, თავად თ. აბულაძე იძლევა მაგალითს, რა კარგად შეიძლება პეიზაჟის გამოყენება აზრის გამოსახატავად და პერსონაჟთა განწყობის გადმოსაცემად. გაიხსენეთ ზურიკელასა და მერის გავლა დათოვლილი ტყის პირას და სიყვარულის პირველი გამჟღავნება. დაბნეულმა ზურიკელამ არ იცის, როგორ გაუმხილოს მერის თავისი გრძნობა და „მურადაზე“ ყვება რაღაცას უთავბოლოდ. გოგო და ბიჭი მიდიან, ხევში ჩადიან და იკარგებიან. ეკრანზე დიდხანს ჩანს თეთრი, თეთრი თოვლი და ისმის „მურადას“ უყვარდიო, „მურადა“ მიყვარდაო, ხოლო თავად ზურიკელა და მერი აღარ ჩანან, მაგრამ თეთრი თოვლი და სიტყვა „უყვარდიო“ შესანიშნავად გადმოგვცემენ, როგორ იბადება თოვლივით სუფთა და სპეტაკი დიდი სიყვარული. სხვათაშორის, აქვე უნდა აღვნიშნოთ, რომ მერე მსგავსი ეპიზოდი კიდევ გაიმეორა რეჟისორმა (იმ განსხვავებით, რომ ახლა უკვე ზამთარში აღარ ხდება ამბავი) ზურიკელას თბილისიდან ჩამოსვლის შემდეგ, მაგრამ ვერ მოახერხა ამ ორ

ერთნაირ ამბავს შორის განმასხვავებელი ზღვარი გაველო და მაყურებელს ეგრძნო, რომ პირველი ეპიზოდი ბავშვური სიყვარულის გაუბედავი გამხელა იყო, ხოლო გამეორებული — ბავშვობის ტკბილი გახსენება. ახლა მოწიფულ ქალ-ვაჟს სიყვარულის აღარ ერიდებათ.

მივუბრუნდეთ ისევ პირველთქმულს. ბებიას, ილიკოს და ილარიონის პორტრეტები და გარეგნობა მიუთითებენ, რომ ისინი მშრომელი, მიწისმოყვარული და მოტრფიალე ადამიანები არიან. მათ ცხოვრებას არ შეიძლება მიწაზე კვალი არ დაეჩნია. ამიტომ უხერხულობისა და შეუსაბამობის გრძნობა გვეუფლება, როცა ხედავ, როგორ ზის გატყავებულ და ხრიოკ ეზოში ოღლა ბებია — ს. თაყაიშვილი. ოღლას კალთაში ქათამი უზის, აჭმევს თუ ასმევს და რაღაცას ალერსიანად ებუტბუტება. იმდენი სითბოა მოხუცი ქალის ფრინველისადმი დამოკიდებულებაში, შეუძლებელია დაიჯეროთ, რომ ამ ქალს ასე გაუბედურებული ეზო-კარი ჰქონდეს. აქ სიმდიდრეზე კი არაა ლაპარაკი, არამედ შრომის სიღამაზეზე, რომელიც გლეხკაცისა თუ გლეხქალის შრომასა და ამ შრომით შექმნილში მკლავნდება. სწორედ ოღლას ნაშრომის სიღამაზეზე არ ლაპარაკობს თ. აბულაძის მიერ გადაღებული ეზო-კარი. დარღვეულია ბუნებრივი და ორგანული ერთიანობა ადამიანსა და გარემოს შორის.

კადრმა „ოღლა ბებია ეზოში“ დ. კაკაბაძის სურათი „იმერეთი — დედაჩემი“ გამახსენა. დავით კაკაბაძის მოხუცი ქალი მშვიდად ზის და ართავს. საოცარი სიმშვიდე, დაჯერება და კმაყოფილებაა მოხუცის სახეზე და მთელ სხეულში.

იგი თავისი არსებით იმ ბუნებას შერწყმია, რომლის ფონზეც ზის. ბალახი თუ ყვავილები, ტყრუშული ღობე თუ ღამაზი ჭიშკარი, ალვის ხეები თუ შორეული ყანები, ერთი სიტყვით, მთელი ბუნება ამ ქალის ადამიანური არსების ნაწილია, ხოლო თავად იგი ამ ბუნების ღვიძლი შვილია. მოხუცი ქალის ხასიათი ამ ბუნებას ჩამოუყალიბებია, ხოლო თვით ქალს ბუნებისათვის მისი ხელით შექმნილი მშვენიერებაც — ეზო-კარი — მიუმატებია. ამიტომაც არსებობს ჰარმონია და ერთიანობა ადამიანსა და ბუნებას შორის. ამან მისცა უფლება მხატვარს სამშობლო და დედა გაეგიჟებინა და სურათისათვის „იმერეთი — დედაჩემი“ ეწოდებინა.

თ. აბულაძეს დ. კაკაბაძისეული ჰარმონია რომ დაემყარებინა ადამიანსა და პეიზაჟს შორის, შეიძლებოდა კადრის — „ოღლა ბებია ეზოში“ — ნახვისას დედისა და სამშობლოს იჯიჯიობის გრძნობა აღგვძროდა, იმდენი მორალური ძალა, სიმშვიდე, სინათლე, სითბო და სიყვარულია ს. თაყაიშვილის მიერ შექმნილ სახეში. მაგრამ ხრიოკმა ბუნებამ ადამიანი და პეიზაჟი გათიშა და, ჰარმონიის ნაცვლად, სიცხევე და სიცარილე დაამყარა მათ შორის.

„თვალეზის მუსიკა“ არ აღმოჩნდა საკვებ იმ ლირიზმით და სითბოთი, რაც ბებიას, ილიკოს, ილარიონის და ზურიცკელას ადამიანურ ბუნებასა და ურთიერთდამოკიდებულებაშია. ადამიანსა და პეიზაჟს შორის ჰარმონიის დარღვევამ კი რევისორისა და მხატვრების მიერ არჩეული ნატურა თვითმიზნური გახადა, თვითმიზნურობა კი მხატვრული ნაწარმოების ღირსება არასოდეს ყოფილა.

დავიწყებული დიდი პლანი

ერთი თავისებურებაც აქვს თ. აბულაძის ფილმს. ესაა დიდ ანუ ახლო პლანთა სიმცირე. საერთოდ, ამჟამად ევროპულსა და ამერიკულ კინოხელოვნებაში შეიმჩნევა დიდი პლანის უარყოფის ტენდენცია. პოლონელმა კინოთეორეტიკოს-

მა ეჟი პლაჟეესკიმ ამ მოვლენას „ახლო პლანის დაცემა“ უწოდა და თანამედროვე კინოხელოვნების ერთ-ერთ დამა-

აკაკი ბაქრაძე
„მე, ბებია, ილიკო და ილარიონი“



ხასიათებელ ნიშნად მიიჩნია. მაგრამ საქმე ისაა, რომ უცხოელი კინორეჟისორები, რომლებიც ახლო პლანს მოძველებულ საშუალებად თვლიან, მთლიანად უარყოფენ მას და ფილმებს ძირითადად შორი და საშუალო პლანებით იღებენ. ერთი სიტყვით, დიდი პლანის უარყოფა მათი ფილმების კინემატოგრაფიულ სტილისტიკას განსაზღვრავს. ხოლო ფილმში „მე, ბებია, ილიკო და ილარიონი“ რეჟისორის პოზიცია ამ მხრივ ნათლად და გარკვეულად არაა გამომჟღავნებული, რადგან თ. აბულაძე ხანდახან მიმართავს დიდ პლანს, როგორც პერსონაჟის ფსიქოლოგიური მდგომარეობის გამხსნელ საშუალებას (მაგალითად, ზურიკელას დიდი პლანით იწყება ეპიზოდი საკლასო ოთახში, ბეზიას დიდი პლანები სიკვდილის წინ და სხვანი). ე. ი. ამ შემთხვევაში დიდ პლანთა სიმცირე არ იქცა ფილმის სტილისტიკის განმსაზღვრელად. აქ უფრო ორჭოფობაა, ვიდრე მტკიცე პოზიცია. ამდენად აქ არც თანამედროვე ევროპული კინემატოგრაფიის გავლენაზე შეიძლება ლაპარაკი და არც რეჟისორის პერსონაჟისადმი დამოკიდებულების თავისებურებაზე. მხოლოდ უკმარობის გრძნობა თუ გაუჩინდება კაცს, რადგან არის როგორც პერსონაჟის ფსიქოლოგიური მდგომარეობა, ისე სიტუაცია, სადაც უახლოვლანოდ თითქმის შეუძლებელია აზრის ნათლად გადმოცემა. ამიტომაც არ მიგვაჩნია ხანდახან რეჟისორის სიძუნწე გამართლებულად.

ახლა კონკრეტულ მაგალითებს მივმართოთ.

მაგალითი პირველი: წინ ილარიონი და ილიკო მიდიან, უკან ზურიკელა მიყვება. ორ ხანდაზმულ გლეხს ასეთი საუბარი აქვთ (საუბრის დროს სამივე პერსონაჟი ზურგდანაა გადაღებული და მათ სახეებს მაყურებელი ვერ ხედავს):

„—ოსმალ-თათარის პოლიტიკა რაღაც არ მომწონს ამ ბოლო დროს, ჩემო ილარიონ!

— მაგი ხომ იცი რაფერია, თუ შეა-

ტყო გაუჭირდაო, ისევ გერმანიას გამოუსხადებს ომს.

— გაჩუმდი კაცო!

— აგერ ვარ მე და აგერაა გერმანია. აგი უღვაში გამპარსე თუ ასე არ ქნას“... (აქ მხოლოდ შუანაწილია დიალოგის მოტანილი, მაგრამ მაგალითისთვის კმარა, რადგან დიალოგის დასაწყისი და ბოლოც ამავე ტონით მიმდინარეობს).

არის ეს — ორი მოხუცის სერიოზული საუბარი თუ სცენარისტის თვითნებური სურვილი უცნაური დიალოგით გააცინოს მაყურებელი? პასუხი ერთია — საუბარი აბსოლუტურად სერიოზულია. უფრო მეტიც, ამ საუბარში ილიკოსა და ილარიონის ბუნებაა. და არა მარტო ამ ორი კაცისა, მთელი იმ ხალხის ბუნებაა, რომელსაც მოსაუბრე მოხუცები ეკუთვნიან. აქ სიცილი კომედიურის კატეგორიას არ ეკუთვნის, რადგან ილიკოსა და ილარიონს, მათ ხალხს გულის დარდის გამოსატყმელად, სერიოზული ფიქრის გამოსამკლავებლად ნებსით თუ უნებლიეთ, ცხოვრებისა თუ ბუნების განკვეთილ საღიმილო და სასაცილო ფორმა უპოვიათ. ამ ფორმას მკითხველი თუ მაყურებელი ყოველთვის უნდა გამოყოფდეს, რომ ომით გამოწვეული მსჯელობის მთელი წუხილი, დაინტერესება და სერიოზულობა ვიგრძნოთ. ამიტომაც აუცილებელი იყო ზემოთ მოტანილი დიალოგის დროს მაყურებელს ილარიონ — გ. ტყაბლაძისა და ილიკო — ს. ჭორკოლიანის სახეები დაენახა და მათ სახეებზე წაეკითხა, რომ ის, რაც მაყურებელს გულიანად აცინებს, მათთვის სრულიად არაა სასაცილო. პირიქით, აქ მათი ადამიანური ბუნება მკლავდება და საუბარიც საესეპობით სერიოზულად მიმდინარეობს. ხოლო ამ ადამიანური ბუნების გამკლავებამ უნდა მიგვიყვანოს ილიკოსა და ილარიონის ხასიათების საიდუმლოსთან, რომელიც სასაცილოთი ტრაგიკულის ბუნებრივ შენიღბვას გულისხმობს. აქ დიდი პლანის გამოტოვებამ (უფრო მეტიც, რეჟისორმა საერთოდ არ გვაჩვენა

ამ საუბრისას ილიკოსა და ილარიონის (სახე) კი ამის შეგრძნების საშუალება წაგვართვა და ამიტომ ორივე მოხუცის სულიერი სამყარო სათანადო სინათლით არ გამოჩნდა.

მაგალითი მეორე: მასწავლებელმა ბებიას წერილი გაუგზავნა. მერის შეეშალა და მასწავლებლის წერილის ნაცვლად ბებიას ის წერილი მისცა, რომელიც რომულის კარნახით ზურიკელამ მერისათვის დაწერა. გაიხსენეთ როგორაა გადაღებული ზურიკელას წერილის კითხვა ფილმში: კადრის მარცხენა კუთხეში კარებთან ზურიკელა ატუზულა (მისი სახე დიდი პლანითაა ეკრანზე), შორს სიღრმეში ბებია მოჩანს, ილიკო და ილარიონი კადრს გარეთ არიან და მხოლოდ მათი ხმა გვემის. წერილის კითხვის დასრულებამდე კადრი სტატიკურია, კომპოზიცია არ იცვლება. აუცილებელი კი იყო კინოკამერის მოძრაობა და დიდ პლანთა მონაცვლეობაც, რომ მაყურებელს ნათლად დაენახა პერსონაჟთა განწყობილების ცვლა: გაკვირვება, გაოგნება და მერე უცარი ხარხარი უცნაური წერილით გამოწვეული.

რეჟისორი მართალია, როცა კადრის კომპოზიციის აგებისას ყურადღების ცენტრში, პირველ პლანზე ზურიკელა პყავს. მაგრამ რატომღაც დავიწყებულია მეორე პლანი, რომელიც ბებიას, ილიკოსა და ილარიონს ბუჟთან უწყვეტი ძაფით დააკავშირებდა, რადგან მოხუცების განწყობილებისა და მდგომარეობის ცვლებადობა იწვევს ზურიკელას მდგომარეობისა და განწყობილების ცვლას. თავად ზურიკელაც ხომ სრულიად არ ელოდა იმას, რაც მოხდა. ჯერ იგი შიშით ელოდა მასწავლებლის წერილის წაკითხვას, უცბად, მოულოდნელად დაიწყეს მერისადმი მიწერილი მისივე საკუთარი წერილის კითხვა. აქ პირვანდელი შიშის გრძნობა გაკვირვებამ შეცვალა (გაკვირვებას ურევია სიხარულის გრძნობაც: მასწავლებლის წერილი არ მიუღია ბებიას), გაკვირვება — დაბნეულობამ, რადგან ბიჭმა აღარ იცის უკვე როგორ მოიქცეს. ბოლოს მერი დაბრუნდა, ბოდიში მოიხადა, წერილი შემეშა-

ლაო და ბებიას მასწავლებლის წერილი გადასცა. ზურიკელას მდგომარეობა უფრო და უფრო გართულდა: ბებიამ მასწავლებლის წერილიც მიიღო.

ჯერ ერთი, აქ რეჟისორმა არ გვიჩვენა მერის მდგომარეობა, მისი უხერხულობა და დაბნეულობა. გოგომ ხომ იცის, რა ეწერა წერილში, რომელიც მოხუცებმა წაკითხეს? ამ რეაქციას აუცილებლად სჭირდებოდა ასახვა, რაც ყველაზე სრულყოფილად, ჩვენი აზრით, დიდ პლანს შეეძლო. აქ შესაძლებლობა იყო ნათლად გამჟღავნებულიყო მერის ბავშვური სიწმინდე და გულუბრყვილობა. მეორეც, ზურიკელას განწყობილებებისა და გრძნობების მრავალფეროვანი გამა სრულიად ვერ გადმოსცა ზ. ორჯონიკიძემ. პირიქით, ამ სცენაში მას ისეთი სახე აქვს, თითქოს წინდაწინ იცოდა ბებია მასწავლებლის წერილის ნაცვლად ზურიკელას წერილს რომ მიიღებდა და ახლა კარებთან ატუზულა, რათა სეირით დატკბეს. სამწუხაროდ, ახალგაზრდა ზ. ორჯონიკიძე ვერ მოერია პერსონაჟის სულის მოძრაობის მრავალფეროვანებას და იგი ერთფეროვანი (ა სწორხაზოვანი გახადა. ხოლო ს. თაყაიშვილს, ს. ჟორჟოლიანს და გ. ტყაბლაძეს არა აქვთ ამ ეპიზოდში საშუალება დახატონ განწყობილების მრავალფეროვნება და ფაქიზი ნიუანსები.

დღეს კინოხელოვნება დიდ ყურადღებას აქცევს ადამიანის სულის მოძრაობის დეტალურ დამუშავებას (გაიხსენიეთ თუ გნებავთ ა. ბრესონის ფილმი „სიკვდილმისჯილი გაიქცა“. ამ შემთხვევაში გარეგნულ ჟანრობრივ სხვაობას არა აქვს არსებითი მნიშვნელობა), რთული ნიუანსების გადმოცემას. ჩემი აზრით, ყველაზე კარგად ეს დიდ პლანს შეუძლია და ამიტომაც უსაფუძვლოა დიდი პლანის დაკმაზე ლაპარაკი. წერილის კითხვის ეპიზოდში კი თ. აბულაძემ თავისთავი გაძარცვა და იოლი გზით სიარული იჩრია, რადგან ხსენებულ ეპიზოდს

აკაკი ბაქრაძე
„მე, ბებია, ილიკო და ილარიონი“



მხოლოდ საინფორმაციო მნიშვნელობა
მიანიჭა და ხუმრობის კილოთი ჩაატარა.

მაგალითი მეესამე: ფინალი
სცენარში ასე იყო: ბებია გარდაიცვალა.
მიცვალეზულის სარეცელთან გახევებუ-
ლი ზურიკელა დვას. სიჩუმეს ნელ-
ნელა არღვევს ზურიკელას შინაგანი მო-
ნოლოგი: „მე ვიგრძენი, რომ ვიღაც
შემოვიდა ოთახში და ჩემს უკან დადგა.
მე ვიგრძენი, რომ იგი აღარასოდეს
წავიდოდა აქედან და არ დამტოვებდა
შარტო. მე უკან არ მიმიხეღია, მაგრამ
ვიგრძენი, რომ ეს იყო მერი, რადგან მას
ამ ხნელ ოთახში უზომო სინათლე შემო-
ჰყვა. მერე მე მაინც ავდექი და შემოვტ-
რიალდი, რომ დამენახა ის სინათლე და
ამ სინათლეზე ჩემი ილიკო, ჩემი ილა-
რიონი და ჩემი ბებია“...

ფილმში ფინალი სხვანაირადაა: დამ-
ტოვებო, მოითხოვა ბებია. ზურიკელა
ეზოში გამოვიდა (კადრს გარეთა ხმით
გვესმის, როგორ ლოცავს სიკვდილის
წინ ბებია შვილიშვილს). ზურიკელამ
ჭიშკართან მდგარ მერის უსიტყვოდ
ჩაუარა და მინდვრად გავიდა... მიღის
ხნულში და გვესმის შინაგანი მონოლო-
გი: „...მე მოვიყვან ილიკოს და ილარი-
ონს ჩემთან და ყველანი ერთად ვცხოვ-
რებთ. მე მეყოლება უამრავი შვილი,
შვილიშვილი, შვილთაშვილი, იმათი შვი-
ლები და მთელი სოფელი ჩვენ ვიქნებით.
მერე ჩვენ გავმრავლდებით და მთელი
ქვეყანა ჩვენ ვიქნებით... ჩვენ ვიქნებით
მთელი ქვეყანა და არასოდეს აღარ და-
ვიხოცებით, აღარ დავიღვევით, აღარ
გავთავდებით“... ზურიკელამ გაიარა
ხნული, გავიდა გზაზე, წინ მერი შემოე-
გება... ისინი ერთად მიდიან (ყველაფე-
რი ეს შორი პლანითაა ნაჩვენები).

რა თქმა უნდა, რეჟისორს აქვს უფლე-
ბა ფილმის ფინალი ისე გადაწყვიტოს
როგორც უფრო მიზანშეწონილად მიაჩ-
ნია. ამიტომ ახლა ორი — სცენარისეუ-
ლი და ფილმისეული — ფინალის გახსე-
ნება ერთმანეთისათვის შესაძარებლად
კი არ გვეპირდება, არამედ ზურიკელას

და მერის სახეებთან დაკავშირებული
ერთი საკითხის გადასაწყვეტად.

სამწუხაროდ, ფილმში არაა ზურიკე-
ლას ხასიათის ჩამოყალიბება-დავაკვა-
ცება, მიუხედავად იმისა, რომ ცხოვრე-
ბის საკმაო გზა განვლო: ომის წლების
გაჭირვება გადაიტანა, დაამთავრა სა-
შუალო სკოლა და უმაღლესი სასწავლე-
ბელი, შეუყვარდა ქალი, მოუყვდა გამზრ-
დელი ბებია. ამ ფაქტების ზეგავლენა
და ამ ზეგავლენით მისი ხასიათის თან-
დათანობითი ჩამოყალიბება — მომწიფე-
ბა კი კადრს გარეთ დარჩა: ზურიკელა —
ზ. ორჯონიკიძე ფინალშიც ისეთივეა,
როგორც ფილმის დასაწყისში იყო. სა-
მართლიანობა მოითხოვს იტყვას, რომ ეს
პროცესი ხასიათის ზრდისა და დევაქ-
ცაცებისა პლასტიკურად, მოქმედება-
საქტიულით გადაწყვეტილი, არც სცენარ-
ში იყო. მაგრამ კინოხელოვნებას აქვს
საშუალება, ასეთი პროცესები სხვა გზე-
ბით და ხერხებით ასახოს. აქ უპირვე-
ლესი მშველელი რეჟისორის არის პერ-
სონაჟის კინოპორტრეტი, მეორეპლანი,
კინომეტაფორა და ა. შ. სამაგალითოდ
საკმარისია გავიხსენოთ დევიდ გრიფი-
ტის „დამტვრეული ყლორტები“. თითქ-
მის ყველა კინოსახელმძღვანელოშია შე-
სული ემიზონი, რომელშიც ამერიკელმა
რეჟისორმა მსახიობის პოზით (სხეულის
მოძრაობით დაუდომისას) და პორტრე-
ტით დახატა მეძაგის სახე, მიუხედავად
იმისა, რომ ფილმის გმირი მთელი ფილ-
მის მანძილზე პატიოსანი და წმიდა
გოგოა, ხოლო ზნეობრივი დაცემის პრო-
ცესი კადრს გარეთაა გატანილი. დ. გრი-
ფიტს არ უხმარია არავითარი მოჭარბე-
ბული გრამი ან სხვა ამგვარი საშუალე-
ბანი. ფილმის მთავარი პერსონაჟი ფი-
ნალშიც ისევე ისე მშვენიერი კოხტა და
მოხდენილი გოგოა. მხოლოდ სხეულის
დაღლილობა, უსირცხვილობა და თვალე-
ბის უზომო სევდაა ფინალურ კადრში.
დ. გრიფიტს ფილმში ამ სურათის შე-
საქმნელად დიდი პლანი აქვს გამოყე-
ნებული. ასეთივე გზით შეიძლება

დაზვერებლად გადაწყვეტილიყო ფილმის „მე, ბებია, ილიკო და ილარიონის“ ფინალი და გვენახა ზურიკელას დაეაქცა ცეხული სულიერი სამყარო (აქ ლაპარაკი არაა უღვაშებით დამშვენებულ გარეგნულ პორტრეტზე). ამის შესაძლებლობას იძლევა როგორც სცენარისეული, ისე ფილმისეული ფინალი (მიუხედავად იმისა, რომ სცენარის ფინალი უფრო ლოგიკური მგონია). მაყურებლისათვის რომ ზურგი არ შეექცია ზურიკელას და მისთვის თვალეში შეეხედა, ჩვენ დავინახავდით მის სულიერ სამყაროს დაეაქცა ცეხულს, მომზადებულს უპატრონოს ბებიას დატოვებულ ოჯახს, გასწიოს დამოუკიდებელი ცხოვრების უღელი.

ზემოთ ითქვა, რომ ფილმში პეიზაჟი ადამიანზე უნდა გველაპარაკებოდეს და ეს აზრი ფინალთან დაკავშირებითაც უნდა გამოვრდეს, რადგან თ. აბულაძემ ფინალი ნატურაზე გადაიღო. ზურიკელა ხნულში მიდის და მაყურებელს მისი შინაგანი მონოლოგი ესმის. მკერდახსნილი და სათესლეად გამზადებული მიწის მხატვრული სახე და ზურიკელას ახლო პორტრეტი რომ ერთმანეთთან დაკავშირებულიყო, მაშინ მიწა და კაცი შეიძლებოდა აღგვექვა სიცოცხლის გაგრძელებისა და ნაყოფიერების სახედ. მაგრამ არა მარტო ზურიკელამ გაიარა ხნულში გულგრილად. არამედ კინოკამერამაც სხვათაშორის გადაუარა მას და მაყურებლის ფიქრის საგნად არ გახადა.

როგორც ზურიკელას სახისათვის, ისე მერის რელიეფურად დასახატავად დიდი მნიშვნელობა ჰქონდა ფინალურ ეპიზოდს, რადგან საერთოდ მერის სახე სქემატურია. მერის ხასიათი, ბუნება, თვისებები ემოციურად, სრულად და მხატვრული დამაჯერებლობით ვერაა მოცემული. თუმცა გულახდილად უნდა ითქვას, პორტრეტულად რეჟისორმა მშვენიერი შემსრულებელი მოუძებნა მერის მ. აბაზაძის სახით. მაგრამ პიროვნული ინდივიდუალურობისა და დამოუკიდებელი ცხოვრების თვალსაზრისით, მერი ფილმში მხოლოდ ზურიკელას სიყ-

ვარულის საგნად დარჩა. ამიტომაც, როცა იგი მწერალმა სინათლეს შეადარა და ოთახში, სადაც სიკვდილმა ერთი წუთით გაიმარჯვა, სიცოცხლის შემოტანა დაავალა, უნდა პლასტიკურად დასამახსოვრებელი კინემატოგრაფიული სახე — მერი-სინათლე — შექმნილიყო. თუ ბებიას სიკვდილით ზურიკელას ოჯახის ბურჯი წაიქცა, მერის მოსვლითა და იქ დარჩენით ახალი ბურჯი შეუდგა ოჯახს. ამაში იქნებოდა მერისა და ოღლა ბებიას სახის ერთიანობა-გაგრძელება (ოღლა გუშინდელი მერია და მერი ხვალისდელი ოღლა). ამიტომაც არის ნათქვამი — არასოდეს დავიღვევით, არასოდეს წავიშლებითო. მერისა და ზურიკელას შეხვედრით შორ პლანზე კი მივიღეთ მხოლოდ ინფორმაცია მათი ერთად დარჩენისა და, აზრის გამოსატყვის თვალსაზრისით, უფრო შორსა და ღრმად ვერ წავედით.

არ შეგცდებით თუ ვიტყვით, რომ აქაც დიდი პლანისადმი ერთგვარმა გულგრილმა დამოკიდებულებამ შეუშალა ხელი. რა იქნებოდა ფ. ფელინის „კაბირიას ღამეები“ კაბირიას დიდი პლანითა და ბაგეზე ათამაშებული ღიმილით რომ არ დამთავრებულიყო, ანდა ჩ. ჩაპლინის ახლო პლანი და ღიმილი რომ არ გვენახა „დიდი ქალაქის ჩირაღდნების“ დასასრულს? გავეჭირდებოდა, უფრო მეტიც, შეიძლება ვერ გავგეგო ხსენებული ფილმების იდეური კონცეფცია და მათი ავტორების მოვლენებისა და ადამიანის ბედისადმი დამოკიდებულება: ამიტომ, როცა ესა თუ ის მხატვრული ხერხი ან საშუალება მოძველებულად ან გაცვეთილად გვეჩვენება, იგი უკეთესი თუ არა ტოლფასოვანი საშუალებებით მაინც უნდა შევცვალოთ, თორემ ნებსით თუ უნებლიეთ მხატვარი თავისსავე პალიტრას გაადარბებს.

აკაკი ბაქრაძე
„მე, ბებია, ილიკო და ილარიონი“



ფილმიდან „მე, ბებია, ილიკო და ილარიონი“ ერთი ეპიზოდი ცალკე უნდა გამოვყოთ და ვილაპარაკოთ. ესაა „ომში გაცილების“ ეპიზოდი. იგი მეტად საინტერესოა დრამატული დაძაბულობით. აქ მთელი სოფლის მწუხარება ერთ საერთო სახალხო მწუხარებად შენივთდა — შეერთდა. ამოცანაც ის იყო, რომ შექმნილიყო ამ საერთო მწუხარების მხატვრული სახე-სურათი. ამიტომაც არ დაუწოვავს ძალა რეჟისორს, რათა ეპიზოდისათვის შთაბეჭედავი, ემოციური ძალა მიენიჭებინა. მართლაც, შეიძლებოდა იგი საქრესტომათიო ეპიზოდად ქცეულიყო, რომ, ჩემი ფიქრით, რამდენიმე სხვადასხვა ხასიათის შეცდომა არ ყოფილიყო დაშვებული.

მხატვრულ-გამოსახულებითი სტრუქტურის თვალსაზრისით, ეპიზოდი დამწვრებულ ადამიანთა ფიგურების კომპოზიციური განლაგების პრინციპითაა აგებული, თავისთავად კომპოზიციები — იქნება იგი ჯიბეებში ხელბეჩაწყობილი პატარა ბიჭი თუ მარტოდმარტო, უპატრონო მუსიკალური ინსტრუმენტების ამარად დარჩენილი მოხუცი მესეტრო, ან ჩვილბავშვიანი ქალი და მისი მოხუცი მამამთილი თუ თავად ბებია, ილიკოსა და ილარიონის ფიგურები — საინტერესოდ არის მოფიქრებული და განლაგებული, მაგრამ დიდი ადამიანური მწუხარება არ მგონია თავისთავის გამოსამჟღავნებლად ესოდენ დახვეწილ ფორმებს ეძებდეს. იგი უფრო აშლილი, ნერვიული და ქაოტიურია, სტიქიურად გადმონთხეული და არა ლამაზ კალაპოტში მომდინარე. ასეთი შთაბეჭდილება გვჩვენებს ცოცხალი ადამიანები კი არ დგანან, არამედ ოსტატის ხელით დაწყობილ-განლაგებული ქვის სკულპტურული ფიგურები, რომელთაც ერთმანეთთან ცოცხალი გულის ფეთქვა არ აკავშირებთ. ეს არაა მწუხარებისაგან გახვევა-გაქცევა, რადგან ასეთ თავზარდაცემას მოულოდნელი უბედურება იწყებს. გაცილებების ეპიზოდის დროს კი ომი აღარაა ასეთი უბედურება, რადგან იგი ამ ხალ-

ხისათვის უკვე ავად თუ კარგად შეჩვეული ფაქტია.

აქ გვეულისხმობს ისეთ მოულოდნელ თავზარდაცემას, როგორცაა, მაგალითად, გ. ჩუხრაის „მოწმენდილ ცაში“ მატარებლის არშეჩერება. ქალები პლატფორმაზე დგანან და ელიან, რომ ფრონტზე მიმავალი მატარებელი რამდენიმე წუთით შეჩერდება და ისინი ქმრებს, შვილებს, ძმებს ნახავენ, მაგრამ მატარებელი არ გაჩერდა. მოლოდინი არ გაბართლდა. აქ შეიძლებოდა ორგვარი რეაქცია და ორივე ფსიქოლოგიურად მართალი იქნებოდა. ერთი — ყველანი მოულოდნელობისაგან გაშეშებულიყვნენ და მეორე — როგორც ეს ფილმშია, სულის გამყინავი წივილ-კივილი ატეხილიყო. თ. აბულაძის ფილმში კი გაცილების სცენას ეს მოულოდნელი თავზარდაცემა აკლია (ომში რომ მიდიან, ეს შეჩვეული უბედურებაა და არა მოულოდნელი, ხოლო შეჩვეულ უბედურებას კი უკიდურესი რეაქცია არ მოსდევს), რომ ადამიანები გააქვავოს და გააშეშოს. როგორც ჩანს, მოულოდნელი ზარის დაცემის ელემენტი რომ აკლდა ეპიზოდს, რეჟისორიც გრძნობდა, რადგან ამ მხარის შევსება მუსიკით გადაწყვიტა. მაყურებელზე მართლაც ძლიერ და მოულოდნელ ემოციურ შთაბეჭდილებას ახდენს „ომში გაცილების“ ეპიზოდის ბოლო, როცა ბალახზე დაყრილი, უპატრონოდ დარჩენილი მუსიკალური ინსტრუმენტები თავისით იწყებენ: „Идет война народная“ — ს დაკვრას. მაგრამ ეს მოულოდნელობა, ჯერ ერთი, მაყურებელზეა გამიზნული და არა ფილმის პერსონაჟებზე; მეორეც, მუსიკალურ ელემენტს დრამატურგიული ამბის შეცვლა არ შეეძლო და მესამეც, თავად მხატვრული ხერხი უკვე იყო ერთხელ გამოყენებული აბელ მანსის ფილმში — „ნაპოლეონი“.

ლაშქრის ორსკეტრის წევრები დაიხოცნენ. მუსიკა შეწყდა, ინსტრუმენტები უპატრონოდ ყრია, მაგრამ მოულოდნელად მათ თავისით დაიწყეს დაკვრა და

ფრანგთა მხედრობას ისევ შთაბერეს მებრძოლი სული.

ხელოვნურად განლაგების შთაბეჭდილება კიდევ იმით ძლიერდება, რომ ეპიზოდს შინაგანი დრამატურგია არა აქვს და გრძნობათა თანდათანობითი დაძაბვა-აფეთქება არ ხდება. ემოციური ტონუსი სწორხაზობრივად ვითარდება და არა კულმინაციისაკენ თანდათანობით სვლით. გრძნობათა დაძაბვის კულმინაცია მოითხოვდა მოულოდნელ შემოტრიალებას (ემოციურობისა და მოულოდნელობის თვალსაზრისით, რაღაც იმგვარს, გლოვის დროს ასთამურის ცეკვა რომ არის ნ. შენგელაიას „ელისოში“), თორემ მყურებლის სულის შერყევა არ ხდება. ეს შერყევა რომ მომხდარიყო და ამის შედეგად გეგნახა ზორიკელას მეზობლები თავზარდაცემულნი და გაქვავებულნი, მაშინ რეჟისორისა და მხატვართა მიერ არჩეული კომპოზიციები შეიძენდნენ არამართო გარეგნულ სილამაზეს, არამედ შინაგან ფსიქოლოგიურ სიმართლესაც.

იქნება დიდ დრამატიზმს ფილმის საერთო რბილი ლირიკული განწყობილება

უშლიდა ხელს და ამიტომაც აკვარელური ტონი არჩია აქაც რეჟისორმა? ეს არ უნდა იყოს მართალი, რადგან უკვე „ომში გაცილების“ ეპიზოდშივე აკვარელურ სირბილეს არღვევენ ძაძებიანი ქალების ფიგურები. მეორეც, ამ ეპიზოდის ტრაგიკული განწყობილებიდან პირდაპირი გზა ილარიონის შეილის დაღუპვით და ოლღას სიკვდილით გამოწვეული განწყობილებისაკენ. მათ შორის უნდა არსებებულიყო სტილისტიკური და ემოციური კავშირი. მესამეც, ფილმის საერთო სტილისტიკის თვალსაზრისითაც, საქმე არ გვაქვს კლასიკურ ზომიერებასთან, რადგან არც ზურიკელასა და ილარიონის ნადირობისა და სიმწიფის ატესტატის მიღების შემდეგ ერთრიგად გამწკრივებული ბებიას, ზურიკელას, ილიკოსა და ილარიონის სვლის სცენების გაუმართლებელი ექსცენტრიზმი შეესაბამება ფილმის საერთო სტილს. ასე რომ, „ომში გაცილების“ ეპიზოდის დრამატიზმის გაუფერულება არ შეიძლება აეხსნათ ფილმის საერთო ლირიკულობით.

ბოლოტქმა

ამ წერილის წაკითხვისას შეიძლება მკითხველმა გაიკვიროს — „მე, ბებია, ილიკო და ილარიონი“ მხატვრული დონით ბევრად სჯობს კინოსტუდია „ქართული ფილმის“ უკანასკნელი წლების პროდუქციას და რაღა მას დაეხებით დაუნდობლად თავსო? მართალია, თ. აბულაიას ფილმი რომ ხელოვნება არ ყოფილიყო, მასზე ამდენი ლაპარაკი უაზრობა იქნებოდა, მაგრამ ჩვენ ღრმად გვჯერა, ბრმა პანეგირიკს გულახდილი

კრიტიკა რომ სჯობს და ამიტომაც გულის ფიქრი საჯაროდ გავუზიარეთ ფილმის ავტორებს. ჰიმნი და ხოტბა-ქებანი ანალიზს ხელს უშლის. უანალიზოდ კი ავ-კარვის პოვნა და წინსვლა შეუძლებელია. ადამიანი იმიტომ ცხოვრობს, ფიქრობს და იბრძვის, რომ მან უკეთესისაკენ იაროს და სხვაც გაიყოლოს.

აკაკი ბაქრაძე
„მე, ბებია, ილიკო და ილარიონი“



მეცნიერება და ტექნიკა

იანოსლავ პუჩიკი

სინდისი

პროფესორ ოპენჰეიმერის საქმე

ეს ისტორია 1954 წლის გაზაფხულზე დაიწყო.

ეს იყო არაჩვეულებრივი შემთხვევა.

პირველი ატომური ბომბის შექმნისათვის დაფინანსებული იყო პროფესორი ოპენჰეიმერი ბრალდებულის სკამზე აღმოჩნდა. მას ბრალად ედებოდა აზროვნების ანტიამერიკული ხასიათი. იმ წრეებში, სადაც დიპლომატიურ ლექსიკონს არ მიმართავენ, აშკარად დაპარაკობდნენ ჯამუშობაზე. ამ საქმემ საზოგადოებრიობის ყურადღება მიიქცია. განსაკუთრებული იყო ბრალდებულის პიროვნებაც და ის ორგანიზაციაც, რომელიც ბრალს სდებდა. ოპენჰეიმერი წარსდგა არა სასამართლოს, არამედ უშიშროების კომიტეტის მიერ საგანგებოდ შექმნილი ატომური კომისიის წინაშე. ეს არ იყო პროცესი სახელმწიფოს ღალატის საქმეზე, არც მეგობრული საუბარი, არც აკადემიური კამათი, ეს იყო განსაკუთრებული სასამართლო განხილვა, რომელიც მოგვაგონებდა ერთსაც, მეორესაც და მესამესაც.

საქმის განსახილველად გამოძიებებს ფედერალურ ბიუროს საიდუმლო პოლიციამ მოამზადა ატმობომბის საბუთები და ფოტოსალები. კილომეტრობით მაგნიტოფონის ფირები, მრავალრიცხოვანი ფილმები — ყველაფერი, რაც სახელმწიფო უშიშროების თა-

ნამედროვე აპარატს ხელთა აქვს. საქმესთან დაკავშირებით გამოძახებულ იქნა მრავალი მოწმე და ვაშინგტონელმა საქმოსნებმა ბევრი იფიქრეს ისეთი ადგილის გამოსანახავად, რომელიც არც ცინის საკანს ემგვანებოდა და არც სხდომათა დარბაზს. საბოლოოდ ბილდინგ T — 3-ის სამუშაო შენობაში გაათავისუფლეს ვრცელი კანცელარია რიგითი ნომრით 2022. ეს კანცელარია მოთავსებული იყო ოფიციალური დეკრეტივით მაკაცრ ნატრისფერ კორპუსში და ზედგამოჭრილი აღმოჩნდა აღნიშნული შემთხვევისათვის.

სხდომები 1954 წლის 12 აპრილს დაიწყო. თავმჯდომარეობდა გორდონ გრეი, ყოფილი მინისტრი, ამ დროისათვის კი შტატ ჩრდილო კაროლინის უნივერსიტეტის პრეზიდენტი. მსაჯულებად იყვნენ თომას ა. მორგანი — საზოგადოება „საერო კორპორეშინის“ ყოფილი პრეზიდენტი და დოქტორი უორდ ვ. ივენსი — ჩიკაგოს უნივერსიტეტის ქიმიის პროფესორი. კომიტეტის მრჩეველად იყო სენატორ მაკართან სამსასურში მყოფი ვეჭილი რ. რობი.

მოწმეთა ჩვენებები მანქანაზე ნაბეჭდ 3000 გვერდს აღემატებოდა; გამოძიების ფედერალური ბიუროს მომზადებული საბუთები კი უფრო მეტი იყო. ამ „წმიდა აღმ-

ფოთებაში“ პროცესის ორგანიზატორებს დაავიწყდათ ინკვიზიტორული სასამართლოს კლასიკური პრინციპი: „მერწმუნეთ, საუკეთესო მტკიცებაა — მტკიცების უქონლობა, ეს არის ერთადერთი დამტკიცება, რომელზედაც დავა არ შეიძლება“, ისინი ამ ბრძნული პრინციპით არ ხელმძღვანელობდნენ.

პროცესის მიზანი იყო პროფესორ ოპენჰეიმერის არალოიალობისა და პოლიტიკური უნდობლობის დამტკიცება. ოპენჰეიმერისათვის ეს ნიშნავდა ნდობის დაკარგვას და სამხედრო და სამეცნიერო საბუთებით სარგებლობის უფლების აკრძალვას, რაც მას ლოგიკურად ატომგულის ფიზიკის დარგში სამეცნიერო კვლევას ჩამოაშორებდა და, მასთანადამე, კარიერის დასასრულოც მოჰყვებოდა.

ოპენჰეიმერს ადანაშაულებდნენ არა იმას, რაც მან გააკეთა, არამედ, რაზედაც ის ფიქრობდა, რასაც გრძობდა, და რაც მთავარია, იმაში, რომ იგი არასაკმაოდ ერთუზიანებით მოეკიდა წყალბადის ბომბის შექმნას. ეს იყო თანამედროვე ინკვიზიტორული პროცესი, ამ სიტყვის სრული მნიშვნელობით. მაგრამ, როგორც ეს ხშირად ხდება მსგავს პროცესებზე, იგი ბრალმდებელთა საბრალმდებლო პროცესად გადაიქცა. სხდომების სტენოგრაფიულმა ჩანაწერებმა არა მარტო ცხადყვეს მეცნიერის ბედის დრამატიკური ამერიკულ საზოგადოებაში, არამედ გამოააშკარავეს ამერიკული სინამდვილეც; ამერიკა—არც თუ ისე ხშირად ასეთ ჭეშმარიტ და უღმობელ სარკეში. ვინც ამ სარკე-

ში ყურადღებით ჩაიხედა, ბევრი დანახა. წიგნის მოქმედი პირები და ეპიზოდები მთავონილი არ არის. ავტორმა თავის თავს ნება მისცა, მრავალრიცხოვანი მოწმეებიდან, ექსპერტებიდან, პროკატორებიდან, ჯაშუშებიდან, დამცველებიდან აერჩია მხოლოდ ოთხი, რომლებიც მან ყველაზე საინტერესოდ მიიჩნია. ესენი არიან:

დოქტორი ედუარდ ტელერი. ფიზიკოსი—ატომისტი, წყალბადის ბომბის ერთ-ერთი შემქმნელი, მის „მამად“ წოდებული.

ბორის პახი. უშიშროების სამსახურის ოფიცერი, რომელსაც ომის დროს ლოს-ალამოსის ატომური ლაბორატორიის დაცვა ებარა.

ადმირალი ლუის ლ. სტრაუსი. მრავალი წლის მანძილზე ატომური ენერჯის კომისიის თავმჯდომარე, ბანკ „კუინ-ლემის“ ერთ-ერთი ხელმძღვანელი.

და ბოლოს, თვით რობერტ ოპენჰეიმერი, ფიზიკოსი — ატომისტი, „ატომური ბომბის მამად“ წოდებული.

ეს ხალხი ნამდვილად აძლევდა ჩვენებებს უშიშროების კომიტეტს. ისინი შეაძლება ჩაითვალოს ამ დრამის მთავარ მოქმედ პირებად. ის, რასაც წაიკითხავს მკითხველი, არ წარმოადგენს მათი გამოსვლების ზუსტ სტენოგრაფიას, ეს მხოლოდ პროცესის მასალების თავისუფალი თხრობაა. მაგრამ ავტორის თხრობის ეს თავისუფლება არ ეწინააღმდეგება ფაქტებს და იგი შორსაა იმ თვითნებობისაგან, რომლის უფლებაც მკავალითად თავის თავს მისცა ბორის პახმა, როცა პროცესზე ჩვენებას აძლევდა.

დოქტორ ედუარდ ტელერის ჩვენება

— მე მგონია, არავინ იქნება წინააღმდეგი, თუ პროფესორ ოპენჰეიმერის საქმეზე ჩემს ჩვენებას ბირად გრძნობებზე დაპარაკით დავიწყებ.

უშიშროების კომიტეტმა კარგად იცის, რომ მე და პროფესორი ოპენჰეიმერი მრავალი წლის მანძილზე ერთსა და იმავე სარბიელზე ვმოღვაწეობდით. სამეცნიერო ინტერესები ისე მჭიდროდ გვაახლოვებდა, როგორც შეუძლიათ მათ დაახლოვონ მხოლოდ ის ადამიანები, რომლებიც

აღფრთოვანებულნი არიან საერთო იდეით და ანხორციელებენ მას ერთად. სამწუხაროა, რომ ასეთი თანამშრომლობა ხშირად მეგობრული და გულთბილი არ არის. მიზეზი, რომელთა ზუსტად დადგენა ახლა ძნელია იმის გამო, რომ დიდი დრო გავიდა, ჩვენი ურთიერთდამოკიდებულება თავიდანვე დაძაბული, უფრო სწორად

იაროსლავ პუტიკი
სინდისი

ფრთხილი იყო, ვიდრე ამხანაგური,* და წლები, რომლებიც საერთოდ კეთილად მოქმედებენ ამ დროს, ჩვენ უფრო და უფრო გვაშორებდა ერთმანეთს. მაგრამ ეს ჩემი აღსარება ხელს არ მიშლის ხელმეორედ გამოვხატო ჩემი გულწრფელი აღტაცება პროფესორ ოპენჰეიმერის უდიდესი ტალანტისა და შრომისუნარიანობის გამო და კუთვნილი მივუზღო მისი ბიოგრაფიის განუმეორებელ მიმზიდველობას.

იურიდიული თვალსაზრისით ჩვენ უნდა გადავწყვიტოთ, შესაძლებელია თუ არა, რომ მომავალში პროფესორი ოპენჰეიმერი დავეშვათ ატომური კომისიის საიდუმლო მასალებთან. საკითხის ყოველგვარი გადაწყვეტა ბრალდებულის ბედის გადაწყვეტას ნიშნავს. მაგრამ მე მიმაჩნია, რომ ყოველივე ამას მეორეხარისხოვანი მნიშვნელობა აქვს იმ მთავარ პრობლემასთან შედარებით, რომელიც მთელ საქმეს საფუძვლად უდევს. თუ მე სწორად მესმის ამ პროცესის ნამდვილი არსი, მაშინ ჩვენ მოგვეთხოვება, პასუხი გავცეთ კითხვას: რას ნიშნავს აზროვნების ნამდვილი ამერიკული ხასიათი, როგორია ჩვენი იდეალები და რაა მათთან შეუთავსებელი. სხვანაირად რომ ვთქვათ, ჩვენ ვკისრულობთ იმ ფუნქციებს, რომლებიც იურიდიულად ჩვენს უმადლეს ორგანოებს: პრეზიდენტს, უმაღლეს სასამართლოს, მთავრობას და კონგრესს ეკუთვნის. რამდენადმე პარადოქსულია, რომ ამგვარ საკითხებზე უნდა გამოვიდე მე. მე, ემიგრანტი, უნდა ვილაპარაკო ადამიანზე, რომლის ამერიკელობაშიაც ეჭვს ვერავინ შეიტანს. ამიტომ მე მინდა ვთხოვოთ, რომ ჩემი ჩვენებების მოსმენისას იხელმძღვანელოთ მხოლოდ ფაქტებითა და არგუმენტებით და არა მოწმის ვინაობით...

თ ა ე მ ჯ დ მ ა რ ე გ ო რ დ ო ნ გ რ ე ი :

უშიშროების კომიტეტი, ისევე, როგორც მთელი ამერიკა, დიდ პატივს სცემს თქვენს აზრს და იცის. რომ თქვენი ერთგულება თქვენ დაამტკიცეთ საქ-

მით. ეს უფრო მნიშვნელოვანია, ვიდრე თქვენი ამერიკაში დაბადება.

ე დ უ ა რ დ ტ ე ლ ე რ ი (მადლობის ნიშნად თავს ხრის):

— მე ვფიქრობ, რომ ჩვენ ყველანი და მათ შორის პროფესორი ოპენჰეიმერიც, შევთანხმდებით, თუ რა მიგვაჩინა ნამდვილი ამერიკელის პოზიტიურ იდეალებად. ჩვენ ალბათ გვაქვს საერთო შეხედულება: ბიოგრაფიის, რელიგიის, თავისუფლებისა და დემოკრატიული საზოგადოების ძირითადი პრინციპების მნიშვნელობაზე. მაგრამ უთანხმოება წარმოიშობა მაშინვე, როგორც კი შევეცდებით, მაგალითად, გადავჭრათ ასეთი საკითხი: პროგრესულია ინგლისის კოლონიალიზმის როლი თუ რეაქციული? ან განვსაზღვროთ: ხელსაყრელია თუ არა ინდოეთის ნეიტრალიტეტი ჩვენი ინტერესებისათვის? მაგრამ ყველაზე დიდ უთანხმოება უეჭველად თავს იჩენს მსოფლიო კომუნისმის პრინციპების განხილვისას. კომუნისტებთან კამათი არ შეიძლება, როგორც ეს ზოგიერთ გულუბრყვილო მეცნიერს ჰკონია. კომუნისმის დამარცხება ძალის გამოუყენებლად შეუძლებელია. ის, რასაც მე ვლაპარაკობ, წარმოადგენს პოლიტიკურ ანბანს, მაგრამ ბევრი მერყეობს, როდესაც ამ ანბანიდან აუცილებელი და თავისთავად ნავულისხმევი დასკვნების გამოტანაა საჭირო. განსაკუთრებით მერყეობს ინტელიგენცია. მე წლების მანძილზე ვებრძვი ამ მერყეობას, რომელიც კრიტიკულ მომენტში შესაძლებელია საბედისწერო გახდეს. ჯერ კიდევ 1947 წელს მე ვამტკიცებდი, რომ მომავალში სამხედრო ძალას ბირველხარისხოვანი მნიშვნელობა ექნებოდა. მე ვაფრთხილებდი ყველა ჩვენგანს, ვინც პირველი ატომური ბომბის შექმნაზე მუშაობდა, რომ მათი პირდაპირი მოვალეობაა გაითვალისწინონ მთელი ის საშიშროება, რომელიც ჩვენს აღმოჩენებს მოჰყვება. ჩვენ უკვე ვიკავებთ ცოდნის ხის ნაყოფი, — ვუთხარით მათ, — და როგორც მეცნიერებს, უნდა გვეყოს ნებისყოფა, და იქნებ თავხედობაც კი, რათა დავრწმუნდეთ.

რომ ეს აღმოჩენა კეთილის გამარჯვებამდე მიგვიყვანს.

თუკი რწმენის ან ენთუზიაზმის ნაკლებობა შეიძლება დანაშაულად მივიჩნიოთ, მაშინ ოპენჰეიმერი დამნაშავედ უნდა ჩაითვალოს და ვერავითარი შემამსუბუქებელი გარემოებანი ვერ უშველის. მე მესმის ამ აზრის შეუსაბამობა, მაგრამ ამგვარი ბრალდების მთლიანად მოხსნა მე არ შემიძლია. არ შეიძლება დავივიწყოთ, რომ ყოველგვარი მოქმედება გამოიყურება სულ სხვაგვარად, როცა ის ხელსაყრელია მოწინააღმდეგისათვის.

მ რ ჩ ე ვ ე ლ ი რ ო ჯ ე რ რ ო ბ ი
(თანხმობის ნიშნად თავს უქნევს):

— სწორია.

ე დ უ ა რ დ ტ ე ლ ე რ ი :

— გადავდივარ ფაქტებზე. ჩვენ ყველამ ვიცით, რომ პროფესორ ოპენჰეიმერის მერყეობა დაიწყო მაშინ, როცა მტკიცედ უნდა გადაგვეწყვიტა — ვაწარმოოთ თუ არა წყალბადის ბომბი. დღეს, როდესაც წარმატებითაა ჩატარებული მთელი რივი ექსპერიმენტები და წყალბადის ბომბი უახლოეს მომავალში ჩვენი სამხედრო არსენალის ჩვეულებრივ იარაღად იქცევა, ეს საკითხი შეიძლება ზედმეტად მოგვიჩვენოს. სამწუხაროდ, ჩვენ უნდა დავუბრუნდეთ ამ ისტორიას, რათა გავიხსენოთ, თუ როგორი არასერიოზულობით ეპყრობოდნენ ამერიკის შეერთებული შტატების სახელმწიფო უშიშროების საკითხს. საკმარისი იქნება, თუ აქედან, მომავლისათვის მაინც, ვვაკეთებთ სათანადო დასკვნას. მე მესმის იმ ბრალდების მთელი სერიოზულობა, რომელსაც ვაყენებ, მაგრამ არ შემიძლია მოვიტყუე სხვანიარად. ჩვენ გაცილებით წინ წავიდოდით ჩვენი თავდაცვითი ძლიერების განვითარების საქმეში, რომ არ ყოფილიყო პროფესორ ოპენჰეიმერის უარყოფითი დამოკიდებულება წყალბადის ბომბის წარმოებისადმი. პროფესორი ოპენჰეიმერი ყველაფერს აკეთებდა, რომ ჩვენ არ გვექონოდა ბომბი.

მ ს ა ჯ უ ლ ი თ ო მ ა ს მ ო რ გ ა ნ ი :

— შეიძლება თუ არა თქვენი სიტყვები ისე გავიგოთ, თითქოს ოპენჰეიმერი წყალბადის იარაღის დამზადების პრინციპს შეგნებულად მაღავედა?

ე დ უ ა რ დ ტ ე ლ ე რ ი :

— არა, არაფერი მსგავსის გაკეთება მას არ შეეძლო. ვინც ამ საკითხში გათვითცნობიერებული არ არის, ხშირად ეჩვენება, თითქოს წყალბადის ბომბი წარმოადგენს უკანასკნელი წლების აღმოჩენას, მაგრამ ეს შეცდომაა. მისი თეორიული საფუძვლები დიდი ხანია დადგენილია. ჯერ კიდევ 1927 წელს ინალისელმა ფიზიკოსმა ატკინსონმა გამოთქვა აზრი, რომ მზეზე მსუბუქი ელემენტების შეერთების შედეგად მიმდინარეობს თერმოატომულის რეაქციები, რასაც კოლოსალური ენერჯის გამოყოფა მოსდევს. მსუბუქი ელემენტების ატომების შეერთება, ე. წ. „fusion“-ის პრინციპი ცნობილი იყო ყველაზე მძიმე ელემენტების ატომების გახლეჩაზე დაწყარებული ატომური ბომბის შექმნის იდეამდე. მეორე ვარიანტი უფრო იოლი იყო და როცა სწრაფი შედეგების მიღება დაგვეკირდა, ის გამოვიყენეთ. მაგრამ შეერთების პრინციპი არ შეიძლებოდა ცხრაკლიტულში დარჩენილიყო. მე პირადად წყალბადის ბომბის შექმნის აზრი ჯერ კიდევ ომის დროს მიტაცებდა. მე ვცდილობდი დამედგინა და გამომეთვალა ზოგიერთი თეორიული წინაპირობა. მე საკმაოდ კარგ თეორიულ შედეგებს მივაღწიე და ჩემთვის ნათელი გახდა, რომ შესაძლებელია წყალბადის ბომბის შექმნა. არასოდეს დამავიწყდება ის დიდი მღელვარება და, გამოვიტყდებით, შიშის გრძნობაც კი, რომელმაც შემიპყრო, როდესაც ამ წინაყოფიერი იდეის გამოკვლევის შედეგად სრულიად უცხო სამყაროს ამოხსნისა და მისი შესაძლებლობების მიჯნაზე აღმოვჩნდი. მე, რასაკვირველია, არ შემეძლო გამეგრძელებულიყავი.

იაროსლაე პუტიკი
სინდისი

ბინა ჩემი გამოკვლევები საფუძვლიანი ლაბორატორიული მუშაობისა და სპეციალური სამეცნიერო ცენტრების დაუხმარებლად.

მაშინ, ეს იყო 1944 წელი, მე გადავწყვიტე მიმეწერა წერილი სამხედრო მინისტრ სტიმსონისათვის და შემეტყობინებინა მისთვის, რომ არსებობს ისეთი ბომბის შექმნის პრაქტიკული შესაძლებლობა, რომლის ფექტებადი ძალა ათასჯერ მეტი იქნებოდა გახლეჩის პრინციპზე მოქმედი ბომბის ძალაზე. ამ ახალი იდეით შეპყრობილმა, მე მხოლოდ დიდი ხნის შემდეგ შევამჩნიე, თუ როგორ შეიცვალა ჩემს მიმართ ჩემი კოლეგების დამოკიდებულება. და თუმცა მე ბევრს მისაყვედურებდნენ, რომ თითქოს ცოტას ვმუშაობ ატომური ბომბის შექმნაზე, მე მხოლოდ მოგვიანებით მივხვდი, რომ აქ საქმე ეხება რაღაც უფრო მნიშვნელოვანს. მე ვფიქრობ, რომ ყოყმანი პროფესორ ობენპეიმერისა და მისი უახლოესი თანამშრომლებისა, რომლებზედაც მან თავისი ნიჭით იმოქმედა, ჯერ კიდევ მაშინ, 10 წლის წინათ დაიწყო. მეცნიერებს სტანჯავდა დანაშაულის გრძნობა ჯერ კიდევ ჩვეულებრივ ატომურ ბომბზე მუშაობის დროს და ეს გრძნობა, იმის გაფიქრებისთანავე, რომ ეს მხოლოდ დასაწყისია, კომპარებში გადადიოდა. მეცნიერებს ეშინოდათ შესაძლო შედეგებისა და ნატრობდნენ, რომ იგი არასოდეს განხორციელებულიყო. ისინი იმედოვნებდნენ, რომ ამგვარი იარაღის შექმნას ტექნიკურად რაიმე შესულიდა ხელს და ქვეცნობიერად შიშობდნენ, რომ მათ ოდესმე შესთავაზებენ მიიღონ მონაწილეობა მის შექმნაში. უდავოა, ასეთი შიში განპირობებული იყო კეთილშობილური გრძნობებით. მე მესმის ყველაფერი, შიშიც, მერყეობაც, და მიუხედავად ყოველივე ამისა, პირდაპირ უნდა ვთქვათ, რომ ეს მერყეობა ჩვენი ქვეყნისათვის შეიძლება დამღუპველი გამხდარიყო. ჩვენ რომ დროზე არ გამოვფხიზლებულიყავით, ახლა ალბათ მსოფლიო კომუნისმის ტყვეობაში მოვექცეოდით.

როჯერ რობი:

— სწორია.

ედუარდ ტელერი:

— ყველა მეცნიერი როდი იყო წყალბადის ბომბის წინააღმდეგი. ბევრი მათგანი სინდისის ქეჯნის მიუხედავად პრობლემის ტექნიკური და მეცნიერული მხარით დაინტერესდა. ისინი მიიზიდა იმან, რასაც ჩვენ „technical sweet“-ს ვუწოდებთ. თვითონ მე კარგად ვიცი, თუ რა ძნელია ამ გატაცებასთან ბრძოლა. პრობლემის ტექნიკურმა სიძნელემ მიიზიდა ენრიკო ფერმი და ისეთი დიდი მეცნიერი, როგორცაა პანს ბოტე. მაგრამ ჩვენ ძალზე ცოტა რამ გავაკეთეთ. ექსპერიმენტები მაშინ დამთავრდა, როცა წარმატებით იქნა ჩამოკლებული ჩვენი ატომური ბომბები. იმ დღეებში, როცა მსოფლიო განიცდიდა ადრეულ სიხარულს დიდი ხნის ნანატრი მშვიდობის დამყარების გამო, არავის სურდა გაეგრძელებინა კვლევითი მუშაობა ამ საშინელ გამანადგურებელ იარაღზე. ატომური ბომბის წარმოებაზე მომუშავე მეცნიერთა უმეტესობა მსოფლიოს ამ ზეიმს თავისებურად გამოეხმაურა. ახლა როდესაც ომი უკვე დამთავრდა, მათ თავი არა ხალხისათვის თავდადებულ მებრძოლებად, არამედ ჯოჯოხეთის საზიზღარ მსახურებად მიიჩნიეს, და ისინი გრძნობდნენ პირად პასუხისმგებლობას ხიროსიმაში დაღუპული ყოველი ბავშვის წინაშე. მე მესმის მდგომარეობა და სულიერი დაბნეულობა იმ ხალხისა, რომლებმაც ომის წლები ფრონტზე კი არ გაატარეს, არამედ კეთილმოწყობილი ლაბორატორიების სასიამოვნო სიმყუდროვეში და რომლებიც მთელი ხალხის ზრუნვით იყვნენ გარემოცულნი. ჩვენ ყველა შეგვძრა იმ ამბავმა, რომ პროფესორმა ობენპეიმერმა, პრეზიდენტ ტრუმენთან ვიზიტის დროს იტირა და დასაწყევლა თავისი ხელები და ტვინი, რომლებიც თითქოსდა ასეულ ათასობით ადამიანის დაღუპვის მიზეზი გახდა. მე მესმის ეს გრძნობები, მათ შეეძლოთ

! ტექნიკური აღმოჩენის სიხარული (მენიშენა აქაც და შემდეგაც ატორისა).

თანამედროვე შექსპირისათვის ჩვენი სა-
სული ტრაგედიის სიუჟეტი მიეცათ.
თვით მე საკუთარი თავისათვის ბევრ-
ჯერ დამისვამს ამგვარი კითხვა და შემ-
შინებია მსგავსი აზრებისა. მე მგონია,
შევედელი მომენახა სულ სხვა და, რა
თქმა უნდა, უფრო სწორი პასუხი, ვიდრე
ეს პროფესორმა ოპენჰეიმერმა შესძლო.
ემოციების შესწავლა არ წარმოადგენს
ჩვენს ამოცანას. უშიშროების კომიტეტ-
მა კარგად იცის, რომ ყველაფერი, რასაც
ასე თუ ისე, შეიძლება გამართლება მო-
ექმნოს, გრძობების სფეროთი არ შე-
მოფარგლულა. ზოგიერთი ჩვენი მეცნი-
ერის ემოციები თავისებურ პოლიტიკურ
მიმართულებად გადაიქცა. ისინი ერეო-
დნენ ყველაფერში და ხალხი მათ მოწი-
წებით უსმენდა. ეს აიხსნება ჩვენი მეც-
ნიერების ავტორიტეტის უდიდესი
ზრდით, მათ სინამდვილედ აქტივს, რაც
შეუძლებლად იყო მიჩნეული. რეკლამის
წყალობით მათ თითქმის ზებუნებრივ
შესაძლებლობებს აწერდნენ. ამ პოლი-
ტიკურობანას თამაშს მოჰყვა ისეთი შე-
დეგები, რომელთა წარმოდგენა თვით
მათაც არ შეეძლოთ.

მე სწრაფად გივარძენი ამ ახალი გან-
წყობილებების პრაქტიკული შედეგი.
1945 წელს, იაპონიასთან ომის დამთავ-
რებისთანავე, მე გამოიმძიხა ლოს-ალა-
მოსის ლაბორატორიის ახლად დანიშ-
ნულმა დირექტორმა, დოქტორმა ნორის
ბრედბერიმ და შემომთავაზა თეორიუ-
ლი ფიზიკის განყოფილების ხელმძღვა-
ნელმა. მე მაშინ 37 წლისა ვიყავი და,
რა თქმა უნდა, ასეთ თავბრუდამხვევ
კარიერაზე არც კი ვოცნებობდი. მაგრამ
გულახდლად რომ ვთქვა, ჩემს სიხა-
რულს თან ახლდა ექვი. ვეშვობდი, რომ
ბრედბერი, რომელმაც პროფესორი ოპენ-
ჰეიმერი შეცვალა და მისი უახლოესი
მეგობარი იყო, უანგაროდ არ შემომთა-
ვაზებდა ამგვარ მაღალ თანამდებობას
და სურდა, რომ მე მისგან მორალურად
დამოკიდებული ვყოფილიყავი. ამიტომ
მე ვთხოვე დრო მოეცა, მომეფიქრებინა.
ყველაფერი გავითვალისწინე და გადავ-
წყვიტე დავთანხმებულიყავი ორი პირო-
ბით. პირველი: მოვითხოვე ყოველწლიუ-

რად ჩავგეტარებინა არანაკლებ ათი ატო-
მური ბომბის გამოცდა, და მეორე: წი-
ნადადება შევიტანე, დაუყოვნებლივ და-
წყებულყო წყალბადის ბომბის წარმოე-
ბის მზადება. როდესაც მე განვუცხადე
ჩემი მოთხოვნები, დოქტორმა ბრედბე-
რემ ძლივს შეიკავა თავისი აღშფოთება.
მან მაშინვე უარი მითხრა... და მეც უარი
ვუთხარი. ამის შემდეგ ლოს-ალამოსი
სიკვდილ-სიცოცხლის ზღვარზე იმყოფე-
ბოდა და კინაღამ ასრულდა პროფესორ
ოპენჰეიმერის სურვილი, რომელსაც უნ-
დოდა ეს მივიწყებული კუთხე ინდი-
ელებისათვის დაებრუნებინა. და თუ ეს
არ მოხდა, ამაში არც მე და არც ოპენ-
ჰეიმერს არ მივგიძღვის დამსახურება.

მაგრამ მე ოდნავადაც არ გადაამხვე-
ვია ჩემი მრწამსიდან. მე ლექციებს ვკით-
ხულობდი ჩიკაგოს უნივერსიტეტში და
თავისუფალ დროს, სადაც კი შემეძლო,
ვაგრძელებდი ჩემი იდეის აგიტაციას.
სამწუხაროდ, საერთაშორისო მდგომარე-
ობა ადასტურებდა ჩემი მოსაზრების
სისწორეს. იმ დროს, როცა მე დონ-
კიხოტურ ბრძოლას ვეწეოდი, პროფესორ
ოპენჰეიმერს მთავარი საკონსულტაციო
კომიტეტის თავმჯდომარის მაღალი თა-
ნამდებობა ეკავა. ატომური კომისიის
საქმიანობა მთლიანად მასზე იყო დამო-
კიდებული. ბედის დაცინვაა, რომ თერ-
მოატომულის იარაღის დამზადება ეზა-
რა იმ ადამიანს, რომელიც სხვადასხვა
მიზეზების გამო თავიდანვე მისი წარ-
მოების წინააღმდეგი იყო. პროფესორი
ოპენჰეიმერი აშკარად თითქმის არასო-
დეს არ გვეწინააღმდეგებოდა, ყოველ-
თვის შემოვლით გზებს ირჩევდა. ის
დაბეჯითებით გაურბოდა ამ საკითხზე
ყოველგვარ პირდაპირ და აშკარა შეხ-
ლას. დამახასიათებელია, მაგალითად,
მისი რეაქტია ჩემს წინადადებაზე, შე-
მუშავებულიყო თავდაცვითი საშუალებე-
ბის, მათ შორის წყალბადის ბომბის
წარმოების განვითარების დაახლოებით
10 წლიანი, პერსპექტიული გეგმა. თათ-
ბირი, რომელზეც მე ეს წინადადება წა-

იაროსლავ პუტიკი
სინდისი



მოვაცნე ექვსი წლის წინათ, აქედან არც თუ ისე შორს, პენტაგონში, მიმდინარეობდა. ჩვეულებისამებრ პროფესორი ოპენჰეიმერი თვითონ არაფერს არ გვთავაზობდა, ყველაფერზე თანახმა იყო, ყველაფერს ემხრობოდა, მაგრამ შემდეგ იორკში უნდად კარგად დასაბამებული არგუმენტაციის გამოყენებით დაამტკიცა, რომ ატომური კომისია არაა კომპენეტური, შეიქმნას ამგვარი გეგმები. მე მხევივით დამეცა განცხადება, რომ ჩვენ არ შეგვიძლია ათი წლით თერმოატომგულის იარაღის წარმოების დაგეგმვა. ეს, მისი სიტყვებით, ძალზე დიდი პერიოდია და ჩვენ ზუსტად არ შეგვიძლია ვიცოდეთ, რა მოხდება ამ დროის განმავლობაში თერმოატომგულის მეცნიერებაში. მე არ მიყვარს მყვირალა ფრაზების ხმარება, მაგრამ განა ასეთი განცხადება დემაგოგიას არ წარმოადგენს? ოპენჰეიმერს უზრალოდ არ სურდა ბომბები. ჩვენ მაინც შეეძელით მისი წინააღმდეგობის გადალახვა და ამას უნდა ვუმადლოდეთ სამ გამოჩენილ პიროვნებას, რომლებმაც ამისათვის არ დაიმუხრეს არავითარი ძალღონე და გამოიჩინეს პოლიტიკური წინდახედულება. სამწუხაროდ, ჩვენი საზოგადოებრიობა მათ ნაკლებად იცნობს, ვიდრე ეს მათ დაიმსახურეს. ესენი არიან ლოურენსი, კომპტონი და ლუის ალვარესი. უმითოდ არ იქნებოდა პრეზიდენტ ტრუმენის 1950 წლის 31 იანვრის ისტორიული ვადაწყვეტილება. ეს ადამიანები, რომლებთანაც საუკეთესო მეგობრული გრძნობები მაკავშირებს, ხანგრძლივი დროის მანძილზე შემოთრებობი ადევნებდნენ თვალყურს პროფესორ ოპენჰეიმერის მოქმედებას. როდესაც დადასტურდა ცნობები, რომ რუსებმა მინც შესძლეს ატომური ბომბის შექმნა უფრო მოკლე დროის განმავლობაში, ვიდრე ჩვენ გვეგონა, ცხადი ვახდა, რომ ყოველგვარი შემდგომი მერყეობა დანაშაულს წარმოადგენს, რომელიც ამერიკის შეერთებული შტატების უშიშროებას ემუქრება. დიდი მორალური და სამეცნიერო ავტორიტეტის მქონე ეს პატრიოტები შემარიგებლობისა და ჩვენს სამეცნიერო სამ-

ყაროში გამეფებული სენტიმენტალური განწყობილების წინააღმდეგ საბრძოლველად აღსდგნენ. მათ მიმართეს თვით სახლს და ხანგრძლივი ბრძოლის შემდეგ ჩვენ ერთად გავტყუებთ ოპენჰეიმერის წინააღმდეგობა.

მსაჯული თომას მორგანი:
 — თქვენ დარწმუნებული ხართ, ბატონო ტელერ, რომ ოპენჰეიმერმა რაიმე შეთქმულება მოაწყო?
 ედუარდ ტელერი:
 — მე ამას არ ვამტკიცებ.
 როჯერ რობი:
 — ეს თავისთავად ცხადია.
 თომას მორგანი:
 — რამდენი დროა დაკარგული?
 ედუარდ ტელერი:
 — პროფესორ ოპენჰეიმერის გამო ჩვენ დავგავგიანდა რამდენიმე წლით. გავბედავ და ვიტყვი, რომ ეს იყო ერთერთი ყველაზე საშინელი შეცდომა მათ შორის, რომელიც ოდესმე დაშვებულა...
 სამწუხაროდ, ეს მწარე სიმართლე ძლივს იკვლევდა თავის გზას. საკმარისია გაეცხენოთ, როგორ მიიღო დოქტორი ლოურენსი და ლუის ალვარესი ატომური ენერჯის კომისიის მაშინდელმა თავმჯდომარემ ლილიენტალმა. ჩვენი წამყვანი მეცნიერების განცხადებებზე, რომ წყალბადის ბომბის შექმნა წარმოადგენს რეალობას, ლილიენტალმა, რომელიც ამ საკითხებით ყველაზე მეტად უნდა ყოფილიყო დაინტერესებული, მათ ზურგი შეაქცია და პასუხიც კი არ გასცა. დიახ, სწორედ ასე მოიქცა ლილიენტალი. არ არის ვასაკვირი, რომ კიდევ უფრო მეტი დაბნეულობა სუფევდა მეცნიერებს შორის. მე ხშირად ვეკითხებოდი ჰანს ზიოტეს, სურს თუ არა იმუშაოს ჩვენთან წყალბადის ბომბის შექმნაზე, მაგრამ ნათელი პასუხის მიღება მისგან მაინც ვერ შევძელი. როგორც მოგეხსენებათ, დოქტორმა კონანმა, ჰარვარდის უნივერსიტეტიდან, ისიც კი განაცხადა, რომ წყალბადის ბომბის შექმნას ცოცხალი თავით არავის დაანებებს. ამგვარ დაძაბულ მდგომარეობაში ჩვენ უნდა მოგვეზადებინა ნიადაგი ახალი მნიშვნელოვანი ნაბიჯის გადასადგე-

ლად. სრულიად ფორმალურად მე პროფესორ ოპენჰეიმერსაც ვთხოვე, ეთანამშრომლა ჩვენთან. ჩვეულებისამებრ მან არ მომცა არც დადებითი და არც უარყოფითი პასუხი, მაგრამ მისი ნამდვილი პოზიცია ჩემთვის უკვე ნათელი იყო. მან თავი გამოააშკარავა იმით, რომ მთავარი საკონსულტაციო კომიტეტის სხდომაზე, რომელიც 1949 წლის 29 ოქტომბერს მიმდინარეობდა, თავისი და მის რწმუნებაში მყოფი კომიტეტის წინააღმდეგობა ჩამოაყალიბა შემდეგ ცნობილ თეზისებში:

1. ბომბის წარმოება, მორალური მიზეზების გამო, შეუძლებელია;

2. ბომბის წარმოების პროცესი ძალზე სახიფათოა და არ არის ცნობილი, შეიძლება თუ არა მისი წარმოება საერთოდ;

3. სამხედრო თვალსაზრისით ამ იარაღს გააჩნია ძალზე დიდი დამანგრეველი ძალა და მსხვერპლი უაზროდ დიდი იქნება.

4. შეუძლებელია წყალბადის ბომბის მშვიდობიანი მიზნით გამოყენება.

კარგად ჩაუფიქრდით ოპენჰეიმერის არგუმენტაციას. რას აყენებს იგი პირველ ადგილზე? მორალური ხასიათის დაბრკოლებებს... ამგვარად, ვფიქრობ, ჩვენ განსახილველი საქმის ერთ-ერთ საკვანძო საკითხს ვუახლოვდებით. სინდისის ქენჯნა და მორალის პრინციპების კრიტიკიუმის დაცვა მხოლოდ ნამდვილად თავისუფალ ადამიანს შეიძლება ახასიათებდეს. მაგრამ, როგორც მეცნიერს, მე არ შემიძლია თვით ყველაზე წმინდა გრძნობების წინაშეც კი დავიჩოქო. ჯერ კიდევ სკოლაში მასწავლიდნენ, რომ სინდისი ეს არის თავისებური, შინაგანი მოუსყიდველი მსაჯული, რომელიც ყველა ჩვენს მოქმედებას, მდგომარეობისა და დროებითი ინტერესების ზემოქმედების მიუხედავად, განსჯისო. აქედან გამომდინარეობს, რომ სინდისი სრულებითაც არ წარმოადგენს ობიექტურ საზომს, რომ ერთსა და იმავე ფაქტს ორი ადამიანი სრულიად განსხვავებულად შეიძლება აფასებდეს. ერთი იგრძნობს სინდისის ქენჯნას, მეორე კი

პირიქით, სიამაყით საეცე და კმაყოფილი იქნება. ასევე ცნობილია, რომ სინდისი მხოლოდ და მხოლოდ მორალური კატეგორიაა და არა მეცნიერული. მე ყოველგვარი სამეცნიერო კვლევისათვის დამლუბეველად მიმაჩნია, როცა მას წინასწარ განპირობებული მორალური, პოლიტიკური ან ფილოსოფიური საზომით უდგებინან. მეცნიერებას არაფერი აქვს საერთო მათთან, ისევე, როგორც არაფერი აქვს მას საერთო რელიგიასთან. ეს სხვა სფეროს პრობლემებია და მეცნიერება მათდამი ვულგარილია. მეცნიერი, რომელიც სამეცნიერო იდეას მორალის თვალთ შეხედავს, დაიბნევა არა მარტო როგორც მორალისტი, არამედ. უპირველეს ყოვლისა, როგორც მეცნიერი. პროფესორ ოპენჰეიმერის საქმე ამის ნათელი დადასტურებაა.

პროფესორმა ოპენჰეიმერმა და მისმა ჯგუფმა მორალური შეფასების თავისებური მონოპოლია მიითვისეს. გაურკვეველია რატომ, მაგრამ ისინი თავს გრძნობდნენ მსაჯულებად, რომლებიც მოწოდებულნი არიან განსაჯონ სხვათა მოქმედება, ამტყუნებდნენ მეცნიერებს, რომლებმაც წყალბადის ბომბის შექმნას თავისი ნიჭი და ცოდნა შესწირეს. მე მგონია, რომ საკუთარი მოქმედება მათ ამის უფლებას არ აძლევს. დარწმუნებული ვარ, პროფესორმა ოპენჰეიმერმა ყოველთვის კარგად იცოდა, რომ წყალბადის ბომბის შექმნა საეხებით რეალურია. ის რომ თანამიმდევრული და პრინციპული ყოფილიყო, უნდა ეთქვა: დაიხ. წყალბადის ბომბი რეალობაა, მაგრამ პროფესორი ოპენჰეიმერი სხვადასხვა მიზეზების გამო მისი შექმნის წინააღმდეგია. იმ დროს, როდესაც პრეზიდენტმა ტრუმენმა მიიღო თავისი ისტორიული გადაწყვეტილება, მე ლოს-ალამოსში ვიმყოფებოდი. ცხადია, მე მაშინვე აღვიღე ვცაღე შემემოწმებინა თერმოატომბეგულის იარაღის დამზადების შესაძლებლობანი. მე, როგორც ახლად კურს-

იაროსლავ პუტიკი
სინდისი

დამთავრებული, რომელმაც თითქოს ეს-
ესაა ჩააბარა ყველა გამოცდა, სიხარუ-
ლით აღსავსე მივედი ლაბორატორიაში.
მაგრამ მალე გამომაფხიზლეს. ნორის
ბრედებრიმ, რბილად რომ ვთქვა, წამი-
კითხა მორალი და განმიცხადა: „პრეზი-
დენტ ტრუმენის გამოსვლის აზრი საკ-
მაოდ ნათელი არ არის“.

პრეზიდენტის ბრძანება სავსებით ნა-
თელი იყო მთელი ამერიკისათვის, გამო-
ნაკლის მხოლოდ ატომური ლაბორა-
ტორიების ხელმძღვანელი შეადგენდა.
ცოტა ხნის შემდეგ მე მივხვდი, რომ
პროფესორი ოპენჰეიმერი თვით პრეზი-
დენტის გადაწყვეტილების შემდეგაც კი
არ დაჰყრის იარაღს. გამოთქმა „არც-
ერთი ბრძოლა ჯერ არც წაგებულა და
არც მოგებულა“, რომელიც როგორღაც
წაპოსცდა ოპენჰეიმერს, ლამაზ სიტყვებს
არ წარმოადგენდა.

გო რ დ ო ნ გ რ ე ი:

— ეს იგი პროფესორი ოპენჰეიმერი
მაინც იყო რაღაც შეთქმულების ხელ-
მძღვანელი ჩვენს სამცნიერო სამყა-
როში...

ე დ უ ა რ დ ტ ე ლ ე რ ი:

— ეს ერთნაირად მოაზროვნე ხალხის
შეთქმულებას უფრო ჰგავდა.

რო ჯ ე რ რ ო ბ ი:

— ხომ არ ფიქრობთ, რომ ოპენჰეიმე-
რის ამგვარი მოქმედების მიზეზს მისი
პატივმოყვარეობა და დიდების წყურვი-
ლი წარმოადგენდა?

ე დ უ ა რ დ ტ ე ლ ე რ ი:

— მე მეძნელება ამის განსჯა... მაგ-
რამ მაგერა, რომ დიდება მხოლოდ იმისი
ხვედრია, ვინც მისკენ მიილტვის...
(სიცილი).

ჩვენი მუშაობა არანაკლებ დამუხრუ-
ჭა მეცნიერთა იმ ჯგუფმა, რომელიც
მართალია ყოყმანით, მაგრამ მაინც
დათანხმდა ემუშავა წყალბადის ბომბის
შექმნაზე. ისინი რუსებთან მოლაპარაკე-
ბას მოითხოვდნენ. ეს განსაკუთრებით
ფერმის, რაბისა და ბიოტის ჰქონდათ
დაკინებული. კიდევ და კიდევ იშველიებ-
დნენ უცილობელ არგუმენტს აუ რო-
გორ შეგვიძლია ჩვენ, რომლებიც მუდამ
გიცავდით მორალის პრინციპებსა და

ადამიანის ღირსებებს, პირველმა და-
ვიწყით ასეთი ტოტალური მოსპობის
იარაღის წარმოება? ჩვენ კვლავ და
კვლავ მოთმინებით ვუმტკიცებდით, რომ
ეს მეცნიერების კი არა, არამედ პოლი-
ტიკური მოღვაწეებისა და, საბოლოო
ანგარიშში, მთელი ამერიკელი ხალხის
საქმეა... ოპენჰეიმერი ისე შორს წავიდა,
რომ „fractional crit“-ის¹ პრინციპით
დამზადებული ატომური ბომბის გამოც-
დის შედეგები გამოიყენა. მაგრამ ეს ხომ
ჩემი საკუთარი იდეა იყო! იგი ჩაებღაუ-
ჭა მეთოდს, რომელსაც მე უკვე განე-
ლილ ეტაპად ვთვლიდი და თავამოდე-
ბით უწევდა პრობაგანდას მეცნიერებისა
და სამხედრო წრეების წარმომადგენელ-
თა გაერთიანებულ სხდომებზე. ძნელია
უფრო მეტი ტრაგედიის წარმოდგე-
ნა: მე უარყოფ ჩემს საკუთარ აღმოჩე-
ნას, ოპენჰეიმერი კი იცავს მას. მე ვე-
მუქრები შეერთებული შტატების უშიშ-
როებას, ოპენჰეიმერი კი გამოდის, რო-
გორც მფარველი ანგელოზი.

რო ჯ ე რ რ ო ბ ი:

— ამის შესაძლებლობა მას უკვე აღა-
რასოდეს აღარ ექნება.

ე დ უ ა რ დ ტ ე ლ ე რ ი:

— გამოსვლა ძალზე გამიგრძელე-
ბა, თუ იმის თხრობას შეეუდგები, რა
დაუსრულებელი კინკლაობა და ბრძოლა
დაგვიჩრდა მე და ჩემს მეგობრებს, რომ
შეგვესრულებინა პრეზიდენტის ბრძანება
წყალბადის ბომბის შექმნის შესახებ...

თ ო მ ა ს მ ო რ გ ა ნ ი:

— თქვენი მოქმედება განსაცვიფრებ-
ელია. ჩემის აზრით, თქვენ უფრო მეტი
უნდა გეთქვათ თქვენს მუშაობაზე.

¹ მეთოდი შესაძლებლობას იძლევა შემცირ-
დეს ვასალები მასალის კრიტიკული მასის
წონა, THT-სა ან სხვა რომელიმე ჩვეულებ-
რივი ფეთქებადი ნივთიერების გამოყენებით.
ამ მეთოდის საშუალებით შეიძლება დამზადდეს
იმავე ძალის, მაგრამ მეტი რაოდენობისა და
უფრო იაფი ატომური ბომბი. ამგვარი ბომბე-
ბის ექსპერიმენტული აფეთქებანი ჩატარდა
ნევადაში 1951 წელს.

ქედუარდ ტელერი:

— სიამოვნებით...

არაგვის, თვით გენიალურ პიროვნება-საც კი არ ძალუძს დამოუკიდებლად წამოაყენოს ორიგინალური იდეების აუცილებელი რაოდენობა, ასევე არ ძალუძს მიჰყვეს ერთი იდეის ყველა ნიუანსს, ან გამოიყენოს მასში არსებული ყველა შესაძლებლობანი. ამისათვის ჩვენს დროში საკმარისი არ არის მხოლოდ ანალიტიკური და დედუქტიური შესაძლებლობანი, აუცილებელია აგრეთვე მრავალი სპეციალური დისციპლინების საფუძვლიანი ცოდნა. სხვანაირად რომ ვთქვათ, ჩვენი ძირითადი ამოცანის გადასაწყვეტად, წყალბადის ბომბის შექმნის ქმედითი და არც თუ ისე მძიმე ხერხის მოსახაზად, საჭირო იყო მაღალკვალიფიციური მეცნიერმუშაკების მთელი ჯგუფი. ოპენჰეიმერსა და მისი ამხანაგების დიდ ჯგუფს არ სურდათ დაგვხმარებოდნენ თავიანთი ცოდნითა და ენერგიით, ეს საბოლოო ჯამში იმას ნიშნავდა, რომ ჩვენ წინ მივიწვედით უფრო ნელა, ვიდრე ეს შეესაბამებოდა ჩვენს შესაძლებლობას. ოპენჰეიმერს, რაბის და მრავალ სხვას, არ უნდოდათ დაგვხმარებოდნენ. შეიძლება მოგვეჩვენოს, რომ მეცნიერებს აქვთ ამის უფლება. ჯარისკაცს მოეთხოვება, რომ მან ომში გაიღოს ყველაფერი — ენთუზიაზმი, მთელი მორალური პოტენციალი და გამოიყენოს ყველა შესაძლებლობა, რაც მას გააჩნია. იგეგუნდა მოეთხოვოთ ჩვენი მეცნიერებისაგანაც. მით უმეტეს, რომ ამერიკის შეერთებული შტატების დაცვისათვის მათი მუშაობა დღეს გაცილებით უფრო მნიშვნელოვანია, ვიდრე ჩვენი ჯარისკაცების საბრძოლო თვისებები.

როჯერ როზი:

— შეიძლება თუ არა ითქვას, რომ ოპენჰეიმერის წყალობით ჩვენ დავკარგეთ რამდენიმე წელი და რუსებმა თითქმის გაგვასწრეს?

ქედუარდ ტელერი:

— დიახ, მე ასე მიმაჩნია.

როჯერ როზი:

— გმადლობთ. ეს მთავარია

დოქტორი უორდ ივენსი:

— მეცნიერებს უფლება აქვთ შეცდნენ. ეინშტეინს არ სჯეროდა, რომ შესაძლებელია ატომის გახლეჩა, ვის შეუძლია ამისათვის განსაჯოს იგი.

ქედუარდ ტელერი:

— ამკამად შეერთებული შტატები კვლავ მოიცვა აღტაცებამ და ჩვენ, მეცნიერები, ისევ ვხდებით ხალხის რჩეულნი. ჩვენი წარმატებები ცნობილია მსოფლიოსათვის და ამას მთელი გულით უნდა შევხაროდეთ, მაგრამ მე ჩემს თავს მოვალედ ვთვლი გულახდილად მოვასხენოთ იმ საშიშროებაზე, რომელიც დაფარულია ამ ოპტიმიზმსა და ჩვენი მეცნიერების გადაჭარბებულ შეფასებაში. ამერიკელ მეცნიერებს ისევ იხმობენ მიკროფონებთან, ისინი კვლავ გამოდიან პრესაში. მაგრამ ფართო საზოგადოებრიობისათვის უცნობია, რომ ესა თუ ის მეცნიერი უკანასკნელ წუთამდე ჩვენი წინააღმდეგი იყო და რომ ბევრმა მათგანმა ზიანი უფრო მეტი მოგვიტანა, ვიდრე სარგებლობა... ადამიანები ხშირად სცდებიან, როცა ჰგონიათ, რომ მოღვაწეობა ერთ რომელიმე სფეროში განაპირობებს ინტელექტუალური შემოქმედების განსაკუთრებულ ნიჭს სხვა დარგებშიც. ხანდახან ასეთი შეცდომა დიდ ადამიანებსაც კი მოსდით. ჩერჩილი ხატავს, ოპენჰეიმერი წერს ლექსებს... და სამწუხაროდ, მარტო ლექსებს არა. ოპენჰეიმერი უპირველეს ყოვლისა ერევა პოლიტიკაში და, რაც უფრო ცუდია, ერთმანეთში ურევს პოლიტიკასა და ფიზიკას. ბოლოს და ბოლოს, ეს მარტო მისი დანაშაული არ არის. თქვენ ყველამ იცით, რომ მას ეკავა ათობით ძაობზე მნიშვნელოვანი და მაღალი თანამდებობა, ხელმძღვანელობდა ატომურ კომისიას, გაერთიანებული ერების ორგანიზაციაში ლაპარაკობდა აშშ-ის სახელით, ექსპერტად გამოდიოდა კონგრესში. მას იწვევდნენ მთელი მსოფლიოს უნივერსიტეტები. ყოველ კვირას გამოდიოდა რადიოთი და ტელევიზიით. მას ისეთ სა-

იაროსლავ პუტიკი
სინდისი

კითხვებზე სთხოვდნენ დასკვნებს, რომლებშიც არაფერი გაეგებოდა. ჩვენი სახელმწიფოს ყველაზე გამოჩენილი ადამიანები იწვევდნენ მას და ცდილობდნენ გაეგოთ მისი აზრი ვან გოგზე. ლექსებზე, სანსკრიტულ თარგმანებზე. ის უხსნიდა მათ გეიზენბერგის განუზღვრელობის პრინციპს, კომენტარს უკეთებდა ვინისკის გამოსვლებს, ჭკუას არიგებდა აჩესონს, რჩევას აძლევდა ბარუსს, ლაპარაკობდა და სწირდა... და რა არის გასაკვირი, რომ საბოლოოდ თვით მოექცა ამ ცრუ რწმენის გავლენის ქვეშ და თავი საგარეო საქმეთა მინისტრად და თვით შვერთებული შტატების პრეზიდენტადაც კი წარმოიდგინა.

დოქტორი უორდ ივენსი:

— ასევე ვიქცეოდით მე და ბევრი ჩემი კოლეგა.

ედუარდ ტელერი:

— ოპენჰეიმერს თავისი გამოსვლების მნიშვნელოვანი ნაწილი საპროგრამოდ მიაჩნდა. ცნობილია, რომ ბევრ გამოსვლაში იგი შენიღბულად გამოსთქვამდა აზრს, რომ მსოფლიოს მართვა მხოლოდ მეცნიერებს შეუძლიათ. ვინც მას უსმენდა, ეს აზრი სერიოზულად არ მიაჩნდა. მაგრამ მე დარწმუნებული ვარ, რომ ოპენჰეიმერი სრულებითაც არ ხუმრობს. ეს აზრი გაცილებით მეტადაა გავრცელებული მეცნიერებს შორის, ვიდრე შეიძლება ამაზე ვიმსჯელოთ მათი საჯარო გამოსვლებისა და აღიარების მიხედვით. მე თვით ხშირად დაგუფიქრებივარ ამ ძველ აზრს, რომელიც მე მგონი, პირველად სენ-სიმონმა გამოთქვა. დღეს, როდესაც მეცნიერების ხელში გავრთიანებულია უდიდესი ძალები, ეს იდეა უფრო მიმზიდველი და მაცდური ხდება. ძალიან ადვილია ირწმუნო ის აზრი, რომ ძალა, რომელიც შენ გაანთავისუფლდ, კანონით შენ გეკუთვნის. ძალზე მაცდურია მთავრობის არმიასა ან ბუნების სიძლიერესთან საკუთარი პიროვნების გათანაბრების აზრი. მაგრამ მე სიცოცხლს ვერ ვიკავებ, როცა ამ იდეალებს განხორციელებულად წარმოვიდგენ და ჭებდავ ბოდვითი ოცნებებით შეპყრობილ ჩვენს დოქტორებსა და პროფესორებს.

რომლებიც კომუნისტ პოლიტიკოსებთან მოსალაპარაკებლად მაგიდას შემოსხდომიან და ცდილობენ დიფერენციალური აღრიცხვის გამოყენებით დაუმტკიცონ მათ ამერიკული დემოკრატიის უპირატესობანი. ეს სანახაობა ძალზე ექსტრავაგანტური იქნებოდა, მაგრამ საუბედუროდ მეცნიერები თავიანთ ფანტაზიას ისე სერიოზულად ეყიდებიან, რომ ამისათვის მზად არიან საკუთარი სახელმწიფოს ინტერესებიც კი გასწირონ. საქმე იქამდე მივიდა, რომ ზოგიერთმა ისიც კი შემოგვთავაზა, გავუმჯდავნოთ ჩვენი საიდუმლოებანი საბჭოთა კავშირს და ამით დავამყაროთ ძალთა თანაფარდობა, რომელიც, მათი გულუბრყვილო წარმოდგენით, მშვიდობის საწინდარია.

დოქტორი უორდ ივენსი:

— მაგრამ თქვენთვის ხომ კარგადაა ცნობილი, რომ მეცნიერებს ყველგან და ყოველთვის მიდრეკილება ჰქონდათ პაციფიზმისა და იდეალიზმისაკენ.

ედუარდ ტელერი:

— მე ეს ვიცი. მაგრამ როგორ გგონიათ თქვენ, პაციფიზმი განა საშიში არ ხდება? მე ეს გარემოება მით უფრო საგანგაზოდ მიმაჩნია, რომ საზოგადოებრივობა მას ჯეროვნად ვერ აუასებს. სამეცნიერო წრეებში პაციფიზმი რაღაც აუცილებლობად ითვლება. ის თითქოსდა კარგი აღზრდის მაჩვენებელია. ის თითქმის ყველა მეცნიერმულშაკის რწმენის სიმბოლოს წარმოადგენს. შვერთებულ შტატებში ეს ტრადიცია ცოცხლობს ბენიამინ ფრანკლინის დროიდან — მაშინ ის გამართლებული იყო, ამჟამად კი საზიანოა. თუ ზერეულად ვიმსჯელებთ, პაციფისტური შეხედულებანი საგსებით გონიერულია. ხომ უდავოდ პაციფისტები არიან ისეთი კეთილშობილი ადამიანები, როგორიცაა ეინშტეინი და შვეიცერი, როლანი და შოუ. ასევე უდავოა, რომ მეცნიერებისათვის უზოგბესია, არ განიცდიდეს არმიის არავითარ ზეგავლენას, რომ აღარაფერი ვთქვათ ომზე.

მე პატივს ვცემ ადამიანებს, რომლებზედაც ახლა ვლაპარაკობდი, მაგრამ მიუხედავად ამისა, მე მათ არ ვეთანხმები.

დღევანდელ მეცნიერებას მებრძოლი სუ-
ლი უნდა ჰქონდეს.

დოქტორი უორდ ივენსი:

— კარგი, მაგრამ ხომ უნდა არსე-
ბობდეს პაციფიზმის წარმომშობი მიზე-
ზები?

ედუარდ ტელერი:

...მე ვფიქრობ, ადამიანები პაციფი-
ზისაკენ მიილტვიან იმიტომ, რომ არ
ძალუძთ გაიგონ ომი, როგორც კაცობ-
რიობის განვითარების ერთ-ერთი შესა-
ძლო ფორმა. ისინი იქცევიან ბავშვები-
ვით. ფიქრობენ, რომ საშიშროება გაქ-
რება თუ თვალებს დახუჭავენ. ომის
ფსიქოპათიური შიში, უპირველეს ყოვ-
ლისა, მეცნიერებს მთლიანად უბორ-
კავს ხელ-ფეხს. წარსულ ომში მომხდარ
საშინელებათა გამო მათ თავი დამნაშა-
ვედ მიაჩნდათ, ამიტომაც პანიკა ეუფლე-
ბათ, როცა ესმით, რომ შესაძლოა დიწ-
ყოს ახალი ომი. ჩვენ, რასაკვირველია,
დავცინებდით ისეთ გენერალს, რომელიც
გამორიცხავდა იმ არმიის ბრძოლებში
მონაწილეობას, რომელსაც ის წვრთნის.
ინტელიგენტებს ამგვარი აზრები ეპა-
ტიებათ. მაგრამ მე მკონია, რომ უკვე
დავამტკიცე თუ რატომ უნდა სთელი-
დნენ მეცნიერები თავს ჩვენი შეიარა-
ღებული ძალების ავანგარდად და, უპირ-
ველეს ყოვლისა, მებრძოლებად. თუ თა-
ნამიმედვერული ვიქნებით, საჭიროა ვადი-
აროთ: მეცნიერი, რომელიც რაიმე მიზე-
ზების გამო გამორიცხავს ომს, როგორც
მსოფლიო პრობლემების გადაწყვეტის
ერთ-ერთ საშუალებას, ლოგიკურად
უნდა იქცეს ჩვენს მოწინააღმდეგედ, და
აღრე თუ გვიან, ის თავისუფალი სამყა-
როს შექმნის საქმეს ზიანს მოუტანს...

შეიძლება მითხრან, რომ ჩემს მსჯე-
ლობას ცოტა აქვს საერთო იმ შემთხვე-
ვასთან, რომელსაც ჩვენ ვიხილავთ, მაგ-
რამ როდესაც მე საერთო მოვლენებზე
ვლაპარაკობდი, მხედველობაში სწორედ
პროფესორი ოპენჰეიმერი მყავდა. ის
სწორედ ისეთი მეცნიერია, რომელსაც
არ ძალუძს, ან არ უნდა შექმნილი მდგო-
მარეობიდან სათანადო დასკვნები გამოი-
ტანოს. მისი პოზიცია დიამეტრულად
ეწინააღმდეგება იმ მდგომარეობას, რე-

მელიც მას ამჟამად უკავია. სწორედ ამა-
შია ჩვენი დავის დედაარსი. ტყუილად
კი არ უწოდებენ ოპენჰეიმერს ეინშტეინ-
ნის სულიერ მემკვიდრეს. მან მემკვიდ-
რეობით მიიღო არა მარტო მეცნიერუ-
ლი სიშმაგე, არამედ ემოციები ბიბლიუ-
რი წინასწარმეტყველისა, რომელიც
ცოდვების მონანიებას ქადაგებდა. ოპენ-
ჰეიმერი — ეს დანაშაულთა კომპლექ-
სით განადგურებული ადამიანია, რომე-
ლიც მზადაა მონანიებით გამოისყიდოს
ცოდვები. წყალბადის წინააღმდეგ ბრძო-
ლა სწორედ აქტიური მონანიების თავი-
სებურ გამოვლინებას წარმოადგენს.

დოქტორი უორდ ივენსი:

— ამით მას დანაშაული არ ჩაუდენია.

როჯერ რობი:

— თბიქტურად ეს დანაშაულია.

ედუარდ ტელერი:

— მე იმას კი არ ვამტკიცებ, რომ
მან დანაშაული ჩაიდინა, არამედ ვცდი-
ლობ განვიხილო ოპენჰეიმერის აზრები.
მცდარ აზრებს მცდარი მოქმედებანი
მოჰყვება. მე თანახმა ვარ, რომ ჩვენ არ
უნდა გვაინტერესებდეს მსგავსი საქმეე-
ბი, მაგრამ ჩვენ საქმე გვაქვს პარადოქ-
სულ ფაქტთან. ის კაცი, რომელიც მთე-
ლი ძალით იბრძოდა წყალბადის ბომბის
შექმნის წინააღმდეგ, ამავე დროს საკონ-
სულტაციო კომიტეტის თავმჯდომარე
იყო და პრაქტიკულად ხელმძღვანელობ-
და ატომური კომისიის მუშაობას, რე-
მელსაც უნდა შეესრულებინა თერმო-
ატომგულის, იარაღის შექმნის ბრძანება.

დოქტორი უორდ ივენსი:

— ჩემთვის გაუგებარია, რა მოტივე-
ბით ხელმძღვანელობდა იგი.

როჯერ რობი:

— ამას ჩვენ დავინახავთ.

გორდონ გრეი:

— თქვენ კიდევ გაქვთ რაიმე შენიშ-
ვნა პროფესორ ოპენჰეიმერის მოღვაწეო-
ბაზე?

ედუარდ ტელერი:

(ხანგრძლივი დუმილის შემდეგ):

— არა. მე მხოლოდ ვცდილობდი, რაც

იაროსლავ პუტიკი
სინდისი



შეიძლება ობიექტურად შემესრულებინა მიწმის მოვალეობანი და ზიანი არ მიმყენებინა პროფესორ ოპენჰეიმერისა და მისი თანამოაზრე მეცნიერებისათვის, მაგრამ მე ასევე არ შემძლო და არც მსურს სიმართლის დამახინჯება... საბოლოოდ მე მიხდოდა შევჩერებულიყავი კიდევ ერთ საკითხზე. მე დიდხანს ვყოყმანობდი, მომხსენებინა ეს უშიშროების კომიტეტისათვის, თუ უმჯობესი იყო გაეჩერებულიყავი. მაგრამ მე მიმანჩნია, რომ ამით პროფესორ ოპენჰეიმერს უკეთ დავახსიათებ. და ამიტომ ვაღღებული ვარ, ყველაფერი ვაღიარო დაუფარავად. თუ რაში ვცდებოდი მე, თქვენ განსაჯეთ.

ჩემს ჩვენებებში მე არ ვფარავ, რომ ჩემი ურთიერთობა ოპენჰეიმერთან არ იყო მეგობრული. მაგრამ მე მგონია, რომ არცერთხელ არ მითქვამს ისეთი რამ, რაც ეჭვქვეშ დააყენებდა პროფესორ ოპენჰეიმერის ავტორიტეტსა და მეცნიერულ კვალიფიკაციას. მე ეჭვი არ მეპარება, მაგრამ გულახდელად რომ ვთქვა, მე მგონია, რომ ამაში თვით პროფესორ ოპენჰეიმერს ეპარება ეჭვი. მე მჯერა, რომ იგი კმაყოფილი არ არის თავისი სამეცნიერო კარიერით. ოპენჰეიმერის ტალანტი გვიბოლავს. იგი განსაცვიფრებლად მსუბუქი, მოძრავი და ნათელი ინტელექტის მქონე მეცნიერია, მაგრამ უნდა აღინიშნოს, რომ ოპენჰეიმერს არა აქვს არც ერთი აღმოჩენა, რომელიც ისევე მნიშვნელოვანია, როგორც მაგალითად გეიზენბერგის, ბორის ან რეზერფორდის აღმოჩენები. ატომურ ბომბზე მუშაობისათვის, რომელიც ასე თუ ისე მაინც ორგანიზაციული სამუშაო იყო, მან მსხვერპლად გაიღო წმინდა მეცნიერება, რომელიც მისთვის ისევე, როგორც მეცნიერთა უმრავლესობისათვის, წარმოადგენს უმაღლეს მოწოდებას. და რადგან მან ვერ შესძლო ამ გზით მიეღწია უკვდავებისათვის, თავისი ბედი დაუკავშირა ატომურ ბომბს და მასთან ერთად მიდიოდა დიღობ-სა და მარადისობისაკენ. ატომური ბომბი გადაიქცა მის პირად საკუთრებად. ის დაუკავშირდა მას, სთვლიდა თავის მიღწევად და თავგამოდებით იცავდა. თერმოატომული იარაღის იდეა არ იყო მისი. იგი გვეკუთვნოდა მე და ჩემს თანამშრომლებს. ჩვენი წარმატება ოპენჰეიმერის დაღუბის სწრაფ გაუფერულებასა და დაქნობას ნიშნავდა. მე გაგებდავ და ვიტყვი, რომ ეს პირადი შეურაცხყოფის გრძნობა ჩვენს წინააღმდეგ მისი ბრძოლის მიზეზი იყო. ყველა დანარჩენი — პოლიტიკური მრწამსი, მორალური მერყეობა და სინდისის ქენჯნა მეორეხარისხოვანია, რომლითაც ის თავის წინაშე თავისსავე მოქმედებებს ამართლებს.

ეს მხოლოდ ჩემი ვარაუდია, მაგრამ ვისთვისაც ცნობილია ჩვენი უნივერსიტეტების მდგომარეობა, გამოიგებს და დამეთანხმება, რომ პირად დამოკიდებულებას, მეგობრობას, სიყვარულს, სიძულვილს აქვს გაცილებით დიდი მნიშვნელობა, ვიდრე ეს ცნობილია ფართო საზოგადოებრიობისათვის. და ეს შემთხვევაც არ იქნებოდა გამოხატვისი, რომ თავის თავით უკმაყოფილო და ეჭვიან საგვი მეცნიერზე არ ყოფილიყო დამოკიდებული შეერთებული შტატების უშიშროება.

დოქტორ უორდ ივენსი:

— თქვენი ვარაუდი არ იძლევა პასუხს იმ ძირითად კითხვაზე, რომელიც ჩვენ სწავლაზე უფრო გვანტერესებს. შეგვიძლია თუ არა პროფესორი ოპენჰეიმერი ვცნოთ უდანაშაულოდ და მივცეთ მას ატომურ გამოკვლევებში მონაწილეობის უფლება?

როჯერ რობი (გაბრაზებით):

— დოქტორმა ტელერმა დაამტკიცა, რომ ჩვენ არ შეგვიძლია გამოვიტანოთ ასეთი გადაწყვეტილება, თუ არ გვინდა ვუღალატოთ ამერიკის შეერთებული შტატების ინტერესებს.

თომას მორგანი:

— მე დოქტორ ტელერის დასკვნები ძალზე საინტერესოდ და ჭკუის სასწავლებლად მიმაჩნია.

გორდონ გრეი:

— დოქტორი ტელერ, თქვენ სცნობდით პროფესორ ოპენჰეიმერის უდანაშაულობას?

ედუარდ ტელერი: (ყოყმანოზს):

ამ კითხვაზე ვერ ვიტყვით უბრალოდ: ან პო, ან არა. მე მიმაჩნია, რომ პროფესორ ოპენჰეიმერის პირადი თვისებები უზადოა. მე არ მჯერა, რომ იგი შეგნებულად ჩაიდენდა ისეთ რაიმეს, რაც საფრთხეს შეუქმნიდა ჩვენი ქვეყნის უშიშროებას. ამ თვალსაზრისით, პროფესორს შეიძლება ვენდოთ. მაგრამ თუ თქვენ გნებავთ, რომ პროფესორ ოპენჰეიმერზე ვიმსჯელოთ იმ საქმეებით, რომელიც მას გაუკეთებია 1945 წლიდან მოყოლებული, მიუხედავად მისი კეთილი სურვილებისა, ვფიქრობ, საფრთხეს უქმნის ჩვენი ქვეყნის უშიშროებას და ამიტომ უმჯობესი იქნებოდა უარი გვეთქვა მისთვის შემდეგმ ნდობაზე. მაგრამ ეს ჩემი პირადი აზრია და არ მსურს ზეგავლენა მოვახდინო უშიშროების კომიტეტზე.

გორდონ გრეი:

— გმადლობთ. აქვს კიდევ ვინმეს შეკითხვები? არა.

Who's Who¹

(ბიოგრაფიული ცნობები)

თითქმის ყველა, ვინც კი იცნობს დოქტორ ტელერს, ამტკიცებს, რომ იგი არასასამაოვნო შთაბეჭდილებას ტოვებს. ტელერი ვერ ფარავს თავის მოწყენილობას იმასთან, ვინც ტოლად არ მიაჩნია და ყველას ნათლად აგრძნობინებს, რომ მისი სული ნავარდობს ისეთ მაღალ სფეროებში, რომელიც მოკვდავთათვის მიუწვდომელია.

ამ კოჟლ, ჭადარა, ელევანტურ ადამიანს, რომელიც თავისი ნაცნობების მხიარულებას იწვევს იმით, რომ ცდილობს თავი გაასაღოს ფორტეპიანოს ვირტუოზად, უჩვეულო წარსული აქვს.

იგი დაიბადა 1908 წელს ბუდაპეშტში, მიდლარი ცეცილის ოჯახში, რომელსაც მნიშვნელოვანი გავლენა აქონდა ამ ქალაქში. მართალია, ტელერი მოესწრო დუნაის მეტროპოლიის არისტოკრატიული ბრწყინვალების უკანასკნელ ანა-

რეკლს, მაგრამ მას სამუდამოდ შერჩა მისწრაფება ეტრიალა უმაღლეს წრეებში და დარჩა ზიზღნარევი დამთკიდებულება ადამიანებისადმი, რომლებიც არ ეკუთვნოდნენ მაღალ სფეროებს. ბურჟუაზიული განწყობილება სუფევდა ყველგან, თვით მეცნიერებაშიც კი. ტელერი თვით ამბობს, რომ მისი ახალგაზრდობის წლებში, ბუდაპეშტში მოდაში იყო ინტელექტუალური სნობიზმი და სტუდენტი რაც უფრო აბსტრაქტულ საგანს სწავლობდა, მით უფრო მეტი პატივისცემა აქონდა. ტელერმა, ბუნებრივია, ხელი მოჰკიდა აბსტრაქტული მეცნიერების შესწავლას. ბედის დაცნობით, კაცობრიობას დღეს სწორედ ეს აბსტრაქტული მეცნიერებანი აინტერესებს, განსაკუთრებით... ბუდაპეშტში ტელერმა დაამთავრა ტექნოლოგიური ინსტიტუტი, რომელიც ჩვენს ძველ, ჩეხურ რეალურ გიმნაზიას შეესაბამება.

შემდეგ ის სასწავლად გაემგზავრა ვიენის გერმანიაში, რომელიც მეორე ბურჟუაზიული დემოკრატიის მიჯნასთან იმყოფებოდა. თავდაპირველად ის სწავლობდა მიუნხენში, თავისუფალ დროს კი მთლიანად ბაგარიის ალაპებში ტურნიზმს ანდომებდა, სწორედ ტურიზმია მისი დასახინჩრების მიზეზი. როცა ის, გერმანული ჩვეულებებისამებრ დიდი ზურგანით დაშქიმებული, ტრამვის აბტებოდა, ფხვი დაუცურდა და მანქანის ქვეშ მოჰყვა. მას შემდეგ ის კოჟლობს და, როგორც ეს ხშირად პატივმოყვარე ადამიანებს ემართებათ, ფიზიკური ნაკლის შეგრძნება სულიერი ამაღლებისაკენ მისწრაფებაში გადაეზარდა.

შიშლი იგი დროდადრო ჩერდებოდა ქალაქებში — კარლსრუეში, ლაიპციგში, ვიოტინგენში, სადაც ის მოხვდა გამომჩენილი ფიზიკოსების საზოგადოებაში. იმ დროს იგი გაიტაცა ქვანტური მექანიკის პრობლემამ. „მე დამამარცხა ქვანტურმა მექანიკამ, — ამბობს ტელერი — მიუხედავად იმისა, რომ იგი მსოლოდ ორი წლისა იყო, მე კი ოცი წლისა

იაროსლავ პუტიკი
სინდისი

¹ ვინ, ვინ არის (ინგლისური) — ბიოგრაფიული კითხვარების ჩვეულებრივი დასაბეჭდა.



გიყავი, მაგრამ ბრძოლა მაინც უთანასწოროდ მიმარჩნდა“.

ნაციზმის შემოტევის გამო 1933 წელს მან, როგორც ეინშტეინმა და ათობით სხვა ფიზიკოსმა, დატოვა გერმანია და გადასახლდა კოდანში, სადაც თეორიული ფიზიკის ინსტიტუტში მუშაობდა ერთ-ერთ ყველაზე უფრო გამოჩენილ ატომისტ პროფესორ ნილს ბორთან. ამან განაპირობა ტელერის შემდგომი სამეცნიერო კარიერა. კოდანში იგი როკ-ფელერის ფონდის დიდი მხარდაჭერით სარგებლობდა. ამაში მას ეხმარებოდა ცოლი, რრმელიც შეერთებულ შტატებში სწავლობდა და კავშირი ჰქონდა როკ-ფელერის წრეებთან. მას შემდეგ ტელერი იმყოფება მილიარდერ როკფელერის მფარველობის ქვეშ. ამ დახმარებამ მას საშუალება მისცა სწავლა გაეგრძელებინა ინგლისში, მსოფლიოში სახელგანთქმული ბოქიმიკოსის, დოქტორ დონანის ინსტიტუტში. ამგვარი ინსტიტუტები

მიუღწეველი იყო ახალგაზრდა და უცნობი ემიგრანტებისათვის.

ამ კავშირის წყალობით იგი მალე მოხვდა შეერთებულ შტატებში და უკვე 1935 წელს შესთავაზეს ორი მნიშვნელოვანი ადგილი: სტეპენდია პრინსტონში და პროფესურა გეორგ ვაშინგტონის სახელობის უნივერსიტეტში. ტელერმა პროფესურა ირჩია. მაშინ იგი ჯერ კიდევ 27 წლისაც არ იყო და ამგვარი კარიერა მისთვის მეტად საპატიო იყო. ოთხი წლის მანძილზე მან გეორგ გამოვთან ერთად გამოაქვეყნა მთელი რიგი მეცნიერული ნაშრომები, რომელთა წყალობით მისი სახელი ცნობილი გახდა სპეციალისტებისათვის. ტელერი სიამოვნებით იგონებს ერთ ეპიზოდს დისკუსიიდან — შესაძლებელი იქნება თუ არა ოდესმე გამოყენებულ იქნას ატომბულის ენერჯია. ყველა დიდი ფიზიკოსები შეთანხმდნენ, რომ ეს შეუძლებელია. ტელერმა კი განაცხადა, „ეს თითქმის შეუძლებელია“.

გაგრძელება იქნება




ტექნიკური რედაქტორი გიორგი ქავთარაძე

რედაქციის მისამართი: თბილისი, მახარაძის ქ. № 14, ტელ № 3-07-02


ხელმოწერილია დასაბეჭდად 7/111-63 წ. ფიზიკურ ფორმათა რაოდენობა 10. პირობით ფორმათა რაოდენობა 13,7. შვეკ. № 69. უე 01498. ქაღალდის ზომა 70×108. ტირაჟი 6.800.

ხაჭართველოს სსრ კულტურის სამინისტროს მთავარბოლოგრაფგამომცემლობის ბეჭდვით
ხიტევის კომბინატი, თბილისი, მარჯანიშვილის ქ. 5.

Комбинат печати Главполиграфиздата, Министерства культуры Грузинской ССР.
Тбилиси, ул. Марджанишвили, 5.



საინფორმაცო, აბ არის უნდით?



ბიზნესი, ეს ჩემი კაზინოა.

ნახ, ვაჟო, მიწვლახის.



1968

უბრალოდ გიჟობა და უნდობლობა

ნ ა კ რ ე ზ ე ნ ი ლ ი ა
ს ა ა ე მ ი ო ჯ ი რ მ ზ ა

სახელგანთქმული რუსი მწერლის ალექსანდრე გრიბოედოვის ნოინენტიკის ავტორი მერაბ შერაზიშვილი ახალგაზრდა ქართველი მოქანდაკეა. იგი ჯერ კიდევ სახატატო აკადემიაში სწავლის დროს დაინტერესდა დიდი რუსი კომედიოგრაფის პაროდებით და ამიტომაც იყო, რომ მან სადიპლომი ნაწარმოებელ სწორედ ეს თემა აირჩია. ამ თემაზე მუშაობა მას არც აკადემიის დამთავრების შემდეგ შეუწყვეტია და ის ნოინენტიკა, რომელიც ახლა მტკვრის მარცხენა ნაპირზეა აღმართული, მისი ხანგრძლივი მუშაობის, ფურცლის და შემოქმედებითი ძიების ნაყოფია.

ნოინენტიკა შესრულებულია აკადემიური, კლასიკური ნაწარმით და ტრადიციული ქანდაკების ტრადიციების გარკვეული გამოსახატულია. ალექსანდრე გრიბოედოვის ძეგლი ხმამოღობა ხელნაწი ნოინენტიკისა და მუშაობით არ არის, რომ ეს ნოინენტიკა საბოლოო კეთილშინაობის სახატატო აკადემიის მიერაა წარდგენილი ლენინგრადში. ჯერნალ «ისკრის» რედაქცია მიესალმება ახალგაზრდა ქართველი მოქანდაკის ამ თემატიკის წარმადობას და უსურვებს ახალ შემოქმედებით მიღწევებს.

გარეკანის მარჯვენა ნაწილზე ალექსანდრე გრიბოედოვის ძეგლი თბილისში

გარეკანის მარჯვენა ნაწილზე ალექსანდრე გრიბოედოვის ძეგლი თბილისში

ფოტო ი. მიწანდორგოვისა



ნაიქითხეთ
უხედავ
ნომერები

გიორგი ქავთარაძის

„უარსკაცის ჩანაწერები“

ივანე თარაზს

ახალი კომპა „კაბლენ თიხა“

ნოდარ ჩხიძის

წერილი: ანუ კვიშვილის მოთხრობების კრებულზე „მზიანელი“

ЕЖЕМЕСЯЧНЫЙ ХУДОЖЕСТВЕННО-ЛИТЕРАТУРНЫЙ ЖУРНАЛ

„ДИСКАРИ“

ИЗДАТЕЛЬСТВО

„СВЪЧОТЪ МЦЕРЛИ“

ИНДЕКС 76236